

**SE STATU ET  
RELIGIONE  
PROPRIA  
PAPATUS.  
ADVERSUS...**

---

Theodore Simon










XXVIII. 1. 13.

K. 2.

17



DE  
S T A T V

ET  
RELIGIONE  
PROPRIA PAPATVS.

*Adversus*  
CORNELIUM JANSENIUM  
EPISCOPVM IPRENSEM.

*Auctore*  
THEODORO SIMONIS  
HOLSATO.



LVGDVNI BATAVORVM,  
Apud FRANCISCVM HEGERV.M.

MDCCCXXXVIII.

J V D I C I V M

*Clarissimi Viri*

D<sup>N</sup>. ANDREÆ RIVETI,

*excerptum ex Epistola ad Autorem.*

**L**ibrum tuum percutri, quantum per alia  
negocia licuit. Placet mihi partitio &  
methodus. Video etiam te jugulum causssæ  
petere: nec dubito quin ejus lectione mo-  
veantur, qui in hoc luto adhuc hærent, &  
confirmentur qui Christo nomen dederunt.  
Tu perge de Schola & Ecclesia benè mereri.



Reverendissimo, Amplissimoque

P R Æ S V L I,

D<sup>n</sup>. CORNELIO IANSENIO

Episcopo IPRENSI.



IOVANI promissisti  
mihi, Præsul amplissime,  
si quid dubij in religione  
mihi incidere, te id scri-  
pto expediturum. Hoc pro-  
misso cur non steteris, incer-  
tum habeo. Forsan ea, quæ tibi oppono, sunt  
adeo ὁδίαλυτα, ut Φαυλισμὸν, responsio-  
nem vero nullam mereantur. Ita quidem  
tibi videri ais; sed mihi, cui certa promif-  
sione obstrictus satisfacere teneris, non vide-  
tur. Alij, ais, hæc refutaverunt. Regero,  
tibi videri, mihi secus. Res ipsa iudicio sit,  
uter rectè sentiat. Tu pollicitus es Te refu-  
taturum. Externum iudicem in Ecclesia  
quaris: huius externam & disertam vocem  
dogma aliquod publicè approbantis desideras,

Contra Luci  
felianos.

ab eaque totus dependes. Habes iudicium  
 Papæ Liberij publicis literis comprehensum,  
 quo Arrianam heresin libent, a quo, sim-  
 plici, animo confirmat: pro vera & sancta  
 fidem declarat: Sirmiensem Synodum sua  
 autoritate stabilit: secus sentientes ex com-  
 muntione Catholica ejicit. Habes consensum  
 totius orbis in eodem errore amplectendo. Ita  
 enim Hieronymus: Illo tempore (Arriani-  
 smo orbem occupante) nihil tam pium,  
 nihil tam conveniens servo Dei vide-  
 batur, quam unitatem sequi, & à to-  
 tius mundi unitate non scindi. Quod  
 cuiquam accidit, cuius potest. Neque enim  
 Plus 4. plus privilegit à Christo impetravit  
 quam Liberius. At satis patet, Liberium  
 tantum facti errore peccasse; nihil hac auto-  
 ritati infallibilis iudicij derogare. De inter-  
 na animi affectione & iudicio privato Pon-  
 tificis, quod clausum in corde habet, in nos es  
 sollicitus, nec adeo Romana Ecclesia, quæ  
 καὶ ἀποστολικὴν opinor sibi non adsciscet. Cur  
 igitur me ad animum Liberij pervidendum  
 absurde ablegas. Loquere, ait non nemo,  
 ut te videam. Num tu decreta Conc. Trid. re-  
 ripis eo quod Pontifices interno assensu ea pro-  
 barent; Vel ideo quæ publica & omnium  
 mani-

manibus trita Bulla ea confirmant? De animo Pontificum ipsi non laboratis. Constat plerosque vita & moribus ita se gessisse, ut religionem obtinui potius quam cordi habuisse videantur. Plerique præpostera prudentiæ adfectione in causa fidei prævaricantes, quæ sua sunt, non quæ Christi, quæsi verunt. Quæ causæ Tiberium à recta via transversum egerunt, eadem in iis locum habent qui Conc. Trid. decreta cuderunt. Thuanum opinor legisti, & alios qui eorum vitas descripserunt. Quid Orator Regis Gallie ad Patres Conc. Trid. dicat, haut ignoras. Oratio ejus apud Thuanum extat. Dederunt naviter operam, ut, qui scelerum finis debebat esse, gradus esset. Tot innocentium sanguine capita impiaverunt, quasi religio vera imperaretur, & cogeretur. Religionem habuerunt Crudelitatis administram, non caritatis & mansuetudinis magistram. Deum in pane esse voluerunt nobis persuadere quem plerique in Cælo esse minime crediderunt. Eò denique devenerunt, ut veneno & calibus, in reges grassari pulchrum beatumque prædicarent. O tempora! Si Liberius ex animi sententia locutus est, quid amplius desideras? si externa simulatione veritatem oppressit

pressit & heresin confirmavit, liquido appa-  
 ret, hanc artem cadere in Papas, ideoque ca-  
 vendos esse. Successores progressu temporis hac  
 omnia emendarunt. Quasi vero Privilegium  
 non-errandi non disputent SINGVLIS  
 Petri successoribus convenire. Id quod Libe-  
 rius fecit, reliqui possunt facere. At pu-  
 blica externaque voce è Cathedra profecta,  
 quam tu solam attendis, heresin probavit.  
 E. id à reliquis non alienum esse putandum  
 erit. Vnde constat Principium tue religionis quæ  
 in hac externa declaratione unicè, acquiescit,  
 vacillare. Quid remedii? Sequere Deum, non  
 hominem. Concedis Papam privatim errare  
 posse, (licet publicè eum errare neges,) i. e. aliud  
 SEDENTEM, aliud stantem loqui. Hinc  
 sequitur Concordiam istam interni & externi  
 assensus & approbationis minime esse necessa-  
 riam ut Ecclesia dogma aliquod teneatur re-  
 cipere, sed NV DAM ex autoritate Ponti-  
 ficia profectam declarationem, quæ voce vel  
 scripto Ecclesiæ innotescat. Hanc habemus.  
 Fecit omnia Liberius coactus metu, spe.  
 Non quero cur Heresin probavit, sed an  
 probavit. Deinde ipse in Epistolis hoc  
 negat quod tu ais. Viri jam major fides  
 habenda? Tibi post decursum tot seculo-  
 rum



(7.)

rum de animo alterius judicant; an Pontifici de seipso testanti, & testem Deum invocanti? Miserrimi Papiste ne Papæ quidem jurato creditis, & nos è verum natura eliminandos decernitis, quod vocem & nutum ejus, vicem oraculi non accipiamus! Vis Episcopo Venerabilis consilium tibi à me suggeri veritatis amplectenda? Credito Papæ Christi Vicario, Vice-Deo, numini in terris maximo, divinæ majestati, & quidem juranti. Nisi huic monito obtemperes, non tam spei meæ quam existimationi tuæ intercedes. Sed nimis metuo, ne, ut Græcorum lingua Majestatis; ita fides hodiernorum episcoporum Reformata religionis nomen fatali ignorantia excludat. Sed forsán dignitas, quæ tibi nuper accessit, te impedit, quo minus hominitenuis conditionis ὅς ἔπ' οἱ ὁμοίος ἐμ-  
πογε πικρῆς, respondeas. Opinor te Hieronymum legisse, docentem: Episcopatum opus esse, non dignitatem; laborem, non delicias: opus per quod humilitate decrescas, non fastigio intumescas. Sed video plerosque vestri status ita loqui ut Superbiæ; ita vivere ut Humilitati bellum indixisse videantur. Polycletus librum edidit

Com. in 1.  
1. Tim.

A 4

Cano-

*Canona inscriptum, quo subtilissime  
persecutus est omnia, quæ in statua homi-  
nis fingenda observari conveniat. Eodem  
item tempore statuam à se factam pu-  
blicè proposuit, in qua ea omnia expresse-  
rat, quæ artis perfectæ ratio exigebat,  
ne quid præcipere videretur, quod non  
ipse præstaret. Opere ipso ostendes num  
Tu eandem rationem teneas; vel factis  
dogmata tua evertas. Veteres Romano-  
rum Episcopos, eorumque mores, quam  
sedulo plerique præsulum imitentur, Ar-  
nulphus Episcopus Aurelianensis, qui sub  
Hugone Rege Gallie vixit, in concilio Rhe-  
mensi declaravit. Lugenda Roma, quæ  
nostris majoribus clara patrum lumi-  
na protulisti, nostris temporibus mon-  
strosas tenebras, futuris seculis famo-  
sas effudisti. Quid hunc Reverendi  
patres in sublimi solio residentem, ve-  
ste purpurea & aurea radiantem, quid  
hunc esse censetis? nimirum si caritate  
destituitur, solaque scientia inflatur &  
extollitur, Antichristus est in solio  
Dei residens. Tu Episcopus factus po-  
tes procedere contra quemcunque ob  
peccatum mortale, nisi sit I V R E per-  
missum,*

Non possum  
censere!

Sa  
in Aphorif-  
mis voce E-  
piscopus.

(9.)

missum, ut meretricium. *Venerandi Præsules peccata mortalia jure permittitis?*

*Num etiam vobis ipsis?* Postulasti, haud

dubie per sedem Apostolicam edoce-

Extrav. de  
bigamis cap.  
quia circa

ri, si presbyteri plures concubinas habentes bigami censeantur? Ad quod ea duxit respondendum, quod cum irregularitatem non incurrerint bigamiæ, cum his tanquam simplici fornicatione notatis, quod ad executionem sacerdotalis officij poteris dispensare.

*Atque ita impunè sicco venit altera naso. De te meliora Præsul amplissime spero. Fromundum* ὅς σὺν ὅθι' αἰζυλα εἰπὼν, *à me jubeas* ὑγιαίνειν, & quam diutissimè morari Lovanij, eique dicere meo nomine, præstare damnari à Medico, quam à Prætore, ἔδὲ Φροκτίδα εἶναι ἰπποκληθῆ. *Vale.*

A 5

Admo.



*Admodum Reverendis, Amplissimis, Clarissimis Doctissimisque Viris,*

D. ANDREÆ RIVETO,  
D. GISBERTO VOETIO,  
D. ANDREÆ COLVIO,  
D. MARTINO LYDIO,

Theologis eximiis & verbi divini ministris fidelissimis, salutem per Christum.

*Admodum Reverendi, Amplissimi, Clarissimi, Doctissimi Viri, Domini perpetuo observandi :*



Q V M nihil fide divina credendum sit hac sola ratione, quod alij idem credant; ita ut credendi nullam causam habeamus præterquam exempla aliorum: duæ virtutes in tanta religionis dissensione maximè necessariae sunt, *Sapientia & Constantia*. Illa veritatem fidei explorat & dijudicat; hæc

hæc sine hæsitacione retinet & defendit : illa Spiritus sancti publice in scriptura loquentis iudicium exquirat, neque unquam privatam sententiam è proprio iudicio haustam & conceptam interponit : hæc cum ex difficili & viribus humani ingenij inexplicabili labyrintho emerferit, tranquilla veritatis coelestis cognitione fruitur. Vnde è contrario constat, *Temeritatem*, *Levitatem* & *Pertinaciam* pestes religionis maximas esse. Temeritas enim cæco affectuum vel consuetudinis ductu quidvis sine iudicio arripit. Levitas falsis rationum præstigijs à veritate facile depellitur, & errores stulta credulitate amplectitur. Pertinacia superstitione confirmata falsissimas & ineptissimas opiniones mordicus defendit, adeò ut in manifesta rationis luce oculos ultrò claudat, vel affectu cæco, non recto iudicio veris sese sententiis addicat. Hinc Apostoli monitu jubemur πάντα δοκιμάζην καὶ τὸ καλὸν κατέχην. Prius est *sapientia*; alterum *constantia*. Hoc autem generatim iudicio Vera religio à superstitione discerni-

cernitur, quod illa solius Dei in S. Scriptura loquentis autoritate; hæc hominum commentis vel consuetudine nititur. Hinc orta est Papiſtica *Φαντασία* *πίστεως ἀναποδείκτα*, quæ hanc nobis litem peperit: *Hominum ne potius inventa, an mandata Dei spectanda sint?* Ne autem sine ratione insanire videantur, consuetudines suas commentitia potestate Papæ Romani, deinde Apostolicæ & Catholicæ fidei continua successione commendant. Itaque divina gratia adjutus constitui potestatem istam Occumenicæ jurisdictionis in universam Ecclesiam, juxtaque infallibilis judicii summam autoritatem convellere: deinde firmis documentis Romanæ Ecclesiæ, cum propriam Papatus religionem profitetur, à fide & moribus veterum Christianorum Apostasiam demonstrare.

Rerum parenti gratias pro Veritatis cognitione lætus ago, cujus nomen sacrosanctum in secula benedictum sit!

*Ades*

(13.)

*Ades ô Deus, nec ullo  
Sine me labare gressu,  
Placidusque tolle lapsum.  
Absque tuo est auspicio  
Cassa hominis potestas.*

Cum autem hoc scripti genus variis contradictionibus obnoxium hisce seculis exulceratis sit: Vos Viros amplissimos, reverendos, doctissimosque patronos delegi, sub quorum auctoritate & præsidio delitecam. Exquisite vestrae eruditioni adjuncta morum integritas, vitae sanctimonia, prudentia & comitate temperata gravitas jamdudum effecerunt, ut bonis omnibus, laudatissimisque per Europam Viris admirationi sitis. Privatum ut plurima beneficia ab humanitate vestra in me profecta, perpetuo me vobis devinciunt: ita hujus opusculi inscriptione grati in Vos animi mei voluntatem testatam cupio. Nec me tenuitas munusculi ab hoc officio absterret. Certum enim habeo, Maximos homines vel minimam veræ benivolentiæ observantiæque significationem haut aspernari. Itaque oro,

( 14. )

oro, ut meæ voluntatis studium benignè suscipiatis, & favore vestro perpetuò complectamini. Deus Vos Patriæ & Ecclesiæ incolumes quam diutissimè servet ! Heusden Cal. Iulij, An. 1637.

*Vestri nominis*

observantissimus

TH. SIMON.

Episto-





# Epistola Apologetica

*Ad*

**LIBERTVM FROMVNDVM,**

Regium Professore & Doctorem  
Theologiæ in Academia Lo-  
vanienti,

**SCRIPTA A**

**THEODORO SIMONIS, HOLSATO.**



*Non adeo incogitato animo sum, Fromunde, ut homo rominus nullius peregrinaeq; conditionis, haud magno cultu paratuque rerum, præterea ab eruditione satis tenuiter instructus, qui à meis quotidie domesticis hostibus laceror & demitigor; Tibi Viro pollenti opum ac animi duras dem, & acri in te arietatione insurgam. Liceat tibi impunè alios immerito suo, ridiculo figere, & Mæsonichis disteriis abundare, cum religio tibi tua defendenda est. Verè desperata Causa Papatus publica mortalium Cachinnatione dignandi, & propediem in illud Anaxagoræ chaos redituri unde emerfit, hanc defensionis rationem jure suo postulat. Hinc mi Fromunde superseffis argumentis Dn. Voetij, quæ ab alijs scilicet refutata vim persuadendi amiserunt, omne tuum studium occupas in Doctoribus reformatæ Ecclesiæ pipulo differendis,*

rendis, ut blaterones locutulii consueverunt. Hi leporibus & blandicijs, quibus Hæreticorum flagitia ἐκ τῶν μυθιστοριῶν αὐθρογοργεύεις, in aures Catholicorum tuorum influis: hac probabilitate mendacia superstitionis Romanæ temperas. Virum clarissimum Dn. Voetium & à Vitæ insigni pietate integerrimum, & à Doctrina prudentiaque omnibus bonis commendatum pro matula hominis habes, & tanquam hæretico despicatissimo injuriose illudis: Calvinum consputas: Bezae adolescentis & adhuc Papistæ flagitiosa carmina (quis negat?) in fabulas & sermones mittis: Lutherum, Zwinglium ut omni scelere dedecorosos traducis, quasi sol nullos unquam spurcioris & deformationis vitæ illuxisset. Contra Iansenius tuus velut jam debellato triumphans, indeque haud parum auctior fortunæ & honoribus non nisi meras sapientias ebullit! Ut Cæcitatem Hæreticorum tecum deplorat! ut verba sua in auraria statera pendit! ut tu Fromunde stupes admiratione defixus & ex ore dicentis pendes! ut cœlites vobis invident! Denique ut mulus malum scabit! Perge quando ita animo obstinasti in Pistorij, Cochlei, Surij, Bolseci mores te formare, iisque palmam maledicendo præripere. Voetius haud dubie ad pudendum imò ad pigendum tam solida disputationis tuæ ratione inducetur. Sine joco & figura loquor. Scripsisti Crisim ἀκριτὶ μονόγαμμον ἢ ὑπόλιπον, ἀναβολὰς, ut Aristophanes appellat. id est πρὸ χορδα ἄσµατα nenia Papisticæ in antecessum præmittentem, τὴν ἀλήθειαν ψηφοπακίῃσαν, & denique nigerrimæ succo loliginis madentem; per silvam autem argumentorum tibi objectam in desultorium modum decurris, ut levīs tipulla lympharum frigidus lacus transit. Hoc egregio opere ex fabulosis tot autoribus concinnato ostendis te esse insignem Bombalionem

nem, & nugarum institutorem, adeoque ex eadem cum Augustino tuo Batavo figlina & ludo ad nequitiam & ineptias Curiae Papalis edoctum. Episcopatopetam, vultu non gladiis pugnantem Athletam theologum Placentinum non Veronensem, denique vulpionibus Iberis supparasitanti ministrum. Sperasti semo simul pestifer & ignorabilis. si liber lucem aspexerit in quo tot scommata ab æruscatore aliquo congesta maximo coacervasti, & quo Ecclesiam reformatam ὁποῦντις ἐὶν λαῶνδω παῖσις, neminem fore qui tam insignem & sapientem Crispin non quidem ἐνενοῦ-  
 ρισμῶν, (nervis enim nullis adstricta est) sed plumis Bolsecianis & Surianis nudatam, tibi remitteret, ut ita Ciris illa semiformis & involucris omnibus conspecta risum moveat. Sed hæc hæcenus. Quod ad me privatim attinet, iuravi tertiavique adeo ne quicquam me eorum quæ dicta fuget, lectionem fabularis Satyræ. qua me ad populum tuum Catholicum (si Deo placet) luculentè calefacis. Hanc perlectam attente despectione non mentione & refutatione dignam surda aure transmisissem, cum nihil omnino ἀξιαφύ-  
 γηον contineat, nisi tot ei mendacia admiscuisses: ut mihi quidem persuaseris, te virum ab ingenio improbum esse, nisi forsân intentus huic historiæ scribendæ vino te Theologico paulo dapsilius placando Genio invitasti, vel Bacchanal exercendo lepide, tibi voluisti esse. Vocas me Labeonem. Labeone insanius ipse ob summam maledicentiam Theologo indignam existimandus. Sed præsentior commodiorque hoc manupretio mihi delinito furias objicis orbæ tigridis oculos arden-  
 tes, naris scintillantes, spumantem rictum, non sanum sinciput &c. Certe Domine tot hyperbolicis vocabulis iracundiam meam exprimis, ut videaris apud paucos prudentes fidens inventurus. Me quidem in ruborem dedisti adeo ut ὁπῆς καλῶς ἐρυθρῶτερος

hic obambulem. Sed narratio tua sibi ipsi fidem abrogat. Roga Iansenium tuum an ullus præterquam unicus Professor Academiæ, quem D. ab Angelis fuisse suspicor, disputationi nostræ interfuerit. Qui sunt igitur hi OMNES in quos præter Iansenium convitia expui? liquido constat, te ignarum rei gestæ ἀνεὴν ἐξ ἀνεῆς afferre, piaque fraude hæreticum studere tanquam furiosum per ora hominum traducere. Ex hac ficta iracundia ais tot convitia profecta esse. Mi homo quam tibi dulce est mentiri! Egone Papistas Papista idololatrias appellavi? Nonne in eodem luto adhuc hærebam, & quidem adeo ut veritati oculis se ingerenti reluctarer? Et certè ut Dominum Episcopum habitum vidi, non tulissim hoc impunè. Sed quam causam huius furiosæ iracundiæ affers? Molliter ais quendam gestus meos in calore disputationis adrisisse. Mi suavissime Doctor, adæone me invenustum esse, & ἀνίθανον ἐν γελώω iudicas, ut ob mediij oris risum, quo tristitiam solemus discutere, in tantam rabiem efferberim? Sed cui probabile videbitur, me peregrinum hominem, discendi cupidum, emensoque difficili itinere ad vos profectum, ut suspensas credendi rationes in medium vocarem, & inter doctos candidè discuterem, repentè simul ac à Iansenio non tam vitæ quàm edoctus essem absiluisse? Hoc erat quod anxie & calidè in votis & optatis habebam, ut nempe ad ἐξερευθίαν redactus Hæreticis Germaniæ, qui me ob religionem Romanam oderant, os deinde obsiruerem. Sed & hoc falsum est me Lovanium ex septentrione unius argumenti causa venisse. Provoco ad Episcopum, cum quo satis longa disputatione quæstionem de adoratione Sacramenti, item plurima dicta Scripturæ à Liberii lapsu alienissima tractavi. Idque adeo verum ut Dn. Iansenius mihi concesserit, me non obligari ad adorationem

Cru-

Crustuli ( sic Roma loquitur ) quippe cuius conversio fide non teneatur. De lapsu Liberij proposueram agere , non de solo lapsu Nec non omnia uno die expedire poteram , quæ me sollicitum habebant. Sed quia meos gestus irridiculo fuisse cuidam aî , Lovanienses Magistros , cernuos , obstipos decussatim stantes , vasto hiatus ricium dissidentes , discalceatos , cucullatos , picturatos , gemmatos , rasos , undos , palliatos , Missificos & signi-crucifactores in memoriam mihi redigis ; item Scholasticos ineptissimos de umbra asini obverso utrinque sibi tergo altercantes , & subinde è subselliis sumiorum instar exilientes , sibi que ipsis me ringente plaudentes ob oculos ponis , quorum gestus ita me affecterunt , ut risus tota mihi vita deesse nequeat. Inter hos disputatores crediderim te facile quidvis & probare & refutare posse , ut minus mirer hoc argumentum adeo tritum esse. Id sane vix capio. quod aî omnium manibus id detritissimum esse. Num manibus Lovanij argumenta teritis ? Sed terite , ut libet , non comminueris , sat scio. Sed huc aures & mentem dato , si placet de negotio , quod male narrasti , rectius cognoscere. Hora circiter sesquioctava mane Iansenium primum adij. Sed quia ad Missam celebrandam accinctus erat , negabat sibi vacare , nisi hora 4. præstituta reverterer. Ad constitutum redij , pavementumque paulisper obij. dum Iansenius è musco descenderet. Venit uno homine comitatus , nisi tu is fueris Fromunde , aperte , mentiris , dicens , te comediam hanc Simonianam oculis spectasse ; si fueris , iidem manifesto te mendacij prehendo quod asseris me convicia in Iansenium & quotquot aderant expuisse ; omnesque meum miseratos fuisse sinciput. Vides historiam tuam deridiculæ vanitatis sibi non constare. Vnicum enim virum Iansenium in ea disputatione qua asperum lapidem de lapsu Liberij in Iansenium projecit , de qua tu loqueris , sibi adjur-

xerat. Aliàs sapius soli fuimus collocuti, ut fate-  
 ris. Bellarminum tamen, ne pro testimonio mentiar,  
 comitem Iansenius adducebat; sed bellare minus va-  
 lentem & enervatum in Frisia sub axillis gestabat,  
 incedere enim pedes non amplius poterat. Cum mensæ  
 affedissemus, ego schedas meas expedire quibus capita  
 disputationis adnotaveram. Iansenius præoccupans  
 omnia, dicere, quæ objici possent, ab autore isto disso-  
 luta esse. Ego regerere me Bellarminum Coloniae le-  
 gisse, neque ejus mihi responsiones satisfacere. Ad  
 hoc Iansenius: se non esse doctiorem Bellarmino. Ego  
 porro obtendere, alios etiam animo infixos esse scrupulos  
 quibus optarem liberari, de Idololatria quam  
 Hæretici (ita loquebar) sacramento adorando com-  
 mitteri vociferarentur; neque tam exigui momenti dif-  
 ficultatem videri, cum Idololatria à facie Domini  
 pereundum sit. Tum Iansenius quasi altissimum ge-  
 mitum erumpens, dicere, se prope videre cum quo Ca-  
 tholico sibi res sit: se suspicari me in Hollandiam  
 reversum de victoria gloriaturum: se nolle sermone in-  
 coram sed scripto postilla mecum agere. Quæ conditio-  
 ne licet agrè accepta, bis credo ultro citroque scri-  
 pta misimus, quoad noctis accessu milites ostium hos-  
 pitij mei fere emolirentur, custodiaque arctissima, ve-  
 stibus, spe, consilio exutum cingerent. Ita Iansenius la-  
 queis se argumentorum expediebat; meque in induiebat  
 & constringebat. Paucula etiam de Carcere. Secreta-  
 rius Ducis Areschotani fasciculorum mentionem fa-  
 ciebat. Silvam ajebat Domino suo suppetere, in qua  
 lignorum & virgultorum affatim ad Hæreticum com-  
 burendum reperiretur. Erant qui gladios stringerent,  
 eosque mihi intentarent. Alij mitram quandam Hi-  
 spanicam, quam vivicomburio delendus Sancta in-  
 quisitio imponit, apparabant. Patres ita dicti καὶ  
 ἔξοχῶν dolentius quam verius fortunas meas miserati  
 à congressu meo abstinebant, ne plus mihi invidiæ  
 concii-

conciliarent. Erant etiam qui bona me fide ad patientiam, & Catholicam fidem adhortarentur. Habes Fromunde mendacijs depurgatam historiam. Sed quid porro accidit? Num relaxatus errores abjuravi, factique ac hæreseos penituntine captus veniam delicti oravi? Non te pudet Fromunde? Suffraganeus Episcopi Mechliniensis ut de religione mea inquireret missus, quam à me epistolam accepit? Nonne constanter professus sum me & Catholicum esse & mansurum? idque cum nulla necessitas simulationem mihi imponeret? Eram enim liber & neutrarum partium. Nec Inquisitio Hispanica in Belgio locum habet. Quos igitur errores abjuravi? quas hæreses abjeci? Nisi forsitan confessionem meam secretam aure admota interceperis quæ Iesuitæ peccata mea revelabam, idque more in Romana Ecclesia recepto. Nam Papiſta eram, ut in literis ad Iansenium fateor, licet suspenso animo veritatem  $\delta\upsilon\sigma\ \acute{\alpha}\rho\epsilon\iota\omicron\nu$  non nisi per caliginem intuerer.

$\acute{\omega}\rho\epsilon\mu\epsilon\nu\omicron\nu\ \delta\alpha\iota\zeta\omicron\rho\mu\omicron\ \&\ \tau\upsilon\mu\omicron\nu\ \delta\iota\chi\theta\acute{\alpha}\delta\iota.$

Ex hac ficta hæreseos abjuratione ficta Iansenij misericordia tuo animo & fide consequitur. Res ita habet. Iansenius suspicans me prædicantem Silvæducentem esse, fictasque literas Hamburgensis Senatus præferre; attentè me cohibendum in custodia hospitii mei onerabat.

Sed manifestus erroris, veritate ad liquidum patefacta, causa cecidit, & iudicis sententia ipsaque rei æquitate (cur enim ego immerito meo tot diebus detentus in custodia quatuor vel quinque militibus sumptum in prandium & cœnam suppeditarem?) compulsus hospiti satisfecit. Et quia biduum post absolutionem in hospitio detinebar, (nam adhuc putabant me aliquid monstri alere)

Dn. Iansenius nonnihil mihi pecuniæ dedit. Ejus enim instinctu, arbitrio, monitu, Iudices omnia peragebant. Hic autem demiror quod Fromundus meus paupertatem probri loco mihi objicit, in qua alias summæ religionis sanctitatem constituuit. Nisi fortean, quod suspicor, eam tantum paupertatem probat, quæ despectu & defectu vacat, qualem S. R. E. obvis ulnis amplectitur. Interim mi Domine Fromunde, quanta mea paupetras est? hoc unum curavi ut mihi fides & bona mens esset. Ideo 17. annis varias Scholas & Academiæ Germaniæ obij, doctorumque virorum consortio usus fui, qui iter mihi ad optima studia præeiverunt, idque sumptu parentum meorum. Sponte autem veræ religionis causa plurimas molestias suscepi, cum liceret deliciis frui, & Abbatias, præfecturas, Canonicatus in Germania oblatos accipere. Sed blanda ista conciliatricula superstitione hominibus me notebam commendare, neque ei adulari, qui Ecclesiæ Christianæ metu & superstitione tam longam & sædam consuetudinem serviendi attulit. Tu lectum tuum conchyliatis peristromatus legito: tu vitam voluptatibus confertam sectator: tu Episcopatum propitiâ Dianâ venator. Vera religio talia non quarit. Neque spero adeo malè fortunulus meas apud Hollandos collocatum iri, ut ad vos vorforiam capere jure postliminii: necesse mihi futurum sit. Quicquid sit, Romam *μὴ δοτόρεν* non adoro. Tria Capita accusationis tuæ restant, de fatuella Epistola, Apostasia iterata, & cucullo Magdeburgensi. Epistolam ad Iansenium scripsi quæcum ad respondendum libro meo provocho, quia me ut scripto secum agerem compulit, & se responsurum à me argumentis recepit. Quid hic à me peccati ortum est? Cur homo fidelis & verax promisso suo non stat? Deridere & refellere aliquem non est idem. Ut autem Epistolam  
illam



illam fateor edecumatam non esse, ita fatuellam cur appelles, te causam habere nego. Extat ea in manibus doctorum virorum, quorum iudicio stabit & caderet. Quod ad Apostasiam iteratam attinet, eam criminationem statui edito libro de Statu & propria Papatus religione, si Deus vitam mihi & occasionem suppeditarit, diluere. Superstitionem R. E. ægerrime abjeci; fidem Catholicam & vere Christianam minime; sed pro ea paratus sum mori. Integrum biennium Fromunde abiit, cum animus meus in dubio fuit, ita ut ancipiti utrinque tot argumentorum fide, paulo momento huc illuc impelleretur. Hæc fluctuatio ex immodica tot scriptorum, contraria de religione sentientium, lectione mihi accidit. Neque hoc sine exemplo S. Augustini, cujus libris Confessionum nihil nominatius est. In his jactationem mentis suæ vivis coloribus exprimit, quam si in tanto viro venia dignam judicas, cur me tam acerbis facetiis derides? At ab Ecclesia recessi. Hoc ipsum est quod libro meo statui refellere. Itaque tantisper iudicium tuum suspende. Denique crimen longe gravissimum & horrendum auditu restat. Sine cucullo à Saxonia discessi. Veniam scio te mihi daturum, & vervece mitiorem fore, ubi Saxonum meorum ingenia cognosces. Egone tanquam cecurum mendicabulum, cui cubitales pueri carmen occurrassent, novitius cucullatus in Germania oberare debui? Interroga Præmonstratenses tuos Antwerpienses; an non vulgari & communi veste ipsi in publicum prodierint. Imminente omnes obsidione quisque quo poterat, depositoque ubi ceræ cornua cucullo, fuga dilapsi sunt. Fateor horum hominum institutum à Dn. Iohanne Stricerio, Nuntio Apostolico, mihi commendatum fuisse, meque ad tempus aliquod apud eos vini & deliciarum non parcissimos egisse, idque quoad bellimetus & conscientia mea ferebat. Sed semper, ne

erres , à voti Monastici & ordinis religione liber in hunc usque diem perstiti. Nullam itaque video satis gravem causam, cur vestes quas jam gero, cum Norbertino Cucullo, præsertim hic in Hollandia, permutem. Vera religio vestes non curat, sed Monachorum pietati istam sollicitudinem relinquit. Et me sic quidem Fromunde Deus servavit : melius quam disputatores tuos Apollo In Hollandiam concessi, ut fortunulas meas bello Germanico, quo Bellonæ alumni

Νωλεµὲς ἐγχερίµπιον, καὶ ἀλλήλους ἐνά-  
ειζον,

Πολέµω δ' ὃ γίνετ' ἐρωή,

fractus & dissipatas colligerem & stabilirem, & libertate conscientiae fruerer. Habes rationem instituti mei.

Tandem quod dici me futilibus nugis Iansenium invictum istum Athletam studuisse à religione Catholica abducere, id pauci tibi expendendum trado quam verè dicas.

Quamcunque fidem veram & Catholicam Papa R. publico scripto commendat, ita ut sententiam Concilij super ea fide examinanda coacti, libenti æquo & simplici animo, in nullo contradicens, sed in omnibus consentaneus approbet, non tanquam privatus; sed ut pontifex summus, adeo ut dissentientes à pace & concordia ista per orbem terrarum firmata, à communione sua separet: hæc fides ab omnibus Christianis amplectenda est. Nonne hoc est fundamentum Papismi? Sed Liberius Arrianam Hæresin tanquam fidem veram & Catholicam publico scripto commendat, ita ut sententiam Sirmiani concilii super ea fide examinanda coacti, libenti æquo & simplici animo in nullo contradicens sed in omnibus consentaneus appro-

approbet non tanquam privatus ; sed ut Pontifex summus ; adeo ut dissentientes a pace & concordia ista per orbem terrarum firmata à communionem suam separet. E. *Arriana Hæresis ab omnibus Christianis amplectenda est. Minorem non negabis , quamdiu Epistolæ Liberij extabunt. Cum autem conclusio absurda sit , propositionis falsitas , quæ tamen fundamentum Papismi continet , mero meridie clarius lucefcit.*

Porro : Qui objecto cuidam conspicuo divinum cultum eumque absolutum tanquam Deo summo exhibet , cum tamen divinitatem firma & Catholica fide non credit , hic est manifestus Idololatra. Sed hoc R. E. facit adorando hostiam , cujus conversionem certitudine tantum morali dubitationem non excludente , minime vero fide divina credit. E. Dominum Deum tuum adorabis & illi soli servies. Quomodo invocabunt in quem non crediderunt ? Quomodo autem credent , quem non audierunt ? Itaque quamdiu non certus sum fide de divinitate objecti , ab absoluta latría ei exhibenda horum vi dictorum abstinendum mihi est. Materiale autem sensu Papistico objectum absolutæ latriæ neque è libro naturæ neque Scripturæ probabunt ; sed est fundamentum omnis idololatriæ. At R. E. verum Deum intendit adorare. Respondeo , Turcæ & Iudæi idem intendunt , sed nihilominus sunt idololatræ. De B. Virgine R. E. non negat se eam religiosè adorare , invocare , & spem in ejus misericordia & auxilio collocare. Quid ad hæc Epiphanius ? Sancta Dei Ecclesia creaturam non adorat. Cyrillus : Quomodo non erimus idololatræ , creaturam colentes , & spem in ipsa habentes ? interim B. V. à R. E. audit : Vita , spes nostra salve ; ad te clamamus.

Hæres. 69.  
Thes. l. 10.  
cap. 10.

(26.)


Greg. Val. in  
fin. tr. de idoli:  
t. 5. dem. 4.  
epiph.

Gloria Deo & B. Mariæ Virgini Domi-  
næ nostræ, item Iesu Christo.

Felix puerpera jure matris impera redem-  
ptori. Ororius : Cui comparemus Mariam ?

PLANE DEO, bona omnia  
continenti. Sed plura aliàs.

Hicce jam Vale.



PARS



PARS PRIOR  
DE  
STATV PAPATVS.

---

CAPVT I.

*Prætextus, ortus, progressus & occasio  
ruinæ Papatus strictim de-  
scribitur.*



PAPATVS est Monarchia  
Episcopi Romani, infalli-  
bilem iudicem omnium fi-  
dei controversiarum se fe-  
rentis, ementito successio-  
nis jure in Petri ordinario  
& Oecumenico pastoratu  
in universam Ecclesiam usurpata.

Hæc Monorchia neque ex institutione  
Christi, neque ex moribus factisque S. Pe-  
tri Apostoli ortum traxit. Christus, ajunt, soli  
Petro reliquis Apostolis præsentibus claves  
promisit, id est Monarchiam, si Iesuitis cre-  
dimus. At hunc sensum nec ipsi Apostoli,  
qui

qui postea de primatu inter se contenderunt, nec Vetus Ecclesia agnovit. Quis unquam Catholicorum veterum nobis persuasit claves & Monarchiam Ecclesiæ eodem significatu dici? Ipsi scriptores Papatus rectius sentiunt. Glossa interlinearis per claves intelligit *potestatem & discretionem*. Lombardinus: *scientiam discernendi & potentiam judicandi*. Bellarminus & plerique omnes: *ordinem & jurisdictionem*. Ipse Catechismus Tridentinus eodem sensu est. Nostri cum Vetus Ecclesiæ Doctoribus: *potestatem remittendi & retinendi peccata* clavium nomine significari docent. Hinc porro sequitur non soli Petro hæc claves datas fuisse; sed omnibus Apostolis eorumque successoribus. Hoc ipsa Glossa ordinaria fatetur, nempe claves apud Iohannem omnibus Apostolis datas fuisse, non partem clavium. Petrus Lombardus: *Alijs videtur, quod & mihi placere facer, cum-  
Etis sacerdotibus hanc clavem dari, scilicet ligandi & solvendi*. Idque adstipulatu Ambrosij: *Quod Petro dicitur, Apostolis dicitur*. Et Augustini: *S. Petrus dixit hoc pro omnibus, & recepit hoc pro omnibus, tanquam representans unitatem in sua persona*. Idque hac luce clarius patet ex duobus locis Matt. 18. vers. 18, *Amen dico vobis, quæcunque alligaveritis super terram, erunt ligata in cælo: & quæcunque solveritis super terram, erunt soluta in cælo*.  
Joh.

Ioh. 20. v. 21. *Sicut misit me Pater, & ego mitto vos. Et hoc dicens insufflavit, & dicit eis: Accipite Spiritum sanctum. Quorum remiseritis peccata, remittentur eis: Quorum retinueritis retenta sunt.* Hinc apertè liquet, quanta quanta sit ista ligandi & solvendi potestas, non esse Monarchicam. Nam illa cum omnibus Apostolis communicata fuit: hæc est *αἰσχρονομία*, penes unum enim residet, cui omnes parent. Hinc certum est è collatis Petro clavibus Monarchiam ejusdem in reliquos Apostolos totamque Ecclesiam nulla verisimilitudinis umbra colligi. Neque patrum judicio amplius est *ligare & solvere*, quam *remittere & retinere* peccata, quod Bellarmino ita videtur, transcribenti illud soli Petro tanquam ordinario pastori; hoc cæteris ut delegatis. Quasi vero Petrus in ipsos sufflasset, & Spiritum ijs Sanctum dedisset, non Christus ipse uno missionis actu. Sed nihil profectat Bellarminus hoc commento concesso. Nam communis est potestas ligandi & solvendi omnibus; Monarchia est unius. dominatu definienda. Ejusdem potestatis communis possessio & usurpatio à Monarchia alienissima est, imò adversa ei fronte repugnat. Nec illud: *Pasce oves meas*, Monarchiæ Papanæ probandæ est. Bellarminus ridiculum se præbet hunc locum afferens ut probet penes Papam esse jus Re-

contra Bar-  
claium.

ges

ges de gradu dejiciendi. Pascere non est *μοναρχεῖν*, sed Evangelium prædicare, sacramenta administrare & legitima Ecclesiâ disciplina coercere. Bernhardus : *evangelizare est pascere*. Hoc munus Petrus mandatu Christi suscepit unâ cum alijs non Romæ tantum, sed ubique gentium explendum. Quod si hoc pascendi mandato potestas Petro in reliquos Apostolos collata est ( quod necessario consequitur si Monarchia Petri hoc dicto nititur ) nova quædam & ordinaria potestas Apostolatu major in Ecclesia concedenda erit. Quod absurdum est. *Primum dedit Apostolos, &c.* Soli quidem Petro dictum est, ut oves & agnos pasceret ; sed num ita, ut cæteris hoc denegatum sit ? Hoc probent. Videtur, ajuur, Dominus reliquos ab hujus muneris administratione excludere, dicens : *Diligis me plus his?* Respondeat Bellarminus : *Ex Cyrillo, Augustino & alijs in hunc locum discimus : Petrum ter interrogatum an diligeret plus cæteris, quia ter Dominum negarat.* Igitur elenchum à non causa agnoscant. Majorem dilectionem ab eo Dominus flagitat, quia minorem quàm reliqui in abnegando præstiterat. Num vero novum, ordinarium & supremum pastorem Petro tanquam Monarchæ Dominus hic donat ? Minimè. Cyrillus : *Apostolatus renovat dignitatem.* Apostolatu vero major pote-

l. r. de pont.  
Rom. cap. i 4.  
§. tertio.

in Iohannem.



potestas in Ecclesiæ regimen non cadit, hic autem communis omnium Apostolorum fuit. Cyprianus : *Hoc erant utique & ceteri Apostoli, quod Petrus fuit, pari consortio præditi & honoris & potestatis.* Bellarminus inter se pares Apostolos negat fuisse ; sed respectu tantum reliquorum Christianorum. At Cyprianus hoc commentum refellit, nam pari consortio honoris & potestatis dignitatem omnium meritur. Qua voce eos inter se comparat. Neque illud de fundamento Ecclesiæ Petro quicquam fundamenti habet. Demus enim Bellarmino, quod tam anxie & miserè se cruciando probat, Petro Ecclesiam inædificatam fuisse. Hieronymus : *Super omnes Apostolos Ecclesia fundatur : cuncti claves regni Cælorum acceperunt, & ex equo super eos Ecclesiæ fortitudo solidatur.* Num Hieronymus jus Petri & Pontificis Romani ignoravit vel negavit ? Sed nego, Petrum fundamentum Ecclesiæ verbis Christi constitui. Nos alio fundamento non vitimur quàm ipse Petrus, qui se ipso nixus non est. Sed auctoritas concilij Tridentini hic manifestam victoriam nobis cōcedit. Ita verba sonant : *Symbolum fidei, quo sancta Romana Ecclesia vivit, in quo omnes qui fidem Christi profitentur, necessario conveniunt, fundamentum firmum ac unicum est, contra quod Porta inferni nunquam prævalebit.* Non igitur Cathedra Romana hoc fundamentum est, Certè nullus antiquo-

de unit.  
Eccles.

lib. 1. in Io.  
vinianum.

Matth. 16.  
fess. 3.

In margine  
adscriptus  
est locus.  
Matt. 16.

rum

Hom. 55 in  
16. cap. Mat.  
lib. 6. tri-  
nitatis.

rum ita exponit ut Iesuitæ hunc locum ad  
autoritatem iudicis istius omnium contro-  
versiarum detorquent. Chrysostomus: *Ἡ  
ταύτη τῇ πέτρᾳ οἰκοδομήσω με τὴν ἐκ-  
κλησίαν. τῷ ἐστὶ, τῇ πίστι τῆς ὁμολογίας.*

Hilarius: *Super hanc Petram confessionis Ec-  
clesia est edificata.* Ita Augustinus, & qui non?  
Quomodo autem nos Hæretici judicamur,  
si hoc sensu præsens dictum interpretamur  
atque olim veteres plerique doctores Ec-  
clesiæ Catholicæ illud intellexerunt? Nempe  
quia nihil præsidij Monarchiæ Pontificiæ ex  
hac interpretatione accedit. Glossa decreti:

Dist. 19. c. ita  
Dominus.

*Non credo Dominum aliud demonstrasse, quam  
hæc verba, quæ Petrus respondit Domino di-  
cens: Tu es Christus filius Dei vivi. Quia  
super articulo illo fidei fundata est Ecclesia.  
Quid? nonne Ecclesiâ corruisset Petro cor-  
ruente? Quæ soliditas in homine ancillarum  
metu pellundato? Nihilominus blasphemus  
textus jûris Canonici ita loquitur: Christum  
à Petro, quasi à quodam capite dona sua, veluti  
in omne corpus diffundere: hunc in consortium  
individuae unitatis adsumptum fuisse: hunc vo-  
luisse Christum nominari id quod ipse erat:  
æterni templi adificationem in Petri soliditate  
consistere. Cum patres concilij Nicæni 2.  
imaginum cultum dictis scripturæ mani-  
festo ludibrio in alienissimum sensum de-  
tortis*

torris (de qua re postea agemus) confirmassent, Papa Adrianus illud suum, optimè, divinè patribus accinit. *Rectè illud protulerunt, & valde nimis atque pulchrè contra eos qui imagines contemnunt, dixerunt, poni lucernam sub modio.* En quàm solidè æterni templi ædificatio in Petri Soliditate consistit! Ferus in hunc locum Orthodoxè: *Petra significat Christum primum fundamentum* (ergo non secundarium.) *Nullus enim homo iam firmus est, ut non possit moveri, id quod etiam in Petro vidimus.* Bellarminus ait Petrum cum corruit fundamentum Ecclesiæ nondum fuisse; sed postea demum factum esse. Sed male. Nam Petrum & Petram eodem sensu ajunt dici. Itaque Christus ait: Tu es Petra, (non eris). At hæc Petra corruit. Gregorius de Valentia concedit fidem seu confessionem Petri fundamentum Ecclesiæ esse, sed relatione semper habita ad Petrum confidentem. Sed iudicio patrum non confitens, sed fides confessa est petra Ecclesiæ. Petrus autem seipsum non confessus est. Deinde qui fidem hanc tenet, licet Petrum de nomine non noverit, servabitur. *Hæc est vita* eterna, ut te cognoscant & quem misisti Iesum Christum. Sed ut Bellarmini confessione desperata causa Monarchiæ Pontificiæ elucescat, hæc illius verba notanda duxi: Vides idem dari Apostolis per illa verba: Sicut

L. 1. de Pont.  
R. cap. 10.  
§. ad illud.

Analy. lib. 7.  
cap. 1.

Ioh. 17. 3.

C

milit

lib. 4. de  
Rom. Pont.  
c. 23.  
§. addit.

misit me pater, ita mitto vos. quod Petro  
promissum per illud Dabo tibi claves, &  
postea exhibitum per illud, pascere oves.  
Constat, autem per illud pascere intelligi ju-  
risdictionem **PLENISSIMAM** etiam  
exteriorem. Si omnes Apostoli plenissimam  
potestatem acceperunt, quomodo Petrus ple-  
niores? Si idem Apostolis datur, quod Pe-  
tro & promissum & exhibitum fuit, Mo-  
narchia Petri commentitia sit necesse est. Ver-  
ba Christi: *Sicut misit me Pater, ita mitto*  
*vos*, Theophylactus hac Paraphrasi illustrat:  
*Τὸ ἔργον τὸ ἐμὸν ἀναδέχεσθε*, indeque pro-  
bat Christum omnes Apostolos vicarios suos  
constituisset. Vnde liquet falsum esse, quod  
Suarius respondet Apostolos potestatem li-  
gandi & solvendi dependenter à Petro ha-  
buisset. Scilicet exemplo Pauli & Matthiæ,  
quorum neuter ab Apostolis sed à Deo ele-  
ctus ἀμέλως, ad functionem Apostolicam  
accessit. Si duo isti auctoritatem officii sui Pe-  
tro non debent, nec reliqui. Apostolo-  
rum enim omnium eadem vocatio, nempe  
ἀμελως, ὡς ἀπὸ ἀνθρώπων, ἔδὲ δι' ἀν-  
θρώπων. Hinc adeo Paulus probat, se ve-  
rè & propriè Apostolum esse, quod ab ho-  
mine nihil sibi potestatis collatum esset. Cum  
itaque parem omnium potestatem Aposto-  
lorum fuisse constet, quis prætextus amplius  
satis

Contra re-  
gem Angliæ.

Gal. i. i.

satis aptus erit **Monarchiæ Pontificiæ?** Bellarminus distinctione rem expedit. Petrum ait summam potestatem habuisse, tanquam ordinarium pastorem, cui propriè succederetur: reliquos eandem Apostolos auctoritatem tenuisse tanquam extraordinarios & delegatos pastores, quibus non nisi Metaphorice succeditur. Distinctionem hanc commentitiam esse, adeoque antehac inauditam, inde patet, quod eam nemo patrum, nec fere Papista aliquis ante Bellarminum excogitarit. Quis audivit unquam, Apostolos magis extraordinarios fuisse, quàm Petrum? Petrus superior fuit reliquis Apostolis, vel tanquam pastor ordinarius, vel ut Apostolus. Si illud, sequitur Apostolatam non esse summum munus in Ecclesia, quod Paulus negat. Primo enim loco Apostolos, quatuor deinde gradibus inferiores pastores collocat. Si hoc, Apostolatus alius alio major est, id est, maxima potestate major est. Sed dicant seriò, quid Petrus fecerit, quod alijs non licuerit facere? Imò Apostolus eo ipso quod Apostolus est, major est quovis pastore ordinario. Hinc liquet, Petro in Apostolos jurisdictionem nullam convenire ratione hujus inferioris & ordinariæ potestatis. Porro Bellarminus fatetur Apostolum esse pastorem extraordinarium. At Petrus fuit Apostolus, adeoque donis extraordina-

lib. 1. de R.  
P. c. 12, 13.

rijs instructus. Denique si Apostolica autoritas extraordinaria fuit, in Ecclesia perpetuo non erat duratura. Frustra igitur Papistæ **SEDEM APOSTOLICAM** jure propriæ successionis ita dictam crepant. Ipse Bellarminus negat Papam Petro ut Apostolo succedere. Rem in pauca conferemus. Apostoli quædam extraordinariè, quædam ordinariè egerunt. In illis nemo successit; in his pastores Ecclesiæ universi. Nullum itaque discrimen inter successionem, qua Episcopus Romanus Petro succedit, & qua reliquis Apostolis Episcopi cæteri. Proprie succeditur, cum æquali potestate & autoritate succeditur. Sed ita Episcopi R. Petro non succedunt, quia non possunt agere quod ille egit, libros Canonicos scribere, miracula edere &c. Fingere autem Apostolatium ordinarium nihil aliud est quàm *συνήρῳλον*. Vnde autem potestatem dispensandi contra Apostolum accepit? Num major est Apostolo? Salmeron cum videret Petri Monarchiam vacillare, nihilque ex authenticis monumentis afferri posse pro supremo Petri in Apostolos ipsos dominatu (quem tamen omnino Monarchia Papistica requirit) ait videri Petrum pastorem suum negligere, & inter Apostolos tanquam æqualem non tanquam majorem se gessisse. Summa huc redit: Primatum B. Petri inter Apostolos agnoscimus, super

Comm. in  
I. Petri I.  
disp. I.

per Apostolos negamus. Negat idem S. Paulus: non enim tantum doctrinâ & scientiâ sese summis Apostolis inferiorem negat, sed etiam autoritate, & potestate Apostolica. Ait enim se Apostolum à Deo constitutum, <sup>Gal. 2.</sup> non ab hominibus nec per homines. <sup>2. Cór. 11.</sup> Præterea dominatus Petro in universam Ecclesiam interdictus erat. Nullus Monarcha socium habet. At Petrus dextras societatis Paulo dedit. Cui Papa R. dat? Pedes porrigit osculo venerandos cunctis mortalibus totius orbis terrarum. Paulus cum Petro obeundas provincias fortitus est. Hoc à Monarcha alienissimum, cui imperium in alios est. Imò mittitur in Samariam ab Apostolis. Missione ajunt amoris consilijque, non imperii. Sed nec amore nec consilio Summus princeps à subditis quoquam mittitur; sed ipse potius sic alios mittit. Præterea Petrum inferiorem fuisse Ecclesia collegioque Apostolico inde liquet, quod jubetur Ecclesiæ dicere & indicare si quid litigij ortum sit. Bellarminus ait, hoc Papam implere præceptum excommunicando. Itaque sequeretur, eum qui hominem perversum Ecclesiæ indicat, eum excommunicare. Denique Petrus scripsit duas Epistolas, posteriorem ante mortem. Ostendant in illis vestigium Monarchiæ, & quidem talis, qua directâ vel indirectâ jurisdic-

A. G. 8.

l. de Conc.  
cap. 19.

etione principibus summis superiorem se gesserit. Certum est, eum doctrinam Pauli agnovisse, qua jubet omnem animam subditam esse potestatibus superioribus. Pererius in hunc locum: *Augustinus, Chrysostomus & omnes fere veteres intellexerunt Paulum hic loqui de potestate tantum seculari, quod ipse contextus disputationis & verborum Apostoli series per se indicant.* Ejusdem sensus Salmeron est, item Episcopus Espensæus. *Apostolus docet, omnes credentes mundi potestatibus debere esse subiectos.* Idem constanter Gregorius Papa 1. docuit. Idem S. Bernhardus inculcat. *Si quis tentat excipere, tentat decipere. Omnis anima Apostolus ait.* Bellarminus: *Summus pontifex clericos exemit à subiectione principum. Non sunt amplius reges Clericorum superiores.* Ita breviter & solidè ostensum est Papatum neque ex Christi institutione, neque ex exemplo B. Petri profluxisse, ut merito dicamus Papæ: *ἡ ἀλήθεια πάντων τῶν πρὸς Θεὸν ἐστὶν ἡ ἀλήθεια* (Sed unde hic statim progressus est Ecclesiæ Christi adeo perniciosus ut Antichristum tandem perrupto divino humanoque jure produxerit? 1. *Ex consuetudine & more hominum.* Canon 6. Concilij Nicæni. *Mos antiquus perduret in Egypto, ut Alexandrinus horum omnium habeat potestatem, quoniam*

*nia*

Rom. 13. 1.

Com. in  
1. Tim.

De clericis c.  
28.



*niam Episcopo Romano parilis mos est.* De sensu Canonis inferius. Ante Tempora concilij Nicæni Episcopi Romani autoritas teste Ænea Silvio adeo jacebat, ut ad eam nemo fere respiceret. Hinc Episcopi Asiæ morem Paschatis celebrandi sibi à Majoribus relictum Victore invito retinebant. Cyprianus Stephano non cessit in controversia in Anabaptismo Hæreticorum.

2. Ex decretis conciliorum. Patres concilij Chalcedonensis ajunt Romanam Ecclesiam à patribus primatum habuisse. Hinc in concilijs Africanis non jus divinum, ut nunc Jesuitæ, urgebant; sed Canonem quendam concilij Nicæni eumque adulterinum proferebant. Tantæ Molis erat Papatum condere! Qui si jure divino niteretur, ad decreta & statuta hominum non confugisset. Hinc Cusanus apertè fatetur: *Papatum esse juris positivi.* Quod inde etiam liquet, quod Patres in conciliis parem prærogativam Patriarchis veteris novæque Romæ tribuunt. Iam satis constat Sedem Constantinopolitanam ante nullius nominis, actis decretisque conciliorum emeruisse, & ad primatum tandem aspirasse. Eadem itaque ratione Papatus oppresso Oriente ad hoc fastigium erupit.

Act. 16.

Conc. Carth.,  
6. sub Bonif.,  
1. cap. 3.

3. Ex imperio & amplitudine Urbis Romæ. Irenæus: *Ad hanc Ecclesiam necesse est*

*omnes Ecclesias propter potentiorē principalitatem convenire. Quibus verbis lucem illa concilij Antiocheni fœnerantur: Διὰ τὸ ἐν μητροπόλει πανταχόθεν συντρέχειν πάντας τὰ πράγματα ἔχοντας.* Hinc Constantinopolis ad splendorem secundi loci inter sedes Patriarcharum eluctata est, cò quod *Nova Roma* esset. Veteri itaque Romæ Ep. R. amplitudinem suam acceptam referat necesse est. Id Episcopi Chalcedone congergati nos luculentè docent: *Sedi senioris Romæ propter imperium civitatis illius patres consequenter privilegia reddiderunt.*

Can. 9.

Conc. Const.  
can. 5.

A. G. 16.

Novella 131.

4. Ex principum privilegiis. Iustinianus: *Sancimus secundum synodorum definitiones sanctissimum senioris Romæ Papam primum esse omnium sacerdotum.* Quid opus erat definitione & sanctione principis, si divina auctoritate constitutus fuisset. Platina: *Bonifacius 3. à Phoca impetravit, ut sedes B. Petri, quæ caput est omnium Ecclesiarum, ita & diceretur & haberetur ab omnibus.*

5. Ex principum largitionibus. De Carolo M. Ludovico, Mechthilde res nota est. Ethnicorum etiam Sacerdotum bona in Fiscum R. E. cesserunt; oblationibus etiam Matronarum & varijs nundinationibus rerum Ecclesiasticarum sedes S. Petri tantum Patrimonij acquisivit.

Marcellinus.

6. Ex

6. Ex armorum continuo conflictu. Gregorius VII, Paschalis II, Alexander III, Innocentius III, Gregorius IX, Innocentius IIII, Victor III, Urbanus III, Adrianus IV, Honorius III, Clemens IV, Imperatores bellis adorti sunt, eosque subactos iniquissimas pacis conditiones subire coegerunt. Hinc res eò progressa est ut quorum autoritate & suffragio Episcopi Romani sedem adipiscerentur, eos tandem in verba sua jurare cogerent. Gregorius M. olim Imperatorem, *Piissimum Dominum suum* salutabat. Jam rerum facies adeo conversa est, ut Ceremoniale Romanum Imperatori formulam hanc, in quam juret, præscripserit: *Sanctissimo Domino nostro, Domino Nicolao, divina providentia Papæ V. Ego Fridericus Rex Romanorum promitto Juro.*

7. Ex mendacijs & fraudibus. Thomas in opusculo contra errores Græcorum ad Urbanum 4. de primatu Papæ, plurima ex Ambrosio, Cyrillo, quibus primatum Papæ adstruit, allegat, quæ tamen adulterina sunt. Hartus in colloquio cum Reinoldo fatetur verba in autoribus non reperiri. In eodem opusculo mira refert de concilio Chalcedonensi, ad primatum Papæ spectantia, quæ tamen ibi neutiquam extant. Canus respondet Gregorium I. dicere hæc ab Hæreticis

Extrav.  
comm.  
de maj.  
cap. unam  
sanctam.

1. 2. de con-  
siderat.

erasa esse. Sed Gregorius de ea re ne gry  
quidem. Quid quod verba à Thoma al-  
legata directè cum decreto pugnant, quo  
*ἡ καὶ πρεσβεία* Episcopo Romano & Con-  
stantinopolitano adsignantur? His artibus  
olim in concilijs Africanis Episcopi Ro-  
mani usi sunt. Imò in ipsam Scripturam  
illotis manibus involant, eamque ita ad  
suam dignitatem extollendam turpiter de-  
torquent ut ludibrio eorum impietas om-  
nibus sit. Exemplo Bonifacius Octavus po-  
test esse. Probat in Ecclesia duos esse gla-  
dios spiritualem & temporalem. Dominum  
enim dixisse non *nimis esse sed satis gladio-*  
*rum*: temporalem gladium in potestate  
Petri esse, quia Dominus eidem dixe-  
rit, ut gladium in vaginam reconderet. Vn-  
de in libro Ceremoniarum enslem consecra-  
tum principi mittit, in signum infinitæ po-  
tentiae, juxta illud, *Data est mihi omnis po-*  
*testas in caelo & in terra. Item: dominabitur*  
*à mari ad mare, & à flumine usque ad orbis*  
*terrarum terminos.* Quid ad hæc Bernhardus?  
*Apostolis interdicitur dominatus. Si habere*  
*utrumque voles, perdes utrumque.* Jure nem-  
pe. De facto aliter constat. Hic à Bellarmi-  
no accurritur dicente: Pontificem ut Pon-  
tificem hæc simul habere non posse. At  
Bernhardus ait: *Nulla modo.* Quod etiam  
è rationibus quas affert, constat. Patrimo-  
nium

nium certè Petri, tantum pecuniæ ex annatis, taxis, indulgentijs collectum, ut Pontifex possidet. Bona Ecclesiæ Romanæ certè ut princeps secularis non habet. Sed ad Bonifacium revertor. Gladium ait oportere sub gladio esse, sed ad nutum sacerdotum exerendum. Spiritualem potestatem Papæ à nemine judicari, scriptum enim esse: *Spiritalis homo judicat omnia*. Denique non in principijs sed in principio mundum creatum fuisse. Vnde evidenter pateat: Papam esse summum Monarcham. Quid ad hæc Ambrosius? *Ecclesiasticus in Dei rebus sollicitus, à seculari negotio alienus est. Non convenit unum duplicem professionem habere*. Theodoricus Niem. *Per usurpationes sacerdotum diminutum est imperium*. Laurentius Valla: *Pontifex per inauditum genus fraudis Dominium urbis Romæ acquisivit*. Paulus Langius: *Eodem anno Innocentio I x Papæ, Romani cives claves civitatis cum ramis palmarum obtulerunt, & omne dominium urbis Romæ etiam temporale illi concesserunt: sed minus justè minusque laudabiliter, quia temporalium illa affluentia haud parum officit spiritualibus: nec Petri successor Papa ejusmodi periculosum temporale dominium sumpsisse debuerat*. Nusquam equidem legitur, quod priscis temporibus etiam post donationem Constantini, quispiam summus Pontifex temporale dominium urbis gubernarit. Ab antiquo urbs

Roma

in 2. Tim. 2.

Traët, Vnion. 6. c. 33.

Cōtra donat. Conit.

In Chron. Citizenſi in vita Vdalrici 2.

*Roma Imperialis extitit. Quid dicam de Constantini donatione? Tot illa argumentis refellitur ut ipsis adversarijs irridiculo sit. Eusebius, Socrates, Sozimus narrant, Constantinum inter liberos suos imperium partitum fuisse. Ipsa experientia clamat, etiam post Ludovici pij tempora Imperatores Italiae & Romae temporale Dominium exercuisse. Quid censemus tandem Pilatum dicturum fuisse, si praescivisset Vicarios Christi Caesares Romam expulsuros, urbemque occupaturos esse? Denique principum viribus fractis Marte, aut repressis superstitione vulgus *Βασιλευς* erat. Hinc natae tot horribiles Legendae. Sed qualis tum facies Papatus erat? Bernhardus: *Romam de toto orbe conflunt ambitiosi, avari, simoniaci, sacrilegi, concubinarij, incestuosij & quaeque istius modi monstra hominum, ut Apostolica autoritate vel obtineant honores Ecclesiasticos vel retineant. Interea ille bonus pastor deauratus procedit, & oves demonum pascua capiunt.* Haec Bernhardi querela iudicium Friderici 2. Imperatoris confirmat deplorantis *Romanam Ecclesiam tanto avaritiae succensam incendio, & concupiscentia manifesta, ut bonis Ecclesiasticis sibi pro voto non sufficientibus, imperatores, reges & principes exhaereditare, & tributarios constituere non vereatur.* Haec pietas ex sacerdotij & gladij conjunctione exorta est. Nicolaus Cleman-*

lib. 1. de confid.

Matt. Paris  
in Henrico 3.

gis

gis fatetur: *Romanam Ecclesiam ceteras expoliasse, cunctis fesse ingurgitando.* Hinc defectio Græcæ Ecclesiæ à Romana teste Matthæo Paris orta est. *Recessit, ait, Græca Ecclesia à subjectione Romanæ Ecclesiæ propter ejusdem varias enormitates, maximè in usuris, simoniis, justitiæ venditionibus & aliis injuriis intolerabilibus.* Defensio Parisiensis Curix pro libertate Ecclesiarum Ludovico XI. oblata demonstrat: Reservationes pectorales, mentales, regressus generales, & speciales, accessus, provisiones, taxam Apostolicæ Pœnitentiariæ, ex omnibus Orbis Christiani provincijs proventum amplius 200. tonnarum auri in fiscum Pontificis intulisse. Hæc occasio defectionis teste Thuano. *Peccatum in sacris muneribus dispensandis admissum Leo mox longe graviore cumulavit. Namque cum alioqui ad omnem licentiam sponte sua ferretur, Laurentii Puccii Cardinalis hominis turbi- di, cui nimium tribuebat, impulsu, ut pecuniam ad immensos sumptus undique corrogaret, missis per omnia Christiani orbis regna diplomatis, omnium delictorum expiationem ac vitam eternam pollicitus est, constituto pretio, quod quisque pro peccati gravitate dependeret. In eamque rem per provincias, quæstores & ævaria ordinavit, addiditque præcones, qui tanti beneficii magnitudinem apud populum commendarent, & orationibus artificiose compositis, propositisque pa-*  
lam

in Henrico 3.

Art. 77.

Hist. lib. 1. 22,  
no. 1515.

lam libellis rei efficaciam immoderate extollerent. quod licentiose nimis à Pontificiis ministris passim in Germania præcipue fiebat, ubi qui redimendam pecuniam Romæ à Pontifice conducebant, per lustra & popinas cotidie sine pudore, in aleæ lusum, ususque turpissimos potestatem extrahendi animas sanctorum ex igne expiatorio profundeabant. Tunc exortus Martinus Lutherus. Samson Mediolanensis Minorita quæstor à Leone X. constitutus in Helvetia indulgentiarum nundinatione adeo dives evasit ut centum viginti millia ducatorum pro Papatu obtulerit. Tunc, ait Thuanus, exortus est Martinus Lutherus. Meritò, ut tanquam alter Hercules Augiæ stabulum purgaret.

## C A P. II.

*Papatus veteri Ecclesiæ vel ignotus vel  
ab eadem rejectus fuit.*

Epist. ad  
Trallianos.

**N**gnatius nullum superiorem Episcopo in Ecclesiæ regimine agnovit. Episcopus forma est patris omnium, ei parendum sicut Domino. Loquitur de Episcopo Tralliano. Item: Quid est Episcopus, nisi omnem principatum, & potestatem omnium illorum tenens?

*Dignus*



*Dignum est vos obedire Episcopo vestro, & in nullo ei contradicere.* Hinc sequitur iudicio Ignatij Episcopum quemvis Ecclesiam suam summa cum potestate regere, adeo ut sit forma patris omnium. Sed hujus tituli dignitatem solus sibi Papa sacrilega usurpatione arrogat.

Epist. ad  
Magneſianos,

Tertullianus: *Dandi baptismi habet jus summus sacerdos.* Hinc cum omnibus administratio Baptismi Ministris Ecclesiæ commissa sit, sequitur neminem alij subjectum esse Sacerdotem tanquam potestati majori & jurisdictione prædito.

De Baptismo

Irenæus Victorem Episcopum Romanum objurgat, (Verba ejus & nonnullorum aliorum scriptis prodita extant) & quidem teste Eusebio acriter & acerbè. Nam Victor Asianos propter pascha à communione sua secluserat. *Sed hoc*, ait Eusebius, *omnibus Episcopis non placebat, quin è contrario scribentes ei I V- B E B A N T*, *ut magis quæ pacis sunt, ageret.* Hinc certum est Irenæum cum Episcopis Galliæ Victorem non agnovisse judicem supremum, & ἀντιπρεσβυτερον, id est non obnoxium causæ dicendæ vel rationi reddendæ, legibusque instar Tyranni solum, qualem jam Dominum Ecclesia patitur. Bellarminus ait, Victorem prudenter egisse, ut Judaismo obviam iret ingruenti in Ecclesiam. Irenæus aliter judicat, Eusebius item ait, hoc

Eusebius Hist.  
Eccl. lib. 5.  
cap. 24.

μετὰ γένεωσ id est, convenienter, rectè, decenter ab Irenæo factum. Porro jam olim Irenæus notavit quosdam *principalis confessionis tumore elatos*. Quid diceret, jam redux in vitam?

Euseb. lib. 5.  
cap. 23.

Polycarpus Anicetum Episcopum Romanum pro infallibili iudice controversiarum non habuit. Anicetus enim eum in suam sententiam pertrahere non potuit. Nempe ut suo observandi Paschatis more abjecto Romanæ Ecclesiæ præscriptum sequeretur. Tantum autem doctorem Ecclesiæ, à pietate & doctrina illustrem martyrijque gloria insignem ignorasse illud Petro dictum : *Pasce oves meas* ! Certè omnes Episcopi Asiæ Polycarpum, non Anicetum sequebantur. Undè evidenti certitudine patet, Ecclesiam Christianam tum temporis Episcopum R. pro summo Ecclesiæ iudice & Monarcha non habuisse. Illud ipsum & paret ex eo quod Epiphanius scribit : Marcionem à patre suo rejectum è communione ad Pium & cæteros Romanos præsules confugisse, petijssèque restitutionem, sed cum responso hoc dimissum. *Ipsos NON POSSE ABSQVE PERMISSIONE venerandi ipsius Patris facere : unam esse fidem, & unam concordiam, nec ipsos POSSE ADVERSARI bono COM-MINISTRO suo*. Itane Monarcha Ecclesiæ Pius? Sed ad Victorem redeamus, de quo Bellar-

Bellarminus etiam gloriatur. Nam ait Episcopus Galliæ non usum sed abusum potestatis reprehendisse, imò inde probari jurisdictionem Pontificis in Ecclesiis Asiæ. Sed mirum Bellarminum non videre quod vidit, nempe excommunicationes olim mutuas fuisse, quibus vinculum communionis, quo Ecclesiæ consociatæ erant, rumpebatur. Nulla enim Ecclesia clavibus carebat, earumque plena potestate. Gregorius I. *super Euang.* *data sunt claves ligandi & solvendi, qui Apostolorum exempla cum doctrina tenent.* Vnde Cyrillus: *Christus Apostolis & eorum successoribus plenam concessit potestatem.* Igitur plena potestas non soli Episcopo R. tribuenda est. Ambrosius ait: *Se & cunctos sacerdotes in S.* *Petro claves regni cælorum suscepisse.* Atqui non erat successor Petri proprie dictus, ut Papistæ nugantur. *in Ioh. 1. 3. c. 23. in princ. libri dedign. Sacerdotii.*

Hic Ambrosius Syricium Episcopum Romonum **F R A T R E M** salutat. Nec aliter erga eum atque æqualem se gerit. Item Ambrosius ait: Nihil olim in Ecclesia sine Presbyterorum consilio actum fuisse. *Ep. 81. l. 1. 10. Cō. in 1 Tim. 5. in Ioh. 1. 3. 10.* Nam Ambrosius se explicat ita: *Sed & nos homines sensum habemus. Id quod alibi (quam Romæ) rectius servatur, & nos rectè custodimus.* Nazianzenus totum statum papatus detestatur, optans ne ulla throni prærogativa sit, ut sola virtute præfules Ecclesiæ discernerent. *in Maximum.*

D

neren-

nerentur : queritur cathedram superiorem & inferiorem & consuetudinem introductam præcedendi unitatem rupisse, plurimosque præcipientes dedisse non solum Laicorum sed Pastorum, qui licet essent Magistri in Israele, hoc tamen ignorarint.

Epist. 10. ad  
Eusebium an-  
no 372. f. 32.

Basilii sedem Romanam vivis coloribus depingit, acriterque Damasum perstringit, Baronio id non negante. *Odi*, ait Basiliius, *fastum illius Ecclesiæ*. Quid jam diceret?

Epistola 162.  
Optatus Mile-  
vitanus l. r.  
contra Parme-  
ni.

Nota est ex Augustini Epistola Donatistarum provocatio à Melchiade Episcopo Romano, ejusque collegis. Hanc Imperator admisit. Non ullus veterum id reprehendit. *Putemus illos Episcopos* (Melchiadem, Maternum, Rheticum, Marinum) *qui Romæ judicaverunt, non bonos judices fuisse : Restabat adhuc Ecclesiæ plenarium universale concilium*, ubi etiam cum ipsis IVDICIBVS (inter quos erat Melchiades Papa Romanus summus Iudex totius Ecclesiæ, superior concilio scilicet) causa posset agitari. Respondent Imperatorem imperitum fuisse rerum Ecclesiasticarum. Num etiam Augustinum? num omnes Episcopos? Num ipsum Melchiadem? A nemine certe vel monitus vel reprehensus est. Iussit Episcopos Romæ congregari & Melchiadi iudices adjungi, IVDICES, inquam; ita enim Augustinus expressè. Num putemus Ecclesiam tum

cre-

credidisse, quod jam Romana Ecclesia mortalium credulitati obtrudit, nempe Episcopum Romanum judicem *ἀδελφεύσαν*, id est, talem qui nec fallere alios nec ipse falli possit, omnium controversiarum in universa Ecclesia esse? Hoc imprimis notandum est quod Melchiades commissionem judicis delegati cum aliis æquo jure obeundam non recusavit. quo ipso evincitur quod sese non gesserit pro judice omnium controversiarum ex officio. Neque imperatorem reprehendit quod rem à se judicatam denuo cognosceret & judicaret. Id etiam Melchiadis Monarchiam evertit quod Optatus ait: *Sufficere Donatum percussum esse tot sententiis.* Cur non stylo Iesuitico: *sententia sedis Apostolicæ?* Eusebius Epistolam Constantini habet ad Melchiadem, in qua eum jubet Romæ concilium celebrare adjuncto ei Marino. Ita autem Epistola clauditur, ut appareat, ad unum non esse scriptam: *Suprema majestas Dei veri Honoratissimi vos conservet in plures annos.* Ajunt plurima Imperatorem ex affectu egisse, quæ ratione officij Papæ conveniant. Sed Imperator hoc negans admonendus à Melchiade fuisset. Baronius: *Non astimo* (Constantinus loquitur) *mibi licere dissimulare tales contentiones, quibus suprema divinitas posset commoveri etiam contra meipsum, cujus cura per cœlestem voluntatem*

Hist. Eccle.  
lib. 10. c. 54.

an. 314. l. 46.

*commiffum est regimen cunctarum rerum terrenarum.* At hodie Papa fic loquitur. Imò Bar-  
 an. 316. f. 58. ronius fatetur Imperatorem exiftimaffe ad  
 fuam maximè curam hoc tertium judicium  
 pertinere, de quo rationem redditurus effer.  
*Maxime* ait. Cur Papa Imperatorem Pium  
 non dehortatus effer ne falcem in alienam  
 melfem mitteret? Ne fedi B. Petri injuriam  
 faceret, judicium ejus in dubium vocando?  
 Hic hærent. Imperator veniam ab Antifti-  
 tibus petit quod rem jam bis Romæ & Are-  
 lati judicatam & manifefti juris Mediolani  
 de integro tractaret. Sed hoc fecit non ob  
 infallibile judicium fedis Romanæ, fed ob  
 evidentiam causæ jam cognitæ. Deinde ab  
 omnibus veniam petit, non à folo Melchia-  
 de. Quod Melchiades alios in focietatem  
 l. 2. de pont. judicij admiffit, Bellarminus excufat, ideo  
 c. 24. factum fuiffe, quia Melchiades Donatiftis  
 fufpectus effer. Sed Melchiadi ex M A N-  
 D A T O Imperatoris reliqui judices ad-  
 juncti funt: Melchiades cum reliquis Epi-  
 fcopis paria mandata accepit, ut ex literis  
 conftat. Deinde ait, judices nullo jure hoc  
 poft Epifcopum R. egiffe, idque Augufti-  
 num dicere. Falfum. Auguftinus non Epi-  
 fcopos, fed Donatiftas ob eorum importu-  
 nitatem, quod nullo in judicio acquiefce-  
 rent, perftingit. Imo plenarij concilij ju-  
 dicio unius Epifcopi R. fententiæ præfert.

Vnde

Vnde liquido liquet, Monarcham nostrum isto seculo ignoratum fuisse. Athanasij exemplum notandum. Liberius in literis: *cognoscat prudentia vestra Athanasium ab Ecclesia Romana communione separatum esse*. Hinc ita argumentor: Athanasius à communione Pontificis Romani separatus, vel necesse habuit communionem cum Pontifice restaurare, vel non. Si prius, fides ei Catholica deferenda fuit. Si non; Communio cum Romano Pontifice non est necessaria ad salutem. Iesuitæ externum judicem quærunt, qui aperta & diserta sententia controversias in Ecclesia ortas decidat. Hujus itaque externam professionem, declarationem & judicium attendant oportet. At sic Arriana hæresis triumphabit. Nam Liberij Papæ **L I T E R I S** expresse approbata est. Ut autem Athanasius istas nihili fecit, sic eodem jure Christiani, Bullas, quibus decreta Tridentina confirmantur, merito rejiciunt. Liberius spe ajunt redeundi in sedem unde exciderat, hæresin probavit. Hoc ipse negat.

Chrysostomus Romanæ sedis Monarchiam minime agnovit. ita enim ait: *Quæ est civitatis nostræ dignitas, contigit primum discipulos Antiochia appellari Christianos. Hoc autem civitatum, quæ sunt in mundo, civitas habet nulla, neque ipsa Romuli ci-*

Homilia 16.  
ad populum  
Antioche-  
num.

D 3

vitas.

*vilas. Propterea contra omnem terrarum orbem. Antiochia oculos erigere potest. Non cogitavit opinor invictissimum Monarcham Ecclesiæ Romæ residere. Hoc certè majus est, quam nuda nominis mutati gloriatio. Si Chrysostomus credidisset Romanam Cathedram esse illam Petram quam portæ inferni non vincunt, centrum, radicem Ecclesiarum omnium, hac gloriatione penitus abstinuisset. Quis Papista jam concedit, ullam civitatem contra Romam oculos erigere posse? Certè si sedem Petri cum Occumenico Papatu, Chrysostomus Romam translata Antiochia credidisset, hoc verborum & laudum apparatu supersedisset.*

in Tit. 1.

in Epistola  
ad Euagrium.

Hieronymi certa est sententia, *Ecclesiam olim communi Presbyterorum consilio regi solitam fuisse. Ibidem: Episcopi norint se in communi debere Ecclesias regere. Vbi hic Monarcha noster? Alibi ait aperte: Episcopum, ubicunque fuerit, sive Romæ sive Eugubij sive Constantinopoli sive Rhegijs sive Alexandrie sive Tanus, ejusdem meriti & ejusdem Sacerdotis esse. Respondent Hieronymum de ordine loqui, non de juris dictione. At Hieronymus loquitur de Episcopatu, qui sine jurisdictione non potest intelligi. Tandem Metropolitanis ex consuetudine & mutuo consensu major jurisdictio obtigit. Porro ait: Quid mihi profers urbis consuetudinem? orbis major est urbe.*

Ibidem.

*Quid*



*Quid mihi objicis paucitatem de qua ortum est supercilium? Num Romam Magistram fidei summam & unicam videtur agnoscere? Medina: Hieronymus (cum plerisque patribus) 1. 1. orig. c. 5. aequalitatem docuit. Eandem nos docemus.*

Leo certe Monarchicum principatum Ecclesiæ quam validè his verbis tuetur? Ita scribit ad Theodosium Imperatorem pium illum & inclytum Principem, non Tyrannum, non hæreticum, sed Catholicum. *Pietas vestra supplicationi nostræ digneetur annuere, ut intra Italiam jubeatis haberi Episcopale concilium. Item: Omnes sacerdotes cum lacrymis & gemitibus mansuetudini vestræ supplicant, ut generalem synodum jubeatis intra Italiam celebrari.* Sed hoc factum non est. Nam Chalcedone Episcopi conveniunt. Hic hic Monarcha Iesuitico, Bonifacio aliquo 8. & Gregorio 7. opus erat. Libe- cap. 12.  
ratus in Breviario: *Pontifex Romanus cum pluribus Episcopis genu flexo oravit Valentinianum & Eudoxiam Vxorem ejus, ut adhortarentur Theodosium ad aliam synodum celebrandam. Quo id rescinderetur, quod male factum esset à Dioscoro.* O Monarcham Ecclesiæ?

Cyprianus Stephani Monarchiam minime agnovit. Suarius ait: Stephanum Pontificem Romanum Cypriano contradixisse quidem tanquam doctorem privatum; non

contra Regem Angliæ,

lib. 2. de  
conc. cap. 1.

lib. 4. de R.  
P. cap. 7.

lib. 7. hist. c.  
4. de mucobapt. cap. 14.

vero definiendo controversiam in concilio ; Cyprianum virtute cōtrarium ejus quod sensit, magis credidisse. Sed Bellarminum huic mendaci oppono. *Cyprianus, qui semper habitus est in numero Catholicorum, Romano Pontifici contra errorem suum in concilio particulari definienti adversabatur.* Item : *Putavit enim pontificem perniciose errasse, & Stephano Papa serio precipienti Cyprianus parere noluit: pertinaciter restitit Stephano pontifici definienti. Et tamen Ecclesia Cyprianum ut sanctum colit, qui non videtur unquam resipuisse ab errore suo.* At definivit, ajunt, sed non tanquam de fide. Quid si Stephanus hæc verba ad Cyprianum scripsisset : *Ego Papa Romanus rem definio tanquam de fide.* Num Jesuitæ nobis persuadebunt, protinus Cyprianum incepta lite destitutum? ó præstigiatores! Nonne eo ipso quo controversia à Papa DEFINITA est, de fide etiam vestra est? At non excommunicavit Cyprianum! Respondeo: Eusebius, Augustinus testantur, Stephanum Papam censuisse excommunicandos, qui non obedirent. Id totum Cyprianus flocci fecit. Rogo Jesuitam: Si quis Pontificis comminationem ita contemnat, ut ei seriò præcipienti obedientiam deneget, an non pro Hæretico habetur? Hoc Cyprianus fecit. Et tamen Augustinus ait, *Ecclesias nutasse de illa questione, potuisse Cyprianum salva caritate à*

te à Pontifice dissentire, donec generalis concilii definitio accederet. Ostendant hic Iesuitæ Monarcham suum. Hodie docetur eum qui Pontifici se non subjiciat, membrum non esse Catholicæ Ecclesiæ. Aliter Augustinus judicavit. Quomodo jam credam Cyprianum virtute credidisse quod tam strenuè & constanter negavit? Cui persuadebit Suaresius Cyprianum confessionem edidisse, qua se ipsum condemnaret? Attendat Lindanum suum: *Cyprianus, cum Stephanus à sua eum communionem repelleret, & Episcopos ab illo ex Africa legatos ad colloquium nonmitteret, & præciperet universæ fraternitati, ne quis eos domum suam reciperet, ut venientibus non solum pax & communio, sed & tectum & hospitium negaretur: Cyprianum quoque pseudo christum & dolo sum operarium diceret; in illo dissidio pacis & unitatis vinculum constantissime retinebat. Igitur potest esse unitas & pax extra communionem cum Papa.*

Conf. art. 7.

Hujus Cypriani, summi Doctoris Ecclesiæ Africanæ & Martyris sententia insignis notanda est, qua Monarchiam 'Domini' Deique nostri Papæ plane pessundat. *Episcopatus unus est, cujus à singulis in solidum pars tenetur. Is tenet in solidum, qui jus habet in totum, quod in æquali statu Jurisdictionis fieri non potest. Idem ad Cornelium Episcopum Romanum scribit: Oportet illic agere*

De unitate eccles.

Ep. 54

D 5

caus-

*causam ubi & accusatores & testes habere criminis sui possunt. Nisi paucis desperamus, minor videatur esse auctoritas Episcoporum in Africa, qui jam de illis judicaverunt. Hoc in causa Felicissimi. Firmilianus Episcopus Cæsareæ, sanctitate nulli secundus, teste Baronio in epistola ad Cyprianum scripsit: Illos qui Romæ sunt, non observare in omnibus quæ sunt ab origine tradita, & frustra auctoritatem Apostolorum prætere. Hic S. Vir sese non judicavit divino jure subjici Romano Pontifici. Fecit enim cum Cypriano in controversia de Anabaptismo Hæreticorum. Juste, ait, indignor ad hanc tam apertam & manifestam Stephani stultitiam. Quisquis ita hodiè loquitur, Hæreticus omnium Papistarum judicio habetur. Dionysius Episcopus Alexandriae itidem à Cypriani partibus stetit. Quam Monarchæ nostri auctoritas his Catholicis Episcopis sordet! Sed Cyprianus epistolis non contentus Carthagini concilium 87. Episcoporum convocat, quo Papæ definitionem rejicit. Baronius fatetur in eo concilio hoc decretum editum fuisse, quo Monarchia Romanæ cathedræ penitus evertitur.*

*Supereſt ut de hac ipſa re ſinguli, quid ſentiamus, proferamus, neminem judicantes, aut à jure communionis aliquem, ſi diverſum*

sum senferit, amoventes. Neque enim quisquam nostrum Episcopum se Episcoporum constituit, aut tyrannico terrore ad obsequendi necessitatem collegas suos adigit, quando habeat OMNIS EPISCOPIVS pro licentia libertatis, tanquam IUDICARI AB ALIO NON POSSIT, quando non potest ipse alteram judicare; sed expectemus VNIVERSI IUDICIUM DN. N. IESU CHRISTI, qui VNVS & SOLVS habet potestatem, & præponendi nos in Ecclesiæ gubernatione, & de actu nostro judicandi. Ad hoc invictum testimonium & monumentum antiquitatis nobilissimum Papistarum nonnulli respondent Concilium negare in Africa Episcopum Episcoporum esse, non negare autem talem Romæ agere. Sed Romanæ Ecclesiæ typho hoc decretum unicè opponebatur. An non negant Romæ Episcopum Episcoporum esse, dicentes: Omnem Episcopum habere arbitrium proprium, id est ab alterius iudicio non pendere: universis expectandum iudicium Christi; non Papæ Romani: neque id tantum in causis dubijs & occultis, sed omnibus. Nam dicunt: neminem nisi Christum potestatem habere de actu nostro judicandi. Num de occulto tantum, an etiam de aperto? Hoc autem patet, Cyprianum non damnare iudicium plurium Episcoporum de uno; sed unius

de

De baptismo  
contra Dona-  
tist. l. 2. c. 3.  
item l. 5. c. 23  
25.

de princip. fi.  
dei doctrin.  
l. 11. c. 7.

de pluribus, idque cum typho conjunctum Romano. Hic imprimis notandum est iudicium Augustini de tota hac controversia, de qua non loquitur ut de rebellione inferioris contra Superiorem iudicem; sed tanquam de litigio fratrum æqualium. Imò proponit Donatistis Schismaticis hanc præfationem Cypriani tanquam exemplum humilitatis, ut ita Stapletoni impudentia iudicio Augustini coarguatur desperabundam hanc vocem emittentis: *Cyprianum ad erroris sui defensionem, uti verbis errantium, & videri Hæreticis mirè patrocinari.*

Sed ad sextum concilium Africanum, quod ex plurium synodorum canonibus recitatis approbatisque unum volumen collegit, progredimur. De quo Baronius: Hic oratio admirabunda recurrit, hæret in salubris, & quo tandem evadat, ignorat. Cum Apiarius à Synodo Africana communione Ecclesiastica exclusus esset, ad Sozimum Papam Romanum provocabat. Hic re non rectè perceptâ jubet eum Communioni restitui, missisque legatis Afros accusat, edocetque, in concilio Nicæno statutum esse, ut res graviores non nisi cum consensu sedis Romanæ dijudicarentur. Faustinus ejus legationis princeps fuit, qui Sozimi sententiam ex scripto legit. Sed Episcopi Afri, Aurelius, AUGUSTINVS, alijque, se in decretis

tis talem Canonem negant invenire. Itaque Innocentium ad Cyrillum Alexandriæ Episcopum, Marcum ad Atticum Ep̃. Constantinopolis mittunt, ut authentica exemplaria Canonum afferrent. Sed in iis nihil tale inventum est, sed inferioris gradus clericos & Episcopos Metropolitanis suis apertissimè commissos esse. Hinc Epistolam ad Cælestinum Romanum Episcopum scribunt, *Quod se alienis negotiis immisceat: in nulla patrum Synodo statutum esse ut aliquis tanquam à Papæ latere mittatur.* Tandem decernunt ut communionis jure privetur, qui ad transmarina judicia provocarit. *Executores Clericos vestros, quibusunque petentibus nolite mittere, nolite concedere, ne fumosum typhum seculi in Ecclesiam Christi videamur inducere.* Concilium approbatum est ab Ecclesia Romana, imò ab omnibus Catholicis omnium seculorum. Ita textus juris habet: *Synodus Africana sub Theodosio minore Augusto, in qua patres 229. recitaverunt & firmaverunt Canones 105. qui per diversa concilia Africanae provinciae temporibus Aurelij Carthagenensis Episcopi leguntur esse conscripti.* Hæc libertas adeo olim Bonifacio displicuit, ut scripserit: *Aurelium cum collegis S. Augustino aliisque, instigante Diabolo, superbire prædecessorum suorum tempore contra R. E. cepisse.*

Can. 92.

Dist. 16.  
cap. prima.

*cœpisse. Ut Hardingus dicat: Totam Africanam Ecclesiam 100. annis in schismate perseverasse, seque ab Apostolica sedis obedientia removisse, ab Aurelio seductam.* Sed Augustinus ei rei caput erat. Sed non tantum Africana Ecclesia, sed & Asiatica fraudem Episcopi Romani deprehensa ἐπ' αὐτοφώγῳ hos legatos à Latere irrisit. Nam nec Alexandrina nec Constantinopolitana Ecclesia jus provocationis ad R. Ep. in canonibus Nicenis invenit, aut concessit. Unde constat eas cum Africana Ecclesia eodem sensu fuisse. Gratianus ridiculum se præbet bellissima clausula Canonis adjecta de suo. *Nisi forte ad Romanam sedem appellaret.* quæ sane si à Patribus profecta esset, immerito Hardingus iis irasceretur. Nulla certè lis esset. Baroniusque frustra sudaret. Hoc autem urgeo an credant adversarij Augustinum & totam Ecclesiam Africæ & Asiæ jus Pontificis Romani ignorasse, vel hæresis obstinatione negasse? Respondeant Papistæ.

aus. 2. q. 6.  
cap. plac.

Bellarminus mitescit. Ait Canonem loqui de Clericis inferioris ordinis. At docent Papam esse judicem omnium. Cur iniquum Canonem edidissent jus provocationis inferioribus clericis adimendo & Episcopis concedendo? sed Canone 28. expresse



presse dicunt, *Sicut de Episcopis saepe definitum est.* Rufus per ludibrium *περὶ* exponit *ab*, quasi esset *ἡ*, ut sensus sit, ab Episcopis hoc esse definitum non de Episcopis.

Tandem 300. annis elapsis, cum Ecclesia ubique locorum refloresceret, tempus erat ut Silvester Pontifex Romanus mandatis & decretis editis publicum statum universalis Ecclesiae componeret & restauraret. Sed nihil in tanto opere præcipuum, quod ab Eusebio, Socrate, Theodoro, Sozomeno sigillatim enarratur. Baronius vult Alexandrum prius Silvestro de Arrij turbis componendis scripsisse quam aliis. Sed hoc falsum. Nicetas: *Alexander ad Antiochenum, Romanum, aliosque præfules scribit.* Nulla Silvestri mandata, nulla decreta, nulla concilia. Constantinus vero ex consilio Eusebij Episcopi Cæsareæ in Palæstina, & Hosij Episcopi Cordubensis, minimè verò ex autoritate Silvestri Papæ huic tanto operi incubuit. Cur Silvester Arrium & Alexandrum Romam non citabat? Cur tacebat? Cur autoritatem suam non interponebat? Tandem cum lis decennium durasset Constantinus Hosium Alexandriam mittit, sedandi tumultus causa. Hic Hosius ab Imperatore, non

*thes. orth. fid.*  
1. c. 4. s.

Socrates lib.  
1. c. 4. in Græ-  
co, 7.

non à Silvestro literas legationis accepit. Nemo scriptorum denique ejus seculi Silvestro quicquam tribuit. Concilium Romanum, quod à Silvestro Romæ coactum fingitur, ab ipso Baronio exploditur. Et his temporibus Monarchiæ nostræ autoritas quasi cinere obrecta latuit. Sed tamen in concilio isto Romano decernitur ne reges judices sint Episcoporum Romanorum. Vbi tum in imperio Romano reges? Quis sibi à risu temperet! Tandem cum Arriani non cessarent Ecclesias Ægypti perturbare, concilium Nicænum ab Imperatore coactum est. Est enim Imperatorum paci Ecclesiæ consulere, ut tranquillam sub ipsis vitam agamus. Alexander Constantinum movebat. cur non rectà Romam ibat? Valebat nempe in Ecclesia illud: Omnis anima potestatibus *ὑπερεχούσης ὑποτασσέσθω*, i. e. subjiciatur. quod plus Chrysostomi judicio quam *πᾶσι δέσθω*, obediat. *Licet Apostolus fueris, licet Evangelista, licet Propheta vel quicunque.* Ita Chrysostomus, Theodoretus, Theophylactus, Gregorius 1, Bernhardus hunc locum exponunt. Ex officio itaque hunc conventum Episcoporum Imperator coëgit, ut tumultus exortos in imperio inter subditos sedaret. De præside concilii Nicæni quid dicemus? Num is Papa Romanus vel ejus legati

An. 324. S.  
S. 123.

Epiphanius  
Hæresi Mele-  
tianorum.

Ecclesiasti-  
cum.

gati fuerunt? Minime. Theodoretus ait : *Romanum Episcopum Presbyteros duos ad concilium misisse, Vitum & Vincentium. Hosium si misisset, tres misisset. Idem Sozomenus. Deinde Hosius proprio nomine subscripsit decretis, adeoque primo loco. Hosius Episcopus civitatis Cordubensis provinciae Hispaniae dixit : Ita credo, sicut superius scriptum est. Legati Iulij senectute impediri ne ipse adesset, quartum locum obtinebant. Quod autem decreta ajunt à Iulio Papa approbata fuisse, idem de Episcopis Illyrici & Siciliae scriptum est. Arrius hoc communi consensu facilius subvertebatur. Hosius primus subscripsit, propter sanctitatis & doctrinae summam commendationem & amicitiam Imperatoris. Eustratius præterea primum locum in confesso obtinuit. Sed Imperator in medio parvæ cuidam sellæ ex auro insedit, & Episcopis præscripsit tanquam summus præses concilij unde probationum & fidei argumenta definienda essent. idem sententias audivit: suffragia idem moderatus est: idem contentionis studium cohibuit. adeo ut hic longe turpissimus confessus fuisset, nisi Imperator libellis in ignem conjectis ad concordiam eos redegisset. Hæc Synodus (invictum sane argumentum evertendæ Monarchiæ Oecumenicæ) certos ditionis limites Patriarchis constituit, idq; occasione data à Meletio Episcopo Lycopoleos urbis in*

l. i. c. 15.

l. i. c. 17.

Sozom. l. 2.  
c. 5. Theod. l.  
4. c. 8. Athan.  
apol. 2. Theod.  
l. 1. c. 7.

Euseb. in vita  
Const. lib. 35.

E

Ægy

Ægypto sitæ, qui Episcopo Alexandriae se nolebat subicere, sineque ejus consensu Presbyteros ordinarat. Hinc Canon 6. Τὰ ἀρχαῖα ἥθη κραλεῖτω, τὰ ἐν Αἰγύπτῳ ἔλυ-  
 βύη καὶ Πενταπόλει, ὥστε τὸν ἐν Αλεξανδρείᾳ  
 Ἐπισκοπον τῶν πάντων ἔχειν τὴν ἐξουσίαν,  
 ἐπεὶ καὶ τῶ ἐν Ῥώμῃ Ἐπισκόπῳ τὸ αὐτὸ σὺν-  
 θεῖς ἐστὶ. id est, *Mos antiquus perduret in  
 Aegypto, Lybia & Pentapoli, ut Alexandria  
 Episcopus horum omnium habeat potestatem,  
 quoniam & Roma Episcopo hoc moris est.* Hic  
 angustia prisca Romanæ Episcopes elucet,  
 & porro videre est Ordinem sedium Epis-  
 copalium politicum statum secutum fuisse,  
 quod apertè declaratum est in 17<sup>mo</sup>. Cano-  
 ne Chalcedonenſis concilij. Rufini inter-  
 pretatio nota est. *Ut vel ille Aegypti vel hic  
 suburbicarum Ecclesiarum*, id est, quæ intra  
 centesimum milliare ab urbe sitæ erant, *soli-  
 tudinem gerat.* Cusanus Cardinalis: *Hinc  
 videmus, quantum Episcopus Romanus acqui-  
 ſicit hodie ultra sacras constitutiones, per  
 usum & consuetudinem obedientiæ, &c.* In  
 hoc concilio decretum est, ut si quis præ-  
 ter voluntatem & conscientiam Metropo-  
 litani Episcopi ordinatus fuerit, is Episco-  
 pus non haberetur. Decretum item est,  
 eos qui ab alijs excommunicarentur ab alijs  
 ad communionem recipi non posse, præ-  
 terquam

lib..2. Conc.  
 Cathol. c.12.

terquam ex concilij provincialis aut generalis sententia. Hæc decreta Monarchiam R. sedis funditus extirpant. Nam si Episcopus R. in aliena provincia non potuit Episcopos ordinare & exclusos à Communionem restituere in priorem locum, ejus jurisdictio universalis non fuit. Hinc Pius Marcionem se negavit restituere posse sine permisso patris ipsius. Num hoc hodie Papa diceret? ô tempora! ô mores! Socrates: *Rursus* (loquitur de Synodo Constantino-politana) *fidem à Nicæna Synodo traditam confirmarunt, & Patriarchas* DESCRPTIS *PROVINCIIIS constituerunt, ut Episcopi CERTÆ DIOECESI præpositi in alienas provincias ne invaderent.* Hinc videmus ineptum suffugium Bellarmini esse cum ait: *Vera expositio est, Alexandrinum debere illas provincias gubernare, quia Romanus Episcopus ita consuevit, id est quia R. E. ante omnem concilij definitionem consuevit permittere Episcopo Alexandrino regimen Aegypti, Libyæ, Pentapolis.* ô interpretem! Si Episcopus Romanus hoc privilegium Alexandrino jam concessit, cur id à concilio studeat impetrare? Quis scriptorum veterum dicit Alexandrinum ex mandato R. E. Ecclesiam suam gubernasse? Episcopo Romano hoc facere moris est, id est, Episcopus

*Eccl. hist. l. 3*

*l. 2. om  
Pont. cap. 13*

E 2

R. hæc

R. hæc consuevit permittere. Exemplum Episcopi R. proponitur, non mandatum vel permissio. Cæcus est qui id non videt.

Cap. 3.  
Anno 381.

Synodus Constantinopolitana 1. Novam Romam Veteri æquat, *Διὰ τὸ εἶναι αὐτὴν νέαν ῥώμην*. Hæc Synodus Damasum non patrem sed fratrem & *συνάδελφον*, id est, collegam appellat. Nihilominus ipse in literis eis respondens, *filios honoratissimos* appellat, quod indicium est ridiculum ambitionis. Nec ipsi ad eum solum sed ad Collegas Ambrosium & Valerianum *eadem Epistola* scripserant. Huic concilio Episcopus R. nec per se nec per legatos interfuit. Damasus Papa volebat illud Romæ celebrari, sed Orientales venire nolebant. Non itaque autoritate Damasi (hoc enim nullus Historicorum dicit) sed Theodosij senioris Synodus Constantinopoli habita est. Quod autem ajunt sufficere: *Si Papa non impediat concilium* (non poterat) *actaque approbet*, eo ipso fatentur convocationem concilij non necessario autoritate, auspicio & mandato Episcopi R. fieri. Concilio autem Meletius Antiochenus Ep. præfuit. Hinc aperto jure concludimus, posse esse legitimum & universale concilium fidei & autoritatis Ecclesiasticæ, quod Papa R. autoritate sua non convocat: cui nec per se nec per legatos interest:

Theodoret. 1.  
s. c. 9. vel 7. in  
Græco.

terest: quod aliquid decernit contra Episcopi R. voluntatem, imo quod Papa studet impedire. Ita enim Theodoretus: *Damasus cum suis Episcopis Ambrosio & aliis Romæ concilium celebrat, missisque ad Orientales literis rogat Romam veniant, & ex duabus Syn-* <sup>l. 5. c. 8. 9.</sup> *odis unam faciant, quod illi negant, additis excusationibus. Quod in Epistola ad Anatum Ep. Const. caducum & ruinosum appellat à principio, quodque nimis tarde extollatur.* Sed concilij à Damaso coacti nulla autoritas est; alterius vero Synodi tanta fuit, ut ejus Canones in sequentibus synodis publicè lecti sint. Mirificè se torquent. Ajunt dici œcumenicum: quia appendix Romani concilij fuerit. At sic Romanum potius œcumenicum dicendum esset, cui Papa caput Ecclesiæ præfuit. Deinde non unum, sed duo concilia fuerunt. Definiente enim Bellarmino concilium catus est in unum locum congregatorum. Quid contraria decreta? Num una Synodus sibi ipsa adversabitur? Quis veterum ita sensit? Orientales Ierosolymam matrem omnium Ecclesiarum appellant. Damaso obsequium negant. Nectarium Constantinopolis Patriarcham Damaso vel invito vel nescio constituunt, approbationem Papæ non expectant: nec Damasus necessarium judicat: Ordinem Patriarcharum invito Damaso mutant, secundum locum Con-

E 3

stanti-

Epistola. 79.

stantinopolitano tribuentes : dignitatem sedis Romanæ amplitudine urbis ; non divina institutione niti decernunt. Vnde etiam factum ut Episcopus Cæsareæ Ierosolymitanum sibi subiectum habuerit. Quam parum autem sibi Damasus tribuerit, videre est apud Ambrosium. *Cum huiusmodi fuerit, ait, Concilij Capuensis iudicium, ut finitimi Bonosf. atque ejus accusatoribus iudices tribuerentur, advertimus quod NOBIS INDICANDI FORMA COMPETERE NON POSSIT.* Canon autem 3. Monarchiam Papæ radicitus ex Ecclesia evelit. Nempe Κωνσταντινουπόλεως ἐπίσκοπον ἔχον τὰ πρεσβεῖα τῆς πρὸς κατὰ τὴν Ῥώμης ἑπίσκοπον, διὰ τὸ εἶναι αὐτὴν νέαν Ῥώμην. *Constantinopolis Episcopum habere privilegia honoris secundum Romæ Episcopum, eo quod nova Roma sit.* Hunc Canonem non potuit Episcopus R. rescindere. Autoritatem enim semper obtinuit in Catholica Ecclesia. Nam in sequentibus Synodis publicè prælectus est, cum reliquis decretis præcedentium conciliorum. Ratum igitur potest esse, quod P. R. non approbat, imò rescindere studet. Hoc jam nullus Iesuitarum concedit. Porro hinc liquet, Patriarchas non divino jure ; sed humano vel imperatorum vel Synodorum sanctionibus constitutos esse. Unde etiam satis liquet Papam non



non fuisse Episcopum Oecumenicum divino jure. Nam unus Patriarcharum fuit, non illorum Monarcha. Tempore Iulij 4. Patriarchæ erant, Romanus, Alexandriae, Antiochenus, Ierosolymitanus. Postea Constantinopolitanus accessit, eoque quod Urbs Nova Roma diceretur, secundum sibi locum vindicavit. His Patriarchis cura totius Ecclesiæ in Imperio Romano incumberebat. Basilii ait: *Athanasium Patriarcham Alexandriae omnes Ecclesiis curasse non secus ac propriam.* Idem: *Meletium toti corpori Ecclesiæ præsedisse.* Hinc Sozomenus jure potuit dicere: *Julio Episcopo Romano curam omnium incubuisse.* Balsamon de Patriarcharum privilegijs: *Sanctissimos Patriarchas quinque Vnum novimus caput esse corporis omnium Ecclesiarum.* Quod Gregorius I. approbat: *Unius atque una est sedes, cui ex auctoritate divina tres Episcopi præsident.* Epist. 52. Epist. 4. l. 6. Ep. 37.

Plurima præterea à Catholicis Episcopis gesta sunt hoc sæculo, quæ Monarchiam Papæ plane tollunt Nectarius Episcopus Constantinopolitani in consulto R. Ep. munus abrogat. Chrysostomus sine R. Ep. auctoritate à Theophilo Patriarcha Alexandrino Patriarcha creatur: item Ambrosius Ep. Mediolanensis consensu populi & Imperatoris, quem 8. menses è communione Siricio non consulto exclusit, quod nec Syricius ægrè tulit. Sed & olim Cyprianus sine consensu Ep. R. Sabinum

Episcopum ordinavit. Sed ad concilij Chalcedonenſis Canonem 28. veniamus. Huic 630. Episcopi interfuerunt: Ipse Leo I. Papa ad Imperatorem Leonem fatetur : *Concilium à Spiritu sancto congregatum esse.* Gregorius I. sicut sancti Evangelij 4. libros ; sic 4. concila se suscipere & venerari fatetur. Hinc liquet , hosce patres non fuisse Hæreticos, sed Catholicos. At Papæ Romano *acriter & constanter* sibi resistenti contradicunt, & decernunt, quod τῷ θρόνῳ τῆς πρεσβυτέρας ρώμης διὰ τὸ βασιλεύειν τὴν πόλιν ἐκείνῃ εἰκότως οἱ πατέρες ἀποδιδώκασιν τὰ πρεσβεῖα. Καὶ τῷ αὐτῷ σκοπῷ κινέμενοι οἱ ἐκὰς πεντήκοντα θεοφιλέστατοι ὁπίσκοποι τὰ ἴσα πρεσβεῖα, ἀπένεμψαν τῷ τῆς νέας ρώμης ἀγιωτάτῳ θρόνῳ; ὁ λόγος κερνάων τὴν βασιλείαν καὶ συγκλήτῳ ὑμνηθεῖσαν πόλιν, καὶ τῶν ἴσων ἀπολαύσαντων πρεσβεῶν τῇ πρεσβυτέρᾳ βασιλίδι ρώμῃ, καὶ ἐν τοῖς ἐκκλησιαστικαῖς ὡς ἐκείνην μεγαλύνεοντες πρᾶγμασι. id est. *Throno veteris Romæ, eo quod urbs ista imperium obtineat, merito patres dederunt privilegia, eodemque fine moti 150. Deo clarissimi Episcopi aequalia privilegia tribuerunt Novæ Romæ sanctissimo throno, recte judicantes, urbem imperio & Senatu honoratam, & aequalibus fruentem privilegijs cum veteri regia*

Epist. 37.

I, 1. Epist.  
24.

regia Roma, etiam in Ecclesiasticis negociis magni fieri debere sicut illam. Hoc Canone tria decernuntur contra Papatum. 1. Amplitudine urbis dignitatem sedis niti. Hoc frustra Baronius negat, patres mendacij arguendo. Sed sibi contradicit. Nam alibi ait: *Alexandriam Antiocha praelatam esse propter prefecturam.* Hoc oblitus alio loco ait id factum, quia Marcus eam sedem nomine Petri crexerit. 2. Eadem utrique sedi privilegia deberi. Subjectio itaque Constantinopolis Episcopi erga Romanum sublata est. 3. Constantinopolis Episcopo secundum locum deberi. Hoc decretum Bellarminus negat legitimè factum fuisse, propter legatorum Papæ absentiam: eosque reclamasse. Respondeo, 1. Legati in Synodo Constantinopolitana aberant. Num ideo decreta illegitima? 2. Synodus ait legitimum esse. Utri potius credendum? Decreverunt ut illa Synodi sententia obtineret, in qua plures essent numero sacerdotes, etiamsi duo aut tres per contentionem contradicerent. Hic dubium sublatum est. Aërius criminationes legatorum diluit, & eorum impudentiam & impotentiam coarguit. Negant tale quid ante decretum, quasi Canonem 3. præcedentis Synodi non vidissent, quem licet rejicerent, patres tamen approbarunt. Deinde Canonem 6.

Tom. 6. an.  
45 I. §. 141.

An. 39. §. 10.

An. 45. §. 46.

Aë. 16.

concilij Nicæni cum hac appendice citant :  
*Romana Ecclesia semper primatum habeat.*  
 Sed Authentica exemplaria eam non continebant. At legati omnia irrita declararunt & rejecerunt. Quid inde sequitur ? alterutrum; nempe Synodum adeoque Ecclesiam Catholicam posse decreta edere, quorum firmitas non ab approbatione Pontificis, sed ab ipsius Concilij autoritate pendeat; vel hosce Patres in sententia persistentes contra expressum Oecumenici & infallibilis judicis decretum proprie dictos hæreticos fuisse. Hic notandum est quod Leo I. Canonem 3. Conc. 1. Const. rejicit; contra Innocentius III. in concilio Lateranensi eum approbavit. Sic Spiritus ille sanctus ex uno ore calidum & frigidum efflat. Sed hoc decretum semper validum in Ecclesia fuisse reluctante Episcopo Romano, ex edicto Theodosij constat, quo appellationes Romam deferri solitas in Illyrico Constantinopolin revocat, tanquam Romæ veteris prærogativa lætantiem, idque *omni innovatione cessante secundum pristinos Canones Ecclesiasticos*, nempe 9. & 17. Concilij Chalcedonensis, in quibus provocatio jubetur fieri ad *ἐξάρχον τῆς διοικήσεως*, aut ad thronum Constantinopolitanum. Notandum, istis temporibus in imperio Romano 12. Diœceses fuisse: quam-

Ep. 51.

Cod. de sacros. Eccles. c. omni.

quamlibet diœcesin diversas provincias sub se continuisse : quamlibet provinciam diversos Episcopatus. Episcopus primus totius diœceseos Exarchus vocabatur. Hic Metropolitanos sub se habebat : hi Episcopos. Hæc distributio Monarchæ nostro valde incommoda est. Sed revertamur ad Canonem Concilij Chalcedonensis. Hunc Papistæ ajunt jam obsignatum fuisse ante legatorum contradictionem. Respondeo. 1. Contradicientibus deinde legatis potuissent eum rescindere. Sed hoc necessarium non judicaverunt. Vnde porro liquet , patres judicium Ep. R. infallibile non agnovisse, neque ejus approbationem necessariam judicasse. Tandem murmurant, hunc Canonem Anatolij technis Ecclesiæ obtrusum fuisse, nam cum literas Leonis ad Concilium cessasse. R. 1. Synodus tota clamavit : *Nemo coactus est.* Nam cum Legati Leonis varijs disputationibus tempus eximerent, in pleno concilio postridie omnes Episcopi exclamaverunt : *Iustum est judicium : nos omnes idem dicimus : ista est sententia omnium : omnes in eo persistimus.* Cumque nondum legati cessarent , sed vel Canonem eradi ; vel suam in actis contradictionem extrare vellent : Episcopus Sebastię ad Iudices : *permanemus omnes in judicio vestræ magnificentie.* Cumque nullus contradiceret , Iudices

ces

ces his verbis actionem 16. concluderunt: *Id quod pronuntiavimus, tota Synodus approbavit.* Quo itaque jure quæritur Baronius hunc Canonem clandestinum esse? 2. Licet verum esset quod Leonis literas ad concilium Anatolius celasset; tamen id nihil ad rem faceret. Nam Synodales Leonis animus perspectum satis ex legatorum continua & obstinata contraditione habebant. His reluctando ipsi Leoni reluctati sunt. Cusanus: *Clarum est Leonem in certis articulis constitutiones concilij Chalcedonensis non probasse, sed semper restitisse. Nihilominus decretum concilij semper ratum fuit in Ecclesia, ut apparet ex Canone Antiqua de privilegijs & 22. dist. Renovantes, eque sessionibus & subscriptionibus conciliorum post illud Chalcedonense habitorum. Nam si Papa habuisset in potestate abolere decreta conciliorum universalium, Leo & successores id obtinuissent, quod tamen secus est.*

Ficta est Epistola quædam concilij hujus ad Leonem, qua decisiones suas ejus judicio subjicit: Leonem caput agnoscit: orat decreta confirmet. Probo id ex his verbis: Scripsi pridie calendas Aprilis, feria 3. indictione 13. At Synodus Chalcedonensis 3. Octobris incepta & exitu mensis finita est. Itaque 5. mensibus post concilium jam solutum hæc Epistola scripta

De concord.  
Cathol. l. 1. 2.  
c. 20.

pta est. Neque Martianus sub quo hæc Synodus habita est, 13. indictionem vivendo attrigit; sed ut ipse Baronius scribit, 8. indictione obiit. Quid quod passim deinde Episcopi R. conquesti sunt, suam in ista Synodo auctoritatem habitam fuisse? Hinc nata est contentio, quæ tandem in funestam tragædiam erupit. Neque enim Constantinopolitanus superiorem; nec R. Episcopus parem ferre potuit. Tandem circa annum Christi 866. in Synodo 8. Oecumenica colloquium memorabile extat inter Papæ Adriani & Patriarchæ Constantinopolitani legatos. Michaël Princeps Bulgariæ per legatos in concilio quærit; An Latinæ vel Græcæ Ecclesiæ subiectus esset. Legati Papæ illud; Græci hoc affirmant. Illi ajunt se primos sacerdotes in Bulgariam misisse, non illud Bonifacii allegant, quo statuitur omnis humana creatura subiecta sedi Romanæ.

## C A P. III.

*Papatus continua Episcoporum legitimorum successionem caret.*



**M** N I S potestas, quam sibi Papa Romanus adscribit, necessario per successionem continuam ad nostram tem-

tempora derivata est. Hæc successio legitima vocatione & electione conservatur. Nihil enim juris Non-Papa habet. At nemo Papa verus evadit sine legitima vocatione & electione. Qui igitur hac destituitur, nihil omnino juris habet Bellarminus :

De Ecclesia  
c. 8. l. 4.

*illi soli in Ecclesia semper habiti sunt veri Episcopi, qui ab Apostolis per legitimam successionem & ordinationem descendisse ostendebantur.*

Hinc ultrò patet, eos qui vi & simonia sese in sedem intruserunt, non succedere.

Tom. II. ad  
an. 1044. §. 5.

Nam non electus non succedit. Baronius fatetur : Ecclesiam Romanam pro capite

*habuisse Tricipitem Bestiam, è portis inferni emergentem, Tres nempe una vice Papas, omnes tres pernicioso, quos nihil nisi ossa Cerberæ satiabat.* Num tales Ecclesia pro veris

Vol. 2.  
Chron. generat.  
rat. 46.

successoribus Petri acceptat? Naclerus loquens de Urbano 6. & Clemente 7: *Vtraque obedientia habuit religiosissimos viros, miraculis fulgentes, neque unquam potuit questio hæc decidi, uter verus Papa esset.* Vbi hic indubitata successio? Onuphrius 26. Schismata

Genebrardus  
ad annum  
1389.

in Ecclesia Romana recenset. Vigésimum ait 40. annos durasse: vigésimum sextum totidem. O præclara unitas bicipitis vel tric-

ipitis Ecclesiæ! *Alter in alterum censuris sæviebat. Tota Resp. Christiana duos tum Pontifices habebat: uterque antagonistam suam excommunicabat: uterque Episcopos creabat: Epi-*

*scopi*



*scopi sacerdotes: uterque rescindebat acta sui Antipapæ.* Si Ecclesia quæ schismatum tempore vixit alterutrum pro vero successore Petri non potuit acceptare (ut patet) quomodo id potuit præstare Ecclesia posteriorum seculorum? Alterius ordinationes semper irritæ fuerunt, sed utrius? Dicant hoc. Genebrardus: *Turbata hic fuit legitima successio, ut olim in Synagoga sub Antiochis paulo ante Maccabaos.* Platina: *Mox ubi cum ipsis opibus lascivire coepit Ecclesia Dei versis ejus cultoribus à severitate ad lasciviam, peperit nobis tanta licentia peccandi, nullo principe tum flagitia hominum coercente, hæc portenta, à quibus ambitione & largitione sanctissima sedes Petri occupata est potius quam possessa.* Num tales vera Ecclesia potest pro veris successoribus Petri ACCIPTARE? Giovinus: *Schisma ambiguum orbem Christianum graviter concussit, quando alter Pontifex Romæ, alter Avenione creatus, uterque magno Cardinalium, Episcoporum, sacerdotum, principum & populorum assensione pontificatu defungeretur. Nam cum 3. simul Pontifices inaugurati essent, Iohannes 23. Gregorius 12. Benedictus 13. gravi schismate Ecclesia Christi est dilacerata.* Vtros jam Ecclesia pro veris Petri successoribus acceptat? Non desinam hoc quærere. Ecclesia tum temporis sententiam suam explicare non potuit, cum electio legitima alter utrius è luce factorum cognitu facilior esset;

Chron. l. 4.  
an. 1009.

In vita Bened.  
4. & Stephani 6.

De schismate  
p. 181.

esset; & jam post tot annorum decursum, ubi omnis notitia fere earum rerum oblitterata intercidit, potest. Cui hoc persuadebunt? Imo tres Antipapas Ecclesia simul abijcit; deinde unum ex iis in numerum verorum Christi Vicariorum recipit. Qualis hæc constantia in judicando? Iudicio Romanæ Ecclesiæ Iohannes 23. verus successor Petri est & non est. Sed definiant quænam sit certa successio Pontificum. Nam aliam Onuphrius, aliam Genebrardus, aliam Platina tradit. Onuphrius suam plenam, ut fatetur, hæitationibus tradit, quæ à Petro ad Gregorium 13. 230. Papas exhibet. Genebrardi alia est successio, quæ 234. Pontificibus constat. Platina catalogum 235. pontificum tradit. Quam successionem Ecclesia recipit & approbat? Nullam. Vera autem successio non debet ignorari. hæc enim potestatem Petri in Ecclesia conservat: hæc *ἀποστολική* cathedræ Romanæ ad nos traducit: hæc Apostolos ordinarios Ecclesiæ donat: hæc auctoritatem synodis conciliat: hæc cælum aperit & infernum claudit. Omnium dogmatum certitudo ab approbatione Veri successoris Petri dependet. Non omnis autem Pontifex, qui in isto catalogo extat, talis fuit. Ut ita male colligatur; Habetur ab Ecclesia Romana pro Pontifice (omnes enim in ordinem

ordinem Catalogi relati habentur.) E. est verus successor Petri. Itaque non omnes Pontifices sed quidam veri Petri successores sunt. Vnde tandem constat non sequi; Hoc dogma Pontifex probavit. E. verum est. Dicat mihi Ecclesia Romana, Quot veros Papas id est successores Petri habuerit. Si hoc ignorat, successionem ignorat. Docent Papistæ necessarium esse ad ordinariam vocationem, ut ab ultimo Vocato ad primum Vocantem Christum non interrupta serie sive fidei sive personarum perducatur: hac catena fracta, vocationem non superesse: nullum indicium successionis esse, nisi Pastores continuati texantur. Hanc non interruptam seriem R. E. nobis ostendat, fidei nempe & personarum. Hanc catenam non fractam! Hos Pastores continuatos & vocatos. Num sufficit dicere Ecclesiam eos qui simoniâ & aperta vi (quæ nullum cuiquam jus tribuit) in sedem irrepsērunt aut se intruserunt, jure postliminii acceptasse? At sic eadem Ecclesia sibi turpissimè contradicit. Sententia Synodi Chalcedonenſis notissima: *Per simoniam ordinatos nihil ex hac ordinatione proficere, sed alienos à dignitate esse.* Neque Bulla Iulij 2. ignoratur, qua definitum est cum assensu Concilij Lateranensis: *Electionem Pontificis Romani per simoniacam heresin non solum nullam esse: sed*

Iansenius in  
Spongia pas-  
sim.

c. 2.

sess. 5. ann.

1505.

F

contra

*contra sic electum opponi posse, sicut de vera & indubitata heresi, ut à N V L L O pro R. P. habeatur: eundem electum Apostaticum, ha-  
resiarcham & ad prædicta omnia & singula  
perpetuo inhabilem haberi debere & esse: ne-  
que huiusmodi Simoniacam electionem per sub-  
sequentem ipsius inthronisationem, seu tempo-  
ris cursum, aut etiam omnium Cardinalium  
adorationem seu obedientiam ullo unquam tem-  
pore conualescere.*

Astorum. 8.  
21.

in 4. dist. 25.  
q. 1. 15.

Cum hoc Ecclesia R. ita constituerit, quomodo poterit hominem apertâ vi & Simoniâ sedi huic obrepentem acceptare & in verum Papam transformare? Nonne iudicium. S. Petri apud Ecclesiam valebit? Simoni Mago neque portionem neq; partem esse in hoc negocio. At quam multi aperti Simones in hoc Catalogo extant? Sed num forsan Ordinatio Episcopalis hoc vitium electionis corrigit! Respondeat Bonaventura: *Dicendum quod insolubiliter verum est quod dicit Aposto-  
lus, quod minor à majori benedicatur pro statu in quo benedicatur. Nam sine contradictione ve-  
rum est, quod nullus dei alij dignitatem maio-  
rem quam habet. Ideo Episcopus consecrans Ar-  
chiepiscopum & Papam, omnino non tribuit ei nisi consecrationem Episcopalem. Sed ille am-  
pliores habet auctoritatem & jurisdictionem.* Vnde autem hanc accipit nisi ex legitima electione? Ergo certum est, vitium in elec-  
ctione

ctione Papæ commissum nulla ordinatione aut approbatione Ecclesiæ corrigi posse. Num manifestarij Simoniaci sunt successores Petri? Quos Ecclesia toties inhabiles declaravit, num hos pro veris Papis postea recipit? Sed audiamus Bellarminum. *Ad hoc ut quis Christi locum teneat, & quod propterea debeamus illi obedientiam, & EO SENSU sit verus pastor, non requiritur legitima electio (quæ complectitur etiam ordinationem) sed solum ut habeatur pro tali ab Ecclesia: Dicat mihi quo sensu apertus Simoniacus & invasor sedis sit verus pastor? quo sensu pro tali ab Ecclesia potest haberi? Docent, R. Pontificum successionem perpetuam & visibilem semper debere esse, & ipso facto fuisse: hanc in medio Ecclesiæ constitutam visibilem tesseram, signum, truncum, vexillum, radicem, centrum totius Ecclesiastici corporis. Videamus an hoc ita Onuphrio qui hoc faxum volvit, videatur. *Hæc tempora, ait, adeo incerta & obscura sunt, ut neque quo loco, neque quo ordine aliquot Pontificum Romanorum nomina reponerentur satis liqueat, nonnullique præterea novi irrepsissent Pontifices, quibus, stante maxime temporum ratione, locus in hac serie esse non potest, ut Basilio, Agapeto, Donno 2. qui vel iidem cum aliis Papis variatis nominibus, vel Schismatici fuerunt, vel planè non extiterunt. Unumquodque autem as-**

l. 3. de Eccles.  
cap. 10.

Iansenius in  
Spongiam  
incumbens.

Præf. ad p. 2.  
de R. p.

*serere eorum, dubium & incertum est.* Eusebius fatetur id opus esse majus viribus suis.

Hist. l. 2. c. 1.

Nam tempus *ἀδελον* est ab ultimo capite actorum ad medium Trajani imperium, quo N I H I L C E R T I de rebus Christianorum ad nos pervenit. Quod si, cum aperti Hæretici, Simoniaci, raptores sedem occuparunt, ea vacasse dicitur, vacavit cal-

De regn. Italia.

culo Genebrardi 150 annis vel Sigonij ipsis 200. Vbi hic successio continua personarum

*ἀμείσως* instar annulorum catenæ sibi succedentium? Vbi illud: *Ego vobiscum sum omnibus diebus*? Nonne sic reliquarum sedium continuatio ab Apostolis defendi potest?

Cur earum successionem intercidiisse asserunt? Certè eodem modo defendi potest

*Sedes vacavit* dicendo. Quomodo si sedes

tam diu vacavit, Ecclesia semper legitimos

Pastores habuit? Nonne hoc ei à Christo

promissum dicunt? Sede vacante Ecclesia

nulli Papæ obedientiam debet. At his quos

ajunt cum malis moribus rectam fidem con-

junxisse obedientiam debuit. Sed quomodo

sedes vacavit, cum nihil omissum sit eorum,

quæ in Ecclesia non nisi Apostolica autori-

tate (ut garriunt) fieri possunt? Num om-

nia irrita sunt? At quot hinc incommoda se-

quuntur? Primum ordinatio Papæ Simo-

niaci, hæretici, Magi, irrita fuit, irrita

item Episcoporum & porro Presbyterorum

quos

quos ipsi ordinarunt. Hoc malum progressu temporis non emendatur, sed sese instar cancri magis magisque dilatat. Unde itaque in tanta hujus successionis confusione & vitio originis non emendando, sacerdos certus est se ordinem accepisse; quo sibi non tradito panem semper in altari & adorat ipse & aliis adorandum offert. Hoc certè est apertum Idololatriæ Gymnasium, in quo necessario (ob tantum numerum Pseudo-Papatum, Pseudo-Episcoporum, Pseudo-Presbyterorum) panis pro Deo colitur. Sed ut tanquam in speculo hanc successionem contemplemur, ex authenticis monumentis strictim Historiam Paparum delibabimus.

Liberatus narrat Vigilium à Belisario Papatum 200. marcis auri emisse. Marinus teste Platina eundem malis artibus adeptus est. Formosus è sepulchro effossus, digitisq; quibus Episcopos ordinarat, abscissis in Tiberim abjectus est. Hoc totum Stephanus 7. cum Concilio decernebat & agebat, qui tamen ipse tyrannide; non recta electione ad Papatum pervenit, si Baronio credimus.

In Breviario  
an. 136.  
c. 12.  
anno 882.

Carronza: *Res plena horroris, ut videas quantum degenerabant Pontifices à majoribus suis, ne cui mirum sit, si qui abusus & perverse opiniones in Ecclesiam irreperint. Quærebatur an denuo ordinandi essent à Formoso ordi-*

*nati, & decretum fuit, esse. Itaque ordinationes Formosi irritæ declaratæ sunt, quia per ambitionem male Pontificatum adeptus esset. Hoc pleno concilio decernitur, & tamen est erroris plenum decretum ipsorum Papistarum iudicio. Nam ajunt Formosum verum Episcopum Portuensensem fuisse; Itaque alios ordinare potuisse licet nunquam Papa evasisset. Vt summam loquar, hæc controversia de valore ordinationis à Formoso administratæ diu Ecclesiam R. exercuit, in utramque partem contrariis decretis agitata. Vnde liquet quis Spiritus istis conciliis veritatem suggesserit. Sed Baronij*

an. 912. §. 8. *ductu pergamus: Hos R. E. passa est tyrannos, Thusciam principes, dominantes sive pecuniis sive armis populo cleroque Romano, per quos intrusi sunt in cathedram Petri homines monstrosi, vita turpissima. Quæ tunc facies Ecclesiæ Romanæ, quam fœdissima. Cum Roma dominarentur potentissimæ atque sordidissimæ meretrices, quarum ARBITRIO sedes mutarentur, Episcopi darentur, & quod auditu horrendum & infandum est, in sedem Petri intruderentur: earum Amasij Pseudopontifices, qui non sunt nisi ad consignanda tempora in*

an. 896. §. 2. *Catalogo Pontificum Romanorum scripti. Ali-*  
 7.9. *bi: Consensus cleri interveniens post intrusiones de novo ipsos legitimos Pontifices constituit. Hic habemus legitimos Pontifices & ta-*  
 men



men Pseudopontifices. Fur cum torquetur verum fatetur; solutus negat: Ita Baronius cum à veritate torquetur, rem sicut se habet, dicit; elapsus ex istis salebris, aliter loquitur. An non plurimis talis consensus cleri defuit? Probandum est Baronio: Hanc non-resistentiam cleri, qui malo grassanti obviam ire non poterat, effecisse, ut illi qui armata vel nummata manu sedem invaserant, vel suffragia emerant, legitimi successores Petri habendi sint. Christus expresse dicit: qui non INTRAT per ostium, fur & latro est. Talem itaque clerus NON POTEST suo consensu pastorem facere. Quid? nonne Canones Ecclesiastici tanta copia extant, qui tales perpetuo inhabiles declarant? Quid Bulla Iulij 2. Nonne hoc aperte docet? Huc itaque res redit, ut Papistæ nobis ostendant Catalogum Pontificum vacuum Pseudopontificibus, & tum successionem continuam credemus. Neque vero pauci in hunc Catalogum Apotactici & Apostatici (Genebrardus ita loquitur) sed annis 150. fere quinquaginta, qui à virtute majorum prorsus defecerunt, irreperunt; adeo ut Baronius exclamet: *Deum Ecclesie sue oblitum esse!*

In Chron. ad  
annum 901.  
annalium  
925. §. 9. 10.  
908. §. 7.  
931.  
955. §. 4.

Iohannes XI. filius Marozæ meretricis, monstrum hominis Ecclesiam conculcavit:

Iohannes xii. factione & vi aperta adolescens 18. annorum Papa factus est. Anno 963. Imperator Otto Romam veniens Constitutionem Adriani i. renovat, ne Papa eligatur nisi ab Imperatore. Idem Leo 8. decrevit. Sed Gregorius 7. has priorum Pontificum constitutiones abrogavit. Hinc perpetua litigia & horrenda schismata in Romana Ecclesia enata sunt. Otto enim Romam veniens Iohannem xii. rejicit, Leonemque 8. ei substituit. Sed simul Otto Roma discessit, Iohannes revertitur, Leonem Papatu dejicit, & paulo post in adulterio deprehensus moritur. Hoc tempore duo fere Papæ Ecclesiam Romanam lacerabant. Romani electos ab Imperatoribus non recipiebant; nec Imperio addicti Romanorum electionem approbabant. Hinc mutæ cædes. Bonifacius duobus Antipapis occisis, sedem vi aperta occupat. Hinc qui dolo vel vi superior erat, legitimus Papa habebatur. Unde prudentes intelligunt, quam egregium Catalogum Pontificum nobis texant. Ajunt Papas holce cum malis moribus rectam fidem conjunxisse. At successio non pendet vel ex moribus vel fide; sed ex vocatione legitima. Hæc est unica causa successionis. Martinus Sigbertus, Platina, Onuphrius, Herbertum Diaboli opera federe cum eo percusso, ad Papatum pervenisse scribunt. Benedictus 9. filius

Luitprandus  
l. 6, c. 11.

lius Alberti Comitis Tusculani puer 10. annorū factione patris Papa evasit: Covetus factetur eum suffragia pecunia emisse. Sed hunc Vicarium Christi Romani Vrbe eijciunt, subrogato ei Silvestro 3. qui teste Glabro, 12. Baronio, 10. annorum fuit, idque fraude & pecunia. Sed post 49. dies Benedicti factio revalescens Sylvestrum 3. de throno Papali dejecit. Iohannem xx. Baronius fatetur non legitime à Deo vocatum, sed malis artibus ascendisse. Hic tamen teste eodem Romualdum in Sanctorum numerum retulit. Porro hic Benedictus 9. ut Baronius scribit, Papatum Romano Archidiacono vendit, sed pecuniâ acceptâ hominem Roma exigit. Hinc trias Paparum seipsam intestinis bellis conficiens: tandem enim Papatum Gregorio vendiderunt. Sed Henricus 2. Imperator his omnibus dignitatem abrogat Clementem eis 2. subrogando. ô officina Simonis Magi Roma! Sigonius ait Henricum 2. Germano homini papatum contulisse, ut Romanæ Ecclesiæ 200. annos ægrotanti mederetur. Sed frustra. Nam hic Clemens 2. veneno à Damaso 2. extinguitur, qui per vim Papatum occupavit nullo cleri populique consensu. Scribit idem autor adeo hunc morem inolevisse ut cuique ambitioso liceret Petri sedem invadere. Sed 23. die ex quo Papatum accepit, veneno & ipse obiit.

contra My-  
sterium Ples.  
sæi p. 625.

anno 1024.  
1027.

1044

l. 8. de regno  
Italix. Plati-  
na in vita  
ejus.

F 5

Huic

1057.

Huic Leo 9. succedit, qui in prælio contra Normannos captus est. Victor 2. hujus successor è calice sacro sanguinem Christi haustus venenum hausit, itaque ad plures

1061.

operâ subdiaconi sui abit. Duo Papæ hoc anno alter à Romanis electus Alexander 2. alter ab Henrico 4. Imperatore Honorius 2. Sed Honorius victus alteri locum cessit, cum cædibus mutuo sævissent. Henricus 4.

Otto Frising.  
Chron. l. 6.  
c. 34.

Gregorium 7 exautoravit synodo coacta, eique Clementem 3. substituit. Sed Comitissa Mechtildis exercitu Normandorum adjuta hunc Clementem 3. oppressit, eum-

1084.

que Roma non sine magna cæde ejecit, eique Victorem 3. surrogavit. Sed è calice Eucharistico & is non vitam sed mortem hausit. Huic Urbanus 2. succedit, qui Antipapam suam Clementem 3. excommunicavit auxilio Imperatoris confisum & Placentiæ commorantem. Hic vicissim Urbanus

Leo Ostiensis  
l. 3. Chron.  
c. 20.

excommunicat, tandemque securitatis causa in Galliam abit, coacto contra Clementem concilio Claremontij. Clemens

Abbas Fuggerus.  
Platina.  
Vrspergensis.

Romæ idem. Urbano defuncto Paschalis 2. succedit, Clemente 3. adhuc vivo, quem tandem coacto exercitu Roma ejecit, filiumque ad arma in Patrem Henricum 4. capienda incitavit. Sed Henricus 5. in hunc Paschalem postea odio exarsit, & ex Italia abductum captumque in vinculis detinuit. Mortuo Pa-

schali

schali Romani Gelasium 2. substituerunt. Sed Imperator Gregorium 8. elegit. Gelasius Viennæ moritur, cui Callistus 2. succedit. Hic Gregorium 8. captum pellibus caprinis sanguine madidis induit, & camelo impostum versa ad caudam facie Antichristum præconis voce declarat, tandemque perpetuis vinculis cohibet. Ita vis vicit. Anno 1130. altera factio Cardinalium Innocentium 2. eligit: altera Anacletum 2. Hi inter se mutuis cædibus & excommunicationibus sæviunt, conciliisque coactis se mutuo Antichristos salutant. Cum Anacletus 8 annos sedisset, & Innocentium Roma eiecisset, moritur. Hic Innocentius iterum emergit. Idem anno 1160. contigit: Papa Adriano 4. mortuo Cardinales alij Victorem 4. alij Alexandrum 3. eligunt. Victor Româ captâ Alexandrum in fugam conjicit. Hinc mutux excommunicationes non tantum auctorum, sed omnium alterutri parti adhærentium, sic ut tota Ecclesia excommunicata esset. Victor Paviæ habito concilio confirmatur: Alexander in Gallia Antisynodum celebrat. Victor mortuus successorem habuit Paschalem 3. Hic Calixtum. Alexander interim Romanorum ope fretus civitates Lombardiæ ad defectionem ab Imperatore Friderico sollicitat. Hic Imperator victus Venetias venit, quem Alexander in gradi-

Matth. Paris.  
in vita Hen-  
rici 1.  
Westmonaste-  
riensis.

Naclerus  
2. vol. gen.  
40.

Sabellicus  
l. 7. sat. 3.

p. 2. infr.  
moral. lib. 5.  
cap. 43.

Anno. 1299.

Platina, Cran-  
zizius.

Theodorus  
Niem.

gradibus templi S. Marci suscipit, pedibus  
ejus capiti insultando; quod facinus Azorius  
inter triumphos Ecclesiæ numerat. Schisma  
hoc 17. annos duravit. Sic Alexander vicit  
Calixto oppresso. Vnde Papa ille : hic  
Schismaticus. Successio enim hæc divina ab  
eventu bellorum pendet. Victor semper le-  
gitimus erat, quocunque tandem facinore  
ad hoc culmen Papani honoris obrepisset.  
Clemente 4. mortuo sedes 2. annos, 9. men-  
ses vacavit ob dissidium Cardinalium. Tan-  
dem Cœlestinum 5. eligunt. Huic Bonifacius  
8. noctu per foramen parietis curat in susur-  
randum: *Cœlestine Papatum deponere, si vis sal-  
vari.* Et sic Bonifacius 8. qui primus iubi-  
læum instituit, Papatui initiatur. Clemente  
5. mortuo, qui sedem Avenionem transtulit,  
ubi annos circiter 72. mansit, 2. annos & 3.  
menses sedes, Cardinalibus in factiones di-  
stractis vacavit. Tandem Johanni 22. fa-  
cultatem permittunt Papam eligendi. Is  
eligit seipsum. Sed schisma horrendum  
& diuturnum incepit anno 1377. inter  
Clementem 7. & Urbanum 5. Duravit 50.  
annos, totamque Europam cædibus reple-  
vit. Urbanus Romæ sedebat cum suis suc-  
cessoribus : alter Avenione cum suis. Gre-  
gorius xii. Romæ electus, cum conditio-  
ne resignandi Papatum, ubi id requireretur :  
ut & Antipapa Benedictus xiii. cum ea-  
dem.

dem. neuter promisso stetit. Quantum scelerum utrinque perpetratum sit, ex historiis non obscurum est. Tollendo Schismati Cardinales Pisius concilium celebrant, in quo uterque Hæreticus & Schismaticus declaratus, & Alexander 5. electus est. Sed An. 1411.

priores vi sese in possessione rutabantur. Hinc iterum 3. Antipapæ Alexander moritur. cui Johannes xxiii. suffragio à Cardinalibus empto, succedit. Hi tres Papæ Ecclesiam, excommunicationibus intestinis alijs contra alios exardescences, perturbabant, ordinationes Episcoporum & presbyterorum irritas declarabant. Ita ut nullus Episcopus, nullus presbyter in tota R. E. extiterit, qui absolvendi & consecrandi potestatem ob excommunicationem non amiserit, vel ea ob ordinis defectum non caruerit. O successionem! Hi omnes quos recensui, Papæ Pseudopapæ promiscuè Episcopos crearunt, hi presbyteros. Unde necessariò *Absolutio Sacramentalis*, sine qua Tridentina Synodus nemini salutem concedit, irrita, tot myriades damnationi æterne involvit, populumque in artolatriam conjecit. Tandem in concilio Constantiensi 54. capitibus accusationis contra Iohannem propositis, officio suo cum duobus Antipapis abdicatus est. Martino V. eligendum est, cui succedat. Diabolo,

si Felino credimus. Nam Felinus diabolum

vocat

In c. ego. N.  
5. de iureju-  
rand.

vocat Papam non Canonicè electum, cumque non claves Cœli *sed inferni* habere asserit. Hæc est illa continua ab Apostolo Petro ab Urbanum 8. deducta successio, infallibilis veræ Ecclesiæ nota. Sed etiâsi, ajunt, Papa per simoniam & alias malas artes, per schisma & seditiones intrarit, potest tamen sedem ut legitimus successor retinere. Sola acceptatio Ecclesiæ legitimum facit pontificem, & abolet omnem pœnam Canonicam humano Ecclesiæ jure constitutam. ô misericordem Ecclesiam, quæ Monstra ista & ludibria humanæ naturæ pro veris successoribus Iesu Christi acceptat & agnoscit! Nonne eadem Ecclesia sceleratos istos homines perpetuò inhabiles, omniumque dignitatum exsortes declaravit? Quid Julius in concilio Lateranensi? Sed estne

AA. 8. HUMANVM IVS quod in actis extat? Ad schismata respondent, Vni justitiam suffragari. Nempe ut sæpe audivimus, præcipue in Constantiensi concilio, quo 3. Antipapæ pseudopapæ evaserunt. Deinde ajunt errorem esse *dilectionis*, non *rebellionis*. An non igitur Papæ legitimi, cui justitia suffragetur, excommunicatio valida est? An non ajunt necessarium esse, legitimum Petri successorem agnoscere, eiq; sese subicere? Sed sit ita. Non quæritur de salute hominum; sed de continua successione; hanc schismatis asserimus ruptâ fuisse.



fuisse. Nam is in possessione fore mansit, qui vi, pecunia, armis, fraudibus alterum antehabebat. Sed hæresibus successio sine dubio rumpitur. His diversi Episcopi R.E. addicti filum istud ruperunt. Clemens *vitam communem omnibus necessariam esse statuit, omniumque rerum communem usum quæ sunt in mundo; in omnibus autem sine dubio conjuges esse.* En Hæresin Nicolaitarum. Gratianus hæc verba in jure Canonico citat, sub nomine Clementis. Respondent; Non quoad usum Carnis, sed obsequium. Sed Clemens Socratis auctoritate utitur, qui non distinxit. Imò si uxor non est *propria mariti*; sed *communis*; cur ea non æquè alius utetur quam maritus? In Veneta editione hæc verba: in *omnibus*, &c. ommissa sunt. Hoc non ut privatus doctor; sed in dogmatica epistola ad Episcopum Hierosolymitanum scribit. Quod si Papis hoc privilegium est, ut, cum è *Cathedra* docent, ne errent; possunt *semper è Cathedra docere*, & *scripturam interpretari*: sic hoc lucrabuntur, ne unquam privatim errent, imo ne Ecclesiæ tot interpretibus opus sit. Hi duo modi docendi è *Cathedra* & non è *Cathedra* cui veterum doctorum cogniti? Cur authentico modo non semper utuntur? Porro quod Papæ in decretis vel docent vel mandant, non ut privati docent, quemadmodum princeps in edicto nihil quatenus privatus est, mandat.

Epist. 5. in  
Tom. conc.  
Caus. 12. q. 1.

dat. Sed an credibile est Papam aliud stantem, aliud sedentem in Ecclesia loqui? Num vero Christi preces Papæ impetrarunt, ne publicè erret? Docent Petrum negasse Christum ore, non corde; contra Papam corde posse negare, non ore: privatim occulta hæresi, non publicè apertâ professione: Petrum confessionem fidei perdidisse, non fidem: Papam fidem, non fidei publicam confessionem. Quid igitur preces

In fragmen-  
tis Hilarij  
editis Parisiis  
anno 1559.

Christi pro Petro ad Papam? Hilarius ter repetitum anathema Liberio Papæ dixit, eò quod, ut Damasus Papa, Athanasius, & qui non? testantur, Constantio Imperatori Hæretico consensit. Extant ejus Epistolæ dogmaticæ, quibus Athanasium è sua communione excludit. Bellarminus ait: *Liberium habitum fuisse ab Ecclesia pro hæretico, quia externus sic se gessit.* Sed cor Liberij unde Bellarminus novit? Hoc nobis sufficit quod concedit. Visibilitas Ecclesiæ Papisticæ consistit in communione externæ professionis membrorum cum capite. Hoc summa virium contentione Bellarminus urget, non internas virtutes requiri & quis sit membrum Ecclesiæ; sed solam externam professionem sufficere. Hinc argumentor: Quæcunque Ecclesia cum Episcopo Romano in externa professione fidei publicè declarata & approbata cum excommunicatione  
dissen-

De Rom.  
Pont. l. 4. c. 9.

dissentientium communicat, illa est Ca-  
 tholica. At Arriana Ecclesia cum Liberio E-  
 piscopo Romano in externa professione fi-  
 dei publicè declaratæ & approbatæ cum ex-  
 communicatione dissentientium commu-  
 nicat. E. Minor ex literis Liberij Papæ pa-  
 tet, & à Bellarmino conceditur. Fatentur  
 omnes, Liberium externis cum Arinianis  
 communicasse. Quid ultra volumus? Sed  
 evidenter patet, Communionem cum Papa  
 in extrema professione fidei non esse con-  
 ditionem necessariam, ut quis membrum sit  
 Ecclesiæ Catholicæ. Nam Athanasius eo  
 IPSO TEMPORE quo à Liberij Papæ com-  
 munionem exclusus erat, membrum actu fuit  
 Catholicæ Ecclesiæ. Quis non maluisset  
 cum Athanasio quam cum Liberio commu-  
 nicare? Num forsan Liberius damnationi  
 Athanasij non consensit nisi propter crimina?  
 Sed ipse Bellarminus respondeat: *Liberius be-*  
*ne sciebat quod Athanasius propter fidem per-*  
*secutionem sustineret.* Quid: nonne omnes dis-  
 sentientes ab illa pace & concordia à sua  
 communionem separat? Nondum tacent. Li-  
 berium ajunt putasse Orientalium fidem cum  
 Catholica consentire. O vācorum Ponti-  
 ficem! ô ficulnam excusationem! Papa igno-  
 rat quid publice in toto Oriente credatur!  
 Sed ipse Bellarminus potius respondeat:  
*Liberius bene sciebat Valentem & Ursacium*

lib.4.c.14.

*hæreticos esse.* Baronius: Vocem ὁμοούσιος silentio tantum præterit. Hoc Arriani tantum petebant. Sed Sozomenus contra. Constantius Liberium cœgit confiteri *μὴ εἶναι τῷ πατρὶ τὸν υἱὸν ὁμοούσιον.* id est, *non esse filium ejusdem substantiæ cum patre.* De coactione ipse in literis negat. Hoc nobis sufficit. Poterat mori si noluisset literas istas scribere. Tandem Sozomenus ait, rumorem falsum de Liberio sparsum, quod τὸ ὁμοούσιον abjecisset, & patri filium dissimilem profiteretur. De utroque conjunctim potest falsum esse. Similem enim filium patri mitiores Arriani, (sed æquè pestiferi ac rigidiq̃res isti ἀνόμοιον Christum profitentes) prædicabant. Quicquid sit: Ipse Liberius se declarat in omnibus consentaneum & in nullo Arrianis contradicentem Papam & Vicarium Christi. Vigilus Eutythis hæresin docuit. Liberatus citat Epistolam Vigilij ad Theodoram Imperatricem & alios Eutythianos, qua hæresin ipsorum confirmabat, & anathema iis dicebat, qui duas in Christo naturas confitentur. Hic sudant. Locum Liberati ajunt corruptum. At id non probant, nec ullum vestigium corruptionis ostendunt. Ajunt non definivisse hæresin tanquam Papam è Cathedra, nec animo Hæreticum fuisse.

In Breviatio  
c.22.

fuisse. De animo ejus non sumus solliciti ; neque Ecclesia R. ad animum , sed ad os & calamus Pontificis respicit. Externum enim Iudicem , externam vocem ejus querit. Animum hominis quis videt ? For-  
 san ajunt Epistola illa ficta est ; Liberatus hoc sensisset. Sed omnia antiquitatis testimo-  
 nia sic eludi possunt. Honorius Monotheli-  
 tarum hæresin confirmavit. Sufficiat hoc  
 loco autoritas 3. Synodorum Oecumeni-  
 carum 6. 7. 8. ut & Epistolæ Agathonis,  
 Adriani, Leonis, trium Pontificum. Hi om-  
 nes ad minimum judicarunt , Papam Ro-  
 manum posse Hæreticum esse. Si Epistolæ  
 Honorii ad Sergium Patriarcham Constan-  
 tinopolitanum fictæ essent , tot concilia &  
 Papæ haut dubiè sensissent. Imò Maximus in  
 disputatione contra Pyrrhum Epistolam pri-  
 mam Honorii Papæ esse concessit, vivo ad-  
 huc scriba Honorij, qui eam sua manu scri-  
 pserat. Leo 2. ait: *Honorium immaculatam fi-  
 dem subvertere conatum fuisse.* Itaque condem-  
 nationem Honorii in 6. concilio non tan-  
 tum Græci, sed & Latini, imò ipsi 3. Ponti-  
 fices approbarunt. Ut Pighiana impuden-  
 tia meritò derideatur. Tandem Legati  
 Agathonis Romam sine actis Concilij non  
 redierunt. Non autem ea corrupta Ro-  
 mam attulerunt. Illam enim corruptio-  
 nem potuerunt in concilio , cui interfue-  
 runt,

In tomis  
 conciliorum  
 6. 7. 8. conc.  
 oecumenicis.

runt, impedire. Integra itaque Romam ea attulerunt.

In Epistola  
ad Bonifa-  
cium.

Gregorius 3. permisit viro uxorem ducere aliam, si morbo impedita propria uxor debitum conjugij non possit reddere. Respondent concedi non ut justum sed ut minus malum. At inter duo mala culpæ non minus sed neutrum eligendum est. Porro dicunt Papam ex ignorantia lapsum esse. Confessionem accipimus. Erravit igitur consultus ut Papa. Fatetur Bellarminus hunc Gregorium docuisse, posse in casu aliquo cum consensu uxoris aliam à viro superinduci. At hic error exploratus est. Nihil enim nisi adulterium potest legitimum conjugium dirimere. Glossa apud Gratianum ait, *Gregorium propterea reprobari.* Nicolaus 1. in Epistola ad consulta Bulgarorum statuit: *legitimum baptismum esse qui tantum in nomine Christi, sine expressu mentione Patris, Filij & Spiritus sancti administratus sit.* Ajunt, Eum hoc non definivisse, sed obiter *opinionem suam exposuisse.* Sed ad Iudicem non scribitur, ut opinionem privatam exponat; sed ut rem in controversia positam dijudicet. Bulgarorum Ecclesia volebat à Papa instrui. Ex professo quid agendum sit de puero, quem Iudæus in nomine Christi sacra lotionem tinxerat, consulit. Papa respondet Epistola publice inscripta Ecclesie

Matth. 19.

4. 5.

1. Cor. 7. 2.  
dist. 2. c. de li-  
bellis. in  
Gloss.

siæ Bulgariæ, Scripturis sententiam suam probat, exemplum Apostolorum citat, Ambrosij auctoritatem pro se allegat. Estne hoc obiter opinionem suam exponere?

Cælestinus, teste Alphonso de Castro, definivit; *per hæresin omnino matrimonium solvi*. cujus contrarium Innocentius 3. decrevit. Hoc Papistarum nullus negare potest. Decretalem Epistolam Alphonsus se testatur vidisse. Iam erasa est è corpore

l. 1. c. 4. c. quanto. de divortis. in c. exiit. de verb. sign. in sexto.

juris Canonici. Denique contraria decreta Nicolai 4. & Iohannis 22. intueamur. Hos Bellarminus fatetur in omnibus conciliari non posse. Gratulemur itaque nobis. Habemus Papas è Cathedra errorem docentes & summa virium contentione defendentes. Bellarmini ductum sequamur. 1. *quæsitum fuit inter ipsos: An in rebus quas usu consumuntur, usus à dominio separari possit?* Hoc Iohannes plurimis adductis rationibus negat; Nicolaus affirmat. Respondet: *Rem non esse fidei*. At isti Pontifices rem fidei fecerunt. Nam Nicolaus hoc fundamentum esse ordinis Franciscanorum iudicavit, qui inviolatus non possit servari, nisi rerum, quæ usu absumuntur, omne dominium abdicaret & Romanæ Ecclesiæ transcriberet. 2. *Num talis paupertas, quæ omne dominium abdicet, meritoria sit?* Hoc Iohannes negat; Nicolaus affirmat. Vterq;

G 3

senten-

sententiam suam è Cathedra definivit. Iohannes etiam quosdam Franciscanos combussit. 3. *Num Christus & Apostoli talem paupertatem verbis & exemplis docuerint?* Nempe ut nihil nec communiter, nec particulatim bonorum possederint. Iohannes negat. Nicolaus affirmat. Iohannes contrariam sententiam pro hæresi condemnat. Miserrima quædam verba Bellarmini considerabimus. ait Christum ex sententia Nicolai aliquando aliquid habuisse proprium, saltem communiter, aliquando non; Iohannem autem hoc non negare. Cur igitur litigant? ô Andabatæ! Sed ex hac responsione sequitur, Ordinem Mendicantium, qui omne dominium tam communiter quam particulatim perpetuò abdicavit, ipsius Christi vita perfectiorem esse. Ajunt enim perfectiorem Evangelicam in abdicatione omnis dominij positam esse, eamque Christum verbis & exemplis docuisse. Iohannes hic 22. hæresin Arabicorum docuit, qui tempore Origenis extiterunt. Alphonfus à Castro testatur, *Eum publicè hanc hæresin docuisse, adeo ut totam Sorbonam commoverit.*

Aug. de hæres. ad Quod vult Deum, hæres. 83. Præcolus l. 1. c. 67.

In Chron. Ioh. 22. quæst. de conf. resp. ult. tim. fol. 23:

Genebrardus ait : Eum hanc doctrinam docuisse & prædicasse: *Animas hominum Deum non visuras, nisi post resurrectionem.* Adrianus Florentius: *Eum hanc hæresin ab omnibus teneri mandasse.* Neque hæc pri-  
vata



vata opinio hominis fuit, sed ita olim & sensit & docuit ipsa Romana Ecclesia. Verba decretalium ita habent: *Oratio quæ dicitur in secreto, festo S. Leonis, mutata est ubi dicebatur: Annue nobis Domine ut animæ famuli tui Leonis*

Decretalium  
l. 3. de celebr.  
missæ. tit. 41.  
c. 6.

*HÆC PROSIT OBLATIO. Hodie dicitur: ut intercessione B. Leonis hæc nobis prosit oblatio. Et hæc mutatio coniungitur, quod sancti nostris orationibus non indigent. Epiphanius ait; Pro iustis cravi, ut Christus ab hominum ordine separetur.*

contra Aë-  
rium.

Hunc errorem secuta fuit olim tota Ecclesia Orientis, ut ex Chrysostomi Leitura patet. Nam pro patribus, Prophetis, & Apostolis, imo pro B. Maria offerebat. Vnde hoc? nisi quod visione Dei plena eos nondum frui crederet. Hic habemus tot Papas, qui filium successionis ruperunt, doctrinam fidei immutando, & aliter Ecclesiam docendo quam Apostoli docuerunt. Hinc concludo. Omnem Papa potestatem habet vel à Christo assumptam, vel ab Ecclesia, vel ab antecessore præcedente per successionem ad se derivatam. Non primum, nec secundum, ut Iesuitæ fatentur. E. tertium statuunt necesse est. Ut qui in totum succedit, in ius succedat. Qui ei succedit, qui nihil iuris vel potestatis habet, is per successionem nihil accipit. Genebrardi isti so.

Pseudopapæ , ad consignanda tempora tantum idonei, ut Baronius loquitur , quid hac successione continua vel à decessoribus acceperunt , vel successoribus tradiderunt ? Potestas Petri de manu in manum tradita ad nos pervenit. Explicent quomodo isti homines tradiderint quod non habuerunt ? Desinant itaque de successione sua gloriari, & de Apostolica potestate per eandem ad se traducta Papistæ. Hi tot Pseudopapæ pseudoeписcopos creabant, qui nullum jus eligendi & ordines conferendi habebant. Quomodo communio cum Papa SEMPER necessaria est, cum tot sæculis nullus Papa verus fuerit ? Vera Ecclesia Pseudopapas pro veris Papis acceptare non potest.

## CAP. IV.

*Papatus iudicio erroneo & humano religionem suam superstruit, frustra-  
que sub Ecclesia nomine delitescit.*



Vtissimum est sequi illud Augustini, ut dogmata fidei in statera aqua divinarum scripturarum ; non in statera dolosa consuetudinum humanarum examinemus. Nam ut Salejanus Episcopus ait ; Humana omnia dicta argumentis & testibus egent ;

l. 3. de prov.

egent ; *Dei autem sermo sibi ipsi testis est. Quia necesse est, quicquid incorrupta veritas loquitur, incorruptum sit testimonium veritatis.* Itaque quærimus: *An fieri possit, vel an adeo factum sit, ut qui hominum iudicio pro Ecclesia Dei habentur, possint errare, vel errarint ?* Hoc affirmamus. Nempe, Conspiciam Ecclesiam, ejusque pastores vel separatim vel in Concilio congregatos errori obnoxios esse. Unde sequitur auctoritatem Ecclesiæ non esse ἀδολφευσον, indubiam, adeoque divinæ certitudinis, quam fides Christiana exigit. Bellarminus contra. *Quod docent omnes Episcopi tanquam ad fidem pertinens, necessario est verum.* Sed unde hoc constat quod omnes Episcopi ea ratione doceant ? E concilio, ajunt, quod à Papa confirmatum non potest errare. Ridicula oratio ! Num confirmatio Papæ præcedit decreta concilii an sequitur ? Romæ diu disputatum est jam ferè dimisso concilio, an ejus decreta confirmanda essent ? Num concilia post edita decreta primum incipiunt ab errore libera esse ? Quod si hoc velint, Papam declarare, an concilium erraverit, dicendum erat: Concilia à Papa qui solus errore immunis est confirmata non errarunt, non, non possunt errare. Et ita infallibilitas concilii periit, solique Papæ reservatur. Concilium autem dupliciter legitimum dici potest. 1. *intrinsecus,*

l. 1. de Eccles.  
mil. c. 14.

In cap. 15.  
actorum.

cum in nomine Christi convenitur. Quod fit cum ij conveniunt, quos Christus in Ecclesia sua Pastores constituit, non subnixi ulla fiducia sui; sed solius Dei auxilio freti, ejusque gloriæ & salutis suæ & Ecclesiæ causa. Hic multa Papistarum concilia illegitima sunt, licet Romanorum Pontificum approbationem meruerint. Ferrus Monachus Franciscani Ordinis: *Nos aliter convenimus, quam Apostoli, nempe cum magna pompa, nosque ipsos querimus, atque nobis pollicemur, nihil non licere de plenitudine potestatis. At quomodo Spiritus sanctus ejusmodi conventus probare possit?* 2. Extrinsecus legitimum est quod debito modo convocatur & absolvitur. Ad id necessarium non est, ut Papæ autoritate fiat. Nam Concilium Constantinopolitanum 1. legitimum est, quod à Bellarmino requisitis conditionibus caret. At quid Papistæ Ecclesiæ nomine intelligunt? Papam cum concilio. Sed quæro antequam ad rem ipsam veniam, num Papæ propter concilium; an concilio propter Papam credant. Hic grex Papistarum divisus est. Iesuitæ concilio credunt propter Papam; Sorbonicæ contra Papæ propter concilium credunt. Hæc non est levis dissensio. Nam de fundamento & ratione formali fidei Christianæ agitur. *Propter quod unumquodq; creditur, id fidei fundamentum est.*

*est.* Fides item vera dicitur non tantum *quando credit quod verum est ; sed etiam maxime, cum credit propter id, ob quod credi debet.* Hinc sequitur, nullum Papistam certam rationem fidei suæ posse reddere, imò vera fide destitui, quia rationem fidei formalem ignorat. Infallibilitas enim iudicij, Papistarum animo, est penes summam potestatem. At penes utrum est illa potestas ? num penes Papam, an concilium ? Si penes utrumque, hoc intelligitur vel conjunctim vel divisim. Si prius, sequitur penes concilium esse, ut ita Papa præcipuum membrum ejus cœtus sit, in quo summa potestas resideat. Si divisim, frustra litigatur. Imo frustra concilia à Papa approbantur. Nam æque concilia ac Papa, sunt infallibilis auctoritatis. Itaque illa potestas vel in Papa vel in concilio quærenda est. Hoc est, Papista non potest dicere an dogmata sua credat propter auctoritatem concilij, an Papæ. Quicquid enim dicit, contradicatur. Altera pars dictæ scripturæ affert pro summa auctoritate Papæ stabilienda, altera alia dicta pro summa jurisdictione Conciliis vindicanda & asserenda. Sed neutra interpretationem authenticam, id est totius Ecclesiæ consensu, vel saltem iudicio sedis dictæ Apostolicæ approbatam habet. Dicta illa, Matth. 16. Ioh. 21. aliter Societas, aliter Sorbona intel-

intelligit. Neutra interpretatio approbata est publico R. E. iudicio. Itaque totalis pendet. Hinc Papista in hunc usque diem ex certa fide nescit: an Concilio propter Papam credat; an Papæ propter concilium. Sed porro quæro, qua ratione Papista credit Caput Ecclesiæ immune erroris esse? Quo argumento hoc cum sibi tum aliis persuadet? Nam si hoc sine ulla causâ credit, tantum ideo id vult credere, actum est. Hæc enim fides, quæ in nuda voluntate, non in autoritate certa & infallibili, vel ratione evidenti niritur; non est vera fides, sed cæca obstinatio animi, quæ in Christianum non cadit. Hic enim debet paratus esse ad reddendam fidei suæ rationem. Ratione Papista nulla niti potest qui omnia credit ideo, quia Ecclesia dicit. Nam sibi iudicium discernendi rationem veram à falsa eripit, idque totum Ecclesiæ transcribit. Hinc rationibus & argumentis, dijudicandis ipse se ineptum reddit. Restat itaque autoritas non scripturæ illa (huic enim non credit nisi propter *SOLAM* Ecclesiam) sed Ecclesiæ ipsius Romanæ: Hinc fidem tribuit propter autoritatem capitis. Itaque ἀνάλυσις fidei Papisticæ in circulo perpetuo com meat & includitur. Credo Papam Caput Ecclesiæ immunem erroris esse, quia ipse hoc dicit. Sed obtundunt, si ullum iudicium esset certius Ecclesiæ, esset iudicium scripturæ.

scripturæ. At hoc incertum. Quia scriptura per scripturam probari nequit. Esset circulus. Vnde enim constat scripturam esse verbum Dei? Quia scriptura hoc dicit. At hæc est probatio ejusdem per idem. Respondeo. Cum scriptura per scripturam dicitur probari, hoc potest fieri per probationem inartificialem vel artificialem. Priori modo probatio nulla est. Nam sic Alcoranus posset probari, quia sibi testimonium præbet. Itaque probandum est hoc insito argumento. *Ut Sol sese probat solem esse luce sua: Vir bonus probat se bonum esse virtutis studio:* Ita scriptura per vim, quam in animis nostris exercit, seipsam probat verbum

& πολυποίκιλον σοφίαν Dei esse. Hoc Augustinus agnoscit. *Persuasisti mihi ô Deus,* <sup>l. 9. confess. c. 5.</sup> *non qui crederent libris tuis, quos tanta in omnibus fere gentibus auctoritate fundasti, sed qui non crederent, culpandos esse: nec audiendos esse, si qui forte mihi dicerent, unde scis illos libros unius veri & veracissimi Dei Spiritu esse humano generi subministratos? Id ipsum enim maxime credendum erat. Sed id credebam aliquando exilius. Semper tamen credidi & esse TE & curam nostri gerere, etiamsi ignorabam vel quid sentiendum esset de substantia tua, vel quæ via duceret aut reduceret ad TE. Absurditatem quæ me in illis literis solebat offendere, cum multa ex iis probabiliter exposita audivissem,*

runt, impedire. Integra itaque Romani ea attulerunt.

In Epistola  
ad Bonifa-  
cium.

Gregorius 3. permisit viro uxorem ducere aliam, si morbo impedita propria uxor debitum conjugij non possit reddere. Respondent concedi non ut justum sed ut minus malum. At inter duo mala culpæ non minus sed neutrum eligendum est. Porro dicunt Papam ex ignorantia lapsum esse. Confessionem accipimus. Erravit igitur consultus ut Papa. Fatetur Bellarminus hunc Gregorium docuisse, posse in casu aliquo cum consensu uxoris aliam à viro superinduci. At hic error exploratus est. Nihil enim nisi adulterium potest legitimum conjugium dirimere. Glossa apud Gratianum ait, *Gregorium propterea reprobari.* Nicolaus 1. in Epistola ad consulta Bulgarorum statuit: *legitimum baptismum esse qui tantum in nomine Christi, sine expressa mentione Patris, Filij & Spiritus sancti administratus sit.* Ajunt, Eum hoc non definivisse, sed obiter *opinionem suam exposuisse.* Sed ad Iudicem non scribitur, ut opinionem privatam exponat; sed ut rem in controversia positam dijudicet. Bulgarorum Ecclesia volebat à Papa instrui. Ex professo quid agendum sit de puero, quem Iudæus in nomine Christi sacra lotionem tinxerat, consulit. Papa respondet Epistola publice inscripta Ecclesie

Matth. 19.  
4. 5.  
1. Cor. 7. 2.  
dist. 2. c. de li-  
bellis. in  
Gloss.



siæ Bulgariæ, Scripturis sententiam suam probat, exemplum Apostolorum citat, Ambrosij autoritatem pro se allegat. Estne hoc obiter opinionem suam exponere?

Cælestinus, teste Alphonso de Castro, definivit; *per hæresin omnino matrimonium*

solvi. cujus contrarium Innocentius 3. decrevit. Hoc Papistarum nullus negare potest. Decretalem Epistolam Alphonfus se testatur vidisse. Iam erasa est è corpore

l. i. c. 4. c. quanto. de divortiis. in c. exiit. de verb. sign. in sexto.

juris Canonici. Denique contraria decreta Nicolai 4. & Iohannis 22. intueamur. Hos Bellarminus fatetur in omnibus conciliari non posse. Gratulemur itaque nobis. Habemus Papas è Cathedra errorem docentes & summa virium contentione defendentes. Bellarmini ductum sequamur. 1. quæ-

situm fuit inter ipsos: *An in rebus quæ usu consumuntur, usus à dominio separari possit?* Hoc Iohannes plurimis adductis rationibus negat; Nicolaus affirmat. Respon-

det: *Rem non esse fidei.* At isti Pontifices rem fidei fecerunt. Nam Nicolaus hoc fundamentum esse ordinis Franciscanorum iudicavit, qui inviolatus non possit servari,

nisi rerum, quæ usu absumuntur, omne dominium abdicaret & Romanæ Ecclesiæ transcriberet. 2. *Num talis paupertas, quæ*

*omne dominium abdicet, meritoria sit?* Hoc Iohannes negat; Nicolaus affirmat. Vterq;

sententiam suam è Cathedra definivit. Iohannes etiam quosdam Franciscanos combussit. 3. *Num Christus & Apostoli talem paupertatem verbis & exemplis docuerint?* Nempe ut nihil nec communiter, nec particulatim bonorum possederint. Iohannes negat. Nicolaus affirmat. Iohannes contrariam sententiam pro hæresi condemnat. Miserrima quædam verba Bellarmini considerabimus. ait Christum ex sententia Nicolai aliquando aliquid habuisse proprium, saltem communiter, aliquando non; Iohannem autem hoc non negare. Cur igitur litigant? ô Andabatæ! Sed ex hac responsione sequitur, Ordinem Mendicantium, qui omne dominium tam communiter quam particulatim perpetuò abdicavit, ipsius Christi vita perfectiorem esse. Ajunt enim perfectiorem Evangelicam in abdicatione omnis dominij positam esse, eamque Christum verbis & exemplis docuisse. Iohannes hic 22. hæresin Arabicorum docuit, qui tempore Origenis extiterunt. Alphonſus à Castro testatur, *Eum publicè hanc hæresin docuisse, adeo ut totam Sorbonam commoverit.*

Aug. de hæres. ad Quod vult Deum, hæres. 83. Præcolus l. 1. c. 67.

In Chron. Ioh. 22. quæst. de confictm. resp. ult. sim. fol. 23.

Genebrardus ait : Eum hanc doctrinam docuisse & prædicasse : *Animas hominum Deum non visuras, nisi post resurrectionem.* Adrianus Florentius : *Eum hanc hæresin ab omnibus teneri mandasse.* Neque hæc pri-

vata

vata opinio hominis fuit, sed ita olim & sensit & docuit ipsa Romana Ecclesia. Verba

decretalium ita habent: *Oratio quæ dicitur in secreto, festo S. Leonis, mutata est ubi dicebatur: Annue nobis Domine ut animæ famuli tui Leonis* Decretalium l. 3. de celebr. missæ. tit. 41. c. 6.

*HÆC PROSIT OBLATIO. Hodie dicitur: ut intercessione B. Leonis hæc nobis prosit oblatio. Et hæc mutatio contingit, quod sancti nostris orationibus non indigent.*

Epiphanius ait; *Pro iustis orari, ut Christus ab hominum ordine separaretur.* Hunc errorem

contra Aërium.

secuta fuit olim tota Ecclesia Orientis, ut ex Chrysostomi Leiturgia patet. Nam pro patribus, Prophetis, & Apostolis, imo pro B. Maria offerebat. Vnde hoc? nisi quod visione Dei plena eos nondum frui crederet. Hic habemus tot Papas, qui filium successionis ruperunt, doctrinam fidei immutando, & aliter Ecclesiam docendo quam Apostoli docuerunt. Hinc concludo. Omnem Papa potestatem habet vel à Christo *ἀνέσσω*, vel ab Ecclesia, vel ab antecessore præcedente per successionem ad se derivatam. Non primum, nec secundum, ut Iesuitæ fatentur. E. tertium statuunt necesse est. Ut qui in totum succedit, in jus succedat. Qui ei succedit, qui nihil iuris vel potestatis habet, is per successionem nihil accipit. Genebrardi isti so.

G 4

Pseu-

Pseudopapæ , ad consignanda tempora tantum idonei, ut Baronius loquitur , quid hac successionē continua vel à decessoribus acceperunt , vel successoribus tradiderunt ? Potestas Petri de manu in manum tradita ad nos pervenit. Explicent quomodo isti homines tradiderint quod non habuerunt ? Desinant itaque de successionē suā gloriari, & de Apostolica potestate per eandem ad se traducta Papistæ. Hi tot Pseudopapæ pseudopiscopos creabant , qui nullum jus eligendi & ordines conferendi habebant. Quomodo communio cum Papa SEMPER necessaria est , cum tot seculis nullus Papa verus fuerit ? Vera Ecclesia Pseudopapas pro veris Papis acceptare non potest.

#### C A P. IV.

*Papatus iudicio erroneo & humano religionem suam superstruit , frustra-  
que sub Ecclesia nomine delitescit.*



Utissimum est sequi illud Augustini, ut dogmata fidei in statera aqua divinarum scripturarum ; non in statera dolosa consuetudinum humanarum examinemus. Nam ut Salejanus Episcopus ait ; Humana omnia dicta argumentis & testibus egent ;

l. 3. de prov.

egent ; Dei autem sermo sibi ipsi testis est. Quia necesse est, quicquid incorrupta veritas loquitur, incorruptum sit testimonium veritatis. Itaque quærimus: An fieri possit, vel an adeo factum sit, ut qui hominum iudicio pro Ecclesia Dei habentur, possint errare, vel errarint ? Hoc affirmamus. Nempe, Conspiciam Ecclesiam, ejusque pastores vel separatim vel in Concilio congregatos errori obnoxios esse. Unde sequitur auctoritatem Ecclesiæ non esse ἀδιάρητον, indubiam, adeoque divinæ certitudinis, quam fides Christiana exigit. Bellarminus contra. *Quod* l. 1. de Eccles. milit. c. 14. *docent omnes Episcopi tanquam ad fidem pertinens, necessario est verum.* Sed unde hoc constat quod omnes Episcopi ea ratione doceant ? E concilio, ajunt, quod à Papa confirmatum non potest errare. Ridicula oratio ! Num confirmatio Papæ præcedit decreta concilii an sequitur ? Romæ diu disputatum est jam ferè dimisso concilio, an ejus decreta confirmanda essent ? Num concilia post edita decreta primum incipiunt ab errore libera esse ? Quod si hoc velint, Papam declarare, an concilium erraverit, dicendum erat: Concilia à Papa qui solus errore immunis est confirmata non errarunt, non, non possunt errare. Et ita infallibilitas concilii periit, solique Papæ reservatur. Concilium autem dupliciter legitimum dici potest. I. *intrinsecus,*

G s

cum

In cap. 15.  
actorum.

cum in nomine Christi convenitur. Quod fit cum ij conveniunt, quos Christus in Ecclesia sua Pastores constituit, non subnixi ulla fiducia sui; sed solius Dei auxilio freti, ejusque gloriæ & salutis suæ & Ecclesiæ causa. Hic multa Papistarum concilia illegitima sunt, licet Romanorum Pontificum approbationem meruerint. Ferrus Monachus Franciscani Ordinis: *Nos aliter convenimus, quam Apostoli, nempe cum magna pompa, nosque ipsos querimus, atque nobis pollicemur, nihil non licere de plenitudine potestatis. At quomodo Spiritus sanctus ejusmodi conventus probare possit?* 2. Extrinsecus legitimum est quod debito modo convocatur & absolvitur. Ad id necessarium non est, ut Papæ autoritate fiat. Nam Concilium Constantinopolitanum 1. legitimum est, quod à Bellarmino requisitis conditionibus caret. At quid Papistæ Ecclesiæ nomine intelligunt? Papam cum concilio. Sed quæro antequam ad rem ipsam veniam, num Papæ propter concilium; an concilio propter Papam credant. Hic grex Papistarum divisus est. Iesuitæ concilio credunt propter Papam; Sorbonistæ contra Papæ propter concilium credant. Hæc non est levis dissensio. Nam de fundamento & ratione formali fidei Christianæ agitur. *Propter quod unumquodq; creditur, id fidei fundamentum est.*

*est.* Fides item vera dicitur non tantum quando credit quod verum est ; sed etiam maxime, cum credit propter id, ob quod credi debet. Hinc sequitur, nullum Papistam certam rationem fidei suæ posse reddere, imò vera fide destitui, quia rationem fidei formalem ignorat. Infallibilitas enim iudicii, Papistarum animo, est penes summam potestatem. At penes utrum est illa potestas ? num penes Papam, an concilium ? Si penes utrumque, hoc intelligitur vel conjunctim vel divisim. Si prius, sequitur penes concilium esse, ut ita Papa præcipuum membrum ejus cœtus sit, in quo summa potestas resideat. Si divisim, frustra litigatur. Imo frustra concilia à Papa approbantur. Nam æque concilia ac Papa, sunt infallibilis autoritatis. Itaque illa potestas vel in Papa vel in concilio quærenda est. Hoc est, Papista non potest dicere an dogmata sua credat propter autoritatem concilij, an Papæ. Quicquid enim dicit, contradicatur. Altera pars dicta scripturæ affert pro summa autoritate Papæ stabilienda, altera alia dicta pro summa jurisdictione Conciliis vindicanda & asserenda. Sed neutra interpretationem authenticam, id est totius Ecclesiæ consensu, vel saltem iudicio sedis dictæ Apostolicæ approbatam habet. Dicta illa, Matth. 16. Ioh. 21. aliter Societas, aliter Sorbona intel-

intelligit. Neutra interpretatio approbata est publico R. E. iudicio. Itaque totalis pendet. Hinc Papista in hunc usque diem ex certa fide nescit: an Concilio propter Papam credat; an Papæ propter concilium. Sed porro quæro, qua ratione Papista credit Caput Ecclesiæ immune erroris esse? Quo argumento hoc cum sibi tum aliis persuadet? Nam si hoc sine ulla causâ credit, tantum ideo id vult credere, actum est. Hæc enim fides, quæ in nuda voluntate, non in autoritate certa & infallibili, vel ratione evidenti nititur; non est vera fides, sed cæca obstinatio animi, quæ in Christianum non cadit. Hic enim debet paratus esse ad reddendam fidei suæ rationem. Ratione Papista nulla niti potest qui omnia credit ideo, quia Ecclesia dicit. Nam sibi iudicium discernendi rationem veram à falsa eripit, idque totum Ecclesiæ transcribit. Hinc rationibus & argumentis, dijudicandis ipse se ineptum reddit. Restat itaque autoritas non scripturæ illa (huic enim non credit nisi propter *SOLAM* Ecclesiam) sed Ecclesiæ ipsius Romanæ: Hinc fidem tribuit propter autoritatem capitis. Itaque ἀνάλυσις fidei Papisticæ in circulo perpetuo commeat & includitur. Credo Papam Caput Ecclesiæ immunem erroris esse, quia ipse hoc dicit. Sed obtendunt, si ullum iudicium esset certius Ecclesiæ, esset iudicium scripturæ.



scripturæ. At hoc incertum. Quia scriptura per scripturam probari nequit. Esset circulus. Vnde enim constat scripturam esse verbum Dei? Quia scriptura hoc dicit. At hæc est probatio ejusdem per idem. Respondeo. Cum scriptura per scripturam dicitur probari, hoc potest fieri per probationem inartificialem vel artificialem. Priori modo probatio nulla est. Nam sic Alcoranus posset probari, quia sibi testimonium præbet. Itaque probandum est hoc insito argumento. Vt *Sol sese probat solem esse luce sua: Vir bonus probat se bonum esse virtutis studio*: Ita scriptura per vim, quam in animis nostris exerit, seipsam probat verbum •

& πολυποίκιλον σοφίαν Dei esse. Hoc Augustinus agnoscit. *Persuastisti mihi ô Deus,* <sup>l. 9. confess. c. 5.</sup> *non qui crederent libris tuis, quos tanta in omnibus fere gentibus autoritate fundasti, sed qui non crederent, culpandos esse: nec audiendos esse, si qui forte mihi dicerent, unde scis illos libros unius veri & veracissimi Dei Spiritu esse humano generi subministratos? Id ipsum enim maxime credendum erat. Sed id credebam aliquando exilius. Semper tamen credidi & esse TE & curam nostri gerere, etiamsi ignorabam vel quid sentiendum esset de substantia tua, vel quæ via duceret aut reduceret ad TE. Absurditatem quæ me in illis literis solebat offendere, cum multa ex iis probabiliter exposita audivissem,*

*visssem, ad mysteriorum altitudinem referebam. Suspirabam, & audiebas me! Fluctuabam, & gubernabas me: ibam per seculi viam latam, nec deserebas me.* Hęc Augustinus senex scripsit, quibus satis ostendit, se persuasione Spiritus Sancti fidem scripturę tribuisse; non Ecclesię solius autoritate inductum. Verba Cani Episcopi manifesta sunt. *Nec si nobis Ecclesia aditum prębet ad ejusmodi sacros libros cognoscendos, proinus ibi acquiescendum est; sed ultra oportet progredi, & solida Dei autoritate niti.* Item Canisij: *Scripturę propter testimonium divini Spiritus in illa loquentis credimus, adheremus, & tribuimus maximam autoritatem.* Item, Cardinalis Holii: *Nos vero libenter concedimus accipienda esse evangelia ut verba Dei intus docentis & revelantis, neque credendum illis esse nisi propter Dei vocem intus loquentis.* Item, Gregorii de Valentia. *Illud nescio, ait, an sit argumentum iis omnibus majus, quam quod qui verę Christiani sunt, ita se animo divinitus affectos esse, quod ad fidem attinet, sentiunt, ut precipue quidem propter nullum argumentum quod vel hactenus fecimus, vel ratione similiter excogitari possit, se ad credendum impelli intelligant; sed propter aliud nescio quod, quod alio quodam modo & longę fortius, quam ulla argumenta (est autem verę divinum testimonium) eos ad credendum movent. Hanc experientiam*  
divini

l. 2. de locis  
Theol. c. 8.

Cathechismi  
Romani p. 1.  
de pręceptis  
Ecclesię, ad  
lit. F. Confess.  
Petricov: eni  
c. 16.

Analyf. fid.  
Cathol. l. 1.  
c. 20.

*divini testimonii & sensum, licet perse quidem non satis sit evidens, tamen quia ab iis qui credunt, propemodum clare percipitur, & ab aliis etiam in credentibus ipsis animadverti possit, dico pro multis argumentis esse debere ad fidem vel constantissime retinendam vel etiam de novo suscipiendam. Tandem Ægidii de Columna. Religionis veritatem non possumus investigare per naturalem causam; sed oportet eam habeamus per divinam inspirationem.*

In Prolog. 2.  
sentent. S. vi-  
so igitur.

Porro ajunt, rejecto Ecclesię infallibili judicio nullus arbiter componendarum controversiarum in Ecclesia relinquitur. Sed noscant oportet, in controversiis religionis, quæ ad mentis judicium pertinent, oportere Arbitrum esse hujusmodi, qui mentem illustret, perfusaque luce efficiat, ut quod dubium erat, manifestum fiat. Itaque in negotio religionis unus Dei Spiritus idoneus est arbiter. *Spiritualis homo dijudicat omnia.* Neque fenestram ad furores hominibus phantasticis aperimus, spiritum jactantibus. Nam quos S. Spiritus docet, verbo Dei docet, atque ita ut eos idoneos ad fidei rationem reddendam faciat. Ut in rebus humanis nemo veritatem percipit, nisi interventu rectę rationis; ita nec in religione quisquam rectam sententiam percipit, nisi interventu divinę illustrationis: quæ medium syllōgisticum non est; sed spiritualis facultas, qua vis mediī Syllō-

gistici

gistici percipitur. Itaque ut in rebus naturalibus, si quis rectissimè sentiens, veris & idoneis argumentis rem in controversia positam probet, apud hominem tamen rationis haut compotem nihil profecerit; eodem pacto religionis veritas à nemine, licet evidenti demonstratione divinæ scripturæ subnixa sit, cognoscetur & assensum inveniet, nisi mens ejus superno lumine colulustrata fuerit. Vt itaque nemo prudens ita colligit: *Ego ita sentio*: Ergo etiam tibi ita sentiendum est: sed rationes affert rectas illas & idoneas rei probandæ, quas si quis haut potis est percipere, relinquendus est: sic in religione nullus pius argumentatur; *Ego Spiritu sancto edoctus ita credo*; Ergo & tibi ita credendum est; Sed ita hoc sacra scriptura asserit; Ergo verum est. quam demonstrationem si quis negligat vel rejiciat, deserendus est. Hic Becanus Iesuita Circulo nos includere, vindictam opinor meditans, tentat. Quasi probarem per verbum Dei, nos habere Spiritum Dei, & vicissim per Spiritum Dei, nos habere verbum Dei. Sed sententiam nostram non rectè vel percepit vel non voluit percipere. Cum probamus nos habere Spiritum sanctum per verbum, vox *per* medium syllogisticum significat; At cum asserimus nos *tenere* (minime probare) verbum Dei per Spiritum

Spiritum, tum vox illa medium facultatis qua vim divini verbi percipimus, notat. Efficaciâ enim Spiritus sancti hanc talem intuemur, non vi naturali. Nam animalis homo ea quæ Spiritus Dei sunt, non percipit. Sed pergunt auctoritatem Ecclesiæ commendare tanquam unicum suffragium humanæ credulitatis. Ex Scriptura consequentiæ conclusiones producant; in quarum deductione facile imbecillitas nostri ingenij labitur. Non itaque verbum Dei est, neque eadem certitudine amplectendum quod iudicio humanæ mentis ad errores proclivis è scriptura colligitur. Hic asserendum sine hæsitatione, id quod necessaria consequentia ex scriptura colligitur, verbum Dei esse. Quomodo enim è scriptura colligatur, nisi in ea contineatur? Quod in ea non est, non potest inde educi & elici. *Pro lege id habetur, quod è lege concluditur.* Sapientissimus enim Deus ita locutus est, ut quicquid concludi potest ex verbis suis, velit inde concludi. Talis conclusio ab expresso verbo Dei non nisi notitia nostra distinguitur. Ignorantia hominum verbum Dei non dicitur licet tale verè sit. Sed hæc omnis difficultas redit, unde certo constet, an vere & recte aliquid è scriptura collectum sit? Christus est similis nobis per omnia excepto peccato. E. animam rationalem habet, & corpus

H                      proprie-

proprietatibus humanæ naturæ minime  
 exutum. Hoc æquè est verbum Dei ac illud  
 prius, quia constat, recta deductione è prio-  
 ribus eam conclusionem verbis sequi. Con-  
 sequentia est affectio propositionis ad aliam  
 propositionem, qua fit, ut si ea propositio  
 vera sit, & ipsa etiam vera sit cujus affe-  
 ctionis hæc est ratio, quod quæ altera pro-  
 positionum dicuntur, necessario includunt  
 quæ conclusione inde deducta continentur.  
 Ratio itaque dignoscendæ certæ consequen-  
 tiæ est, ut termini vel merè Theologici vel  
 mixti è principiis disciplinarum suarum in-  
 telligantur. Quid filius Dei sit, ex sola scri-  
 ptura liquet; sed quid homo, è physica con-  
 stat. Fides rationem præsupponit, non de-  
 struit. Quis enim Evangelium furiosis &  
 aivibus proponat? Neque infidelitas ratio-  
 nem hominis destruit, neque peccator na-  
 turam amisit. Quod si omnis colligendi ra-  
 tio penitus sublata fuisset peccato; non cor-  
 rupta sed extincta humana natura esset. At  
 sæpè aberrat ratio in consequentiarum de-  
 ductione? sed & sensus sæpe nos fallunt. Id-  
 eone nulla comprehensio è sensibus conce-  
 denda est? Consequentia autem vel proxi-  
 mæ vel remotæ sunt. In his etiam pius falli  
 potest, cum non pugnant cum bona con-  
 scientia; in illis fatuus sit oportet qui erret.  
 Sunt in quibus licet errare salva fide. Hoc

tot

tot controversiæ scholasticorum testantur.

Costerus autem quam verus est gloriando?

Catholici, ait, *omnes ubique terrarum sub uno*

*Pontifice R. cui omnes parent eandem fidem*

*constanter retinent, idem dicunt, idem sentiunt,*

*idem credunt per omnia; & ne in minimo qui-*

*dem negotio religionis discrepant, eundem ducem*

*sequuntur omnes per omnia totis 1500. annis.*

Phy quo pudor abiit! sentiuntne omnes Ca-

tholici veteres & novi idem de libris Cano-

nicis? De conceptione B. Virginis? De ju-

stificatione? de numero sacramentorum?

de transubstantiatione? de peccato origi-

nis? de usu imaginum? de merito? de pur-

gatorio? Catholici omnes unum sensum

suum arbitrio unius Pontificis submiserunt?

Ubi pudor inquam Costere? Nonne Cy-

prianus, Ambrosius, Hieronymus, Augustinus

te refellunt? Quid de patribus Conciliorum,

nempe Constantinopolitani 1, Chalcedo-

nensis, Milevitani, Carthaginensis 6 judi-

cas? Num palliatam istam tyrannidem Gal-

lia agnoscit? Quod si diversum sentire li-

ceat, modo ex unius hominis, qui tamen

exemplo Honorij Papæ *immaculatam fidem*

*subvertere potest*, religionem arbitrio suspen-

damus: nobis sanè eadem ratione suffecerit

diversum sentientibus de nonnullis capitibus

fidei, quod S. Scripturæ *regule isti credendi*

*certissima tutissimaque* nos totos subijcimus.

Enchirid.  
tractatu de  
Ecclesia §.  
discipuli.

Si Ecclesiæ judicium non est firmum, ajunt, nihil firmi in Ecclesia restat: hæreses damnatæ in dubium vocari possunt. R. est judicium S. Sancti per scripturam loquentis aperte de rebus ad salutem necessariis, & cordibus vim credendi addentis. Hoc judicio omnes hæreses damnatæ sunt. Denique præstat aliquid ignorare quam ab hominum arbitrio fidem suspendere. Sed consequentiæ videntur hoc incommodi afferre, quod conclusiones vi rationis credendas proponant. Verum ratio non argumentum sed instrumentum est. Fides ex auditu tanquam ex instrumento, non argumento. Ideo fides sensu non nititur. Consequentia exhibet quid sit credendum; non rationem præbet credendi. hæc enim in scriptura includitur. Fides itaque à ratione tanquam ab argumento non pender, sed tanquam ab instrumento. Hanc ratiocinationem S. S. acuit & dirigit.

Haftenus ea quæ Ecclesiæ infallibilem, auctoritatem necessario esse in religione admittendam, ex objectis sententiæ nostræ incommodis videntur probare, refellimus, jam dicta scripturæ, quibus eandem adstruunt excutiemus. Primum ex adversariis quæro an non Ecclesia V. T. Catholica & vera Christi Ecclesia fuerit? Haud dubie. Itaque non arenæ sed petræ inædificata fuit. quam portæ infernæ non vicerunt. Fuit *columna*



*lumina & stabilimentum* veritatis. Nullibi enim veritas nisi in Iudaica Ecclesia. Nihilominus conspicua Ecclesia erravit, & quidem tota in Ægypto, quod S. Propheta Ezechiel testatur, quærens nomine Dei, ne-<sup>c. 20. v. 8.</sup> minem idola nationis voluisse projicere. Esajas, *Speculatores ejus cæci omnes, neque*<sup>c. 59. 10.</sup> *quicquam noverunt. In universum respiciunt ad vias suas.* Jeremias, *A Propheta usque ad*<sup>c. 6. 13.</sup> *sacerdotem, quisque mendacium seclatur.* Oseas, *Speculator Ephraim cum Deo, laqueus*<sup>c. 9. 8.</sup> *aucupis, odium in domo Dei.* Fatemur non omnes sed plurimos tales fuisse. At sic splendor obscuratur. Ezechiel, *Rex peribit à sa-*<sup>c. 7. 26.</sup> *cerdote & consilium à senioribus.* Sed hoc Papistæ notent, si N. T. Ecclesia firmioribus promissionibus suffulta est quam Synagoga, cur semper illud Deut. 17. objiciunt, ut Pontificis Romani infallibilitatem inde probent? Majori sane jure veteris Synagogæ Pontifici hoc dictum convenit. Fuit igitur ad minimum V. T. Pontifex æquè ab errore immunis atque Papa noster. Deinde illud Malachiæ, *Labia sacerdotis scientiam*<sup>c. 2.</sup> *custodient, & legem ex ore ejus requirent,* cur semper in ore habent? Nam si hinc sequitur N. T. ministros errandi periculo liberos esse, majori jure prisca illi Synagogæ sacerdotes ab errore immunes erant. Quam magnæ efficacæ & amoris divini plena pro-

2 Reg. 9. v. 3. missio extat, *Sanctificavi domum hanc, quam  
 edificasti, ad ponendum meum nomen ibi us-  
 que in seculum: & erunt oculi mei & cor meum  
 ibi omnibus diebus.* Sed & quod veteri Ec-  
 clesie contigit, idem N. T. Ecclesie eveni-  
 re posse, Petrus demonstrat. *Quemadmo-  
 dum fuerunt in populo veteri Pseudoprophetae,  
 sic & inter vos erunt falsi doctores.* Monet his  
 verbis Petrus, ut in N. T. à falsis doctori-  
 bus nobis caveamus, æque ac olim pij de-  
 bebant cavere. Vnde patet majus privile-  
 gium nobis quam illis tributum non esse.  
 Falsi autem doctores sunt plerumque ipsi  
 ordinarij præsides religionis, autoritate  
 instructi. Concilium Iudæorum præside Cai-  
 pha omnes excommunicavit, qui Iesum esse  
 1oh. 9. 22. Christum profitebantur. Christum blasphem-  
 1oh. 11. 53. iæ accusat. Bell. fatetur concilium hoc  
 errasse, non in fide. Nam Iudæos Messiam  
 non damnasse; sed eum quem putabant  
 hunc titulum mentiri. Sic hodie Iudæi in  
 fide non errarent. Messiam enim non negant  
 eo modo, quo Synodus eum non negavit.  
 Paulus Christianos persequendo blasphemus  
 non fuisset. Alij ajunt *errasse mente, non ver-  
 bis.* Sed Caiphas, *Blasphemavit iste. Nam  
 filium Dei se dixit.* In veteri ajunt Ecclesia  
 concedi errores, non in nova. Sed ex senten-  
 tia adversariorum, nisi concilia nequeant  
 errare, actum est de fide: Nunquam autem  
 Deus

Deus Ecclesiam suam destituit in rectæ fidei  
conservatione. Itaque sequitur, si verum  
hoc est, utriusque temporis Ecclesiam in  
concilio congregatam non posse errare.  
Nondum tacent. Ajunt Ecclesiam errare  
potuisse Christo præsentē. At Christus ho-  
mines ad scribas sedentes in Cathedra Mo-  
sis adhuc ablegat, unde Bellarminus probat eos  
*judices omnium controversiarum fuisse.* Bell.

*Christus his verbis, Sedent in Cathedra Mo-  
docet, Pontifices & sacerdotes tum temporis* De verbo Dei  
1.3.c.5.

*judices fuisse omnium controversiarum, iis esse  
credendum, eorumque doctrinam in omnibus  
esse sequendam.* Neque quicquam Christus  
Ecclesiæ Iudaicæ ante mortem suam, qua  
figuras omnes sustulit, detraxit. Nec ad-  
huc finis est. Ajunt prædictum fuisse de hoc  
concilio, quod erraturum esset, de aliis non  
item, itaque non fuisse legitimum. Re-  
spondeo. Adfuit Pontifex, adfuerunt le-  
gitimi sacerdotes, quorum sacerdotium vi-  
gebat eo usq; dum morte Christi tolleretur.  
Ecclesia enim non est sine sacerdotio. Sed  
Christus eruentum illud sacrificium mor-  
tis suæ nondum instituerat. Itaque prius il-  
lud viguit adhuc, quia novum nondum erat.

Holius affirmat concilij sententiam ve-  
ram fuisse. Idem Canus. At patres conci-  
lij Christum blasphemare judicarunt. Sed  
& hanc rationem velim excutiant adversarij,

1. 2. contra  
Brenium:  
proleg.  
1.5.c.ult.

si conciliorum decreta nulli errori obnoxia sunt, pari auctoritate fore cum Canonica scriptura, quod tamen à communi sensu Christianorum veterum quam longissime abhorret. Quam pauci semper Christi nomine congregati sunt ! Nicolaus de Clemangis. *Non est putandum, carnales filios Ecclesiæ, qui temporalia quærent, Spiritualia non curant, concilia agitant, ut ipsi in officio vivant, in Christi nomine congregari.*

Luc. 10. 16.

Sed maximè hoc dicto nituntur. *Qui vos audit, me audit.* Quæ ad singulos Apostolos dicuntur singulari privilegio, ordinariis pastoribus dicuntur cum conditione, *si nempe eloquia Dei proferant.* Nonne singuli Pastores suis superioribus obnoxij sunt? Nam si illud, *Qui vos audit, me audit,* ad Pastores sic dicitur sine adjuncta conditione, tot Papas habebimus quot Pastores. Itaque ad Apostolos absolutè dictum est, ad cæte-

† Petr. 4. 11.

Matt. 18. 20.

ros minimè. Pastores autem ordinarios plerosque omnes veris piisque oppressis hæreses & adulterina dogmata nomine Ecclesiæ Catholicæ posse populo præponere, Arriani exemplo sint, qui totum orbem in sententiam suam pertraxerant, ipsumq; adeo  
SYMMVM ECCLESIAE PASTOREM  
LIBERIVM. Videantur ejus Epistolæ.

Matt. 18. 20.

Sed alia loca restant, *Ubi duo vel tres congregati*

*gati sunt in nomine meo, in medio eorum sum.*

Iansenius in hunc locum. *In nomine Christi congregari, est propter Christum & aliquam causam ad Christum pertinentem congregari ut Christo inserviamus, ejus nomen celebremus, & ad ejus gloriam omnia referamus: ad summam: ut voluntatem Christi in conventibus nobis proponamus.* Certum autem est duos vel tres sic posse convenire Pontifice nescio. Nulla itaque probatio conciliis à Papa convocatis & confirmatis accedit. Si in quorum medio Christus est, errantium numero exclusi sunt, fateantur esse exclusos quovis Christi nomine ubique locorum congressos. Num à minori ad majus illatio valeat? Valeret si infallibilitas in privatis esset cætibus. Sed an non Spiritus sanctus Ecclesiam in omnem veritatem ducit? Ducit, sed, ut ante respondimus, Apostolos absoluto non errandi privilegio donavit; reliquos jussit *sacras literas scrutari, eloquia Dei proferre, sermoni attendere.* Hoc nihil ad concilia spectat. Nam Spiritus sanctus primis 300. annis Ecclesiæ suæ non defuit, quibus nulla concilia generalia celebrata sunt. Imò quis Doctor Ecclesiæ non erravit? An non ij omnes *in veritatem ducuntur*? Itaque ad Apostolos quoad gradum & modum infallibilitas; ad ordinarios quoad essentialiam promissio spectat, *si in Christi sermone*

Ioh. 14.

H s

manser-

Apolog. 2. l.  
Strom. 3. de  
continentia  
c. 2, &c.

Tertull. l. 1. r. de  
idol. c. 1.  
Euseb. l. 6. c. 4.  
Hieron. in  
Matt. Chryf.  
Hom. 8. & 9.  
in acta,  
Naz. in vect. 1.  
Ath. l. de in-  
carnat.

1. C. 48. A-  
pologia.

2. De resur-  
rectione.

3. De pœni-  
tencia c. 17.

4. Hom. 39.  
ad Corinthios.

*manferint.* Plerique olim patres, ut Iustinus, Martyr, Clemens Alexandrinus, Tertullianus, Cyprianus, Ambrosius, docuerunt angelos mulierum concupiscentia à pristina sua puritate defecisse. In eo etiam plerique consenserunt, quod iuramenta penitus Christianis illicita sint. Plerique omnes patres chiliastæ erant. Tertullianus, Lactantius, Victorinus, Severus, Papias, Iustinus, Irenæus, Apollinaris, Clemens Alexandrinus, Origenes, Eusebius, Cyprianus, &c. Credi-derunt etiam plerique & docuerunt animam à corpore sejunctam nihil pati posse. Vnde liquet eos purgatorium animarum non credidisse, nempe: 1. Tertullianus. 2. Nyssænus. 3. Ambrosius. 4. Chrysostomus. Itaque promissio Christi de ductu Spiritus sancti in omnem veritatem absolute ad Apostolos; cum conditione ad successores referri debet, nempe *sequendi sunt, si ipsi Christum sequantur.*

Hinc tot inter pios viros dissensiones de controversiis religionis. Nam Spiritus sanctus non est ubique & in omnibus secundum eandem mensuram. Alij aliis multum donis Spiritus sancti intersunt, & præstant. Nemo itaque pius negabit Ecclesiam à Spiritu sancto regi. Quæro an non omnes verè fideles ab eodem regantur. Num idèò errare nequeunt? Effectus imperfectio dispositioni subiecti,

subjecti, non causæ ipsi tribuenda est. Ecclesia est Sponsa, quæ Christo in hac vita *ap-  
tatur*, ut in futura eidem *gloriosa & perfecta si-  
statur*. Christus auxilium suum Ecclesiæ pro-  
misit, sed non in omnibus quæ agit, nec sine  
conditione. Interea Dei providentia ita vi-  
gilat, ut *vocati electi in verbo Christi maneat* Ioh. 15. 7.  
10.

*& mandata ejus servant*, itaque ad salutis  
æternæ portum deducantur. Firma est itaq;  
Christi promissio quæ apud S. Matthæum c. 16. 18.

*extat, Portas inferorum contra Ecclesiam non  
prevalituras*. Ferus in hunc locum: *Christus  
non loquitur de Ecclesia sicut communiter sumi-  
tur pro his qui Christiani dicuntur sive boni sint  
sive mali; sed de Ecclesia secundum Spiritum,  
quæ solos electos complectitur*, nempe ut Au-  
gustinus loquitur *de numero illo justorum qui  
secundum propositum vocati sunt, de quibus di-* contra Dona-  
tum 1. 5. c. 27.

*ctum est, Novit Dominus qui sint sui, qui  
est hortus conclusus, fons signatus, puteus aquæ  
vivæ*. Quod à Paulo Ecclesia *ἐκκλησία ἡ ἐδραί-  
ωμα τῆ ἀληθείας* dicitur, verissimum est.

Nam Ecclesia, quamdiu talis manet, veri-  
tatem prædicatione sua docet & publicat,  
sed ab eo statu deficere potest, ut Ephesina,  
de qua Paulus loquitur, totusque orbis in Ar-  
rianismum paucis exceptis Doëtoribus pro-  
lapsus. Contatenus: *Ecclesia sustentatur à ve-  
ritate; contra veritatis professionem externam*

in

*in suo statu permanens sustentat. Eodem sensu Chrysostomus veritatem columnam & firmamentum Ecclesiæ appellat. Nec aliter Irenæus: Euangelium in scripturis nobis tradiderunt, fundamentum & columnam fidei nostra futurum. Illud πολυθρύλλον, Dic Ecclesiæ, Pighius Papista nemini secundus ad universalem Ecclesiam nihil attinere certum esse judicat, idque rei naturam de qua agitur ostendere. Quis enim iis mutuis injuriis duorum fratrum, universalem Ecclesiam convocet vel generale concilium indicat? Itaque si illud, dic Ecclesiæ, libertatem & immunitatem à periculo errandi affert, quivis cætus Christianorum hoc privilegio gaudebit. Concludamus itaque cum dicto Catholici Doctoris Chrysostomi. Volens quis cognoscere, quæ sit vera Ecclesia Christi, unde cognoscat in tanta confusionis similitudine, nisi tantummodo per scripturas?*

Hom. 11. in  
Ep. 1. ad Tim.

In Matt. hom.  
49.

Tertium restat, nempe ut Experientiam testem invocemus eorum quæ hætenus diximus. Primum de errore universalis Ecclesiæ: Deinde conciliorum agemus.

Gloriari de immunitate erroris proprie & verè nemini nisi Deo soli convenit. Filius perditionis illud sibi privilegium falso adsciscit, non quidem Apostolorum exemplo, qui in omnem veritatem ducti tale nihil unquam jactarunt; sed Mendacis istius & homicidæ  
Spiri-



Spiritus, qui de cœlo dejectus orbem fraudibus & mendaciis replet. Sed ante omnia Fromundo Professore Lovaniensi occurrendum, qui in Crisi sua nos docet veterem Ecclesiam bene fecisse quod infantes Eucharistiæ adhibuit, eo enim Sacramentariorum heresin destruxisse. Non hoc jam in quæstione est Fromunde; sed an Ecclesia tota erraverit, credendo Eucharistiam infantibus adeo necessariam esse, ut sine ejus perceptione servari nequeant. Hoc dico. Innocentius 1. statuit, *Eucharistiam infantibus esse necessariam.*

Idem Augustinus. *Christi Ecclesiæ institutum tenent, non posse quenquam hominem absque dominicæ mensæ participatione ad vitam*

Aug. Epist. 93  
Lib. I. in Iulianum c. 2.

*aternam pervenire.* Hic certè error totius Ecclesiæ exploratissimus est. Amplectere jam absolutè Papista sine examine judicium Ecclesiæ.

Lib. 3. c. 1.  
Maldon. in c. 6. Iohan.

Hic consensum habes Papæ cum tota Ecclesia in quæstione fidei. Sequere eum, judicium nullum interponendo. Maldonatus Iesuita fatetur; *Hanc sententiam*

De peccatorum meritis & remiss. l. 1. c. 24.

*sexcentos annos in Ecclesia viguisse.* Augustinus, *Sancto Innocentio 1. vide quid respondeas, &c. Qui definivit denique, parvulos, nisi manducaverint carnem filij hominis, vitam prorsus habere non posse.* Vbi de sacramentali participatione agit, non de spiritali, de qua nulla quæstio. Itaque habemus hic definitionem sedis Apostolicæ publica praxi totius

Contra duas Epistolas Pelagii l. 2. c. 4.

Eccle-

Ecclesiæ approbatam. 1. Ex definitione apparet, *Rem de fide fuisse*, cum vitam infantibus Episcopus summus Ecclesiæ Catholicæ denegarit. 2. Ex praxi elucet clarissimè de qua manducatione Innocentius loquatur. Extat formula Latinæ Ecclesiæ in antiquissimo codice, quem Reverendus & Clarissimus Vir Dn. Thysius Professor S. Theologiæ in Academia Leidensi, præceptor meus perpetuo observandus, vidit. Ubi agitur de ritibus circa baptizandos, hæc verba extant. *Tunc vestiatur infans, & si Episcopus adsit, confirmari oportet & communicari. Communicet eum sacerdos, ita dicens: Corpus & sanguis Domini nostri Iesu Christi custodiat te ad vitam æternam.* Hæc formula excusa est Colonizæ apud Soterem anno 1530. Hardingus fatetur, ex Dionysio Arcopagita & Augustino de Catechizandis rudibus apparere: Ipsam primitivam Ecclesiam cœnam domini infantibus ministrasse. *Si parvuli sint vel hebetes, qui doctrinam non capiunt, respondeant pro illis, qui eos offerunt juxta morem baptizandi, & sic manus impositione & chrismate communiti Eucharistiæ mysteriis admittantur.* In Africa tempore Cypriani iste manifestus abusus cœnæ dominicæ Ecclesiæ obrepfit. *Cum diaconus quidam calicem, ait, sanguinis dominici puella offerret, quæ nutricis suæ culpa de victimis demoniorum gustaverat, infans divine*  
*maje-*

cap. 9.

Sermone 5.  
de lapsis.

majestatis instinctu commota faciem avertit, labia compressa contraxit & poculum respuit. Postquam vero Diaconus ei paulum VINI (non SPECIERVM). per vim infudisset, tantus singultus vomitusque est consecutus, ut potus ille sanctificatus in sanguine Christi è pol-lucis visceribus erumperet. In Græca Ecclesia Lyra scribit hunc morem ad sua usque tempora durasse. De praxi ipsius Romanæ Ecclesiæ ex Papæ Innocentij decreto nemini dubium potest esse. Ioannes Teutonicus, qui Scholia in Gratianum scripsit, testatur: Eam quibusdam in locis sua ætate consuetudinem invaluisse, ut sacramentum infantibus darent, non corpus illis Domini tradentes, sed sanguinem in ora infundentes. Hæc divisio unius ejusdemque mysterij nonne sacrilegij rea judicanda est? Denique baptismi & cœnæ dominicæ conjunctionem in infantibus vetus Ecclesia adeo necessariam judicavit, ut Hyeronimus tantus Doctor Ecclesiæ de quodam Hilario loquens, scripserit: *Non potest baptismus tradere sine Eucharistia.* Quid ad hoc Fromunde vel tu Ianseni respondebitis? Quicquid Papa definivit, Ecclesiæ Christi tenuerunt, à primisque temporibus per Orientem & Occidentem tanquam necessarium ad salutem observarunt publica praxi, summoque omnium consensu Catholicorum, illud & verum & observandum est.

In Iohannem

Contra Luciferianos.

est. Sed manifestum errorem & abusum Papa definivit, &c. Ergo, cum ad publicum consensum & praxin Ecclesiæ definitio Pontificis accedit, quid ultra restat Papistæ dubij? Num definitionem illam tanquam privati Doctoris sententiam suam explicantis respuet? At Papa non est privatus Doctor, sed Magister totius Ecclesiæ Catholicæ. Cum itaque hic sententiam suam publicè declarat, & consensum praxi ubique locorum receptæ accommodat, non nisi à fatuo is consensus privata opinione haberi potest. Itaque definitio ista Innocentij quasi publica vox totius Ecclesiæ Catholicæ fuit. Sed unde probabunt patres nostri Innocentium nihil certi ex autoritate statuisse, Ecclesiæque liberum reliquisse hanc suam sententiam respuendi, vel probandi? Nonne contrarium statuit? Bellarminus disputat Ecclesiam semper aliquo indigere à quo confirmetur, & hunc successorem Petri esse oratione Christi munitum semper efficaci, adeo ut Ecclesia indubie hanc confirmationem in recta fide à Cathedra Petri teneatur expectare. Cur igitur tot secula Papæ passi sunt Ecclesiam errare? Idque cum summa prophanatione tam venerandi sacramenti? *Manducaturus panem hunc probet seipsum, & tum edat.* Periculosa sanè est ratio docendi qua in errorem tota Christi Ecclesiæ abducitur. Sed quis veterum

terum doctorum imo Christianorum unquam sollicitus fuit an Papa aliquid vel ut Doctor vel ut Papa definivisset? At magna solitudine hoc inquirendum fuit, si alter docendi modus errori obnoxius, alter liber est, utro ille tandem usus sit. Ecclesia Orientis, Ægypti, Africae, Europæ necessariam infantibus perceptu Eucharistiam judicavit. Hoc S. Innocentius Papa R. tanquam doctor privatus, minime vero è Cathedra approbat. Augustinus ait: *S. Innocentio vide quid respondeas*. Certe hoc de privato Doctore effugium uterque ignoravit. Quis hic à risu sibi temperet paulo amœnior? Sexcentis imò mille annis Christiani ita senserunt. Papæ interea nihil è Cathedra sua fracta forsan vel in novum orbem translata definiverunt; sed scholasticos erudientes omnem autoritatem è Cathedra docendi amiserunt, vel neglexerunt. O Iesuitica theologia quam nova es!

Sed forsan Ecclesia in Concilio Episcoporum coacta plus firmitatis & autoritatis habet: Videamus itaque de conciliis.

Leo 4. Concilium Neo-Cæsariense confirmavit. In Synodo Florentina dicitur illud ab ipso Concilio Nicæno approbatum fuisse. Hoc autem secundas nuptias damnat. Prohibet enim Presbytero, ne secundis nuptiis celebrandis intersit. Canon hic est.

πρεσβύτεροι εἰς γάμους τῶν δυναμένων μὴ

I

ἑστῶν

Dist. 20. Ca.  
non. de libelo  
lis, scilicet 7.

ἐπιᾶσθαι. Δίγαμοι intelliguntur non qui vivæ uxori aliam superinducunt, sed qui bis nuptias contrahunt priore conjuge scilicet functa. Id è Canone 8. Concilij Nicæni liquet. ubi Cathari jubentur τοῖς διγάμοις κεινωεῖν. Item è c. r. Concilij Laodicensi. ubi concedit, aliquos ἐλαθέως ἔνομίμως δαίεροις γάμοις συνάπτεσθαι. Hoc de duarum uxorū conjunctione in matrimonium non intelligitur. Præterea non publicas Ceremonias secundarum nuptiarum sed ipsas nuptias illegitimas judicat.

Canone 19.

Nicæna 1. synodus summæ autoritatis erravit τῆς παυλιανίσαντας ἀναβαπτίζεσθαι jubendo. Hoc Cyprianus cum Episcopis Africæ antea decreverat. At hic Paulus Samosatenus formam baptismi non mutavit. Certum autem est Iudæum, Turcam, baptismum administrare, modo ne in forma baptismi quicquam mutet, quocunque demum sensu & modo eam intelligat. Eusebius Pauli hujus errores recensens de baptismi forma mutata nihil omnino mutit. Quis autem putet Eusebium hoc omisurum fuisse?

Dist. 20. c. de libellis. c. 23.

Synodus Carthaginensis 3. à Leone 4. & 6. Oecumenico concilio confirmata erravit jubendo in Eucharistia oblatione preces semper ad Deum Patrem dirigi. Hoc R. E. pro errore habet, filium Dei ita compellando: *Agnus Dei qui tollis peccata mundi misereere nostri!* Quid

Quid causæ cur solum Patrem compellare jubeat, nisi à precibus ad eum directis filium & Spiritum sanctum excludat?

Canones Trullani concilij 6. generalis ab Adriano 1. Papa in Epistola ad Tharasium, quæ in act. 2. septimæ synodi habetur, approbati sunt hisce verbis: *In 6. Synodi divinè & legaliter prædicatis canonibus.* At hi Canones multos errores judicio ipsorum adversariorum continent. Canone 13. Ecclesiam Romanam condemnant Patres eo quod sacerdotes matrimonio junctos rejiceret. Canone 55. quod die sabbati jejunaret. Crediderunt itaque patres Ecclesiam Romanam posse errare. Concilium Nicænum 2. erravit statuendo: *Angelos corporeos esse, & animas humanas.* Act. 5. Quod Tharasius cum tota synodo approbavit, quasi communem Ecclesiæ Catholicæ sententiam. Ait enim tota Synodus: *Etiā Domine, sic est.* Statuit imagines adorandas esse, & anathematizat eos qui ipsas adorare nolunt. Hanc sententiam scripturæ manifestè contrariam synodus sub Leone Imperatore damnavit, cui Episcopi Orientis 338, ut ex actis synodi 2. Nicænæ constat, interfuerunt. At Papa non interfuit. Sed nec Constantinopolitano 1. interfuit. Eandem Synodus Francosurdien- sis legatis Pontificis præsentibus damnavit. Aliæ item quinque Synodi sub Carolo Ma-

gno celebratæ, quæ sane è Catholicis Episcopis, minime è hæreticis constiterunt. Statuunt ridiculi patres, *imagines tantum valere quantum Euangelia, majorem esse imaginem quam orationem*. Scripturam ita allegant, ut se ludibrio omnibus exposuerint, quod fate-ri videntur, dum sese doctrinam suam è traditione habuisse gloriantur. Nihilominus Papa Adrianus 1. dedita opera librum conscripsit, quo horum dictorum manifestam depravationem approbat, & Carolo M. dedicavit. *Reste*, ait, *valde nimis & pulchre* dixerunt: poni lucernam sub modio ab eo qui imagines contemnit.

Tom. 3. conc.  
ed. Co'on.  
pag. 205.

Concilium Romanum sub Stephano 7. Formosi acta damnavit, statuitque, fatente Bellarmino, Ordines ab ipso collatos nihil valere, manifesto errore. Hic error facti jus trahit, nempe: *Quicumque Episcopus contra juramentum prestitum illegitima ratione ad Papatum pervenit, eum non posse ordines Episcopis & sacerdotibus futuris conferre*. Itaque sub Iohanne 9. Formoso restituto in ordinem Pontificum acta hujus concilij rescissa sunt. Dicunt Iohannem re melius investigata Formosum restituisse. At hujus judicium Sergius 3. iterum damnavit, Formosiq; in Tiberim effossum secundo cadaver truncatum capite mutilatumque digitis abjecit. *Quæstio hæc non facti sed juris agitabatur: Num Papa*



*Papa possit in juramento legitimo dispensare, nempe, ne quis, quod jurato promisit ipsi Deo, teneatur servare.* Hæc de potestate Papæ disputatio contrariis conciliis agitata satis ostendit quantum Pontificiis decretis tribuendum sit.

Concilium Romanum sub Nicolao 2. erravit, in quo definitum est, non modo sacramentum corporis Christi, sed ipsum etiam verum corpus Christi (voce propriè accepta) tractari & frangi manibus sacerdotum & fidelium **DENTIBVS** atteri. Verba

Berengarij sunt perspicua. Corpus & sanguinem Domini non modo in sacramento,

De consecr.  
dist. 2. c. ego  
Berengarius.

sed sensualiter, in veritate, manibus tractari, frangi, atteri. Bell. apertè huic concilio contradicit. *Non in se, ait, sed in signo.* Clau-

in repetit. 9.  
cap. 6.

dius Sanctesius Berengarij sententiam sic proponit: *ille assererat in sacramento videri, tangi & percipi corpus Christi, non in proprio supposito. Sed Ecclesia contra decidit, non modo in sacramento, sed in veritate & sensualiter corpus IPSVM & sanguinem Christi videri, tangi, dentibus atteri.* Idque Canus haut dubie hujus concilij autoritate oppressus concedit.

*Ipsam nempe Christi carnem videri, tangi, in panis locum successisse, ut ei omnia conveniant, quæ*

l. 5. cap. ult.  
Loc. theol.

*panis erant.* Item Alanus Cardinalis: ipsissimum corpus & sanguinẽ Christi vere à nobis

l. 1. de Eucharistia c. 57.

contrectari, manducari, circumgestari, car-

ni nostræ immisceri, frangi, dentibus atteri, in hoc aut illo vase collocari & sensibilibiter sacrificari NON MINVS quam ante consecrationem PANIS TRACTABATUR. Idem Bellarmini fractionem IN SIGNO respuit, contraque eandem in ipso Christi corpore constituit. Rossensis: *Si carnem quæ pro nobis in cruce fuerit immolata, neges in os nostrum sumi realiter, & edi & transglutiri, perperam cogitas.* Sanctesius. *A dentibus nostris vere circa carnis illius substantiam exercetur actio.* Sebastianus Michaelis. *Dicebam manducationem esse realem ut ALIORVM CIBORVM, quandoquidem per os nostrum & organa manducationis transeat, atque in eos ingrediatur.* Cæsar Bulengerus: *Sufficit accidentia manduci & teri, corpus autem cum accidentibus descendere in stomachum.* Bonaventura. *Quantum ad substantiam, certum est, quod non vadit in mentem, sed utrum sic vadat in ventrem dubium est.* Alij, quod non solum in ventrem, sed etiam quocunque species deferuntur, salva natura illarum, sive in ventrem muris, sive in locum immundum. Alij, quod non solum in ventrem hominis vadit, sed etiam ibi manet, quamdiu species ordinabiles sunt ad refectiorem, Alij, quod ad ventrem pervenit, quousque species incipiunt consumi. Alij, quod corpus solum est cum speciebus quamdiu hæ visu vel gustu sentiuntur. Tandem probabilem ait sententiam esse;

Lib. 3. contra  
Oecolamp.  
cap. 1.

cap. 3.

resp. 2. c. 20.

l. 4. c. 2. con-  
tra Plessaum.

q. 2. a. 2. in  
part. 2. dist.  
13.

O Disputa-  
tores!

esse: *Corpus Christi in ventre hominis manere.*

*Turrecremata: Prima opinio, quæ dicit, quod corpus Christi deferitur, quocunque species deferuntur, in ventrem canis vel suis vel in loca immunda, videtur vera. Salvo enim Esse specierum vero adhuc non desinit esse sacramentum nec Christus sub specie panis. (addo ego, nec*

In Canonem  
Tribus gradib.

*TOTA TRINITAS.) Thomas de Aquino. Corpus Christi sub speciebus manet in ventre peccatoris, quamdiu substantia panis maneret, si adesset. Bonaventura. Sententia superior est & autoritatibus magis concordat, quia corpus Christi cum speciebus descendit ad stomachum, & sub illis est, quamdiu illæ sunt sub propria forma, E V O M I. Quale sit hoc dogma Transubstantiationis ex actis Gregorij VII. liquet. Hic adeo dubius fuit de hoc capite R. Religionis, ut fatis liqueat, id à tota Ecclesia ipsius tempore receptum nondum fuisse. Ieiunium Cardinalibus indixit,*

Quis pius  
hæc dogmata  
non execre-  
tur! art. 3.  
q. 80.  
q. eadem.

*ut Deus ostenderet, uter rectius sentiret de corpore Domini, Romana Ecclesia, an Berengarius. Hinc Roffensis ingenuè testatur se decretum Concilij non posse probare. Quia, ait, Berengarius in alterum latus nimis exorbitasset, ideo concilium PLVS ÆQVO in alterum trahi. Nec Lombardus hoc decretum approbat.*

Benno de vita  
Hildebrandi.

l. 2. contra  
Occol. c. 2.

Concilium Lateranense sub Leone x. sess. 14. probat & confirmat *Montes pietatis* (id

est foenerationem & usuram) à Pio 2. institutos. Nihil differunt ab usura, quam semper Catholica Ecclesia damnavit. Licebat pauperibus multum accipere deposito pignore ea lege ut singulis mensibus aliquid pro mutuo solverent. Setus & Cajetanus membra hujus Concilij apertè hos montes damnant.

l. 6. de jure  
& justitia c. 1  
q. 6.

Concilium Lateranense generale sub Alexandro 3. part. 5. c. 1. erravit statuendo; post consensum legitimum utriusque partis de præsentì matrimonio licere alteri, etiam repugnante altera parte, monasterium ingredi. Hic error legitimas nuptias dirimit, eoque cum scriptura apertè pugnat. Qui enim semel sese legitimo consensu invicem obstrinxerunt, eos Deus conjunxit, adco ut neuter postea juris sui sit.

dist. 99. c. pri-  
mæ sedis.

Concilium Carthaginense 3. c. 26. excommunicationem illi denunciat qui se *Episcopum universalem*, aut *Pontificem supremum* vel *Principem sacerdotum* profiteatur. Hic error ex R. E. judicio non minimus. Idem pugnat cum Laodiceno, quod cap. ult. *Tobiam, Indith, Baruch, Sapientiam, Maccabæos, Ecclesiasticum* à Canone scripturæ rejicit. Alterutrum horum Conciliorum in fundamento fidei erravit. Laodicenum à 6. Oe-

dist. 16. c. quo-  
niam. c. lex-  
tam. dist. ead.

cumenico approbatum est. Bellarminus ait: Patres Laodicenos *non Christianum sed Ju-  
dæum*

*daicum* canonem describere. Falsum. *Describunt eos libros qui pro Canonicis in Ecclesia legi debent, inter quos N. T. libros recensent.*

Num solus Canon Iudæorum in Ecclesia legendus? Num Novi Testamenti libri ad Canonem Iudæorum pertinent? Nec Canon Iudæorum imperfectus fuit. His enim credita eloquia Dei, Rom. 3. 2. Tandem universa Ecclesia usque ad Augustinum nostrum

Canonem docuit. Melito nostrum Canonem diligenti investigatione approbavit. O-

rigenes non tantum veteris sed & novi testamenti libros describit. Ergo Canonem

Christianum consignat. Athanasius eam scripturam recenset, quæ Christianorum est,

& quæ Catechumenis legitur. Hilarius nostrum Canonem affert. Nazianzenus, Cy-

rillus Hierosolymitanus eos libros enumerat, qui ab Apostolis nobis commendati sunt.

Hieronym. procul abjicienda docet, quæ non sunt apud Hebræos. In prologo Galeato de-

scribit eos libros qui *ad Ecclesiam pertinent.*

Eusebius librorum V. T. Canonem ex Iosepho recenset. Denique universa Ecclesia

primitiva (sictum Clementem excipio) Canonem nostrum approbavit. Nemo patrum

ei contradixit. Non dubitarunt itaque aliqui eo tempore de Apocryphis; sed tota

eos Ecclesia è Canone exclusit. De libris N. T. dissimile est. Athanasius in synopsi,

Euseb. 1. 4.

Hist. c. 26.

Idem 1. 6. c. 25

In synopsi

præf. in Psalmos.

Carminè de

S. S. libr. Ca-

tech. 4. præf.

in Esdras.

Hist. Eccles.

1. 3. c. 12.

Cyprianus in symbolo, Hieronymus in Catalogo, illos de quibus dubitatio erat orta in Canonem receperunt. Vnde patet universam Ecclesiam de iis libris non dubitasse. At omnes Iudæi & Christiani apocryphos V. T. reprobarunt. Itaque vel Tridentinum concilium Apocryphis Canonem inferendis; vel universa primitiva Ecclesia cum Concilio Laodicensi & 6 œcumenico iis rejiciendis erravit. Obijciunt, Ecclesiam potuisse dubitare, quia generale Concilium de his libris nondum quicquam statuerat. R. falsum. Fuit enim *certain Canon* in Ecclesia primitiva, teste Eusebio, Melitone, Origene, Hieronymo in prologo. *Quicquid extra hos, inter apocrypha est.* Nazianzenus eosdem numerat viginti duos, & addit: *Quicquid extra hos est non est ἐν γνήσις.* Athanasius in synopsi: *Omnis nostra, qui Christiani sumus, scriptura divinitus inspirata est, & libros habet non infinitos, sed finitos, ac certo Canone comprehensos.* Cyprianus in symbolo evidenti numero recenset ea omnia, *quæ divinitus inspirata & Ecclesiis Christi tradita fuerunt. In his, inquit, librorum numerum V. T. concluderunt.* Ergo Ecclesia ipsa praxi & acceptione Canonem suum definiivit. Augustinus à veteri Ecclesia primus dissensit. Sed autoritas totius Ecclesiæ potior opinione unius Augustini. Loquitur de Canone morum. *Tenebitur*

l. 3. c. 10.  
l. 4. c. 26.  
l. 6. c. 18.

l. 2. c. 8.

*hunc modum in scripturis Canonicis, ut eas, quæ ab omnibus accipiuntur Ecclesiis Catholicis, præponat eis, quas quædam non accipiunt. In eis vero, quæ non accipiuntur ab omnibus, præponat eas, quas plures & graviores accipiunt, eis quas pauciores minorisve auctoritatis Ecclesia tenent. Canon fidei æquali semper auctoritate fuit. Nemo enim Catholicus de 5. libris Moysis dubitavit. Sed cur Augustinus Christianos ad infallibile iudicium Cathedræ Romanæ non ablegat? Hoc certè cum tota Ecclesia ignoravit, secus ac Tannero & Gretsero videtur.*

Baronius mentionem Concilij Romani anno 1076. sub Gregorio 7. facit, ubi declaratum & definitum est, *non esse aliud nomen sub cælo quam Papæ: nullum capitulum, nullumque librum (ita nec Esaiam Prophetam) Canonicum esse sine ipsius auctoritate: cunctos reges teneri ipsi pedes osculari.*

Concilium Florentinum determinavit, anno 1449. *Papam dogmata posse symbolo fidei adjicere.*

Concilium Lateranense *scripturas ad pedes Papæ deiecit, eumque regem similitum Deo declaravit, quem cunctæ nationes teneantur adorare: cui omnis potestas in cælo & in terra data sit: qui sit Leo Iudæ, radix Davidis, servator Sionis, Majestas divina.*

Tandem R. E. in iure suo non sine aperta & insigni blasphemia in spiritum sanctum

Dist. 19. Can. in Canonicis.

Decre-

1. 3. contra  
Maximum.

Decretales Papæ inter libros Canonicos adnumerat. Ex hisce certum & evidens esse judico, Conciliorum autoritatem supremam & ἀνωπεύθυνον haut esse, quod sane Augustinus exserte profitetur. Nam ut non vult ipse stare autoritate Concilij Ariminen- sis, ita non vult exigere, ut Maximinus stet Nicæni Concilij autoritate. *Sed nunc nec ego, ait, Nicenum, nec tu debes Arimine se tanquam præjudicaturus proferre concilium. Nec ego hujus autoritate, nec tu illius delineris: scripturarum autoritatibus, non quorumcunque propriis, sed utrinque communibus testibus res cum re, causa cum causa, ratio cum ratione concertet.* Respondent Maximum non teneri autoritate Concilij Nicæni, quia Augustinus promississet se ex scriptura cum eo disputaturum, non teneri itaque *in hac disputatione.* R. *Delineris*, ait, non *delinearis*. Deinde cum ait: *res cum re, causa cum causa, ratio cum ratione concertet*, quid evidentius ad astruendam scripturæ supremam autoritatem dici potest? Cur scripturæ autoritatem utrique parti communem in disputando conciliis præfert? Cur præjudicium ait ex Conciliis nasci? Cur utriusque parem rationem asserit esse in Conciliorum autoritate rejicienda? Cur rem mali exempli in Ecclesiam inducit? nempe ut rejecta Conciliorum autoritate suprema, hæreticum ad scriptu-

1. 2. de bapti-  
simo contra  
Donatist, c. 3.



scripturam compellat. Cur non objicit illud Magisterium infallibile Cathedræ Romanæ? sed alio loco clarissimè. *Quis nescit ipsa Concilia, quæ per singulas regiones fiunt, plenariorum conciliorum autoritati, quæ fiunt ex universo orbe Christiana, sine ullis ambagibus cedere: ipsaque plenaria sæpe priora posterioribus emendari, cum aliquo experimento rerum aperitur quod clausum erat, & agnoscitur quod latebat, sine ullo typho sacrilegæ superbiæ, &c.* Respondent, cum de facto agitur, plenaria concilia errare. Nam in causa Donatistarum de facto, non de jure tractatum fuisse. R. sic periit firmitas traditionis: *Num Petrus Roma fuerit.* Nam hæc traditio facti, non juris est. Deinde respondeo falsum esse quod de facto quæstio fuerit. Catholici enim Donatistis dabant inter disputandum Cæcilianum peccasse; tantum negabant ab Ecclesia ideo discedendum. Hæc sane quæstio juris est, *an propter peccata pastorum Ecclesiæ communicatio deferenda sit?* At Augustinus de experimento loquitur. Respondeo Conciliorum decreta quæ ad mores pertinent sæpenumero ipsa experientia illegitima deprehendi, ut speciosum decretum de coelibatu sacerdotum experientia impium esse docuit. Imò Augustinus à moribus ad fidem progreditur. *Quis nescit sacram scripturam Canonicam certis suis terminis contineri, eamque omnibus posterioribus*  
Epi-

In Epist. ad  
Galatas:

Dist. 50. Ca.  
non. Domino  
Sancto.

*Episcoporum literis præponi? Itaque addit: cum cognoscitur quod latebat. Eodem iudicio Hieronymus est. Spiritus sancti doctrina est, quæ Canonicis literis prodita est, contra quam si quid statuunt concilia, nefas duco. Hinc Isidori regula licet Augustini consilio de recentibus præferendis contraria usui tamen esse potest. Quotiescunque in gestis conciliorum discors sententia invenitur, illius Concilij magis sententia teneatur, cujus antiquior & potior autoritas extat.*

## C A P. V.

*Papatus corruptissimus paulatimque vires eundo acquirens Ecclesiam obscuravit, non extinxit.*

**S**ingulis seculis pij & constantes Doctores exorti sunt, qui erroribus se ingruentibus imo inveteratis opposuerunt, ut Ecclesia omni conspicua forma nunquam caruerit. Hoc ex lectione antiquitatis Ecclesiasticæ patet. Itaque omnino distinguimus Ecclesiam in qua Papatus fuit, ipsumque adeo Papatum & regnum Antichristi. In illa salutem omnes Christiani invenerunt; in hoc exitium cuius pertinaci Idolatræ expectandum est. Nunquam Ecclesia

fia Christi in terris esse desinit; quia Deus  
 decrevit eam conservare. Christus se ei ad-  
 futurum ad finem seculi pollicitus est. Pro-  
 pheta Esaias testatur, *totum populum fore in-* cap. 1.  
*star Sodomæ ac Gomorræ, nisi Deus reliquias*  
*quasdam conservasset.* Paulus: *Quos vocavit,* Rom. 8.  
*justificavit.* Christus Ecclesiam petrae inæ-  
 dificavit tutam à portis inferni conservan-  
 dam. In quem locum Iansenius. *Sensus est,* Concord. in  
*regnum Diaboli regno Christi infestum esse, hoc* hunc locum.  
*variis modis ab illo oppugnari, nunc per blandi-*  
*cias & voluptates, nunc per persecutiones & fal-*  
*sa dogmata, nunquam vero Diabolum preva-*  
*liurum.* Ferus: *Loquitur de Ecclesia secun-*  
*dum Spiritum, quæ solos electos complectitur.*  
 Defectio contigit in Apocalypsi prædicta.  
*Adorabunt bestiam omnes, quorum nomina non* Cap. 13.  
*sunt scripta in libro vitæ.* Ribera ipse fatetur  
 in hunc locum, *Ecclesiam tempore Antichri-*  
*sti ex prædestinatis constare. Qui Spiritum Chri-*  
*sti non habet, is non est ejus,* teste Apostolo. Rom. 8.  
 Christus enim in veris suis membris ope-  
 ratur. Impij ex hoc corpore ut humores &  
 stercore egeruntur. *Christiani non sunt,* teste  
 Toletio, *qui viva fide Christi carent. Mem-* In Rom. 8.  
*bra Christi cum capite suo resurgente,* ut Mal- In Ioh. 16.  
 donatus docet. Ecclesia itaque Catholica,  
 ex veris Christi membris composita, est tem-  
 plum Dei, ut Origenes loquitur: *quod ex la-* In Iohan.  
*pidibus vivis edificatur, ubi verum Israel est.*

Hiero-

In Pl. 101.

Epist. 76.

Tr. 45. in Joh.

Serm. 68. in  
Canticum.August. con-  
tra Donat.  
l. 5. c. 27.

Hieronymus: *Electi sunt Dei Ecclesia. Si hor-  
tus conclusus est sponsa Christi Ecclesia, patere  
ea prophanis & alienis non potest.* Cyprianus:  
*Quid est sponsa Domini, nisi congregatio ju-  
storum?* Augustinus: *Ecclesia est ovile Christi.  
Oves sunt quas nemo rapiet. Habent enim no-  
mina inscripta in libro vite.* Bernhardus: *Vi-  
nea Domini est Ecclesia predestinatorum.* Mor-  
tua membra non nisi æquivocè talia dicun-  
tur. Bellarmini & Costeri somnia relinqui-  
mus. quorum ille ait, *impios esse vera Christi  
membra sed non viva; hic Christum possidere  
membra damnanda.* Sola externa fidei profes-  
sio efficit ut Hypocritæ membra Christi vera  
VIDEANTVR; minime ut talia SINT.  
Hugo docet nihil in hoc corpore Christi my-  
stico mortuum esse, quia Spiritus Christi in  
omnibus hujus corporis membris efficax est.  
Itaque extra dubium est semper fuisse illum  
numerum justorum, qui secundum propositum  
vocati sunt, de quibus dictum est, *Novit Domi-  
nus qui sint sui.* Interim hoc tristissimâ ex-  
perientiâ convicti dicimus! Ecclesiam Dei  
non semper gloriosam & conspicuam exter-  
na professione sinceræ fidei Christianæ flo-  
ruisse, verum aliquoties superstitione, erro-  
ribus, idololatria, malisque moribus oppres-  
sam & obscuratam latuisse. Hanc obscura-  
tionem Ecclesiæ defectio ista magna ab A-  
postolo prædicta invexit, ubi expresse ait,  
*filium*

*filium istum perditionis* propediem revelandum: & *mysterium iniquitatis jam tum corruptum fuisse* peragi. Hoc *mysterium iniquitatis* *mysterio pietatis* opponitur, quod statim à lapsu Adæ cœpit, sed statò tempore completum fuit. Hæreses evanescent, hoc malum per omnia secula serpere debebat. *Mysterium vero iniquitatis in N. T. Papatus est,* nempe Oecumenicus primatus jurisdictionis in Ecclesia. Hoc *mysterium Papatus* temporibus Apostolicis non defuit. Hinc Paulus id operam dat, ut se iis exæquet, qui columnæ videbantur, nempe filiis Zebedæi & Petro, quibus Christus singulari privilegio nomina commutavit: quæ commutatio frustra à Deo non fit. Ita fundamenta Antichristianismi in Petro *passive* non *active* fuerunt; (ut idolum aliquod potest esse sanctus nempe aliquis *passive*) id est Petro contra Christi mandatum primatus iste delatus est hodieque defertur, quem Papæ sibi arrogant. Certè cum Christus *primus* sit: Antichristus *primus* volet esse, usurpatione dignitatis Christi, quæ in tribus officiis, Prophetico docendi, sacerdotali offerendi, regali gubernandi Ecclesiam consistit. Quis hæc sibi tribuit? Quis sibi jus in conscientias arrogat? Quis instituit incruentum sacrificium? Quis traditionibus pari pietatis affectu ac mandata Dei suscipiendis & exsequendis Ec-

K

clesiam

Ad Gal. c. 2.  
& 2.

Cap. 18.

clesiam obruit? Quis solus infallibilem se  
 judicem & Doctorem Ecclesiæ totius fert?  
 Quis auctoritatem scripturæ ab Ecclesia, &  
 Ecclesiam à suo arbitrio suspendit? In Apo-  
 calypsi Deus populum suum jubet, *Babylone*  
*egredi*. Ergo aliquamdiu populus Dei Ba-  
 bylone debuit latere, & quidem ad certum  
 tempus. *Male* (itaque Papistas) *parietum a-*  
*mor cæpit: male Ecclesiam Dei in terris edificiis-*  
*que venerantur. Montes interdum & lacus &*  
*carceres intiores sunt. Qualis splendor & am-*  
*plitudo status Ecclesiastici tempore de quo*  
*Hieronymus in hæc verba quæritur: Ingemuit*  
*totus orbis & se Arrianum esse miratus est.*  
*Rarum olim erat, inquit Hilarius, apud Orien-*  
*tales invenire Episcopum, vel populum Catholi-*  
*cum. Bellarminus: Hæresis Arriana Ecclesiæ*  
*Catholica universa quasi quandam ignorantie*  
*noctem offundebat. Gregorius de Valentia fa-*  
*tetur: Ecclesiam iis aliquando errorum, schi-*  
*smatum & persecutionum fluctibus obrui, ut im-*  
*prudentibus cogniti difficilis fiat: Arrianam*  
*hæresin pene toto orbe dominatam Ecclesiæ na-*  
*vem fere obruisse. Tandem huc evadit: non*  
*negandum esse, quin Ecclesia alio atque alio tem-*  
*pore cogniti difficilis sit. De occidente res*  
*clarissima testimonio Alphonfi à Castro, haut*  
*diffidentis: Arrianam hæresin ab ortu solis &*  
*meridie per Græciam in Aquilonem transivisse,*  
*indeque Gothos egressos totum fere Occidentem*  
*infe-*

In fragm.

l. 3. de Eccle-  
 sia milit.  
 cap. 16.

Analys. l. 6.  
 cap. 4.

De hæres. l. 1.  
 hæres. 6.

infecisse, eamque pestem trecentos & amplius annos durasse. Lindanus narrat; Hieronymum in Chronicis ex Eusebio memorie prodidisse: omnes pene toto orbe Ecclesias Arrianorum consortio pollutas fuisse. Hoc itaque Nazianzeni crebris sermonibus usurpemus: *ubi sunt qui Ecclesiam multitudine definiunt, & exiguum gregem aspernantur?* Canus non diversus abit: *Quadraginta Prophetae Achabi mentiti sunt; ex ore solius Miche viri contemptibilis veritas egressa est. Non itaque numero suffragiorum sententiam metimur. Sapientes pauci sunt: stultorum infinitus est numerus.* Chrysostomus nos jubet minime dolere multitudinem sectarum. Idem enim Prophetarum tempore contigisse. Plures enim semper Pseudo-Prophetas extitisse, quorum comparatione veri Prophetæ clariores evaserint. Morbo enim sanitatem, tenebris lucem, tempestate tranquillitatem clarius demonstrari & cognosci. Hinc certe satis apertum est verum esse quod S. Ambrosius docet: *ut luna orius suos & defectus habet frequentes: sic Ecclesiam itidem habere, quæ à Christo lumen suum mutuatur.* Quis status Ecclesiæ veteris Ægypti vinculis constrictæ? Videatur ille apud Prophetam Ezechilem, ubi Deus ait: *se populum adhortatum fuisse ad idola abjicienda; sed ne unum quidem mandato paruisse.* Num Ecclesia conspicua fuit infidelibus sub regibus Achaz & Manassis,

Panopl. l. 2.  
c. 6.

Orat. contra  
Arrianos.

Locorum  
Theol. l. 5.  
c. 5.

Hom. 46<sup>a</sup> in  
acta.

In Hexaem. l.  
4 c. 8.

Cap. 20. 18.

2 Chron. 29.

templo clauso quod unum in toto orbe divino cultui destinatum erat, inque omnibus urbibus Iudææ idolis erectis, altarique idolis constructo in templo Ierosolymitano ab ipso summo Pontifice Vria? Manasses regnum 52. annos eo modo Ecclesiam evertendo administravit. an vero licet exercitium religionis sublatum fuerit, cædes piorum Ecclesiam conspicuam reddidit? Conspicua forma Ecclesiæ tunc cessat cum nullus publicus conventus ad religionis officia exercenda instituitur. Religio in quibusdam Martyribus apparebat; Ecclesia vero formam externi cultus totam amiserat. Quot præterea dies in 2 Chron. 15. Israele effluxerunt *sine Deo, Sacerdote, & lege?* Per Israëllem non 10. tribus intelliguntur. Hæ enim post defectionem nunquam ad verum Dei cultum recipiendum conversæ sunt. *Hic autem Israel cum ad Deum conversus est, eumque quesivit, invenit.* Quæro etiam de Romana Ecclesia, an 1400. annis à conditu omnibus gentibus conspicua fuerit? Nego. infinitæ gentes in noto orbe Romanam Ecclesiam ignoraverunt, religionis Christianæ nullo sensu imbutæ. De Indis Occidui & Orientis orbis res nautarum experimento comprobata est. Paulatim ajunt omnibus gentibus innotuit. Sed hoc non sufficit. Volunt enim ideo semper Ecclesiam conspicua forma externæ professionis in oculos incur-

risse



risse mortalium, *ut nemini aditus ad Ecclesiam interclusus esset*. Quæ ratio si quicquam valet, hoc omnino evincit Romanam Ecclesiam semper ab omnibus gentibus conspectam & agnitam fuisse. Nam alias plurimis janua Ecclesiæ adeundæ oclusa fuisset, quod tamen in absurdis habent. Cur etiam mulie- Apocal. 12.  
 ri *ale* datæ sunt, ut in eremum fugiat ibique ad tempus commoretur? Nonne ajunt Antichristum *juge sacrificium* abrogaturum? Itaque Ecclesia R. tunc formam externi splendoris planè amittet. Augustinus: *Ecclesia non* Epistola 20.  
ad Helichiu.  
Ep. 119. c. 6.  
*apparebit, impiis persecutoribus ultra modum sa-*  
*vientibus. alibi: Ecclesia in ista mutabilitate car-*  
*nis constituta, propter ipsam mutabilitatem, Lu-*  
*na nomine in scripturis signatur.* Ambrosius: 1. 4. Hexam.  
c. 3.  
*Videatur sicut luna deficere, sed non deficit. Ob-*  
*umbrari potest, deficere non potest.* Hoc itaque  
 notandum est ad multas objectiones Papistarum diluendas, non absolute in externo semper cultu Ecclesiam defecisse sed *comparare*. Nam initio clarissima fuit, quod dicta Prophetarum testantur, postea obscurata *Arrianismo*, ut adversarij fatentur, deinde penitus sed paulatim *Papismo* eversa, nempe quoad externum statum, donec iterum veteri splendore effulsit. Prædicatio verbi Dei nunquam planè extincta, sed obscurius nec sine *admixtu fermenti Pharisæici* propagata semper discrimen inter populum Dei & gentes ostendit,

Com. in  
Tit. 1.

Epist. 24.

Lib. 6. serm.  
19.

Hom. 2. de fe-  
lto S. Steph.

dit, sed quale olim. Hoc quod de prædicatione diximus, testimonio adversariorum probandum est: Espensæus. *Olim quidem Leo 1. negavit sibi liberum esse tacere & populo sermonis officium subtrahere.* Gregorius: *Absque tinninabulis nec sancta ingredi Pontifici licebat, nec Antistitis nomen possidere. Audiatur Pastor sonitu prædicationis. At quotusquisque prælatorum majorum minorumve populum suum docere videtur? Certe ex nostratibus Episcopis (qui Tridenti pars aliquota fuerant, ubi prædicandi munus prælatis tanquam præcipuum officium impositum est) nemo per se docet. Ludimus in re seria? An potius decretorum specie reformationem poscentibus illudimus? Novi ex istis qui se ad istam docendi servitutem teneri præfracte negant. Res nobis est cum iis quibus nulli magis concilia, patres, Ecclesiam clamitant, & tamen functionem suam maxime sibi propriam & necessariam doctrinam abjiciunt. Non obtrinebis, ajunt, ut Episcopi Cathedras rursus conscendamus, quas Theologasteris & Fraterculis libenter concessimus.* Idem Espensæus de iis qui munus prædicandi obeunt. *Lex perit à sacerdotibus. Recitant pro historiis fabulas; pro seriis joca: pro veritate mendacia: pro virtute fidei portenta demoniorum.* Eccius. *Nostrates prælati ordinem invertunt Apostolicum, dum spiritualia graviora quam quæ subeant rari, in pontificalibus suffraganeorum, in judicialibus*

*bus officialium, in absolvendis pœnitentiariorum ope utuntur, in predicatione Monachum nescio quem præferunt. Sin qua in re de censu & temporalibus agitur, res hac ad Dominum nostrum Episcopum referenda est. Durandus. Despe-* De conc. tit. 27. & 32.  
*rata est salus Romana Ecclesiæ; in quam dictum Esaie convenit. Erit cubile draconum. Ferus ingenuè faterur, si ipsi Petri successores eodem modo usi fuissent potestate sua quo Petrus, neminem Christianum eam impugnatum fuisse. Platina. Ex hoc neglectu, luxu & avaritia cleri factum est ut vitia Papatus adeo creverint, ut vix ullum misericordia divine locum reliquerint. Quanta sit sacerdotum avaritia, quanta libido, quanta ignorantia suipsius, tum doctrina Christiana; quam parva religio & simulata potius quam vera, quam corrupti in secularibus mores sint, quid attinet dicere?*

Sed ad Espensæum Episcopum redeamus. In 1 Tim. digress. l. 2. c. 9.  
*Nos proh dolor ex Pacificis in litigiosos degeneravimus, eaque est hodierna Ecclesiæ praxis, ut quæri serio soleat Theologusne an Canonista sit ad Ediscopatum aptior? Dicunt quidam priscis quidem Episcopis Theologiam magis convenisse. Hodie vero contra jurisperitiam magis congruere, quia plures accidunt quæstiones ad jus quam ad fidem spectantes. Sed longe aberrant, quia Episcopi non minus hodie quam antea predicare tenentur, quibus non minus jam quam tunc in consecratione prædicandi officium imponitur.*

Tract. 18. in  
parab. Hom.  
diy. num. 1.

Tom. 2. tr.  
de avarit.

Relect. 1. q. 1.

De corrupto  
statu Eccles.

*Prædicationis autem materia est divina scriptura. Hanc igitur docere magis tenetur quam Canones. Salmeron, Si cætera membra corporis ad multa officia convenient, ut lingua ad gestum & locutionem; oculus tamen unicum officium habet. Peraldus, Est regimen teste Fr. de Victoria animarum ars artium, ut non possit unus & idem utrumque munus implere administrandi secularem & Ecclesiasticam potestatem. Olim, inquit Ferus, Pontifici instar habitum fuit, si pro Episcopo haberetur, qui non etiam re ipsa verum & proprium Episcopi munus exhibuisset; quod hodie plus quam monstri loco habetur, si quis exhibeat: quos cum temporum natura, scriptura, Ecclesia, concilia, Pontifices, Patres, Cæsares, superi, inferi accenserent damnumque, quis est qui absolvat? Nec tantum nostra patrumque memoria Ecclesia in talem statum recidit, ut verbi divini prædicationi sincera ab Episcopis neglectui habita sit: sed etiam seculis retroactis, ut omnium fere temporum historiæ testantur. Nicolaus Clemangis Archidiaconus in Gallia librum edidit, qui publice in Concilio Constantiensi prælectus est. in eo hæc quæritur: Exercitatio & meditatio scripturarum deridetur & illuditur, idque ab ipsis Pontificibus, qui suas traditiones longè pluris faciunt quam mandata Dei. Ministerij Ecclesiastici functio in tanto contemptu est, ut indignam Episcopali dignitate videatur. Prædicant*  
*per*

per alios. At in debitis personalibus debitor non absolvitur, si id per alium facit quod debet.

Mandatarius quod in mandatis accepit, alii mandare non potest. Monachos vocat lupos pellibus ovinis amictos, diabolos se in angelos lucis transformantes, phariseos, hypocritas, sepulchra malbata, verbaque Pauli 2 Tim. 3. ad eos accommodat. Theologiam totam R. E. Pomis Sodomiticis comparat, exterius pulchris, intus fuligine plenis. Legendas sanctorum, ait locum scripturarum occupare, Sanctos locum ipsius Dei. Hinc merito Cassan-

Consult. art:

25.

der queritur in hæc verba: Quam longe monachatus hodie à prima sua origine degeneravit, & quantis abusibus contaminatus & deformatus sit, satis per se manifestum. Nam paulatim religio vera & solida in superstitionem & inanem speciem religionis conversa est, & accrescentibus opibus decrevit pietas, & in ejus locum larvæ ceremoniarum successerunt. Non mirum itaque quod Marcellus Palingenius id hominum genus ita describit:

In Leone ad  
Herculem 2.  
Ferrariæ du-  
cem.

*Sed tua præcipue non intrent limina quisquam  
Frater vel Monachus, vel quavis lege sacerdos.*

*Hos fuge. pestis enim nulla his immanior, hi  
sunt*

*Fax hominum, fons stultitiæ, sentina ma-  
lorum,*

*Agnarum sub pelle lupi, mercede colentes*

*Non pietate Deum, falsa sub imagine recti*

K 5

Deci-

*Decipiunt stolidos, & religionis in umbra  
Mille actus vetitos, & mille piacula con-  
dunt.*

Non est hoc unius Marcelli iudicium sed  
totius Orbis, teste Concilio Lateranensi.

Tom. 4. Con-  
ciliorum.

*Totus fere mundus scandalizatur & male lo-  
quitur de tanta copia mendicantium, qui in  
mundum intrarunt, Trutannii dicti. Conci-  
lium ipsum fratrum istorum pudet pigetque.*

Insigne patrum societatis encomium in  
epistola Adriani Turnebii ad Cardinalem  
Lotharingæ extat.

*Quæ nova surrexit secta & mentitur Iesum  
Dulce latrocinii protendens nomen operis  
Tartareis emissa vadiis, spoliaria plebis  
Instituit, speratque suos ditare latrones.*

*Jamque gregem pascit simulatio dira rapacem,  
Semper inundantem viduarum è viscere præ-  
das,*

*Fallentem pueros & inertia pectora vulgi.*

C. at si clerici.  
§. de judic.

De grege sacerdotum Constitutio Ale-  
xandri 3 notanda est, qua ob adulterium de-  
cernit officium non esse abrogandum, nisi  
majori culpæ affinis sit. Quales Theologos  
Concilium Tridentinum habuerit, Stella do-  
cet Pontificius Theologus nullius novitatis  
suspectus, nempe *ligna elignia, lapides mutos,*  
*Episcopos qui ab aliis doceantur & dirigantur*  
*quid respondendum sit.* qua in re à risu sibi  
nequit temperare. De prædicatoribus

Com. in Luc.  
6. 39.  
p. 184.

Holcot

Holcot scribit, Si audiat (simplex Vetula) *praelatum* *pradicantem errorem, quem nescit esse talem, & credat ei, non peccat, sed tenetur errare, quia tenetur ei credere, imo meretur volendo credere errorem.* Quales Canonistas habemus Zabarella Cardinalis describit, nempe eos tales glossas juris Canonici edidisse, ut Papa persuaserint, ipsi omnia licere. Vnde innumera- biles errores exorti sunt, dum Papa aliarum Ecclesiarum jura ad se trahit, ita ut nisi Deus Catholica Ecclesiae succurrat, naufragium fa- ctura videatur. Canonicos seculares Cran- tzius vocat, *Monstra sine exemplo, Regu- lares Irregulares, Canonicos sine Canone.* Non ab re Carranza: *Puduit me, ut ingenue fatear, morum nostrorum: expuere libet in sinum sub- inde repeiundo. En à quanto culmine decidi- mus! Nihil fere convenit presenti rerum sta- tui, si quis attente conferat cum illo, quem cernere licet in scripturis conciliorum.*

In 1. sent. q. 1.  
Lit. R. §. ad  
sept. princ.

De schism.  
circa annum  
1406.

In tomos  
Conc. praf.

Speculum aureum: *Tota Romana Curia à planta pedis usque ad verticem excacata est erroribus. Ista curia inebriat veneno errorum fere omnes partes terre. Hac de causa mur- murant fere omnes, sed nemo clamat. Otto Frisingensis: Roma crevit divitiis & potentia, decrevit autem in veritate & justitia. Aventi- nus in annalibus: Amisso puro veritatis fonte ad lacunas lutosas convertuntur, & pietatem quastum, religionem pradam existimant. Ho- mines*

Anno 1404.  
in praf.

Ep. 18. sine  
titulo.

De collat. be-  
nef.

Ep. in Poly-  
crit. l. 6. c. 24.

*mines suaves, cœli se adituos faciunt, ubi nec fuerunt nec sunt, nec erunt unquam nisi nugari definant.* Petrarcha: *Spes viæ futura, infernus, resurrectio carnis, finis seculi, Christus venturus ad iudicium, Hæc omnia in Gallica Babylone (Papatus Curia) F A B V L A.* Fasciculus temporum statum Romanæ Ecclesiæ cum temporibus Jeroboami vitulos in Israële erigentis comparat. Guilielmus Episcopus Parisiensis. *In Romano Clero neque pietas neque eruditio, sed diabolica turpitudine omnium vitiorum. Nō sunt Ecclesia, sed Babylon, Ægyptus, Sodoma. Restituunt Luciferum in cælum.* Joannes Sarisburiensis: *in Ecclesia sedent Scribe & Pharisei, importabilia onera hominibus imponunt, quæ digito ipsi non attingunt. Papa R. fere omnibus molestus & intolerabilis.* Lambertus Schafnaburgensis Monachus: *Zizania totum sacri gregis corpus quasi tabe quadam infecerunt. ô mores! ô tempora! ô abominationem desolationis stantem in loco ubi non debet, & Mammonem nostris temporibus publicè sedentem in templo Dei, ut extollat se super omne quod dicitur Deus aut colitur.* Gerson Cancellarius Parisiensis. *Fateor, abnegare non possum, multa inter Christianos simplices sub specie religionis introducta esse, quorum sanctior esset omissio.* Eberhardus Ep. Saltzburgerensis nomine Episcoporum Germaniæ, *Hildebrandus Papa ante annos 170.*  
sub



*sub specie religionis fundamenta antichristiani regni jecit. Papæ Babylonis cupiunt soli regnare; non cessabunt prius quam omnia pedibus conculcarint, sequè in templo Dei collocarint, sustulerintque super omne quod colitur. Loquitur magna quasi Deus esset. In corde nova consilia agit de imperio ad se transferendo: mutat leges. Hic est filius perditionis quem nominant Antichristum; in cujus fronte nomen blasphemie scriptum est: Deus sum, errare non possum. Hinc Mantuanus:*

*Respublica Christi*

*Labitur, egrotatque fides jam proxima morti. Aventinus. Gregorius 7. ausus est dicere, An. Bojorum 1. 5. & 7. Christum sibi gladium utrumque dedisse. Tum inceperunt tempora periculosa, quæ cavenda Christus, Petrus, Paulus monuerunt. Species pietatis loco veræ religionis subiit. Theologia inventis humanis contaminata est. Bernhardus præfente Papa: Nunc non habemus mercenarios pro pastoribus, nec lupos pro mercenariis, sed pro lupis habemus diabolos. Alio loco. Egressa est iniquitas à senioribus, judicibus, Vicariis suis, qui videntur regere populum tuum. Non est jam dicere, ut populus ita sacerdos, quia nec sic populus ut sacerdos. Alibi: Dæmonum magis pascua hæc quam ovium, si auderem dicere. Item alio loco: Videtur o bone Jesu tota Christianitas contra te conjurasse; à planta pedis ad verticem nihil sani: Fœtens ulcus Ecclesiæ corpus*

In Concilio Rhemenfi.

De conversione Pauli.

De Confid. ad Eugenium.

Ep. 42.

*corpus depascitur. Sunt servi Christi & Anti-christo serviunt.*

Vol. II, an.  
1049.

*Alibi. O Domine, sacerdotes tui facti sunt tonsores: pralati, Pilati: doctores, seductores. Baronius de Romana Ecclesia: Omnis caro corruptit viam suam. Non opus diluvio ad ablunda peccata, sed igni caelesti quo tanquam Gomorra consumatur. Seculo 8.9.10. quam egregios prædicatores verbi divini Roma orbi dederit, ipse Baronius testetur, nempe Apotacticos, Apostaticos. Sed qualis Rex talis grex! Quid studio sibi Vicarii plerique Christi ante trecentos, quadringentos, quingentos annos habuerunt aliud, nisi ut armis Imperatores Romanos subigerent? Quanta in Europa hinc strages hominum?*

Lib. de Sp.S.  
c. ult.

*Beda. Videt quisque non sine lacrymis rem indignam, quantum Ecclesia status ad pejora quotidie & infirma devolvatur! Basilii Episcopi Cæsareæ jam olim hoc ulcus Ecclesiæ tetigit: In Ecclesia ait magnum dissidium & vehementem multorum, tum inter ipsos tum contra divinas scripturas dissensionem observavi, & quod horrendissimum est, ipsos Ecclesiæ præsides in tanto animorum & opinionum dissidio inter se constitutos, tantaque contrarietate mandatis Dei nostri Jesu Christi repugnantes Ecclesiam Dei crudeliter dissipare, & gregem illum absque ulla misericordia dissipare, ut in ipsis nunc verè impleatur illud Apostoli: Ex vobis*

vobis ipsis exsurgent viri perversa loquentes. Ephrem Syrus: *Angelicum fecimus habitum, sed cum Diabolo militiam gerimus.* Ambrosius. *Qui debuerant esse Vicarii Apostolorum, facti sunt socii Iudæ & præambuli Antichristi.* Hieronymus. *Ex quo crevit avaritia in Ecclesia, perit lex à sacerdotibus & visio à Prophetis.* Augustinus. *Ecclesia humanis traditionibus obruta & corrupta est adeo ut Judæorum sub lege tolerabilior conditio fuerit, quam Christianorum sub Evangelio, ut in epistola ad Januarium testatur.*

Ex hisce brevissimè decursis testimoniis liquet, malis moribus, commentis traditionum humanarum, foliis ceremoniarum, neglectu Ministerii Ecclesiastici, atheismo, erroribus, idololatria, turpissimis monstris mendicantium Monachorum, variis sectis scholæ Pontificiæ, abusibus & corruptelis puro grano fidei admixtis, quas tempus, ambitio, avaritia, negligentia, ignorantia & alię pestes in Ecclesiam invexerunt, veram Ecclesiæ faciem obscuratam fuisse. Sed hoc in posteriore parte, ubi de doctrina papatus propria agemus, uberius patebit. Nihilominus videmus Deum Ecclesiæ Pastores dedisse, sed ejusmodi subingressos esse, qui oves in ea pascua duxerunt quibus etsi virus inerat admixtum, nihilominus tamen etiam inerat unde pascerentur. Ut hepar è chilo purissi-

purissimam partem ad sanguinem generandum attrahit: ita tum boni Christiani excrementa Papismi rejecto, fidei sane dogmata attraxerunt & in succum & sanguinem converterunt. Christus discipulos ad Phariseos sedentes in Cathedra Moſis ablegat, qui tamen oves ad corrupta pascua ducebant. Nam fermentum Phariseorum cavendum monet. Duplex itaque in Ecclesia doctrina, Christi & Antichristi sonnit. Quatenus prior illa locum habuit, Ecclesiam constituit; quatenus posterior priorem oppreſſit, Synagogam Sathanæ produxit, in qua nulli ſalus contigit. Sed verbum Christi veneno doctrinæ Antichristianæ infectum quomodo oves potuit pascere? Bernhardus: *Non ut ſacerdos, ita & populus.* Venenum ab omnibus non receptum fuit quod Paſtorum nequitia auditoribus propinavit. Antidotum à Spiritu Sancto vim veneni extinxit. Animi ſimplicitas non ſimulatè ſed verè Deum ſtudentium colere Eccleſiam conſervavit. Quàm multi fuerunt qui non noverunt quid doceretur? Quàm multi qui norunt ſed minimè probarunt? Quam multi noverunt & probarunt omnia quæ credi & agi jubebantur, ſed ex mera animi ſimplicitate, ſequere vel metu ſchiſmatis vel ſpe correctionis in Eccleſiæ Romanæ communionem continuerunt. Num continuo omnis error ex ſimplici-

plicitate cordis creditus signum est animi à Christi Ecclesia alienati? Fuerunt haut dubiè signa plurima quibus errores istos potuissentprehendere, sed extra æstum tentationis constituti animum non advertunt, ut plerumq; fieri in agone mortis consuevit, ubi totam salutis spem ad Christum, abductam ab omni propriorum meritorum fiducia transtulerunt. Hoc manifestissimum evadit ex libellis istis ante quamplurimos annos scriptis editisque in Anglia, Venetiis, Colonia, ubi moribundus omnem spem salutis in Christi sanguine & merito jubetur collocare. Ut olim plurimi Arrianismum probabant, vutulæ unius in concilio Ariminensi similitudine decepti, quorum lingua hæretica, mens Christiana fuit. Ita in Papatu infiniti hodieque inveniuntur, qui in externa communione R. E. persistunt, ipsa autem Papatus dogmata vel ignorant vel nonnulla ex iis detestantur. Quam multi purgatorium derident? quam multi indulgentias explodunt? Quam multi imaginum adorationem ex animo detestantur? Quam multi docti Catholici Caput 6. Johannis de manducatione spiritali intelligunt? Quam multi statuunt hæc verba: *Hoc est corpus meum*, non necessariò veram mutationem panis, sed etiam mutationem metaphoricam admittere? Historiæ consulantur. Sunt talia

Toletus in  
c. 6. Joh. an.  
26.

Bell. 1. 3. de  
Eucharist. 2.

L

infi. 19.

infinita. Cū admiratione Catholici isti modo hoc, modo illud dogma Romanæ Curie deridentes, audiuntur. Ne de tanta multitudine Papistæ glorientur, legant quid de Indorum conversione ipsi Jesuitæ in epistolis testentur. Inter multa millia vix unus est qui vel unicum iota Papismi intelligit. Interrogati de fide se Christianos esse respondent, prætereaque nihil. Liber Gallicè editus est contra Ministros Parisienses sub nomine Richelij Episcopi Lussionensis. in eo disertè Cardinalis asserit quod R. E. haut aliam fidei regulam quàm scripturam teneat: nullum aliud Catholicæ Ecclesiæ caput quam Christum: nullum aliud purgatorium quam Christi sanguinem: nullum aliud propitiatorium sacrificium, quam quod in cruce oblatum est: nullum aliud meritum quam obedientiam Christi. In his capitibus summa religionis Christianæ, totiusque adeo controversiæ inter Christianos & Papistas cardo vertitur. Nam Pontificia religio subtilissimis distinctionibus, *quas ipsi Doctores vix capiunt, nedum rudis populus*, Bellarmino fatente, traditiones suas ἀνεξέλεγκται, Pontificem, sacrificium Missæ, meritum operum, sanctorum intercessionem, ignem expiatorium, omnia denique ἀδιάφορα, non quidem, ut vult, quoad approbationem, tamen quoad

C. 1. f. 2. p.  
45. & f. 3.  
p. 64.

De imagin.  
sanct. c. 22.

quoad *praxin*, admiscet. Quot myriades autem in communione R. E. mortem optetierunt, qui in simplicibus & generalibus veræ religionis axiomatis acquiescentes, subtilissimas istas distinctiones quibus Papatu sua paradoxa commendat vel non intellexerunt vel respuerunt? Itane credemus Donatistarum more neminem Christianorum tot seculis elapsis servatum ex eorum numero qui Georgiani Armenij Abussini Græci in Oriente dicuntur? Adeone Romana Ecclesia Catholica est ut nemo servetur qui commercij cum ea nihil habeat? Abraham itaque, Isaac, & Jacob damnati sunt. Sed in N. T. plurimæ jam Ecclesiæ constitutæ erant, priusquam Evangelium Romam propagaretur. Quid quod cultus spiritualis N. T. proprio nulli loco ut in V. T. astrictus est? Potest ubique Deus in Spiritu & Veritate invocari, quicumque Deum timet, & studet justitiæ, eidem gratus est, neque publicum exercitium Christianæ religionis notitiam certi loci desiderat. est enim Ecclesia N. T. Catholica, id est, ubique dispersa, nullius sedis humanæ irrefragabili auctoritati subiecta; sed solius Christi eam gubernantis arbitrio & mandato obnoxia, à quo in libertatem asserta est, ut hominum serva ne evadat. Sed ad rem. Cypriani hoc notemus: *Si quis de antecessoribus nostris*

Epist. 3. ad  
Cæcilium.

*nostris vel ignoranter vel simpliciter hoc non observavit, quod nos facere Dominus & exemplo & magisterio suo docuit, potest simplicitati ejus de indulgentia Domini venia concedi, nobis vero non poterit ignosci qui nunc à Domino admoniti & instructi sumus.* Quo dicto

respondemus huic cavillo Papistarum. Aut qui delituerunt in Ecclesia Romana olim ante reformationem pij fuerunt aut impij. Si hoc, nulla fuit vera Ecclesia in mundo. Si illud, Secessio nostra Schismatis rea vel non necessaria est. At non est eadem ratio temporum. Captivum licet esse dum exitus non patet, sed cum præstinato tempore ad libertatem omnes vocantur, quis situ carceris malit squalere & in vinculis delitescere?

Apoc. 18. 4.

Illud, *Egredere è Babylone popule mi*, innotuit. Deinde majores nostri toties reformationem abusuum frustra expetentes plerumque vi & tormentis ad silentium & quietem reducti sunt, imo ad necem tracti. Hinc in Occidente mutatio externi cultus & exercitij religionis contigit. Exivimus itaque Romana communione primum coacti, expulsi que, deinde mandato obtemperantes Domini, desperata emendatione. Quod eo

In 14. & 18.

Apoc.

S. 1. in 18.

Apoc.

majoris momenti est quod Jesuitæ maximi nominis Ribera & Vegas hæc de Roma non Ethnica sed Christiana qualis futura erat sub Antichristo interpretantur. Vegas: *Nobis illud*



illud etiam docendum videtur cum Areta, Primasio, Ambrosio, Ansberto Haymone, & aliis, hoc loco idololatriam Romæ significari, defecturamque Romam à fide, atque adeo futuram habitationem demoniorum & omnis spiritus immundi & volucris immundæ, ob execranda flagitia, idololatriæque superstitionem, quæ tunc temporis in Romana civitate, Romanoque imperio latè grassabitur. Majores nostri manserunt in ea communione Ecclesiæ Romanæ. nondum enim Deus viam illis ad justissimam secessionem patefecerat: multa scholarum dogmata nondum in fidei necessitatem versa erant: nondum tota superstitio vim legis acceperat. Sed quomodo pij potuerunt cum R. E. religiosa societate conjungi idque in cultu impio & idololatrico? Respondeo, cultus potest impius dici *in se* vel *relatè*. Cultus *in se* impius, *relatè* potest non impius esse, imò pius, cum ignoratur animo recto & simplici quid rerum geratur. Sic Papa honore affectus est à Christianis multis eo quod illum non noverunt qualis esset, quem si cognovissent, respuissent.

Nuptiæ germani fratris cum sorore nota, sunt incestæ *in se* & *relatè*, sed si ignores, *in se* quidem tales sunt, non *relatè*. Ita olim Pij Antichristo *materialiter* non *formaliter* subjecti fuerunt. Nemini enim intentio erat Antichristo serviendi. Subjecti possunt

obedire sine crimine læsæ majestatis, hosti regis, qui habitu dissimulato sese pro legitimo principe venditat & gerit, eousque dum fraus patefiat. De sacris Missæ eadem sententia est. Infiniti Missæ interfuerunt, qui ignorarunt corpus Christi de integro ibi reapse dici immolari. Sed pergunt: Occulti isti fideles aut fidem suam professi sunt, aut non. Si prius, manifesti fuerunt. Si posterius, salute exciderunt, *ore enim fit confessio ad salutem*. Objectio hæc tantum eos tangit qui doctrinam Papatus plenè norant & rejecerant. De his itaque adversariis satisfaciendum. 1. Duplex est professio religionis. Altera posita est in exercitio bonorum operum. Hæc semper necessaria est; altera sita est in publica & aperta confessione omnium dogmatum veræ religionis, quæ necessitatis perpetuæ non est. Deinde alia est professio occulta, alia aperta, Nam de 7000 Eliæ ignotis Dei cultoribus objectio hæc aliter evadi nequit. Valer enim contra ipsos æquè ac contra fideles sub Papatu versantes. Demum ab idololatria possum abstinere. 1. *Negative* genua Baali non flectendo. 2. *Positive* edito signo detestationem idolorum patefaciendo. quod Daniel cum sociis suis fecit. Illa est perpetuo necessaria: hæc non. Nisi hoc concedant, 7000 illa in hypocritarum numerum referant necesse est.

## CAP. VI.

*Papatus est officina turpissima  
Simonis Magi.*



Uot abusibus Romana Curia orbem repleverit, Papa ipse Adrianus 6. factus est per legatum in Comitibus Noribergensibus. Aeneas Silvius postea Papa Pius 2: Nihil est quod absque argento Romana Curia det. Ipsa manuum impositio & Spiritus Sancti dona venduntur, nec peccatorum venia nisi nummatis impenditur. Hæc non abusu hominum in Ecclesiam Romanam irrepsit; sed Apostolicis sanctionibus confirmata agrum Domini zizaniis repleverunt. Extat Taxa Cancellariæ Apostolicæ & Taxa sacre Pœnitentiariæ itidem Apostolicæ. Liber venundatur Parisiis in vico S. Jacobi ad crucem ligneam prope sacellum Divi Ivonis per Tossanum Denis bibliopolam, cum descriptione Italiæ & compendio Universitatis Parisiensis & taxis beneficiorum Ecclesiasticorum regni Franciæ, cum privilegio in triennium, 6. die Junij anno 1520. Hunc librum in Bibliotheca Viri Clarissimi, & summi Theologi Dn. A. Riveti perlustravi, ex eoque hæc pauca Papistis ob oculos ponenda judicavi.

Sleidanus  
l. 4. & 11.  
Epist. 66.

## De gratiis expectativis.

*Expectativa ad unum beneficium pro presente  
gratiosa.* Gioffi. xii.

*Pro executoria.* G. x.

*Adduo beneficia gratiosa.* G. xii.

## De indultis Laicorum.

*Quod ducissa & ejus familia propter participa-  
tionem cum subditis mariti sui, qui adhareat  
Antipapæ, nullas incurrant sententias & cen-  
suras.* G. xx.

*Quod Laicus loco quartæ partis, quam solvebat  
de injusto, de cetero solvat* G. xxv.

*Quod Laicus non teneatur jejunare diebus, qui-  
bus per Ecclesiam astrictus existit, & quod  
possit uti caso.* G. xx.

*Quod quis possit eligere confessorem.* G. xx.

*Quod quilibet secularis & Ecclesiastica persona  
in studio possit audire leges & physicam &  
in eis studere.* G. xii.

*Quod quidam Comes propter infirmitatem die-  
bus vetitis possit vesci carnibus & ovis.* G. xii.

*Quod Rex hora matutinali in nativitate Do-  
mini possit coram se enssem evaginatum  
teneri facere : sicut fieri consuevit coram  
R. P.* G. cl.

*Quod proponens verbum Dei in presentia regis,  
possit dare indulgentias presenti.* G. xii.

*Quod*

*Quod Rex & Regina consequantur indulgentias ac si ivissent Romam.* GROSS. CC.

*Quod possit quis comedre carnes tempore prohibito.* G. XVI.

## De absolutione.

*Absolutio in mortis articulo pro uno in forma.* G. XIV.

*Absolutio pro rege, qui ivit ad sanctum sepulchrum sine licentia cum suis familiaribus.* G. C.

*Dispensatio de contrahendo in secundo gradu affinitatis taxata fuit die 20. Decembr. Anno 1481.* G. XL.

## De indultis Clericorum secularium.

*Quod quis possit promoveri extra tempus ad sacros ordines.* G. XII.

*Ut Clericus possit prabendam pinguiorem optare non obstantibus statutis.* G. XX.

*Quod predicator proponens verbum Dei possit dare certos dies de indulgentiis.* G. XVI.

*Commissio reformationis Monasterij in capite & membris.* G. XXX.

*Quod Officiales Domini Pape non possint excommunicari per ordinarios vel delegatos.* G. XII.

## De Conservatoriis.

*Quod corpus alicujus possit dividi in duabus sepulchris.* G. xli.

*Committitur examinatio testium super vita unius sancti canonizandi.* G. xx.

## De indultis religiosorum &amp; relaxatione juramenti.

*Littera quod quis participare possit cum excommunicatis & hereticis.* G. viii.

*Quod fratres possint uti certis Capuciis in uno loco.* G. xxx.

*Quod Abbas possit benedicere vestes & calices.* G. xx.

*Quod Abbas possit absolvere Monachos apostatas Monasteriorum sibi subditorum.* G. xvi.

*Quod Eremita non teneatur solvere decimam de terris quas colunt manibus propriis.* G. xx.

## De dispensationibus super defectu membrorum.

*Quod habens maculam in oculo possit retinere Archidiaconatum.* G. xx.

## De Indulgentiis.

*Indulgentia unius anni pro Hospitali vel Capella.* G. xvi.

*Duorum annorum.* G. xx.

*Trium annorum.* G. xxiv.

*Qua-*

*Quatuor annorum.*

G. xxx.

*Indulgentia tertiae partis peccatorum.*

G. c.

## De absolutionibus mortuorum.

*Pro mortuo excommunicato pro quo supplicat  
consanguinei litera absolutionis venit D. l.  
Carlenos 9.*

## De absolutione à Simonia.

*Absolutio pro eo qui Simoniacè recepit ordi-  
nes.* D. 4. Car. 4.

*Pro illo qui commisit Simoniam in beneficiis, &  
petit ea retinere.* 6.

*Absolutio qui Virginem defloravit.* G. vi.

*Absolutio pro vitio Simonie pro Laico, G. vi.  
pro Presbytero, 7. pro Monacho, 8.*

*Absolutio pro perjuro.* G. vi.

*Absolutio pro eo qui falsificavit literas Aposto-  
licas.* G. xvii. vel xviii.

*Absolutio pro eo qui interfecit patrem, matrem,  
sororem, uxorem aut alium consanguineum  
Laicum.* G. v. vel vii.

*Absolutio pro muliere, quæ bibit aliquem potum,  
& alium actum fecit, per quem destruxit  
fœtum in utero vivificatum.* G. v.

## De matrimonialibus.

*Dispensatio de contrahendo in cognatione spiri-  
tuali.*

G. lx.

Exe

*Expediui tamen unam pro 50. sed de gratia. Item. Est iudicium de secundo gradu, & componitur cum datario in maxima summa, aliquando 300. aliquando 600. & alias juxta qualitatem personarum. Et nota diligenter quod hujusmodi gratiæ & dispensationes non conceduntur pauperibus, quia non sunt, ideo non possunt consolari.*

*Hæc notabilia (paucis interjectis) diligenter à sollicitatoribus notari debent & praticari. Nota quod Ducatus strictus valet 10. Julios & 10. quattrinos. Ducatus largus valet 10. Julios & 20. quattrinos. Carlenus valet 33. quattrinis. Carleni & grossi sunt ejusdem valoris. Hic valor monetæ in eodem libro indicatur.*

*Absolutio pro eo qui usuras occulte exercuit.*

G. VII.

*Absolutio pro eo, qui in Ecclesia cognovit mulierem & alia mala commisit.*

G. VI.

*Absolutio pro concubinario, & dispensatio super irregularitate, & hoc contra Provinciales & Synodales constitutiones.*

G. VII.

*Absolutio pro Laico sacrilego.*

G. VII.

*Absolutio pro eo qui matrem, sororem & aliam consanguineam vel affinem suam aut commatrem carnaliter cognovit.*

G. V.

De



## De absolutionibus, juxta stilum hodiernum R. curiæ.

*Absolutio ab Apostasia.* Gross. xx.

*Erectio Monasterij vel Ecclesiæ collegiatæ.*

G. xl.

*Erectio Cathedralis Ecclesiæ.* G. l.

Credemusne Mantuanum mentitum cum  
cecinit :

*Venalia nobis*

*Templa, sacerdotes, altaria, sacra, corone,  
Ignis, thura, preces, Cælum est venale Deusq;*  
nonne hæ sunt *ἡ δαδαιεβαὶ διεφθαρ-*  
*μῶν ἀνθρώπων τ' νῦν, ἔ ἀπεσερημῶν*  
*τῆς ἀληθείας, νομιζόντων πορρομὸν εἶναι*  
*τῷ θεῷ.* *ἀφισαζο ἀπὸ τῶν τοιγῶν.* 1 Tim. 6. 5.

Carrantza de Papa Bonifacio 9. *Hic anna-*  
*tarum (hostium potentiam veritus, vel augen-*  
*da diuisionis Ecclesiasticæ causa, ut aliqui volunt)*  
*usum beneficiis Ecclesiasticis imposuit primus,*  
*hac conditione, ut qui beneficium consequere-*  
*tur, dimidium annui proventus fisco Apostolico*  
*persolveret.*

### C A P. VII.

*Papatus idololatricus est.*



Regorius de Valentia cum negare In Apolog.  
non posset R. E. colere creaturas  
divino cultu, quandam idololatriam  
lici-

licitam esse contendit. Veritam esse cum creaturæ divinus cultus exhibeatur tanquam Deo, id est, cum intentione opinionem summæ & divinæ majestatis ei conciliandi qualis in solum Deum convenit. Hæc appendix Apostolo ignota fuit. Hōs enim idololatrias judicat qui *coluerunt & servierunt*, Græcè ἐσεβάσθησαν καὶ ἐλάτρευσαν creaturæ prater creatorem. Non ait creaturæ tanquam Deo. Itaque Apostoli iudicio Idololatra est qui religiose colit, καὶ λατρεύει creaturæ. Augustinus eandem ignoravit. Idololatra sunt qui simulacris eam serviientem exhibent, quæ Deo debetur. Clausulam tanquam Deo omisit. Nam verè ridicula est, ut paulo post apparebit.

Rom. 1. 25.

Lib. 5. de  
trin. c. 6.

In 2. 2. q. 94.  
2. 1.

Thomas Aquinas, *Idololatria est superstitio, qua creaturæ divinus honor exhibetur*. Tota Ecclesia Catholica in Concilio Ephesino & Nicæno Arrium & Nestorium Idololatrias declaravit, qui quidem Christo religiosum cultum non tamen tanquam summo Deo exhibebant. Eo enim nomine hæreseos condemnati sunt. Itaque iudicio Ecclesiæ Idololatra est, qui creaturam religiose colit invocatur adoratur, spem in ea ponit, gratiam & gloriam ab eadem expectando. Testes hujus rei habemus Athanasium & Gregorium Nyssenum. Synodus Nicæna 2. Act. 6.

ait :

ait : *Arrianos juxta à Catholica Ecclesia Idololatrias appellari.* Aët. 7. ep. Synod. ad Constantin. & Irenen : *fidenter anathematizat Nestorij idololatriam in Homine.* Idem, Synodus Ephesina ep. ad Theodosium & Valentinum testatur. Hinc liquet religioso cultu creaturæ præstando idololatriam committi, licet opinio divinitatis eidem non concilietur. Christi hominis divinitatem (inculcandum hoc est) Arrius & Nestorius aperte negabant. Itaque quisquis creaturæ divinum cultum exhibet, qualem Arrius & Nestorius Christo homini, idololatra est. Talem R. E. Mariæ & sanctis exhibet ut probabimus. Exemplis utemur.

Contra Arrianos Orat. 1.  
Orat. in laud. Basilii.

Irenæus de Gnosticis. *Habent imagines quasdam depictas, quasdam de reliqua materia fabricatas, dicentes esse formam Christi factam à Pilato.* Gnostici à R. E. has imagines adorando, idololatræ judicantur. Sed num eas imagines Gnostici tanquam Deum ipsum colebant?

Augustinus : *Secta Carpocratis traditum fuisse socia quædam Marcellina quæ colebat imagines Jesu & Pauli & Pythagoræ, eas adorando, incensumque ponendo.* Sed num mulier istas imagines pro unico Deo habebat? Minimè. Nihilominus idololatriæ se obstrinxit.

7. cap. tit.  
quod vult  
Deus.

Concilium Nicenum 2. *Adoramus cineres, vestes, sanguinem & monumenta martyrum.*

*tyrum*. Hoc apertè ethnicum & idololatricū, licet eas reliquias tanquam ipsum Deum non venerati sint. Sed de ea adoratione postea.

Ex. 32.

Judæi sacrificantes vitulo idololatræ erant, nec tamen vitulum recens fufum pro summo Deo habebant.

De vera religione c. 55.

2. 2. q. 94. 3.

Sed ratio evidentia summæ idem nos docet. Avaritia spem ponens in pecunia est idololatria, quam pro Deo summo non habet, nec colit. Quid præterea aliud est idololatria, quam habere alium Deum præter Jehovah? Quid est habere alium Deum, nisi alium colere Deum? Quid est alium colere ut Deum, nisi divinum cultum ei exhibere? Quid est divinus cultus aliud quam religio? Hæc enim tale est vinculum, quo soli Deo religamur, teste Augustino, imo ipso Deo. Quale enim vinculum conjugii, tale religionis. Quid juvat adulteram si obsequatur alii non ut marito sed ut amico? Num ideo minus rea erit adulterii? Jam cum in peccatis, teste Thoma, quæ contra Deum committuntur, gravissimum sit, cum aliquis honorem divinum creaturæ impendit: sedulo inquirendum, quisnam sit cultus iste, quem sibi Deus vendicet. Hic enim haut dubiè divinus est. Itaque cultus Deo debitus est religiosus, isque vel interior solius cordis, vel exterior etiam corporis. Ad  
inte-

interiorem cultum *spes & fiducia* refertur. Hæc enim in solo Deo collocanda. Unde ipse *fiducia & spes* nostra dicitur. *Cor ejus a Deo recedit, qui in creatura fiduciam ponit.* *Fiducia cordis sacrificium est.* Cui enim confidimus ei cor nostrum sacrificamus & addicimus. Ipse Bellarminus Christum probat Deum esse, *quia in eo confidendum est.* Nam, ait, *Scriptura passim dicit, in solo vero Deo confidendum esse, ut Jeremiæ c. 17. at Ps. 2. dicitur: Beati qui confidunt in eo.* Item invocatio, quæ corde fit potissimum. Exterior cultus divinus est: vel *signi* vel *facti*. Prior est religiosa adoratio. Græcè *προσκύνησις*. De creaturis enim dicitur, *Non adorabis eas,* scilicet honore signi, non coles, sc. honore facti. *Deum tuum adorabis, & ei soli servies.* Ubi Jansenius fatetur in priore etiam parte intelligendam esse vocem *solum*, alioqui tentatori adorationem deposcenti minus aptè Christū respondisse. Hinc Epiphanius: *Sancta Dei Ecclesia creaturam non adorat.* Et Athanasius: *creatura creaturam non adorat. Solius numinis est adorari.* Idem: *Non adoramus creaturam, absit! In Ethnicos & Arrianos istiusmodi delirium competit.* Honor facti est religiosa servitus *λατρεία* dicta sive *δουλεία τῇ κτίσι τοῦ Θεοῦ καὶ κτίσιν αὐτῶν*. Ad hanc servitutem religiosam pertinet invocatio voce

M edita,

Ps. 71. 51.

Joël 2. 16.

Col. 1. 27.

Jer. 17. 5.

Hebr. 1. 16.

De Christo

1. 1. c. 5.

Psal. 50. 15.

Esaïa 19. 21.

Exo. 20. 5.

Matth. 4.

Concord.

Evangel. c. 15.

Hæres. 59.

Orat. 5. contra

Arrianos.

Contra Ar-

rianos ad A-

delphium.

Rom. 1. 25.

edita, juramenta, vota, sacrificia, altaria, festa, templa. Itaque probandum hæc omnia Romanam Ecclesiam cum creaturis communicare, & imprimis cum B. Virgine. Quicunque creaturæ titulos divinos & divinam potestatem tribuit, qui in creatura spem salutis & fiduciam plenam cordis ponit: qui creaturam religiose invocatur ex toto corde & adoratur: qui creaturæ sacrificium orationis, gratiarumque actionis offert: qui iustum ei adolet: qui per eam juratur, ei vota nuncupatur, ei *diva* *in* *supra* offert, altaria extruit, templa, festaque consecrat, is est idololatra. Hoc autem ex præcepto Romana Ecclesia facit, & faciendum publicæ praxeos approbatione & concessione jubet.

### De titulis divinis & potestate divina Mariæ.

Com. in Apo.  
12. sect. 1.  
n. 9.

Señ. 2. n. 6.  
sect. 12.

Holcot. com.  
in lib. Sap.  
lect. 36. edit.  
vet.

In Apoc. 12.  
c. 2. n. 3.

Vega Jesuita. *Tetragrammaton est nomen sacerrimæ Virginis, nec hoc solum, sed etiam suo modo ineffabile, non solum hominibus, verum & ipsis angelis. Item: In nomine tuo Maria flectatur omne genu coelestium, terrestrium, inferorum.* Bernhardinus in Mariali. *Possumus PROVOCARE à foro justitiæ Dei ad CVRIAM B. Mariæ. Ibi si quis à filio terreatur, quia iudex est, matrem aseat, quia medicina est. Sed ad Vegam redeamus. Mariæ est Domina absolute: est Domina per excellentiam,*

tiam, & princeps omnium (in Cantico Moſis ad Mariam translato, Domina noſtra omnipotens audit) creaturarum. Conſtituta quippe eſt ſuper omnem creaturam, & quicumque Jeſu curvat genu, matri quoque pronus ſupplicat, & filii gloriam cum matre non tam communem judico quam eandem. Delrius. Obedientia Maria Comm. in Cant. c. 1. ſ. 2. ſimilis facta eſt obedientia Chriſti. Magna ergo in hoc laus Maria, magna ejus gloria, quod imitatio ejus gloriæ EXÆQVATUR obedientia Chriſti, quam imitatur illa. Oſorius Jeſuita: Maria ſua bonitate vicit OMNEM MVNDI MALITIAM SVMMAM exiſtenteſ: Deum in mundum adduxit, remiſſis omnium hominum peccatis. Hæc bonitas omnem meſuram excedit, quæ adeo bona mater Chriſti dici debet, ac BONVS EST PATER ÆTERNVS. Turſellinus Jeſuita. Omnes intelligant ſe quicquid ab æterno illo & auguſto bonorum omnium fonte in terras profluit ſumere per Mariam, quam DIVINÆ MAIESTATIS POTESTATISQUE SOCIAM, quatenus licuit, adſcivit: Cui cæleſtium mortaliumque principatum deſulit, ad cujus ARBITRIUM (quoad hominum tutela poſtulat) terras, mare, cælum, naturamque totam moderatur. Idem Ozorius: Cui comparemus Mariam? PLANE DEO, bona omnia continenti.

Hom. t. 3.  
conc. 1. in an-  
nunt. B. Ma-  
riæ. item in  
aſſumpt. B.  
Bartholom.

Epist. dedic.  
hiſt. Laure-  
tana.

T. 5. dom. 4.  
Epiph.

Off. B. Virg.  
in hym. & an-  
tiph. Lit. B.  
M. Lauret.

Hinc audit miſericors fons gratiæ & veniæ, omnipotens regina Cœli, ſtella maris,  
M 2 domina

domina mundi, portus salutis, vita, spes nostra, DEA.

Miss. Sarisb.

infr. octav.

assumptionis

B. M. d. 7.

Antid. animæ

& hist. secundum

chorum

Ang. in com.

B. Virginis.

Leo X. ad Bembum ep. l. 8. ep. 17.

*Ne DEAM ipsam luisse videamini.*

DOMINA Iesu Christi.

*Gaude Matrona cœlica.*

*Tu ancillam Iesu Christi*

*Te vocare voluisti,*

*Sed ut docet lex divina*

TV ILLIUS ES DOMINA,

*Nam lex jubet & ratio,*

MATREM PRÆESSE FILIO.

*Ergo ora suppliciter*

ET PRÆCIPE SUBLIMITER

*Vt nos in mundi vesp̄era*

*Ad regna ducat suprema.*

In Mariali impresso Argentorati apud Martinum Sinum An. 1493. ibi lib. 1. c. 5.

*Mater misericordie Iuxta patrem misericordie in opere redemptionis. Sed quomodo ait Dominus Es. 63. Torcular calcavi solus, & vir non fuit mecum. Imo Domine verum, & vir non erat tecum, sed mulier, quæ omnia vulnera in corde accepit, quæ tu in corpore. l. 2. part. 10. Vere languores nostros ipsa tulit. Sic Maria dilexit mundum, ut daret filium suum unigenitum. Magnatum preces quales sint constat, mandata nempe.*

Publica institutione Innocentii Papæ appellanda est his vocabulis, Clementissima

Domini-



Domina, Mater orphanorum, consolatio desolatorum, via errantium, salus & spes in eam sperantium, fons vitæ & veniæ, fons salutis & gratiæ, fons pietatis & indulgentiæ, fons consolationis & lætitiæ. Item. Regina misericordiæ, vita dulcedo & spes nostra, mulier virtutis, quæ contrivit caput serpentis, sancta, sancta, sancta Maria, clemens & pia Domina nostra. Item.

In cursu horarum B. Virginis secundum ordin. Eccles. Hil-desheim.

Salus & consolatrix vivorum & mortuorum, desperatorum spes VNICA, peccatorum salvatrix magnifica misericordiarum & veniæ fons inevaluabilis, imo IPSA MISERICORDIA & VENIA nulli dans repulsam, quæ supplicem orationem exaudit, & vitam æternam tribuit. Lipsius :

Ex compass. Mariæ.

*Tunc tibi laudes DEA dicit omnis  
Sexus & ætas.*

Clarissimus Vir D. Andreas Colejuste-  
status est se Venetiis audiisse pro concione  
Monachum ita prædicantem :

6. Mart. anno  
1627. Alli  
frati.

*Che Maria era vera mediatrice tra gli  
peccatori, e Christo : Che Christo era ben  
mediatore, ma ancho giudice : Che staremmo  
freschi e male, se havessimo solamente Chri-  
sto Mediatore : Deum in filios Moab vin-  
dictam exerciturum, i. e. eos qui solum pa-  
trem vel Christum adorant.*

M 3

Ose.

Rituale  
Duræus con-  
tra Witt. fol.  
352. item  
Cotoæus de-  
fendunt.

*O felix puerpera  
Noſtra piæ ſcelera  
JURE MATRIS IMPERA  
REDEMPTORI.*

*Nihil qui hoc ſcripſit à vera religione alio-  
rum cogitaſſe plane mihi perſuadeo. Duræus.*

Serm. 2. de  
coronat. Ma-  
rijæ.

Bernhardinus : *Omnes alii ſancti ſunt Deo  
ſubditi, & non prælati. Ipſa vera benedicta Vir-  
go, licet ſit ſubjecta Deo, in quantum creatura,  
SUPERIOR tamen ILLO dicitur & prælata, in  
quantum eſt ejus MATER. Hinc Caſſander  
queritur ; Veniunt eſt eo ut Chriſtus etiam in  
Cælo regnans Matri ſubjiciatur. Epiphanius :  
Quis Prophetarum præcepit hominem adorare,  
nedum MULIEREM ? Auguſtinus : Chriſtus  
non agnoſcit viſcera humana, operaturus facta  
divina. Sed hoc nihil ad Coſterum : Solve,  
ait, Domina noſtra vincula reis. Solve preci-  
bus : ſolve MERITIS, ſolve AVTORITATE,  
ſolve IMPERIO, ſolo NVTV & VOLVNTA-  
TE. Omnia potes in Cælo ac in Terra. Quid  
enim eſt Matrem eſſe Dei ? Mater cauſa eſt  
filii : Mater ſuperior eſt filio : Matri debetur  
honor à filio : MATRI TENETVR MOREM  
GERERE FILIVS.*

In conſult.  
hæref. 79.

Tr. 8. in Joh.

Medit. in  
hymnum :  
Ave maris  
ſtella.

Miſſ. Sarisb.  
infr. octav.  
aſſ. B. M. d. 7.

*Salve ſplendor firmamenti  
Tu caliginoſe menti  
De ſuper irradia.  
● Placa mare, maris ſtella,*

*Ne*

*Ne involvat nos procella  
Et tempestas obvia.*

Episcopus Patracensis in Concilio Lateranensi, loco orationis Dominicæ, ita Concilii nomine precatus est. Sub Iulio 2.  
& Leone 10.  
sec. 2. 7. 9.

*Sola tu Virgo dominaris astris,  
Sola tu terræ, maris atque cæli  
Lumen, incæptus faveas rogamus  
Inclyta nostris:  
Ut queam sacros referare sensus  
Qui latent chartis nimium severis,  
Ingredi & celsæ duce TE benignæ  
Mœnia terræ.*

Sic gratiam & gloriam à Domina R. Ecclesia petit & exspectat. De Valentia. *Gloria Deo & B. Virgini Mariæ Domina nostra, item Jesu Christo. Cur Domine Jesu, ascendens in Cælum, non adduxisti matrem tuam? Domine, ne tuæ cælesti curiæ veniret in dubium, cui potius occurreret, tibi Domino suo, an ipsi Domina suæ.* Barradius in  
concord. Eu-  
ang. t. 1. l. 6.  
c. 11.  
In fin. ope-  
rum de satisf.  
& idololatri-  
a.

De spe, fiducia, & religiosa adoratione B. Mariæ.

Psalterium Mariæ Constantiæ editum est Anno 1611. cum approbatione Episcopi. Hoc non vidi, sed aliud, ex quo hæc preces exscripsi publica R. Ecclesiæ & diuturna praxi approbatas, quæ nunquam iudicem purgatorium subierunt, vel subibunt.

M 4

PSAL-

## PSALMVS I.

**B**eatus qui nomen tuum diligit *Virgo Maria.* Tua gratia ejus animam firmabit. Gloria fit tibi semper ô regina Cæli.

2. Tua dextra nos defendat *Mater Dei.* Venite ad eam omnes qui laboratis & onerati estis, & requiem dabit & solatium animabus vestris. Benedicite ei ex toto corde vestro, nam omnis terra est plena misericordia ejus.

4. Cum ad te clamarem ô Domina, exaudivisti me de sublimi sede tua, & dignata es mei meminisse. Nam misericordia tua & bonitas benigna omnibus, qui invocant sanctum nomen tuum. Veneramini illam Nationes omnibus viribus vestris, & omnes gentes terra exalate ejus benignitatem.

7. Domina mea in Te Speravi, ab inimicis meis libera me.

9. Confitebor tibi Domina ex toto corde meo, & inter gentes eloquar laudem tuam. Tibi enim debetur gloria, gratitudo & vox laudis.

10. In hac Domina confido plenè propter multitudinem misericordie nominis ejus.

*Bra.*

*Brachium tuum extende ad Nos ô Virgo Maria, nec gloriosam faciem tuam averte à nobis.*

11. *Orbem terrarum circumspicis Domina, ad opem ferendam iis qui te invocant.*

12. *Quandiu mei oblivisceris Domina, nec liberabis me è die tristitia mea? Si nobis Domina turris fortitudinis, & firma petra conterens inimicum nostrum.*

14. *Amplectamur præcipuè vestigia Maria, procidamus ante sanctos pedes ejus, & teneamus eam, nec dimittamus quousque cognoscamus quod ab ea benedicti sumus.*

17. *Diligam te Domina Cæli & terra, & populo nomen tuum annuntiabo.*

21. *Domina mea ad te clamavi nocte & die, & tu misericordiam prestuisti servo tuo. Cum in tua misericordia speravi, eterna vitia à me abstulisti. Familia gentium adorent te, & omnes chori angelorum glorificent te.*

25. *Judica Tu me Domina, nam ab innocentia mea recessi. Cinge cor meum igne tui amoris, & cingulo castitatis compeſce renes meos. Confitemini nomini ejus, quoniam san-*

Etum est; miracula ejus annuncientur in seculum.

26. Domina illuminatio mea sit splendor vultus tui, & sinceritas gratiæ tuæ illuminet mentem meam. Te dilexi & elegi Regina gratiæ. Misericordiam & gratiam tuam ne auferas à servo tuo.

28. Exaudi gemitus ad te, & tua dextra parata sit ad auxilium meum. Tibi benedicant Cæli & terra, mare & altitudo orbis terræ.

29. Converte me & vivifica me, & reducito me à porta mortis. propter potentiam & bonitatem dextræ tuæ disperge omnes hostes meos, & offeram tibi sacrificium laudis, tuamque gloriam devotè exaltabo.

30. In te Domina speravi, in æternum non confundar, inclina ad me aures tuas. Tu es refugium & virtus mea, solatium & defensio mea. Ad te clamavi, cum tristis erat animus meus, & tu exaudivisti me de supernis collibus. ò Domina in manus tuas commendo spiritum meum, totam vitam meam, & supremum diem. Gloria sit tibi semper.

31. Beata corda quæ te amant Beata Virgo

*Virgo Maria, peccata à te eorum misericorditer remittentur.*

32. *Date et Sacrificium laudis, & inebriabimini uberibus dulcedinis ejus.*

33. *Benedicam Domina nostra semper, laus ejus nunquam deficiet in ore meo. In omnibus periculis & rebus dubiis invocate eam, & in necessitatibus vestris invenietis auxilium & refugium.*

35. *Mater Dei converte faciem Dei ad nos & coge eum peccatorum misereri. Potentia & virtus est in brachio tuo, vis & fortitudo in dextra tua.*

37. *Factes tua videat omnia desideria nostra, nostram spem & fiduciam.*

38. *Miserere mei de caelo & altitudine throni, serva pedem meum ne cadat neve titubet, tua gratia praesens mihi sit in agone mortis.*

39. *Expectans expectavi ô Domina gratiam tuam, & fecisti mihi secundum multitudinem misericordiae nominis tui, &c.*

41. *Sicut cervus desiderat fontem aquae, ita anima mea adhaeret amorì tui. Nam tu es Mater vitæ meae, & nutrix & reparatrix carnis meae. Initium tu es & finis salutis meae.*

42. lu

42. *Judica me Domina & discerne causam meam à gente perversa.*

44. *Sanctitate tua purgantur delicta nostra.*

45. *Domina tu es refugium in omni necessitate nostra. terra est plena benignitate tua.*

46. *Miserere mei Domina, nam tu es spes, & lumen omnibus qui confidunt in te.*

50. *Effunde gratiam tuam in me. Nam tibi confiteor peccata mea, & coram te accuso delicta mea.*

52. *Ne glorieris de lapsu Mulieris (Satan:) nam Mulier conteret caput tuum.*

53. *O Domina in nomine tuo sana me, & in tua justitia libera me. Sub umbra alarum tuarum protege me. Tibi offeram sacrificium laudis: confitebor nomen tuum quia bonum est.*

56. *Tu es anchora spei, portus ventis, & janua salutis.*

60. *O Domina sis mihi fortis turre.*

61. *O Domina nonne anima mea tibi subiecta erit? exaudi gemitus cordis mei.*

*O Virgo*



O Virgo ablue peccata nostra, ô mater sana omnes languores nostros.

62. O Domina conserva animam meam ne unquam prolabatur in peccata.

63. Illumina oculos meos & illustra cecitatem meam.

66. Illumina animam meam ô Stella Maris, & purga eam claritate tua gratie, extingue in cordo meo ardorem peccati, & gratia tua dextra me semper defendat.

70. In te Domina speravi ne condemner in æternum, in tua misericordia libera me.

71. In dextra tua ô Domina est salus & vita. Asperge cor meum gloriosa dulcedine tua.

73. O Maria solve vincula peccatorum nostrorum & libera nos dextra tua.

81. O fons vitæ effunde gratiam in os meum, à quo emanant & fluunt viventes aquæ. Omnes qui sitiis venite ad eam & potabit vos de fonte suo : qui inde haurit, sallet in vitam æternam, qui inde bibit nunquam sitiet.

86. Qui te non invocat in hac vita non veniet ad regnum Dei.

89. O Do-

89. O Domina tu facta es refugium  
in omnibus necessitatibus nostris. Qui in te  
sperant, vestientur luce, & accipient gaudium  
& aeternam letitiam.

90. Qui in eam sperat huic porta pa-  
radisi aperiatur.

94. Venite, adoremus omnes eam &  
procidamus coram ea, & confiteamur et cum  
lacrimis peccata nostra.

110. O Domina confitebor tibi ex toto  
corde meo, & glorificabo te ex tota anima  
mea. Gloriosum & admirabile est nomen  
tuum: qui hoc servat in corde suo, non time-  
bit hora mortis. Item: dixit Dominus Do-  
mina mee sede à dextris meis.

116. Laudate Dominam nostram o-  
mnes gentes, glorificate eam omnes populi,  
quoniam misericordia ejus firmata est super  
nos & veritas ejus manet in seculum. Qui  
eam dignè honorat justificabitur.

118. Beati qui spem & fiduciam ha-  
bent in Maria Matre Dei.

120. Omnes lingue angelorum & ho-  
minum laudent te, & coram te omnia genua  
flectantur.

122. Ad te sustuli oculos meos, ô re-  
gina

*gina qua habitas in Cælis. Auxilium nostrum sit in virtute nominis tui.*

131. *Memento Domina David & omnium qui invocant nomen tuum.*

133. *Benedicite Domine nostræ omnes qui sperastis in nomen ejus.*

136. *Nulla salus sine ea reperitur.*

140. *O Domina clamavi ad te, exaudi me & memento precationis & necessitatis meæ. Effundatur oratio mea ut vivum sacrificium coram facie tua tempore sacrificii vespertini, & mane illumina cor meum luce intellectus, & igne amoris tui accende cor meum.*

# F I N I S.

Sed nondum finis. In officio B. Mariæ reformato jussuque Pij V. edito Maria sic compellatur à Romana Ecclesia.

P. 324

*Consolatio desolatorum, Via errantium, salus omnium in eam sperantium. Item: Regina, Mater misericordiæ, Vita, Dulcedo, Spes nostra.*

*Hortulus animæ. Ave mundi spes Maria. Exaudi me miserum peccatorem in tua misericordia & pietate confidentem: Mater misericordiæ, Mater gratiæ, spes omnium desolatorum,*

*Impressa Ant. per Christop. Plantin. ann. 1557. f. 113. 154. 115.*

*lucorum, consolatrix omnium desperantium, salus omnium in te sperantium.*

Breviarium Romanum in festo visitationis Mariæ 9. sept. *Tu es spes unica peccatorum, PER TE speramus delictorum veniam, & in te beatissima nostrorum est expectatio premiorum.*

Fol. 115.

*Hortulus animæ. Ad te hodie unica spes miserorum confugio, plena fiducia tibi me ipsum & omnes necessitates meas devote recommitto.*

Ibid. fol. 107.

*O Domina mea Sancta Maria in tuam benedictam fidem ac custodiam & in sinum misericordie tue hodie & quotidie & in hora exitus mei animam meam & corpus meum tibi commendo.*

Ibid. fol. 182.

*Hanc orationem supplicem suscipias, audias, & exaudias, & vitam eternam mihi tribuas.*

8 Decembr.

Breviarium Romanum. *Nos culpis solutos mites fac & castos, vitam præsta puram.*

Officium B. Mariæ. *Maria mater gratiæ, mater misericordie, tu nos ab hoste protege, & hora mortis suscipe.*

Sed quid ad hæc sancti Doctores veteris Ecclesiæ Christianæ?

Theauri  
l. 10. c. 10.

Cyrillus: *Quomodo non erimus Idololatæ CREATURAM COLENTES, ET SPEM IN IPSA HABENTES?*

In Orat. func-  
turi Placillæ.

G. Nyssænus. *Qui creaturam adorat, etiam ipse*

*etiamsi IN CHRISTI NOMINE id faciat, simulacrorum cultor est.*

Idem Cyrillus. *Creatura nulla se patitur* Theol. l. 5. c. 1. *apud scripturam adorari, nisi quæ seipsam IGNORAT.*

Athanasius. Θεῷ ἐστὶ μόνον τὸ προσκυνεῖ- Orat. 1. contra  
ται. Καὶ ἴδω ἰσοῦσι καὶ αὐτοὶ ἄγγελοι, ὅτι tra Arrianos.  
καὶ ἀλλήλους δόξαις ὑπερέχουσιν, ἀλλὰ κλισ-  
ματα πάντα εἰσὶ, καὶ ἕκαστος τῶν προσκυ-  
νημένων, ἀλλὰ τῶν προσκυνούντων τὸν δε-  
σπότην. id est, *solum Dei est adorari, & hoc*  
*noverunt & ipsi angeli. Nam licet gloria alij*  
*alios excellent, creatura tamen omnes sunt, nec*  
*sunt ex iis qui adorantur, sed qui adorant Do-*  
*minum.*

Bellarminus in Apologia contra Regem  
Angliæ concedit hoc Plalterium Bonaven-  
turæ esse. Hoc etiam titulo impressum à  
Claudio Chappell in vico S. Iacobi Pari-  
siis anno 1601. cum approbatione Theo-  
logicæ facultatis in linguam Gallicam trans-  
latum est. Defenditur idem à Bellarmino  
peculiari scripto. Nam B. Mariæ tribui  
ait quæ Deo conveniunt, ut sanctis in scri-  
ptura, quæ Christi sunt assignantur. Sed  
cum scriptura magistratus Deos, & Apo-  
stolos lucem mundi appellat, seipsam decla-  
rat. *Moriemini sicut homines. Iohannes non*  
*erat lux sed testimonium de luce præbebat. Deo*  
*N* *inte-*

Athanasius  
Orat. 3. con-  
tra Arianos.

integrum est loqui ut vult, nobis haut item. Regulam nobis religio fixit, quæ nos monet cavere ἵνα μὴ πέσωμεν εἰς τὴν ἀρρεβινικὴν καὶ τὴν ἐλληνικὴν ἀφροσύνην τῇ κλίσσει δαδύοντες παρὰ τὸν κλίσσαντα, id est, ne incidamus in Arianam & Græcam stultitiam creature serviendi præter creatorem.

Lib. 2.

In oratione  
de obitu  
Theodosij.  
l. 3. de Spiri-  
tu sancto.

Irenæus; Ecclesia nec invocationibus Angelicis facit aliquid, nec incantationibus, nec aliqua prava curiositate, sed munde, pure, & manifeste orationes dirigit ad Dominum qui omnia fecit, & nomen Domini nostri Iesu Christi invocat. Ambrosius: Tu solus Dominus invocandus es, tu rogandus. Idem: Maria erat templum Dei, non Deus templi. Ergo Deus ille solus adorandus, qui operabatur in templo. Ignoravit sane Ecclesia adorationem ὑπερδελικὴν, alias hanc B. Mariæ tribuisset. Augustinus: Deus solus anima colendus est, qui solus ejus est autor. Homo autem quilibet alius quanquam sapientissimus & perfectissimus, & qualibet anima AMANDA TAN-

Idem quunt.  
animæ c. 34.

Hæref. 39.

TIVMMODO & IMITANDA est. Epiphanius. Ἐν ἡμῇ ἔσω Μαρία, ὁ δὲ πατὴρ καὶ υἱὸς καὶ ἅγιον πνεῦμα προσκυνεῖδω. τὴν μαρίαν μὴδεὶς προσκυνεῖδω. id est, in honore sit Maria; sed pater, filius & spiritus sanctus adoretur. Mariam nemo adoret. Hieronymus:

l. 4. in Eze-  
chielem c. 14.

Quod si in aliquo fiducia est, in SOLO DOMINO

MINO *confidamus*. MALEDICTVS enim omnis homo, qui spem habet in homine, quamvis sanctus sit, quamvis Propheta. Item, Nulum invocare, id est, in nos orando vocare, nisi unum Deum debemus. Porro nonne alienissimum est à vera religione redemptionem & meritum in alio quærere, quam in Christo Iesu? Nihilominus R. E. B. Virginem *Redemptricem* appellat, cum qua pater dimidium regni communicavit, nempe misericordia, teste Gabriele Biele. Praxis quam manifesta! Ludovicus Uives. *Muti Christiani in re bona plerumque peccant, quod Divos Divasq; non aliter venerantur quam Deum: nec video in multis quod sit discrimen inter eorum opinionem de sanctis, & id quod Gentiles putabant de Diis suis.* Sed an non sancti in cælo cum Christo REGNANT? Uerum. Beata Virgo nonne regnat in cælo? Haud dubiè. Reges sunt sancti omnes in calis, non reges cœlorũ. Lilia non nent. Num regnum Galliæ dignius cœlesti? Sancti regnant & triumphant in cœlis ob victoriam de diabolo, mundo & carne sua obtentam; imperium in universas creaturas creatori relinquunt. Nulam itaque Reginam cœli agnoscimus. Sed in hoc Psalterio excusando sudant: ajunt, sano sensu posse hæc omnia B. Virgini applicari: ab ea peti auxilium & salutem suo modo, nempe *impeetrative & mi-*

Com. in pro-  
verb. 1. 1. c. 2.

Annot. in 8.  
lib. de civ.  
Dei c. 27.

ministerialiter. scilicet : *jure matris impera Redemptori.* Cur dicitur Regina coeli ? num ob ministerium ? Cur ei omnis potestas data est, omnis autoritas, ut solo nutu quos vult salvet ? Cur regnum misericordiae possidet ? Cur forum ei tribuitur gratiae, ad quod à Deo provocare liceat ? Quis sanus sensus erit in his verbis : *Protegat nos dextra tua mater Dei. Venite ad eam omnes qui laboratis. Benedicite illam in toto corde vestro.* Si totum cor petit, quid Deo reliquum erit ? *Miserere mei Domina, ab iniquitatibus meis munda me. In manu tua Domina salus & vita consistunt. Sede à Dextris meis. Beatus vir qui timeat Dominam. Beati qui in ea habent spem & confidentiam. Qui digne coluerit illam, justificabitur. Vivifica me & faciam voluntatem tuam.* At Apostolus ait se quosdam salvos facere. Potest igitur Maria. Apostolus loquitur de exemplo & ministerio suo, quorum neutrum Matris convenit. Imò quis ob hæc verba Pauli ad ejus adorationem inductus est his verbis, *Miserere mei Paule, salva me !* Officia ministerij & caritatis à cultu religioso distinguenda sunt. Augustinus *λατρείαν θεοσέβειαν* solo Deo vindicat non tantum FINALITER, sed etiam IMMEDIATE. Sancti honorandi IMITATIONE NON ADORATIONE, CARITATE NON SERVITUTE. *Religiet nos religio*

1 Cor. 9.

Aug. de vera  
religione  
cult.



*religio uni omnipotenti Deo, quia inter mentem nostram, qua illum intelligimus patrem & veritatem, id est, lucem inferiorem, per quam illum intelligimus, NULLA INTERPOSITA CREATURA est.*

*Non est, ait Salvator, quo eas nisi* AD Tract. 2. 2. in Ioh.  
*ME, non est qua eas, nisi* PER ME.

*Columus sanctos cultu dilectionis & societatis, quo & in hac vita coluntur sancti homines Dei.* 1. 20. contra F. Manich. c. 21.

An non ex doctrina Thomæ constat 2. 2. q. 81. a. 1. 3 quod *religio hominem ad SOLVM DEVM ordinet?* Deinde recenset & distinguit actus elicitos & imperatos religionis, quorum illi immediate ad Deum tendunt; hi ad omnia caritatis officia à religione mandata. *Illi soli aut impendimus orando religionis cultum, à quo quærimus obtinere quod oramus, quia in hoc protestamur, eum bonorum nostrorum autorem, non autem eis quos requirimus, quasi interpretatores nostros apud Deum.* Deinde honor qui Deo & sanctis defertur non gradu sed specie omnino debet differre. Si jam ille religiosus est, eò quod omnes actus elicitum religionis, nempe invocatio, adoratio, votum, sacrificium DIRECTE & IMMEDIATE in Deum tendunt, hic certè religiosus esse nequit nisi ratione actus imperati, quo sensus amor parentum religiosus est. Si religiosus cultus per sanctos mediatè Deo po-

test exhiberi, etiam sacrificium sanctis offerri potest. Ita omnes actus elicitī religionis, cum creaturis poterunt communicari. Sed ratio hoc evincit. Solus Deus invocandus, quia solus novit corda filiorum hominum; solus invocandus, quia in eum solum credimus.

1. Reg. 8.  
Rom. 19.

T. 6. de sancta virgine.

Augustinus. *Beatior Maria percipiendo fidem Christi, quam concipiendo carnem Christi. Materna propinquitās nihil Maria profuisset, nisi felicius Christum corde quā carne gestasset. Utroque nomine est beatissima.*

Q. 94. 2. 2.

Thomas de Aquino docet adorationem esse actum externum patriæ proprium & religionis, item devotionem.

At non adoratur ut pro summo Deo habeatur. R. Nec ita Nestorius Christum hominem adorabat, cuius tamen idololatriam Ecclesia Catholica in homine anathematizavit. Invocatur autem S. Maria tali cultu, quod ei omniscientia, omnipotentia, misericordia, veritas, divinusque honor tribuitur. Nam adoratur religiosè, devòte, ex toto corde, cum omni spe & fiducia in omni necessitate, ita ut credatur omnium hominum actiones, cogitationesque simul oblatas per totum orbem terrarum uno eodemque momento, unoque actu intelligendi sine discursu comprehendere: iisque omnibus posse salutem animi & corporis dextra & gratia sua largiri: neque tantum intercessione, sed

pote-

potestate, nunc & imperio in ipsum Dominum Jesum Christum, cui omnis potestas data est in cœlo & in terra, omnia in cœlo & terra peragere quæ ad salutem humani generis spectant, tanquam Reginam Cœli, quæ in cœlesti throno resideat, ipsiq; filio imperet jure matris, adeo ut in illam unicam omnis spes & fiducia in omni necessitate collocanda sit. Quid ultra in religione Deo potest tribui? Merito talem Leo X. Deam appellat. Si Idololatra non est, nisi qui creaturam pro supremo numine habet, nullus Ethnicorum, Vulcanum, Apollinem, Mercurium invocando idololatriæ argui potest; hos enim nemo loco supremi numinis habuit. Certum autem est experientia Romanam Ecclesiam plus honoris Mariæ, imo plerisque Sanctis exhibere: plus virtutis & potestatis eis tribuere, quàm olim Ethnici Flamines Marti, Cereri, Junoni, Baccho, Dianæ, Vestæ, Floræ, Bonæ Deæ. His extructa templa sunt, & illis: his attributi Sacerdotes; & illis Canonici S. Petri Bavii Lamberti, item Moniales S. Claræ, S. Brigidæ: his sacrificia exhibita; & illis officia & Missæ in honorem S. Antonii, Huberti, Rochi, Barbara, & omnium Sanctorum. *Si quis negat Missas fieri in honorem Sanctorum debere, sicut intendit Ecclesia, anathema sit.* Ethnici non credebant se à Divis audiri & juvari, nisi de

Creatorem  
sacrificare in  
honore crea-  
turæ!  
Cone. Trid.  
sess. 22. can. 5.

1. Iliados.

cœlo descenderent, adeoque ipsos non omnia nosse, teste Homero. Juno enim nesciebat, quid Thetis cum Jove egisset. Sancti vero in cœlo corda omnium se invocantium tanquam presentes intuentur in speculo Trinitatis, nec tantum precibus, sed autoritate, meritis, potestate, tanquam Dii tutelares humano generi succurrunt. Amici Dei vocantur, sed & Divi. Quid ultra? Non licuit mihi *tam presentes alibi cognoscere Divos*, quam in Romana Ecclesia. Huc accedat testimonium Episcopi Espensæi. *Multi sunt, qui NON MINVS fidunt ac tribuunt Divis, quam Deo, quia hunc quam illos minus placabilem putant & exorabilem.* Bodinus: *Divus Antonius à plerisque in Italia ac Gallia Narbonensi ardentiore voto, certe majore metu colitur, quam Deus immortalis.* De method. hist. l. 5. Num ideo in manus Inquisitorum inciderunt? Nû in Hispania in tales Idololatrias animadvertitur? Quis unquam supplicio capitis in Italia affectus est ea causa quod ita precatus sit: *O omnipotens, omniscia Dea Maria, jure matris imperans ipsi Jesu Christo miserere mei! Salva me!* Bell. de sanct. beatitud. c. 17.

Pf. 50. 12. 13.  
23.  
Missale de ritibus celebrandi missam. c. 4.

De sacrificio, suffito, juramento, voto, anathematis B. Mariæ, R. E. sacrificium laudis offert, quod Deus ipse externis sacrificiis potius ducit. Imagini vero Virginis quotidie incensum adoletur perq; eam juratur. Praxis

mani-

*manifestior* operosiores probationem non desiderat. At olim Israëlitarum idololatriæ accusabantur sceleratissimæ & execrandæ, quod quisque in manu sua thuribulum haberet, quo imaginibus adoleret. Nonne Israëlitarum æneo serpenti, imagini Christi crucifixi, ut ipse testatur, incensum adolentes, ita Regem piissimum irritaverunt, ut eum contractum è medio tolleret?

Ez. 8. 12.  
Ioh. 3.

De voto res notissima. Vovent enim promiscuè Deo, B. Virgini, Francisco, Dominico, eodem actu in professione religionis. Votum est actus latriæ propriæ. Thoma definiente 2. 2. q. 88. a. 5. Promissio materiale voti à voto formaliter distinguitur; jam Cajetanus fatetur: *Eadem ratione votum Sanctis & Deo fieri. Votum est promissio Deo facta.* Non aliter.

Templa quoque anathematis ita repleta sunt suspensis ad imagines B. Virginis, ut cœcus sit qui id sibi probari postulet.

## De altaribus, festis, templis.

Res notissima est de templis & altaribus.

*Nos quoque divinos ut cuique est copia*  
honores

H. Vida in  
hymnum ma-  
gnæ matris  
virginis.

*Largimur: tibi centum ara, tibi maxi-  
ma centum*

*Thure calent delubra.*

Hoc loco tantum agemus de Festo con-

N 5

ceptio-

r.Th. l. 7. c. 1. ceptionis B. M. V. Canus fatetur ; E sacris  
 literis juxta germanum literæ sensum nus-  
 quam haberi B. Virginem à peccato origi-  
 nis liberam fuisse ; quin imò legem in iis ge-  
 neralem tradi, quæ ex Adæ carnali propaga-  
 tione creatos, sine ulla exceptione comple-  
 ctatur ; nec dici posse id dogma Apostolo-  
 rum tempore in Ecclesiâ descendisse ; con-  
 stare enim priscos scriptores id à majoribus  
 suis non accepisse, imò omnes sanctos, qui  
 in hujus rei mentionem inciderunt, uno  
 ore asseverare B. Virginem in peccato ori-  
 ginali conceptam fuisse. Suaresius fatetur  
*paulatim* crevisse hujus rei fidem, præsertim  
 abhinc *ducentis annis*. Nihilominus Roma-  
 na Ecclesia *Festum* instituit, non tantum ob  
 gratiarum actionem respectu Dei, sed etiam  
 IN HONOREM VIRGINIS, fatente Suare-  
 sio. Denique R. E. Sanctis Festa dedicat, ita  
 ut Bellarmini testimonio, honor dierum fe-  
 storum *immediate & terminative* etiam ad  
 Sanctos pertineat. At Durandus : *Ad la-  
 triam pertinent templa & altaria, sacerdotalia  
 sacrificia, festa*. Nunquam in V. T. festum  
 honori cujusquam mortalis institutum fuit :  
 Nusquā melioribus temporibus in Ecclesia  
 Christiana. Res tam absurdè idololatræ est,  
 ut Gratianus neget hoc festum celebrandum  
 esse. Epiphanius : *Οπισθοδρομὸν καὶ ἀντιρροον*  
 αἰ

In Thomam  
 p. 3. q. 27. a. 1

De cultu  
 sanct. l. 3.  
 c. 16.  
 Rat. l. 4. c. 39.  
 n. 2.

Dist. 3. c. pro-  
 manant.  
 Hæres. 79.

αἱ ποιαῦται γυναῖκες, μὴ λεγέτωσαν, πρῶ-  
τον ἢ βασιλίσσαν ἔχοντες.

## De agno Dei.

Romana Ecclesia agnis cereis per Ponti-  
ficem consecratis, eandem virtutem delendi  
peccati adscribit, quam sanguini veri agni  
Dei, qui peccata mundi tulit. Marcellus  
Corcyrensis Archiepiscopus autor libri de  
ceremoniis S. R. E. hosce versus Papæ Ur-  
bano attribuit, quam vere, ex consecratione  
liquet, quæ in ceremoniali continetur.

*Balsamus & munda cera, cum Chrismatis L. 7.  
unda,*

*Conficiunt agnū quod munus do tibi magnū :  
Fonte velut natū, per mystica sanctificatum,  
Fulgura desursum depellit, & omne malignū  
Peccatum frangit, ut CHRISTI SANGVIS,  
ET ANGIT;*

*Pragnās servatur, simul & parvus liberatur,  
Dona deferi dignis, virtutem destruit ignis.  
Portatus munda, de fluctibus eripit undæ.*

Quid ultra volumus? Judæi olim vitulo  
suo tantam virtutem non tribuerunt, & ta-  
men Idololatræ manifestarii habebantur.  
Quia autem hic cereus agnus est imago  
Christi, eandemque delendi peccata virtu-  
tem quam Christi sanguis habet, non tan-  
tum ob repræsentationem, sed & ob ean-  
dem

dem illam vim divinam, germanissima latreia, eaque non tantum relativa, sed & absoluta, ex præscripto Thomæ & R. E. praxi afficiendus est. An non spem & fiduciam in tali agno colloco, quem gesto ea causa ut fulgura depellat, & tempestates compescat, omne peccatum ut Christi sanguis angat & frangat, prægnantes seruet, virtutem ignis destruat, & de fluctibus undæ me eripiat? Sed quam virtutem habeat, melius ex formula consecrationis discemus: *Quemamodum ille agnus innocens tua voluntate immolatus in ara crucis, Iesus Christus filius protoplastum nostrum de diabolica potestate eripuit: SIC ISTI AGNI IMMACVLATI VIRTVTES ILLAS ACCIPIANT, quos consecrandos offerimus in conspectu diuinæ maiestatis tuæ. Tu eos benedice dicere, sancti facere & consecrare digneris, ut tua larga benedictione sanctificati, EANDEM virtutem accipiant contra omnes diabolicas versutias, & fraudes maligni spiritus.* En tibi agnum, qui EX CONSECRATIONE diuinam virtutem qua sola diaboli malitia depelli, fraudesque maligni spiritus dissipari potest, accepit. Quidni in genua procidamus, & absoluta talem agnum latreia colamus? Sed R. E. non tantum tales agnos ejusmodi efficaciam supernaturalis; sed & plurimas virtutes, teste Fero Monacho doctissimo & probissimo habet.

De



## De Cruce.

Romana Ecclesia profitetur & asserit ex L. i. de sacra  
cruce, c. 17. sententia communiori & magis trita in Scholis, Gretsero teste, crucem colendam esse latreia. In honorem Crucis eadem Festa instituit *Inventionis, Exaltationis, Rogationum*. Item Missam de S. Cruce. Item Officium. Utque ad crassam & ridiculam idolatriam nihil desit, *Sacrificium* ei offerunt *suffragium*.

Bellarminus de triumphante Ecclesia l. i. Psalm. 141. 2.  
Apoc. 8. 3. c. 13. hoc fatetur. *Suaves odores etiam cruci offerimus in Ecclesia*. Sed Missale Romanum De ritu celeb. rem clarius ob oculos ponit. *Sacerdos celebrans in Missa solenni post crucem ter reliquias bis incensatas, incensat imagines, semel singulis thuribulum ducens.* (Nonne credas hic Levitam quendam Aaronicum in vitam reducem sacris Mosaicis operari?) *Cum benedicatur nova crux, thus à Pontifice in thuribulum imponitur, deinde aspergitur aqua benedicta, & mox incensatur.* Miss. Pont. p. 2. de benedict. novæ crucis.

Ezechiel propheta ipsos doceat quid cultus sit. Sed audiamus benedictionem C. 3. 11. *Oremus te Domine sancte Pater, ut digneris benedicere HOC LIGNVM Crucis TVÆ, ut sit REMEDIUM salutare generi humano, sit SOLIDITAS fidei, bonorum operum profectus, & REDEMPTIO ANIMARVM: sit SOLAMEN & PRO-*

& PROTECTIO ac tutela contra seua jacula  
 inimicorum. Crux suos fortiores semper facit  
 & victores; morbos sanat & languores: repri-  
 mit demonia: dat captivis libertatem, vita  
 confert novitatem, ad antiquam dignitatem crux  
 reducit omnia. O crux LIGNVM TRIVM-  
 PHALE! Mundi VERA SALVS vale: inter  
 LIGNA nullum tale fronde flore germine: Me-  
 dicina Christiana, salva sanos, agros sana,  
 quod non valet vis humana, sit in tuo nomine.  
 servi crucis, crucem laudent. Ave salus totius  
 seculi ARBOR SALVTIFERA.

p. 2. t. de be-  
 ned. novæ  
 crucis.

In Pontificali Romano Episcopus pre-  
 catur. *Ita quæsumus* (Christe) accipias istam  
 crucem, quemadmodum & illam, quam ma-  
 nibus amplexus es. Et sicut PER ILLAM  
 mundus expiatus est à reatu: ita offerentium  
 famulorum tuorum animæ devotissima HVIVS  
 CRVCIS merito careant omni perpetrato pec-  
 cato.

Breviarium Romanum: per SIGNUM cru-  
 cis de inimicis nostris libera nos Deus. Antido-  
 tarium. *Lignum crucis defendat me ab omni-*  
*bis malis.*

Breviarium Sarisburiense castigatum. *A-*  
*ra crucis, lampas lucis, vera salus hominum.*  
*Nobis primum fac patronum, quem tulisti Do-*  
*minum. Salve lignum vite, dignum ferre*  
*mundi pretium.*

Hic Romana Ecclesia LIGNVM aperte  
 & di-

& distinctè à Christo invocat : *decora & fulgida, ornata regis purpura, electa digno stipite tam sancta membra tangere, cuius brachiis pendit seculi pretium, quam Helena concupiscenti animo requisivit, quam Macarius Ierosolymorum Ep. precatus Deum fœmina morbo gravi affecta admovit eo affectu ut continuo revalesceret, reliquis duabus nihil tale efficientibus.* Quid hinc concludis ? Nempe R. E. LIGNO divinam virtutem adscribere, quæ soli Jesu Christo convenit, quam vim in cruce primigenia Christi attactus, in reliquis consecratio indiderit. Itaque hoc lignum consecratum est VERA SALVS mundi, est ARBOR SALVTIFERA, est REMEDIUM salutare generi humano. Hinc clare R. E. mentem explicat suam : *Ecce LIGNUM crucis, venite adoremus, dulces clavos, dulce lignum, dulcia ferens pondera. Tu solum fuisti dignum, sustinere regem Cœlorum & Dominum !*

In Dom.  
pass. in festo.  
inv. crucis 3.  
Maji. exalt.  
crucis 14. sept.

Antiphona  
in festo inv.  
S. Crucis 3.  
Maji.

Brev. Rom. correctum à Pio V. *O crux digna portare mundi talentum, salva presentem catervam in laudibus suis congregatam.*

Sabb. infr.  
hebdom. 4. quadragesimæ.

Ex hisce in medium allatis, liquet R. E. internam & externam patriam LIGNO crucis distinctè considerato à Christo, deferre. Thomas. *Si loquamur de ipsa cruce, qua Christus crucifixus est, utroque modo est à nobis veneranda & adoranda EADEM ADORATIONE*

Sum. p. 3.  
q. 5. art. 4.

CYM

CVM CHRISTO, & per hoc crucem alloquimur & deprecamur quasi ipsum crucifixum, & in ea spem salvis ponimus. Thomas aperte crucem, cui Christus affixus fuit, ab alia qua vis distinguit: hancque duplici titulo representationis & contactus, aliam solius representationis causa religiosè & divino cultu adorandam docet. Quod nisi ipsi ligno divinum cultum tribueret, cur tam anxie & distinctè rationibus allatis disputaret. *Pontifex flexis ante crucem genibus, ipsam devotè adorat & osculatur.* Aperte hoc Deus prohibet, Exo. 20. *Non incurvabis te, nec simulacrum coles.* in Hebræo, non tam interna affectio, quàm externa corporis inclinatio prohibetur. Pontificale Rom. sub Pio V. p. 2. c. de bened. S. Crucis. Christus non habet vim à consecratione: Christus non adoratur propter contactum, neque propter representationem. Metonymia itaque qua Crux pro crucifixo Christo accipiat, locum non habet. Quis sanus preces istas de Christo intelligat: *O Crux lignum triumphale, inter ligna nullum tale fronde flore germine. Tu fuisti dignum sustinere regem, crux quam manibus Christus amplexus est, &c.* Festum inventionis, exaltationis Christo non institutum est. Est, ajunt in adoratione crucis *weß Communion*. Hoc idolatriam non minuit, sed auget. Patet enim ultrò crucem vita & sensu carere. Itaque ea  
ratione

ratione minimè compellanda est, qua ipse Christus. Fit enim frustra. Involent Christum, eique gratias pro redemptione agant. Non per lignum crucis, sed in ligno crucis λύτρον persolutum est. Meritum, non ligni sed Christi, est. Nec avarus excusabitur, si per χρυσωποποιίαν Auro dicat: *Tu es spes mea*, præsertim si ei vim adscribat divinam, totoque cordis affectu illud amplectatur, ut Papistæ crucis lignum tractant.

Lactantius Papistas nostros vere his verbis tangit. *Meiunt ne ipsorum religio vana sit, si nihil videant quod adorent.* Nos illud Ambrosij observemus. *Helena invenit titulum. Regem adoravit, non lignum utique. Quia hic gentilis est error & vanitas impiorum.* Hinc olim à Catholica Ecclesia γενολάτραι inter hæreticos relati sunt. Nihil enim illi potuerunt cruci honoris aliud exhibere quam Papistæ exhibent.

In orat funebri Theodosij.

## De Imaginibus

Athanasius inducit Ethnicos ita imaginum cultum excusantes, πάντες γὰρ εἶναι γραμμάτα πῶς αἰθρώποισι, οἷς ἐντυγχάνοντες δύνανται γινώσκειν περὶ τῆς θεῆς καταλήψεως. *Esse literas quas legentes homines possint cognoscere Dei comprehensionem.* Augustinus. Simulacrorum cultor ita loquitur.

Oratione contra gentes.

quitur. *Nec simulacrum nec Damonium colo, sed per effigiem corporalem ejus rei signum intueor, quam colere debeo.*

Inft. moral.  
P. I. l. 9. c. 6.

Hi Ethnici ab Azorio nostro nondum didicerant: *Constantem esse Theologorum sententiam: imaginem eodem honore & cultu honorari, quo id, cujus est imago, colitur.* Hoc enim Athanasio & Augustino Ethnici respondissent. Nec illud Nanclanti. *Non solum fatendum esse, fideles in Ecclesia adorare coram imagine, sed & adorare imaginem sine quo volueris scrupulo: quin & eo illam venerari cultu, quo & prototypon ejus.*

In Ep. ad  
Rom. c. I.

quest. 25. a. 6.  
disp. 110. c. 2.  
& 3.

Vasques paulo altius se in hoc mare absurditatum immittit. nam tradit mirificam quandam doctrinam revera horrendam Christianis auribus. *Res omnes inanimes & irracionales rite adorari possunt (adoratione divina, de qua sermo est) conjuncte cogitatione cum Deo. Homo quivis potest latreia adorari, adeo ut ipsum eodem motu adorationis cum Deo complectamur, sicut imaginem cum exemplari.* Addit; *Non esse necessariam ignorantiam, ut ab Idololatria quis excusetur, qui in radio luminis vel specie crucifixi, sub qua demon delitescit, Deum adorat.* Sic olim Ethnici primum numen in variis effectis colebant, teste Augustino. Hic aperte docet Deum in qualibet creatura adorari posse: omnes res capaces esse latriæ propter conjunctionem

De civit. Dei  
l. 6. c. 5.

junctionem & habitudinem cum Deo: sic ut proxima materia adorationis sit quævis res creata; ratio adorandi Deus. Sic impunè possum adorare omnia Ethnicorum idola, imò diabolus ipsum: sic olim veteres *Thurificati* qui idolis cogebantur thus adolere non peccarunt. Nam mentis intentione hoc incensum per idola Deo potuerunt offerre. Opera hujus Iesuitæ cum publica approbatione in lucem exiverunt. Hæc doctrina quam sit Christiana quid attinet dicere? Nonne imago etiam quatenus est representatio, aliquid creatum est & Deo inferius? Quomodo itaque latreia cum imagine communicari potest? Regerunt latreiam per se Deo propriam esse; latreiam propter aliud creatis rebus tribui posse. At sic summus cultus non erit summus. Nam quod honoro propter aliud, ei summum honorem non exhibeo, eo ipso quia propter aliud honoro. Iudico enim causam honoris, id est, excellentiam illam non in ipso, sed in alio residere. Hinc sequitur latreiam propter aliud inferiorem cultum esse. Deinde adoratio debet respicere excellentiam, qua res adorata digna est veneratione. Hæc aut est infinita, aut non. Si imaginis excellentia infinita est, creatura creatori exæquatur. si non est; in summi cultus participationem venire non potest. Imo

quod mireris hanc doctrinam Papistæ hodierni abhorrent. Bellarminus eam populo negat proponendam; esse enim periculosam, neque populum capere subtiles distinctionum mæandros, è quibus ipsi doctores vix se expediant. Contra Vasques sententiam Bellarmini qua censet imaginem quatenus imago est per se non propter aliud religioso cultu dignam esse, ut stultam explodit. Nam res inanima ait religioso cultu per se quomodo digna sit? Litigent & irrideant alter alterum quoad libet. Sanior

Lib. de imag. cap. 22. in c. 4. Deut. Abulensis fatetur in imaginibus Deum pure signantibus, sc. trinitatem, duo incommoda evenire, 1. idololatriam, 2. Hæresin Anthropomorphitarum. Hinc synodus Nicæna 2. Imagines Dei Patris & Spiritus sancti excludit. Uadiani vel Audiani teste Augusti-

Aët. 7. ad Cōstant. & Irenæn. tit. quod vult Deus c. 50. sto Hæretici, ut & teste Nicephoro Armenij *cogitatione carnali Deum fingeant ad similitudinem imaginis corruptibilis hominis. Pingebant imagines Dei Patris & Spiritus S. quod est valde absurdum.* Habemus sententiam Ecclesiæ Christianæ. Gregorius 2. in Epistola, quam Baronius ad annum 716. refert hanc idololatriam damnat. Baronius adnotat. *Hoc in Ecclesia non amplius observari.* Vere. Nam hæ imagines papatus templa mirifice exornant. Senex quidam juvenem gremio tenens cum columba supernè capiti-

Niceph. l. 18. c. 53.



capitibus vel involitante vel insidente trinitatem dicitur repræsentare. Senex cana barba venerandus folio insidet, orbemque complectitur manu, cruce insignitum; filius in gremio requiescit patris; columba utrumque obumbrat. Quid hæc imago est? Idololum. Quando unquam Trinitas sese sic manifestavit? Quid quod distinctæ essentia differentias ea doceat Arrianorum & Anthropomorphitarum maximo commodo?

Bellarminus tria genera imaginum recenset, quorum primo essentia, altero Historia, tertio analogia significetur. Sed dicat quænam pictura unquam essentiam repræsentet?

De Eccles. triumph. l. 2. c. 8.

De historia non sumus solliciti. Historia non adoratur: hæc imago adoratur. Sed quæ analogia tam potens est tantique momenti ut velit Deo ipso sapientior esse? Cur non quod Deus & verbis & factis significavit se fieri nolle, omittit? *Non vidistis* VL-

Deut. 4. 16.

LAM IMAGINEM *in die qua locutus est Dominus ad vos in Choreb in medio ignis. Ne forte corrumpamini, & faciatis vobis sculptile, imaginem OMNIS similitudinis, formam masculi aut feminae, &c.* Num Deus in Choreb analogicam imaginem sui exposuit imitandam? NULLAM. Corruptus es Bellarmine cum Romana Ecclesia & Chorebo stultior, qui studes disputando Deo ipsi os oblinere, & pictoribus eam repræ-

sentandum tradere. Solam vocem oppositam omnibus figuris Deus exhibuit. Hanc debebas attendere. Imo diserte imperfectam & analogicam imaginem Masculi respuit. Nonne Deus pro regula officij nostri vult haberi quod verbis præcepit & factis demonstravit? Strabo ait: *Mosin statuiffe colendum Deum εἰδὸς χωρὶς*, id est, *sine specie*. Clemens Alexandrinus. *Deus ex Mosis disciplina nec hominis effigie, nec ulla alia exprimitur*. Apud Philonem Agrippa Iudæus Epistola ad Caligulam ait. *Ἰνὺσιβίλεμ Deum majores nostri nefas duxerunt fingere aut pingere*. Augustinus. *Tale simulacrum nefas est Deo collocare*. Hinc Salignacius, Bontillerius, Espensæus, Pischerellus delecti Theologi à Sorbona ad colloquium Sangermanni habitum una cum Montucio Ep. Valentino testati sunt se cupere trinitatis imagines: è templis aliisque publicis & privatis locis prorsus amoveri, quod eæ per scripturam, per synodos & per complures eximia doctrina & sanctitate viros interdictæ sint. Sed Romana Ecclesia non est eo sensu & animo. Nam ex doctrina sui Thomæ eis mavult latreiam exhibere. Nam illud: *bene de me scripsisti Thoma*, ab ipsis imaginibus discamus licet, quæ adeo latreiam veram edita voce sibi exposcunt. Sed num hoc præceptum Iudæos forsitan obligat

Strom. l. i.  
& s.

De fide &  
symbolo. c. 7.

Hist. Eccl. in  
Gallia l. 4.

ligat ut Vasques vult, Christianis libertate relicta? S. Paulus, *ὅτι ἀφείλοντο νομί- Act. 17. 29.*  
*ζῆν χρυσῷ ἢ ἀργύρῳ ἢ λίθῳ, χαράγμα-  
 τι τέχνης ὁ ἐνθυμήσεως ἀνθρώπου τὸ θεῖον  
 εἶναι ὅμοιον. i. e. Non debemus aestimare,  
 auro, aut argento, aut lapidi, sculptura artis &  
 COGITATIONIS HOMINIS, Divinum esse  
 simile. Nervus argumenti Paulini hic est, cui  
 τὸ θεῖον non est simile, ei non debet assimi-  
 lari. At nulli rei conspicuæ simile est. Hoc  
 præceptum à Paulo Gentibus proponitur  
 observandum. Est itaque morale. Deinde cu-  
 jus interdicti causam Deus ex æternæ suæ  
 essentiae conditione desumit, id non est cere-  
 moniis adnumerandum. Non enim Deus  
 minus ignis consumens est ac olim. Cui ita-  
 que Deum assimilabimus? Quam imagi-  
 nem ponemus ei? *Analogicam*, si Bellarmi-  
 no, *Nullam*, si Deo ipsi credimus. Hoc di-  
 co, astipulatu S. Augustini. *Primo præcepto* Ep. 119. ad  
*prohibetur, ne colamus ullam imaginem Dei, nisi* Ianuarium  
*UNAM EANDEMQUE cum ipso, i. e. Christum.* C. 11.  
 Denique omnes antiqui patres hoc præcep-  
 tum *de Deo non exprimendo*, Ecclesiæ Chri-  
 stianæ æquè ac Judaicæ traditum, judicave-  
 runt.*

Sed generale interdictum in Exodo exstat: C. 20. 4.  
*Non facies tibi sculpsile, nec ullam simili.udi-  
 nem, quæ in cælis desuper, & quæ in terra, &c.*

*Non incurvabis te eis, neque servies eis, quia ego Dominus tuus zelotes.* Hoc cum tonitru & cœli fragore horribili editum interdictum, Romana Ecclesia nihil ad se attinere judicat. Sed ubi id abrogatum est? A Christo vel Apostolis? Ostendant hoc. Vetus Ecclesia Christi id sibi traditum ὁμοῖον αὐτῷ judicavit. Biblia Lovaniensia reddunt: *Imaginem sculptam, & similitudinem.* Sed effugium occlusum est. Nam nullius rei imago ad cultum religiosum effingēda est, ubi ubi existat. Non tantum sculptile, sed omnis similitudo excluditur. Quid hic dubii? Praxis Ecclesiæ Judaicæ manifesta est. Prohibentur idola haut dubiè. Sed ex imagine idolum fit, cum præceptum hoc violatur. *Ne adorato, neque colito ea.* Bellarminus acta Concilii Francofurdiensis agnoscit, in his dicitur: *Non nos imagines in basilicis positas, idola nuncupamus; sed ne idola nuncupentur, adorare, & colere eas recusamus.* Imago itaque religiosè culta, idolum est. Excipiunt Papistæ i. sc. imaginibus Christi, crucisque, latriam exhibere *improprie & per accidens.* Sed cultus divinus & religiosus, nullo modo cum creatura communicari potest. Carpocratiani, imaginem Jesu propter Jesum colebant, itaque improprie ipsam, & per accidens. Audiamus Ethnicos apud Arnobium. *Neque nos ara, neque auri, argenti que materias aut alias, quibus signa con-*  
*ficiunt,*

L. 6. & 7.  
contra gen-  
tes.

fiunt, esse per se Deos, & religiosa decernimus numina; sed eos ipsos in his colimus ac veneramur, quos dedicatio infert sacra, & fabrilibus efficit inhabitare simulacris. 2. Imaginis cultum ad exemplar referri. Sed hic cultus imaginum ad exemplar relatus, idololatrias Judæos constituit. Hi Jehovaham in vitulis & sculptilibus colebant. Vitulo ad adorationem erecto, ajunt: *Cras festum Jehovah.* Exod. 32.5. Dicunt quidem: *Ecce Elohim tui*, sed aperta metonymia. Satis enim se aperiunt, addentes, *qui te ex Aegypto eduxit.* Quomodo NOVUM JEHOVAM FECISSENT, à quo jam ante ex Aegypto se eduotos ajunt? Igitur verum Deum in isto signo constituerunt colere. Alibi Simulacrum conflatum ex argento, dicitur *sanctificatum Jehovah fuisse.* Iud. 17. v.3. Num ideo Micha vel mulier, minus idololatram erant? Jehu: *Vide zelum meum pro Jehovah,* 2. Reg. 10. 16. 23. 29. qui tamen vitulos colebat. Sed notandum est Catechismum Tridentinum Pii V. & Gregorii XIII. jussu editum, & autoritate Synodi munitum tradere, Verum Deum ejusmodi simulacris repræsentatum ab idololatriis fuisse. Sed juxta Ambrosium. *Non vult se Deus in lapidibus coli.* Epist. 31. ad Val. 3. Deo ajunt se latrariam propriam servare, sanctis & imaginibus dulciam. Sed in præcepto non tam latrariam quàm externa inclinatio, & genuflexio interdicitur, ita ut nequeant excipere, hic agi

Añ.7.

Tom.2. Ep.  
Pont. in re-  
preh. ad c.9.  
Añ.7.

Cap. de orat.

tantum de latria, quæ simulacris directe ut Diis impendatur. Pugnat itaque aduersa fronte cum hoc: *Non incurvabis te.* Nicena 2. Synodus. *Definimus cum omni cura venerandas imagines ad modum & formam venerande & vivificantis crucis, dedicandas & collocandas in templis, illisque salutationem & honorariam adorationem exhibendam.* Idem Papa Adrianus I. *Vt his osculum & honorabilem salutationem reddat.* Epiphanius Episcopus Concilii. *Sive placebit salutationem, sive adorationem vocare, idem erit, modo sciamus excludi latriam, quæ soli naturæ divinæ reservatur.* Sed eo usque superstitio progressa est, ut ab his initiis profecta, ad latriam eruperit *relativam* illam & *impropriam*. Porro Papistę ante imagines se prosternunt, candelas iis accendunt, vestes pretiosissimas induunt, rosaria pedibus imaginum affricant, deinde osculo honorant. Concilio Tridentino videtur bonum, ad imaginem sancti alicujus, orationem dominicam pronuntiare.

4. Deinde cum interdictum generale est, non est subjeutorum, exceptiones afferre. Hoc enim Legislatoris est. Verbum Dei non nisi de una religiosa loquitur adoratione, *quæ est actio quæ creatura ratione & intellectu prædita, se coram alio quocunque submittit, eum invocando, ei; serviendo religionis officiis, tanquam ei, qui cor & cogitationes suas norit, precesque suas possit exaudire.*

*exaudire.* Hoc officiū solus Deus sibi ab homine vult præstari. Nam nullū mandatū Dei de religiosè adorādis creaturis exstat, nullum exemplum in Scriptura. Immo in Scriptura *δσλειά* ista Deo debetur. *δσλσζατε αὐτῶ* <sup>1. Sam. 7.</sup> *μονῳ.* i. e. *Servite illi soli.* Sed & si hæ duæ species religiosæ adorationis recipiuntur, omnis illa probatio, qua Scriptura ad divinitatem Christi probandam utitur, vana erit. Ad Hebræos Divinitas Christi probatur in- <sup>C. 1.</sup> de, quia scriptum est, *Omnes Angeli cæli illum adorabunt.* 5. Certum est, quod populus non intelligat species religiosæ adorationis, *latriæ absolutæ & relativæ, dulciæ absolutæ & relativæ*, item, *hyperdulciæ absolutæ & relativæ*; sed adgeniculans imagini totam eò devotionem cordis afferat. neque enim potest eam in adeò subtiles species dividere. Sed adorare imaginem relativè est imaginem adorare. Adorare statuam respectu Christi, non est adorare Christum. De hoc enim nulla lis est: de altero est, quod ipsi satis ostendunt eo, quod illam relativam, hanc absolutam adorationem appellant. Unde sequitur cum, qui relativa utitur, eo ipso actu absoluta adoratione non uti. Quid quod relativa hac adoratione recepta, nulla creatura in mundo est quam nequeamus tuto adorare. Quod Vasques statuit. *Quid quæso obstare potest, quo minus quamcumque rem mundi cum* <sup>L. 3. d. 1. §. 8. P. 455.</sup> *Deo,*

*Deo, qui in ea est secundum essentiam, & quam continua sua virtute conservat, secluso periculo adorare & colere possimus? Quid quod hæc distinctio mentem solum Ecclesiæ R. declarat, non eam ex verbo Dei stabilit. Monstrent ubi Deus & Sancti, hanc relativam imaginum suarum adorationem mandarint. Deinde ajunt, Ethnicos, falsos Deos adorasse; se, amicos Dei. Sed cultum soli Deo debitum, non magis ad amicos, quàm ad inimicos ejus transferre licet. Fœmina adulterii rea est, si amicis Mariti copiam sui faciat æquè ac inimicis. Deus est zelotes.*

### De artolatria.

Artolatriam Papatus omni virium contentione defendit. Sed Ecclesia Christi cum S. Augustino rectissime *panem Domini*, & *panem Dominum* discernit. Sacramentum corporis & sanguinis Domini facta conversione, R. E. absolute statuit adorandum esse religiose, idque summo cultu, quem latrariam vocat, sed hypothesebus suis contraria decrevit, adeoque in manifestam idololatriam incurrit. 1. Consecratio non peragitur sine legitima intentione legitimi Sacerdotis. Quod Concilii Tridentini decreto ita firmum est, ut à nemine Papistarum in dubium vocari possit. 2. Ista intentio, ut & potestas Sacerdotis unice dependens, tum ex inten-

Conc. Trid.  
de ministr.  
sacr. can. 11.  
item de vene-  
rab. sacr. coe-  
naz, can. 5.



tentione ejus à quo Sacerdos baptizatus ,  
 tum ex potestate & intentione ejus à quo  
 ordinatus est , sub fidem non cadit , ideo de  
 ea licebit dubitare. 3. Nemo destitutus  
 legitimâ ordinatione & intentione potest  
 consecrare. 4. Absoluta latria Deo debe-  
 tur eique SOLI. 5. Conversione nulla fa-  
 ctâ panis est & manet qui in missa ad ado-  
 randum proponitur. 6. Quod in missa ad-  
 orandum proponitur habet rationem for-  
 malis objecti, proponitur enim ut ipse Deus  
 benedictus & crucifixus , non ut materia  
 Usquequæ proxima , quæ ut conjuncta cum  
 Deo adoratione relativa adoretur.

### Ratio dubitandi de conver- sione panis.

Ita se res habet ut in iis, quæ ab industria  
 & cura humana dependent, periculum sit  
 minus rectæ administrationis , præsertim si  
 non unius sed plurium, opera ad eam re-  
 quiratur. Sacerdos itaque millies baptizans  
 potest aliquando aberrare , item ordinan-  
 tes toties alios Episcopi. Presbyter de E-  
 piscopi sui intentione & potestate certus  
 non est : multo minus de intentione eorum  
 qui illum olim Episcopum ordinarunt.  
 Quod sibi vitium admissum sit , nulla po-  
 testate erit præditus ordines conferendi ,  
 licet

licet maximè intentione debita non caruerit: atq; ita sursum adscendendum ad Petrum usq; Principem Apostolorum, qui reliquis, ut volunt, ordinem & jurisdictionem tribuit, nam alias non fuit Monarcha Ecclesiæ. E. G. Petrus ordinatus est à Paulo, Paulus à Iohanne, Iohannes à Luca, hic ab alio, atque is iterum ab alio usque ad Petrum. Ut Petri ordinatio valida sit, oportet Paulum habuisse legitimam intentionem, adeoque à Iohanne cum debita intentione ordinatum esse: hunc Iohannem item à Luca eisdem legibus, scilicet habente legitimam intentionem & ordinato cum eadem: Lucam itidem ab alio per omnia Christianæ Ecclesiæ secula. Quod si non tantum Paulus sed quicumque alius in illo ordine vel debita intentione caruerit, aut ipse sine tali ordinatus sit, Petri ordinatio nulla est. Item si in illo ordine Episcopus ordinans simoniacus sit, totum robur ordinationis fractum est. *Nam quicumque studet per pretij dationem sacrum ordinem accipere, sacerdos non est, sed inaniter tantummodo duci concupiscit.* Item; *Quicumque sacros ordines vendunt aut emunt, sacerdotes esse non possunt. Unde scriptum est: anathema danti, anathema accipienti. Hæc est Simoniaca hæresis. Quomodo igitur si anathema sunt & sancti non sunt, sanctificare alios possunt? Cum in Christi corpore*

Caus. I. q. I.

c. quicumque.

corpore non sint, quomodo Christi corpus tradere vel accipere possunt? Item: Cum ordinatur Episcopus (pretio), quod dedit aurum c. cum ordinaretur. fuit; quod perdidit anima fuit: cumque alium ordinat, quod accipit aurum fuit, quod dedit lepra fuit. Gratia si non gratis datur vel accipitur, c. qui perfectionem gratia non est. Simoniaci enim non gratis accipiunt. E. nec habent. Dant quod habent c. i. q. i. cap. gratia. Speculum mendacij. Nam si spiritus veritatis gratis accipitur, procul dubio spiritus mendacij esse convincitur, qui non gratis accipitur vel datur. Itaque cum per tot secula tot actus intervenerint in tanto conflictu schismatum, & copia Simoniacorum, credibilius est, aliquem eorum irritum quam omnes ratos fuisse. Vno autem irritum sequentium ordinatio inefficax est. Nam ita res humanæ comparatæ sunt ut vix fieri possit, quin defectus aliquis multis variisque actionibus obtingat. Itaque sacerdos illud quod elevat, populo proponit tanquam objectum formale patriæ absolutè vel cum conditione, nempe si conversio facta sit. Si prius, tum ipsi certo necesse est veritas conversionis cognita sit per revelationem, quod tamen falsum est. Itaque cum conditione sibi ignota Deum istum adorandum proponit. Hinc autem sequitur sacerdotem nescire utrum panem an Deum adorandum proponat, populumque itidem nescire utrum panem

panem an Christum adoret. Hæc autem adoratio peccatum est, quia ex fide non fit. Populus adorat id, & jubetur adorare, de cujus divinitate salva fide potest dubitare. An non hæc est horrenda idololatria? Adoratio est absolutè summa, Deoque unicè debita, quam sibi soli vindicat, quam cum nulla creatura vult communicari. Sic transfertur ad id objectum, quod tanquam formale, i.e. ipse Deus proponitur, de quo fide certus non es, an eo cultu dignum sit. Atque ita cultum proprium uni Deo cum summo periculo idololatriæ committendæ, communem facis Deo & creaturæ. Num docet Scriptura, ut religiosè id invocemus, quod interdum panis est? Minimè. Itaque illud crustulum in Missa elevatum, legitimum latræ objectum non est. Imò an Scriptura jubet te eum invocare, cujus divinitatem credere non debes? Minimè. Itaque panaceum istum Deum missum fac, cujus divinitatem conjectura non fide renes. Quem invoco ut Deum, hunc credere debeo Deum esse. Itaque Hostiam Missaticam, Papista debet credere Deum esse. At non potest. Respondent: Christum semper adorari ratione intentionis, qua adorans præditus est, licet circa objectum materiale aberret. Respondeo. Nul- lum hic est objectum materiale, sed formale. Sacerdos enim populo non panem, sed ipsum

ipsum Deum ostendit. Si intentio idololat-  
 triam aufert, cum latria exhibetur Non-  
 Deo, nullus idololatra in mundo fuit. Quis  
 enim intendit falsum Deum adorare? Ferus In Aa. c. 17.  
 ait, omnium gentium animum fuisse, vero  
 Deo cultum exhibendi, licet idola sibi prae-  
 stituerint. Non itaque omnis qui intendit  
 verum Deum adorare, adorat, sed tum de-  
 mum, cum id eo modo facit, quo ipse iussit.  
 Ostendant nobis mandatum Christi in Cœ-  
 na ultima, qua hunc panem iusserit non edi  
 tantum, sed & adorari. Ferus: *Deus non* In Iud. c. 17.  
*curat inentionem nostram, sed verbum suum.*  
*Quilibet in Israele agebat, quod rectum sibi vi-*  
*debatur.* Micha ait: *Consecravi illud argentum* Iud. 17. 1.  
*Domino.* Quid hic in intentione Papista de- c. 18. 32.  
 sideras? Intendis Christum in accidentibus  
 panis conversi adorare. Ubi hoc iussit? Ido- 1. Reg. 18. 22  
 latria committitur duplici ratione, 1. cum  
 ab ipso objecto vero aberratur, 2. cum ve-  
 ro objecto præstituto, modus à Deo præ-  
 scriptus, & mandatus negligitur, cum utroque  
 potest intentio verum Deum colendi consi-  
 stere. Deus sui colendi rationem accuratè  
 clareque nos edocuit, hanc observemus, ne-  
 que *ultra id quod scriptum est, sapiamus.*

## CAP. VIII.

*Papatus Antichristianus est.*

ERE dixit Chrysostomus. *Qui primatum in terra desideraverit, inueniet confusionem in cælo; nec inter servos Christi computabitur, qui de primatu tractaverit.* Non opinor hic doctor jus Pontificis ignoravit, vel hæreseos obstinatione negavit. Gregorius Papa: *Quis in hoc tam perverso vocabulo (universalis Episcopi) nisi ille ad imitandum proponitur, qui despectis angelorum legionibus secum socialiter constitutis, ad culmen conatus est singularitatis erumpere, ut & NULLI subesse, & OMNIBVS præesse videretur? Totum autem gregem Episcoporum omnium, Dominationi Pontificiæ subiectum esse, patet ex eorum juramento. Vis B. Petro Apostolo, cui à Deo data est potestas ligandi & solvendi, ejusque Vicariis Romanis Pontificibus FIDEM, SVBIECTIONEM & OBEDIENTIAM secundum Canonicam auctoritatem exhibere? Volo.* Antonium Puccium audiamus. *Non ignari sumus OMNEM TIBI VNI in cælo & in terra traditam à Domino potestatem: ut non spiritualibus tantum viris; sed terrenis quoque hujus seculi potestatibus, in causa communis boni, jus dicere non perimescas.* Item Stephanum Episcopum Patracensem. *Reges in compedibus magnitudinis magni regis liga, & nobiles in mani-*

In Dial. 1. 3.

L. 4. ep. 38.  
ad Ioh. Constantin.Pontif. de  
consecr. Episc.  
cop. in exam.Conc. Lateranen-  
si sess. 9.  
9. sub Iu'io  
2. & Leone  
10.

Sess. 10.

*manicis ferreis censurarum constringe, quoniam tibi data est omnis potestas in celo & in terra. Qui totum dicit, nihil excipit. Iterum Pucium: In te (Leo. X) propheticum illud debuit rursus compleri: Adorabunt eum omnes reges terre, omnes gentes servient ei. Baronium ipsum. Princeps Saracenorum deosculatis pedibus fixit genua coram Papa, & inclinato capite tanquam sanctum & pium Christianorum Deum ipsum Pontificem adoravit. Populus hæc videns, dixit: Et adorabunt eum omnes reges terre, & omnes gentes servient ei. Sed ut ordinem strictimque exsequamur, 1. Sedem Antichristianam, 2. titulos divinos, 3. comparationes Papæ blasphemias cum Deo, 4. dispensationes horribiles in divina & naturali lege, 5. Ceremonias intolerabili superbia conspuendas, 6. Praxin alienissimam à Christi mandatis & moribus, imo eisdem è diametro contrariam, 7. tempus Antichristi venturi consideremus.*

Tom. I 2, anna-  
narium de A-  
lexandro 3.

## 1. De fede Antichristi.

*Roma dicitur Babylon, quia ad finem seculi futura est officina omnis idololatriæ. Hoc Ri- bera Jesuita dicit, plurimosque testes veteres & recentiores laudat. Collegium Anglo-Remense: Roma erit sedes Antichristi. Lorinus in c. 5. prioris epist. Petri idem sentit. Idem Vega testatur, Roma autem non*

Com. in Apo.

14.

In Apoc. 17.

In Apoc. 18.

*nica*, sed *Christiana* intelligitur. *Cecidit, cecidit Babylon*, & *facta est habitatio Demoniorum*. 1. His verbis Apostolus ad Romā Ethnicam non respexit: everſa enim Romæ Ethnicæ ſuperſtitione, Religio Chriſtiana ibi effloruit, factaque eſt domicilium Chriſtianorum, & officina pietatis, cum ante eſſet impura, & idolis tota dedita. 2. Poſt everſionem Babylonis, Joannes loquitur de nuptiis agni, & ultimo judicio. Itaque meretrix illa Babylonis, non niſi ſub finem ſeculi perdenda eſt. Non itaque ad Romam Ethnicam hæc everſio Babylonis ſpectat. 3. Beſtia quam Joannes vidit, cui meretrix inſidebat, non adhuc erat, qualis futura erat, neque imperium inchoaverat. Ex abyſſo enim adſcenſura erat. At Roma vetus tempore Joſhannis cum ſummo imperio erat & florebat. 4. Decem reges tempore Joſhannis nondum incœperant regnare, ſed imperio collabente, regnum ſuſcepturi erant. Angelus ait: Eos nondum regnum accepiſſe, ſed una cum Beſtia accepturos, ſc. Antichriſto. Itaque per Beſtiam non vetus Roma, ſed Papana intelligenda eſt. 5. Roma vetus non poteſt dici mater fornicationum, poculum in manu tenens plenum abominationis. Nam religionis corruptelas Roma vetus in mundum non invexit, imo ab aliis gentibus pleraque ſua idola accepit. Roma  
autem

Apoc. 17.



autem Papana quicquid non continet armis, religione tenet. Hinc Hieronymus: *Lege Apocalypsin Iohannis, & quid de muliere purpurata & scripta in ejus fronte blasphemia, de septem montibus, aquis multis & Babylonis canatur exitu, contuere. Exite, inquit Dominus, de illa.*

## 2. De titulis divinis.

Nomen Pontificis quatuor primis seculis, Episcopi Romani sibi nunquam tribuerint. Crimen fuisset læsæ Majestatis. Nam, Imperatores tam Ethnici quam Christiani usque ad Gratianum hoc nomen *Pontifex maximus*, possidebant. Itaque tanto magis dolendum horum Episcoporum audaciam eo eripuisse, ut titulos sibi arrogarint, quibus divinæ majestatis læsæ crimen incurrerunt. Nam Papa Romanus 1. Caput & fundamentum totius Ecclesiæ visibilis se dici vult. *Petrus Cephas*, id est, *Caput & principium Apostolatus tenuit.* (à janua miser aberrat.) Item: *Apostolica sedes caput & cardo à Domino, & non ab aliis constituta est. sicut cardine ostium regitur: sic Romanae sedis autoritate omnes Ecclesia.* Turrecremata: *Papa non est omnino aliud caput distinctum à capite quod est Christus, sed ejus vicarium est, & ejus personam, autoritatem, potestatem in terris representat, ut ejus judicium,*

Baronius  
hoc fatetur

Dist. 22. c.  
sacrof.

1. sum. 2. c.  
26.

*judicium Dei reputetur, & consistorium ejus consistorium Dei.*

In Brevilo-  
quio.

L. 2. de conc.  
c. 17.

Art. 1. q. 19.

serm. 3. de

cons. Pontif.

In Bulla con-  
cord. cum  
Fr. 4.

2. Sponsus Ecclesiæ, unicus à Bonaven-  
tura dicitur. Hunc titulum Bell. defendit,  
nec non Augustinus Triumphus. Innocen-  
tius 3. *Qui habet sponsam sponsus est. An  
non ego sponsus sum? quilibet vestrum amicus  
sponsi? Utique sponsus. Quia habeo nobilem,  
divitem, sublimem, decoram, castam, gratiosam  
sacro sanctam Romanam Ecclesiam.* Leo 10.  
*Vi Ecclesia sponsa nostra in sancta unione con-  
servaretur.*

Antonius Puccius: *Exsurge, matrem na-  
stram, sponsam tuam circunda, (alloquitur  
Leonem) ipsam complectere, in Conc. Late-  
ranensi.*

Turrecr. l. 2.  
sum. c. 4.

Rex Ecclesiæ. *Non est inconueniens putan-  
dum, Papam dici regem Ecclesiæ.*

In Conc. Se-  
nen. Paris. a.  
1612.

Martinus V. Constantinopolin Legatos  
cum his titulis sibi tribuendis misit: *Sanctif-  
simus & beatissimus, qui habet celeste arbi-  
trium, qui est Dominus in terris, successor Pe-  
tri, Christus Domini, Dominus universi, regum  
pater, orbis lumen.*

Thef. Caraffæ  
Neapoli im-  
pressæ, anno  
1698.

Lelius Ze-  
chius de rep.  
Eccl. c. de  
statu Papæ.

Dist. 96. c. fa-  
tis evidenter.

Deus in terris ter optimus, ter maximus.  
*Est & dicitur Christi Vicarius, & quasi  
Deus in terris, & quod ipse facit, non humanus  
Princeps, sed Deus facere videtur.*

Nicolaus 1. *Satis evidenter monstratum  
est, quod Pontifex non potest omnino, neque  
ligari*

*ligari neque solvi per potestatem secularem, de quo constat, quod à religiosa principe Constantino appellatus est Deus. Iam manifestum est, quod Deus non potest ligari ab hominibus. Si voce Deus utitur proprio significato, manifestâ se blasphemia obstringit: Si figuratè pro iis, quos scriptura Deos vocat, suæ ipsius potestati refragatur. Nam Principes Papæ ligant solvuntque.*

Divina majestas in Concilio Laterano Sess. 9. Leoni x. tribuitur. Supremum in terris nomen Gregorius 13. à Stapletono salutatur.

*Petrus in consortium individua unitatis assumptus dicitur, quod jus haut dubie ad successores derivatum esse credunt.*

In præf. de princ. doctr. C. fundam. de elect. in 6. De reg. cancel.

*Papa est quoddam NUMEN, & quasi visibilem Deum, Gomesio teste, præ se ferens.*

Blondus narrat: *Omnes Principes orbis terrarum Pontificem ut Deum summum honorare & colere.*

Lib. 1. r. Romæ instauratione.

Bellarminus ait: *Verbum Pontificis è Cathedrala docentis, esse quodammodo verbum Dei.*

Lib. 3. de verbo Dei c. 10.

Quibus verbis dum Papam studet evehere deprimit. Nam nihil cadit sub fidem nisi absolute verbum Dei. Aut igitur dictis Papæ fides abroganda erit: aut ea pro verbo Dei absolute habenda sunt. *Quod à Papa factum est, debet repudiari quasi factum à Deo.*

c. quanto. de translat. prælatorum. in l. decretalium.

*Non homo, sed Deus separat, quos Ro-*

*manus Pontifex (qui non puri hominis, sed Dei vicem gerit in terris) Ecclesiarum necessitate, vel utilitate pensata, non humana sed divina potius auctoritate dissolvit. Hinc glossa in hæc verba: veri Dei vicem.) Unde dicitur habere cœlestē arbitrium: naturam rerum immutare: de nullo posse facere aliquid: sententiam nullam facere aliquam: pro ratione ei esse voluntatem: nec dicendum esse, cur ita facis? de injustitia posse facere iustitiam (hoc nec Deus ipse vult nec potest: ) tandem plenitudinem obtinere potestatis.*

Erasmus in  
1 Tim. anno-  
rat. in N. T.  
de confid.  
Bened. de Be-  
ned. prof. Bor-  
lon, a. 1608.

Olim in scholis disputatio floruit: An Papa simplex homo sit; vel num quasi Deus utramque naturam cum Christo participet?

Vñctione Christus dicitur à Bernhardo. Eugenius: Vice-Deus & invictissimus Reip. Christ. Monarcha (non dominantes Cleris, ait S. Petrus) & conservator fortissimus omnipotentia Pontificia.

Cornelius à Lapide: *Papa non ad humanum principatum institutus est, sed ad divinum: non ad dominandum solum mortalibus, sed angelis; non ad iudicandum vivos, sed mortuos: non in terra solum, sed in cœlo: non ad presidendum solis fidelibus, sed infidelibus.*

De potest. Ec-  
cles. q. 6. art. 1.

Augustinus de Ancona: *Sententia Papæ & sententia Dei una sententia est. Cum provocatio fiat à minori iudice ad superiorem, sicut*

sicut nullus est major se ipso, sic nulla provocatio rita est à Papa ad Deum. Quia unum, Consistorium est. Potestas Papæ est infinita: omnis creatus intellectus in ejus perscrutatione invenitur deficere: huic cuncta genera curven-  
tur, cælestium, terrestrium, inferorum.

Præf. in librū  
de potest. Ec-  
clesiæ ad Ioh. 12

Culpas ejus redarguere præsumit mortalium nullus, quia cunctos ipse judicaturus, à ne-  
mine est judicandus.

Dist. 40, c. si  
Papa.

Frossardus testatur Cardinales ad Regem Galliæ scripsisse, Sicut unus est in cælis Deus; sic nullo jure potest ac debet non esse unus in terris Deus.

Petrus de Monte: Papa accusatus de cri-  
mine non tenetur se purgare.

In Monarchia.

Vetus & novum testamentum recipien-  
da sunt, quia de eis recipiendis S. Papæ Innocentij prolata videtur sententia.

Dist. 19, c. si  
Romanorum.

Adscribit sibi potestatem peccata remit-  
tendi majorem quam quæ homini compe-  
tit. Qui dicit omnia, nihil excipit. Baldus:  
Papa est omnia & super omnia.

C. solitæ de  
Maj. & Obed.  
l. 1.

Papa est Dominus dominantium, & Jux-  
Regis regum habet in subditos suos: & causa  
causarum, de cujus potestate non inquirendum,  
cum primæ causæ nulla causa sit.

In l. Barbarius.  
de off. præto-  
ris.  
Idem in c. Ec-  
cl. ut lite pend.

Idem Consistorium Christi & Papa est: u-  
num tribunal, ut Abbas Panormitanus &  
Turrecremata docent. Est lapis in funda-  
mentis Sion, probatus, angularis, pretiosus,

C. licet de o-  
lect.

l. 2. sum. c. 8.

P &

lapis

lapis offensionis & petra scandali, si Bel-  
larmino credendum.

Præf. in Pont.  
Rom.

c. solitz. de  
maj. c. 2.

Potest, ut gloriatur Innocentius, regna  
transferre; sed Propheta Daniel hoc Deo  
soli reservat.

Ceremonia-  
lis l. 1. c. 7.

Papa in nocte nativitatis Domini bene-  
dicit ensem quem postea donat alicui Prin-  
cipi in signum infinitæ potentæ Papæ col-  
latæ.

Baldus.

Est Doctor utriusque juris non scientia  
sed autoritate. Habet omnia jura in scri-  
nio pectoris sui ut Paulus 2. gloriatus est.  
Quid talem lateat?

Stechus de  
primatu. Itē  
conc. Later.  
sub Leone x.  
sess. 10.

Leo est de tribu Iuda, radix David.

### 3. De Comparationibus.

Concilium Lateranense Baldi dictum  
approbat :

*Majorem esse potestatem Papæ, quam om-  
nium sanctorum : In Papa esse omnem potesta-  
tem tam cæli quam terræ. Papa major est A-  
postolo in administratione, ut Petrus Pau-  
lo. Iohannes à Capistrano.*

De Papa &  
conc. p. 95.

Pontificalem auctoritatem Clemens 3.  
docet regali potestate tanto majorem esse,  
quanto sol lunam magnitudine excedit.

l. 2. sum. c. 26.

Turrecremata docet : Papam perfectio-  
rem esse, quam totum residuum corpus Ec-  
clesiæ. Panormitanus Papam *Dominum Ec-  
clesiæ*

*clesiæ* vocat. Hinc in consilio delectorum Cardinalium Episcopi Ministri Papæ usurpantur. *His castigatis, quæ ad constituendos tibi ministros pertinent, quibus veluti instrumentis cultus Dei administretur & populus regatur.* Turrecremata ait: *Minores, debere obedire praelatis, quia dicitur Iobi 1. Boves pascebant & asinæ juxta eas.*

Æneas Silv.  
de gestis cōc.  
Bas.

lib. summ. 4.  
cap. 14.

Bonifacius 8. Iubilæo instituto præconis voce se declaravit esse Pontificem & Imperatorem, seque habere terrestre & cœleste imperium. Primo die Pontificio habitu: altero paludamento Imperatorio indutus conspectui Ecclesiæ sese obtulit. Gregorius M. *Quantum ad me attinet, serenissimis jussionibus tuis (Imperatorem alloquitur) obedientiam prabeo. Quid sanctus Ambrosius? Abominatio desolationis execrabilis adventus Antichristi est, eo quod sacrilegiis infau-  
stis mentium interiora contaminat, sedens juxta historiam in templo, ut sibi divina vindicet solam potestatis. Principes orbis terrarum dictatorem perpetuum non Caesaris, sed Piscatoris Petri successorem, Pontificem summum adorant & colunt.* Ægidius Corrocetus Italus narrat præstantem pictorem Raphaelem Urbinate[m] Apostolos Petrum & Paulum rubris faciebus pinxisse, rogatumque causam respondisse: *Pudet ipsos successorum suorum.* Merito. Neque enim ipsi unquam per somnium

l. 4. Ep. 32.

l. 10. in c. 21.  
Lucz.

Blondus Ro-  
mæ instau-  
rata l. 9.

Sabell. En-  
nead. 9. l. 3.

Nanci. pen.  
14.

Niem. de  
schism.

Polonus. Pla-  
tin. in Steph.  
6.

Nieml. r. de  
schism.

Parif. in  
Henr. 3.

nium cogitarant successores suos diademata de Imperatorum capitibus in genua provolutorum pedibus dejecturos, quod Celestinus 3. fecit teste Ranulpho Cesternsi; neque passuros ut principes cum collari canino sub mensa repetentes, ossa legerent, quod Francisco Dandalo Venetorum duci & legato à Clemente v. evenit: neque collis imperatorum insulturos, quod Alexander 3. præstitit: neque dilaturos poculum accipere è manu regum id genu flexu porrigentium, quod Urbano 6. placuit: neque in corpora mortuorum sævituros non beluina sed diabolica rabie, quas tragœdias Stephanus 6. in Formoso spectandus exhibuit: neque Sympresbyteros saccis indutos in mare abjecturos, sicut Urbanus 6. Cardinales quosdam tractavit: neque bella gesturos plurima, ut Sixtus 4. Iulius 2. & alij: neque veneno Imperatoribus exitium propinatos, ut Conrado Imperatori Innocentius 4. propinavit: neque regna hujus mundi spoliaturos & exausturos missis quæstoribus qui remissionem peccatorum pretio accepto cuiquam addicerent: neque virginibus, viduis, matronis, pueris, filiabus propriis stuprum illaturos, quorum Historiæ exemplorum refertissimæ sunt: neque sacra & prophana omnia Simonem Magum imitando vendituros esse.



## 4. De dispensationibus.

Papa secundum plenitudinem potestatis de jure potest supra jus dispensare: contra Apostolum: in Evangelio interpretando ipsum.

l. 3, t. 8. de concess. præbend. c. proposit.

Petrus de Monte paulo apertius reme-  
loquitur: *Papa tollit jus divinum, dispensando contra Evangelium: contra universalem statum Ecclesie: contra vetus testamentum: contra multa capitula 4. Conciliorum.* Exempla infinita literarum monumentis prodita diligens lectio suggeret. Bonifacius 8. Ladislao Regi Siciliæ indulgit, ut abdicata uxore legitima aliam ei superinduceret. Quæ dispensatio non solum Apostolo sed ipsi Christo adversatur, Gobelino Persona faterente. Cranzius meminit puellæ tertium maritum expertæ prioribus fato nondum functis, idque dispensatione Pontificia.

Dist. 34. c. le-  
stor. caus. 25.  
q. 1. c. sunt  
quidam. in  
Glossa.

Cosmod. 2.  
tar. 6. c. 87.

Saxon. l. 5.  
c. 13.

Absolvit Papa à juramentis, & vinculum affabrè relaxat, quo unico res humanæ continentur, qua re quantam fenestram nequitiae, perjuriis, parricidiis, perfidiæ aperuerit, ecquem fugit? *Cum perjuro potest dispensare.* Quis autem dispensat de lege vel contra legem nisi major ipsa lege? Martinus V. legem divinam & naturalem abrogavit, conjugium fratris & sororis Germanæ approbando, quod frustra Bellarminus negat,

De jurej.  
c. verum in  
ca. & ibi Dd.

Ibidem.

Bezam

L. 2. de ma-  
trimonio,  
c. 25. §. &  
hanc.

Bezam mendacii infimulando. Vide Re-  
vium de Pontificibus. Bellarminus: *Prote-  
stantes negant R. Papam potuisse cum Henri-  
co Anglorum rege dispensare, ut acciperet ux-  
orem fratris sui defuncti, quia id expresse prohi-  
beat lex divina.* Fatemur autorem naturæ de  
naturæ gradibus posse dispensare, cujus rei  
exempla in Scriptura exstant. Alias gradus  
Levit. 18. & 20. non capiunt dispensatio-  
nem. Deus enim pronunciat se gentes puni-  
turum ob conjugia quæ ibi prohibentur. Id  
innuitur etiam voce turpitudinis, addita sin-  
gulis gradibus.

## 5. De Ceremoniis.

Cerem. Ro-  
mano tit. 3.  
l. 1.

Iov. l. 27.

Cerem. Rom.  
sect. 5. c. 3.  
Cerem. Rom.  
2. tit. 1. lib.  
In 9. ordo  
process. 3.  
tit. 6. de pri-  
ma lotione  
manuum.

*In ablutione manus jubetur Laicorum nobi-  
lissimus Rex vel Imperator, aquam adferre &  
fundere, dumque lavat, omnes tenentur genua  
flectere, clerici adstare capite aperto. Item: Im-  
perator debet primum ferculum inferre mensæ,  
vel Rex aliquis, idque ipse sumere de manibus  
cujusdam ministri extra vestibulum aulae. Item:  
Imperator freno equum Papæ ducat, strato-  
risque officio fungitur: pedes Papæ osculatur,  
& genu flexo auri massam ad pedes Pontificis  
offert.* Monlucius Ep. Valentinus recenset  
Papæ Sacramentum in itinere præmittere,  
comitesque ei adjungere cantores, mulio-  
nes, agalones, postea ex urbe id ei obviam  
proferri, ejus in urbem deducendi causa, de-  
nique

nique nutu inter se sine ulla voce consalutare. Papa procedente in publicum, satellites inclamant populum: *Abasso, Abasso.*

## 6. De publica praxi.

Humeris Papa gestatur: coronam gemmatam gestat: pedibus oscula expetit regum & principum, quod nec monstra illa naturæ fecerunt. Caligula privatos ad id genus adulationis infimæ admittit, ut & Diocletianus, nullos reges, nullos principes. Calceos præterea crucis signo ornat, & Scripturam pedibus subjicit: recipit à fidelibus adorationes, prostrationes, oscula pedum, imò majorem sibi quàm angelis honorem deberi censeret: tributum ab Imperatore exigit, quod Christus persolvebat: collocatur super altare in inauguratione ad venerationem religiosam, cujus fundamentum est sanctitas: quamvis Papirius Massonus de vitis Pontificum in Julio 3. dicat: *Sanctitatem in Pontificibus hodie nemo requirit. Optimi putantur, si vel leviter boni sunt, vel minus mali, quam ceteri mortales.* Homines mortuos *ἄνθρωποι* ethnica in Divorum numerum refert, quibus Ecclesia teneatur religiosum cultum exhibere: è purgatorio antiquis Christianis ignoto animas nescio, quibus bullis educit: Imperat angelis, ut easdem depurgatas in paradysum transferant: reges & principes impe-

Antoninus in  
sum. part. 3.  
tit. 22. c. 5.  
§. 4.

Cerem. Romano  
tit. 7.  
de bened. cens.  
sis.

Cerem. Romano tit. 7.  
de benedictis.

Iovius in Phil. 3. de Martino 4.

Bell. de amissione gratiæ  
& statu peccati l. 2. c. 18.

imperiiis exuit, soli enim sibi omnem potestatem temporalem adeoque summam in cœlo & in terra arrogat, qui dominetur à mari ad mare & à flumine ad terminos orbis terrarum: patitur se adorari his verbis. *Qui tollis peccata mundi, miserere nostri*: indulgentias in multa millia annorum vendit, earundemque nundinatione Simoniaca omnia olim Europæ regna expilavit, ut nihil iis spoliatus vel egentius deinde esset: integra regna per excommunicationem publicis religionis exercitiis & quantum in se est omni ipse salutis ipsos infantes interdictione baptismi privat, ut olim regnum Angliæ per 6. annos & 6. menses, quo spatio ultra 600000. è vivis excefferunt, idque ob investituras Episcoporum, id est, Mammonem. Iuramenta & vota legitima solvit, quod idem est ac si dicat: Libro te necessitate id præstandi quod Deo debes: liberos e patria potestate eximit: lupanaria publico tributo iis imposito constituit & defendit tanquam jure permessa: conjugium sacerdotibus impune scortantibus interdicit. Scripturam populo Christiano, certam illam tutamque regulam credendi Bellarmino teste, eripit; contraque idola infinita adoranda objicit: miraculis dogmata priscis seculis inaudita stabilit: mandata hominum ad salutem comparandam necessaria Ecclesiæ obtru-

obtrudit : superstitiosis ritibus Ecclesiam obruit. Denique cultum Dei lingua populo ignota Christiano , contra expressum mandatum Apostoli peragit. Hæc omnia communi consensu in Ecclesia Romana docentur , adeo ut ad privatas opiniones Doctorum referri non possint. Quin imò ipsi Pappæ in publicis decretis, pleraque omnia sibi adsciscunt , ut necessariò publica doctrina Ecclesiæ Romanæ , & Cathedræ Pontificiæ hic agnoscatur. Nunquam enim Ecclesia Romana ullum ex his dictis ad indices expurgatorios retulit. Dicamus itaque cum

Ep. 125. p.  
1316.

S. Bernhardo : *Bestia illa de Apocalypsi, cui datum est os loquens blasphemias, & bellum gerere cum sanctis, Petri Cathedram, tanquam leo paratus ad pradam, occupat. Planum est, ait idem S. Vir : Apostolis interdicitur dominatus. I ergo tu, Papa, & tibi usurpare aude, aut dominans Apostolatum ; aut Apostolicum dominatum. Planè ab alterutro prohiberis. Si utrumque similiter habere voles , perdes utrumque. Alioqui non te exceptum eorum numero putes, de quibus Deus queritur : ipsi regnaverunt , & non ex me, principes exstiterunt, & non cognovi eos. Stetisse Apostolos judicandos lego ; sedisse*

De confid. ad  
Eug. l. 2. c. 6.

l. 1. c. 6.

Audiant Papistæ judicium Gregorii Pappæ : *Ego fidenter dico, quod quisquis se universalem Sacerdotem vocat, vel vocari desiderat, in*

l. 6. ep. 106

Q

elatione

Aventinus 1.  
5. hist. Bojo-  
rum.

In confess.  
Wald. apud  
Orthuim.  
Grat. in fas-  
ciculo rerum  
expendarum  
& fugenda-  
rum.

elatione sua Antichristum praeurrit, quia su-  
perbiendo se caeteris preponit. Sed ante proba-  
vimus: Papam ab omnibus Episcopis sub-  
jectionem flagitare, adeoque juramentum  
obedientiae in concessione pallii exigere.  
Neque Gregorius ex demissione animi hunc  
titulum rejecit, ac si ipse eo indignus esset;  
sed contra istum titulum prophanum, se in-  
dignum judicavit. *Hinc plerique omnes boni,*  
inquit Sigbertus, (at quantus vir?) *aperiti,*  
*iusti, ingenui, simplices sub Gregorio 7. imperium*  
*Antichristi cepisse, memoriae literarum prodide-*  
*runt. Plerique Episcopi Germania querebantur*  
*hunc Gregorium 7. pietatis specie debacchari:*  
*titulo Christi, negotium Antichristi agitare; in*  
*Babylonia, in Templo Dei sedere, qui se extollat*  
*supra omne id, quod colitur; quasque Deus sit,*  
*se neget errare posse. Hanc causam afferunt*  
*Waldenses suae à Romana Ecclesia defectio-*  
*nis: quod Sacerdotes in concionibus tum auo-*  
*ritate divinarum vocum, tum rationibus vali-*  
*dissimis, & exemplis firmissimis, se, schismati-*  
*cos, haereticos, sacrilegos, pseudoprophetas, lupos*  
*rapaces, beluam atque meretricem Apocalyp-*  
*ticam profane notantes & concionantes, arguere*  
*approbare moliri sint. Hic obiter notandum*  
*judicium Rainerii Pisani, ordinis praedica-*  
*torum, fidei contra eos Inquisitoris, ante*  
*trecentos circiter annos, proditum memo-*  
*riae, & ab ipso Gretsero Jesuita editum.*

*Inter*

*Inter omnes sectas, inquit ille, quæ sunt vel fuerunt, non est perniciosior Ecclesiæ (Papisticæ) quam Pauperum de Lugduno, tribus de causis. Primo, quia diuturnior. Quidam enim dicunt, quod duraverit à tempore Silvestri: alii à tempore Apostolorum deducunt. Secundo, quia generalior. Ferè enim nulla terra est, in qua hæc secta non serpat. Bellarminus ait uno die 100000 Albigenſium cæsa esse. Tertio, quod omnes aliæ, cum immanitate blasphemiarum in Deum horrorem inducant. Hæc sola Waldensium seu Leonistarum, magnam habet speciem pietatis, quod coram hominibus iuste vivant, & bene omnia de Deo, & omnibus articulis credant, qui in symbolo continentur. Solam Romanam Ecclesiam blasphemant & oderunt.*

De notis Eccle. c. ult.

At eodem omnes boni teste Sigberto olim fuerunt sensu. Episcopus Salisburgensis haut ab re in hæc verba questus est: *Flamines Babylonis soli regnare cupiunt, ferre parem non possunt. Non desistent, donec omnia pedibus suis conculcarint, atque in templo Dei sedcant, extollanturque supra omne id quod colitur. Postea Nova Papa sub pectore consilia agit, ut proprium sibi constituat imperium: Leges commutat: suas sancit: contaminat, diripit, spoliat, frandat, occidit peraitus homo ille, quem Antichristum vocare solent, in cuius fronte contumelia nomen scriptum est: Deus sum, errare non possum. Neque Petrarcha: Bonorum hostis,*

Avent. annals. Bojor.

Ep. sine nom. 20.

& malorum hospes pessima rerum Babylon, infamis meretricis fornicata cum regibus terra. Illa quidem es, quam in Spiritu sacer vidit Evangelista: illa quidem es, & non alia, sedens super aquas multas: matris fornicationum & abominationum terra: ebria sanguine Sanctorum & Martyrum Jesu: Habitatio & regnum demoniorum. Denique edictum Romani Imperii exstat, in quo Papa R. expresse omnium consensu Antichristus declaratus est. Itaque non Bernhardi solius, sed communem Ecclesiae vocem censeamus in hanc sese querelam effundentis: *Heu, heu Domine Deus, quod ipsi sunt in persecutione tua primi, qui videntur in Ecclesia tua primatum diligere, principatum gerere.* Quid Gregorium I. censeamus dicturum fuisse, si Antoninum audiisset docentem: *Non minorem deberi honorem Papae quam Angelis, imo maiorem: eumque recipere* (jure haut dubie fieri id intelligit) à fidelibus adorationem, prostrationem, & oscula pedum, quod non permisit Angelus sibi fieri à Johanne. Si legisset Bullam Clementis quinti, qui anno circiter 1309. Angelis mandavit ex Pontificia autoritate, ut animas, Jubilæi tempore, in itinere Romam versus morientium, continuo in coelum traducerent, sine ullo purgatorii cruciatu? Quid si fama, vel auditione accepisset, Sacerdotem & successorem Petri, regna & imperia pro arbitrio suo

Apud Aven-  
tinum.

Serm. de  
conv. Pauli.

Summ. theol.  
P. 3. l. 22.

Bullæ adhuc  
Viennæ, Li-  
n. ogii, & aliis  
urbibus Gal-  
liæ adservan-  
tur.



suo conferre & eripere, idque quia scriptum sit Psalmo 8. *Omnia subjecisti sub pedibus ejus*; hacque potestate fretos Gregorium I X. & Innocentium I V. Friderico I I. Imperium abrogare: & Henrico Landgravio Thuringiæ dono dare: Urbanum I V. Conradino Regnum Siciliae eripere jure hereditario debitum, alique Principi attribuere ea lege, ut annuatim 40000. coronatos Sedi Apostolicæ penderet? Ex qua re Vesperæ Siculae exortæ sunt, Gallis omnibus à Siculis qui cum Petro Rege Arragoniæ, affine Conradini faciebant, trucidatis. Porro Bonifacium VIII. Philippo regnum Galliae auferre, & Alberto Imperatori adsignare, nulla alia causa, nisi quod homagium sibi præstare recusaret? Item Alexandrum VI. anno 1400. Ferdinando Regi Castiliæ, Caroli V. avo, Indias occidentales ex motu proprio, mera liberalitate, certa scientia, ac de Apostolicæ potestatis plenitudine donare? Nec non Leonem X. anno 1515. Francisco Regi Galliae Imperium Turcarum offerre, & denique Paulum II. Regnum Bohemiæ ejecto legitimo rege, Principibus Germaniæ dare. Hinc Fridericus II. in epistola ad Ottonem Baviariæ Ducem, haut immerito scripsit: *Pontifices Romanos affectare dominationem & divinitatem, utque ab omnibus haut aliter, imo magis quam Deus timeantur.*

Platina in Alexandro 3.

Naudæus.

Chron. Carionis.

Franciscus Lovetz de Gomora. in ejus historia Indica Bulla illa existat.

Aventinus annal. l. 7.

Q3

Tho-

In 4. sent,  
dist. 20.

Thomas de Aquino Papæ tribuit potestatem in Ecclesia, qualem rex in regno suo habet.

De jure Pontif., Rom. c. 16

Alvarius Guerrerius : *Principatus summi Romani Pontificis non solum ad spiritualia, sed etiam ad temporalia se extendit, ita ut toto orbe jurisdictionem habeat temporalem.* Hanc jurisdictionem, ut idem autor ait, Petrus hamo jussus est piscari.

Cap. 1.

Luc. 22.

1 Pet. 3.

Num vero Christus unicus Ecclesiæ Monarcha talis regiminis autor est? Minime. *Reges gentium dominantur; Vos autem non sic.* Hinc Petrus Clero dominari vetat. Sublato dominatu Monarchia collabitur. Qualis enim Monarchia sine imperio? At *Episcopum*, ait Hieronimus, *non fastigio crescere; sed humilitate decrescere oportet.* Hinc manifestum est unius universalem dominationem in totam Ecclesiam, ei relinquendam fore, qui in templo Dei sedens, seque extollens supra omne quod Deus dicitur, sub titulo Christianæ religionis Antichristum, regem illum super universos filios superbiæ elatum agit,

Gregorium magnum, judicem in hac causa si capiant Papistæ, lis finem habet.

## 7: De tempore Antichristiani Imperij.

Circumstantiæ temporis rem non ambiguan

biguam relinquit. Nam Romano Imperio  
 everso Antichristus venturus prædicitur.  
*Tantum ut, qui tenet, nunc teneat, donec de  
 medio fiat.* Hoc Patrum & Bellarmini sen-  
 tentia de Romano Imperio desolato intel-  
 ligitur. Zonaras narrat Gregorium 2. Gal-  
 los federe sibi adjunxisse, cum Italia ab Im-  
 peratore Leone defecisset: postea Gregorius  
 7. aliique Romam & regnum Neapolita-  
 num, aliasque imperij provincias Impera-  
 toribus eripuerunt. Hoc unum studuerunt  
 semper Papæ, ut ex ruinis Imperij Papatum  
 extruerent. Hinc tot bella in Italia: hinc  
 factio Guelphorum & Gibellinorum exorta  
 est. Platina narrat, Papas id studio sibi ha-  
 buisse ut Aquilam Imperij bicipitem redde-  
 rent. Hinc Alexander 3. legatis Græci Impe-  
 ratoris Emanuelis disertè professus est, se  
 nolle permittere, ut oriens cum occidente  
 de integro uniatur. Nam in turbidam aquam  
 iste piscator libenter suum rete conjicit;  
 tum enim piscis facilius hamum vorat. Im-  
 perio paulatim collabente jus ad se Impe-  
 ratoris confirmandi & eligendi traxerunt,  
 quorum nihil poterant seculis prioribus,  
 quibus adhuc Majestas Imperij efflorescebat,  
 adeo ut ne synodos quidem Ecclesiasticas  
 sua autoritate indicerent; sed toti ex nutu  
 Imperatorum ut reliqui Patriarchæ pende-  
 rent. Dicant mihi quodnam regnum è ruinis

l. 3. de Pon-  
 tifice Rom.  
 c. 5.

In Leone I.  
 fav. 20.

In vita Ale-  
 xandri 3.

Q 4

Impe-

Imperij excreverit aliud quam Papatus? Itaque cum Roma non amplius Imperatoris sed Papæ legibus gubernetur: adeoque Imperatori nihil fere juris in Italia reliquum sit: impedimentum illud, quod Antichristum detinebat, sublatum penitus est. Non nominari sed esse Romanorum Imperatorem decet. At ex Italia Imperatores Germanorum armis sæpissimè olim expulsi, jam non nisi ludibrium Romæ debent. Ubi Imperium Romanum, cum omnes nationes obedientiam civilem erga Romam exuerunt, suisque ipsarum legibus regantur? Soto ridiculè primam defectionem ab imperio concedit contigisse; sed addit alteram

In 4. sent. dist.  
46. q. 1. a. 1.

itidem expectandam. Thomas responder: imperium non cessasse, sed commutatum esse de temporali in spirituale. Hæc confessio sufficit. Nam Imperium Romanum erat temporale, adeoque detinebat Antichristum. Hoc non amplius est, quia mutatum est. Venit ergo ille rex superbiæ.

## CAPVT VLTIMUM.

*Papatus est incurabilis.*



N monitis politicis ad Imperij principes p. 36. refertur Paulum 3. solitum fuisse illos deridere tanquam schola-

scholasticos & rerum politicarum ignaros qui potestatem Papalem à Christi institutione tam anxie repeterent, *cum ejus solam & nudam possessionem pro optimo & firmissimo titulo haberet, quam opibus viribusque tueri posset.* Itaque videmur inanem operam, rationibus hunc statum convellendo sumplisse.

*Auro loquente nil quævis pollet oratio, ait.*

Quando enim Curia Romana incipiet rationes audire? In quem statum Ecclesia reciderit, tempora Leonis x. testantur. Hic vir nimia erga cognatos, aulicos, doctos, liberalitate exhaustus ad thesaurum Ecclesiæ confugit. Quæ ratio rem faciendi in Ecclesiam irrepsit sedente Urbano 2. qui plenam indulgentiam cunctis in terram sanctam peregrè militatum abeuntibus, concessit. Deinde eadem liberalitate successores erga eos qui militem mercede conducerent eo abiturum usi sunt. Tandem eo deventum est, ut hujus thesauri novi fructu perciperent ij qui Papæ partes contra principes non illos quidem hæreticos sed aliis de causis Curia R. minus obsequentes propugnarent. His exemplis Leo x. indutus remissionem peccatorum per plerasq; omneis provincias promulgavit ea lege atque omine, ut pecuniam quæstoribus suis erogarent. Hanc liberalitatem ad functos,

An. cl. c.

Ergo non gratis.

Q

è flam-

è flamma expiatoria eximendos protendit ,  
 addito auctario non aspernando , nempe  
 licentia vescendi ovis & lacticiniis tempore  
 jejunij , eligendique sibi confessarium ,  
 aliisque ejusmodi privilegiis. Pecuniam è  
 Saxonia colligendam forori Magdalenæ  
 nuptæ cuidam notho Papæ Innocentij 8. do-  
 no dedit. Hujus conjugij favore ad Cardi-  
 nalatum Leo annos 14. natus puer obrepfit.  
 Hanc originem dignitas Ecclesiastica in do-  
 mo Medicea residens cepit. Nec tam af-  
 fectu , hac erga sororem liberalitate usus  
 est , quam necessitate sumptuum quos fece-  
 rat Genux. Alexandro enim 6. sedente lo-  
 cus ipsi Romæ denegabatur , quod Papa  
 Florentinis , hostibus domus Mediceæ , qui  
 ipsum in exilium pepulerant , addictus esset.  
 Cura demandata est cuidam Arcemboldo ,  
 Episcopo , qui tales ministros & quæstores  
 ad hanc mercaturam faciendam delegit ,  
 quales Thuanus supra descripsit. Hinc Ro-  
 manæ Curia obedientiam pleræque occi-  
 dentis provinciæ exuerunt , & Lutherus in  
 arenam descendit. Leo Lutherum Bulla  
 confutat. Germaniam edocet : Indulgentias  
 (tales nempe quales ipse concesserat) ratas  
 esse & plurimum valere , seque ut vicarium  
 Christi potestate præditum esse easdem  
 concedendi vivis & mortuis. Hanc esse do-  
 ctrinam Ecclesiæ Romanæ matris & magi-  
 stræ

An. 1518. 9.  
 Novembr.

stræ omnium Christianorum, recipiendam ab omnibus, qui in communione Ecclesiæ velint permanere. Hanc bullam Cardinalis Cajetanus in Germania promulgavit, addito edicto ut Episcopi cunctos necessitate hujus fidei amplectendæ & retinendæ adstringerent. Hinc Lutherus animadvertens quid Romæ sibi expectandum esset, à judicio Papæ ad Concilij generalis sententiam provocat. Isto exordio desiderium illud Concilij generalis totis 40. annis universos Christianos præter Curiam Romanam cœpit.

*Auri sacra fames, quid non mortalia cogit  
Pectora!*

Leoni defuncto Adrianus succedit, qui in comitiis Norigerbensibus morbum R. Curiae fatetur, & deplorat. Hic doctrinam indulgentiarum, unde dissensio orta erat, explicando, morbo mederi voluit. Dixit indulgentiam acquiri totam, si meritis compares, quæ eisdem æquiparentur; alias non totam, sed partem pro ratione meritorum percipi. Hac doctrinâ putavit malo obviam sese iturum. Sed frustra, Cajetanus agebat, doctis hanc sententiam cordi fore sed plebi non convenire. Imò doctos inde collecturos esse, emolumentum omne non indulgentiis sed operibus tribuendum esse. Neminem autem indulgentias

tias quærente, auctoritatem Pontificiam col-  
labi. Canones antiquos pœnitentiæ pu-  
blicæ in Ecclesiam revocandos esse, tum in-  
dulgentię usum fore manifestum. Germanos  
hoc freno indigere qui licentiâ vitæ difflic-  
rent. Adrianus rem refert ad Curiã Lauren-  
tius Puccius summus pœnitentiarius Cano-  
nes antiquos in usum revocari posse negat.

Caritatem & zelum antiquum defer-  
buisse, jugum illud gravius esse, quam pro  
viribus præsentis seculi. Ita res in irritum  
cadit. Alij aiebant reformationem Curia  
nihil facere ad extirpationem hæreseos, imo  
noxiam magis fore. Nam populum sibi per-  
suasurum, ubi in moribus emendandis ope-  
ra posita fuerit, Curiam recte à sese vitu-  
peratam fuisse, paulatimque ad alia con-  
vellenda hoc jacto fundamento progressu-  
rum esse. Hæreticos semper vitia R. Cu-  
riæ objecisse, nec quenquam Pontificem  
ideo quæ fecisset, minuisse. Regimen per-  
ire mutata ratione regiminis: optimam ra-  
tionem esse principes ad protegendam Ec-  
clesiam adhortari; ubi admonitio & in-  
structio necessaria præcesserit: Innocen-  
tium 3. armis Albigenes oppressisse. Bel-  
lum Italiae imminere gravioris momenti  
cui averruncando vel expediendo exigua  
vires Curia supperant; Nullam reforma-  
tionem institui posse sine detrimento Fisci

Ponti-



Pontificij, cujus opes ex 4. fontibus pro-  
manent. 1. *Ex redditibus status Ecclesiastici.*  
2. *Ex indulgentiis.* 3. *Ex dispensationibus.*  
4. *Ex collationibus beneficiorum.* Reformationem fontes hosce exsiccaturam esse. Hæc omnia Papæ dividæ & mœrori erant. Videbat nullam reformationem posse in Curiam cadere, nisi ipse toto dominatu abiret seque in mores Apostolorum formaret. Nihilominus Franciscum Cheregatum Noribergam mittit qui pluribus rationibus publico scripto comprehensis Germanos adhortaretur ad fidem Romanam recipiendam. fatetur in sancta sua sede *multa abominanda contigisse, multos abusus in rebus spiri-* Anno 1522.  
*tualibus multos excessus in præceptis.* & tãdem:  
*Omnia mutata in pejus: dici posse morbum à capite in membra defluxisse, nec quenquam bonum superesse, ne unum quidem. se Curia Romana emendanda unde origo mali forte sit serio vacatarum: nemini mirum debere videri, quod non subito mutatio in melius appareat, morbum enim inveteratione nimias vires acquisivisse.* Hæc ita audiuntur ut Principes Germaniæ centum gravamina ediderint. Quid reliquæ provinciæ Europæ in Concilio quæstæ sint, quem latet? Interea Adrianus mortem obiit. Clemens 7. succedii. Hic à Concilio penitus abhorrens solitus est dicere: *concilium utile esse ubi auctoritas Pontificia facta*  
*recta*

*recta sit, alias ea in dubium vocata, nihil exitio-  
sins esse. Olim ad Concilia Papas confugisse;  
jam fugienda iis omnino videri. Leonem X  
condemnasſe Lutheri doctrinam. Hoc judi-  
cium in dubiũ vocari non poſſe ſalva autori-  
tate Pontificia. Hinc res eò deducta eſt, ut  
Carolus ſtatum Eccleſiaſtici in ordinem re-  
dacturus, & urbes R. Imperii recuperaturus  
bellum in Italiam tranſtulerit, Romamque  
expugnarit. Hic Clemens duas epiſtolas ad  
Carolum ſcribit, priorem acerbis contume-  
liis, minis, bellicue denuntiatione tumefcen-  
tem; alteram, haut paulo mitiorem. Eodem  
pacto binis Carolus reſponder. Notatu di-  
gnum eſt, Carolum in iis fateri, *ſe aures oc-  
cluſiſſe honeſtis precibus Germania, ut Pontifici  
gratificaretur.* Quibus verbis declarat ſe obe-  
dientiam ſedis Apoſtolicæ, ut artem guber-  
nandi amplecti, rectam mantello religionis.  
Clementem autem conſtat variis de cauſis  
Concilium pro virili impediſſe. Nam 1.  
metuebat ſibi, quia artibus Simonis Magi  
ad hoc culmen Romani faſtus obreperat.  
2. Videbat Episcopos Romanæ Curiaſ In-  
fenſiores eſſe ob collationem beneficiorum  
iſtis præreptam per *reſervationes, præventio-  
nes*, adeoque magnam partem adminiſtra-  
tionis intercepram per *exemptiones, diſpenſa-  
tiones, abſolutiones.* Hinc Imperatorem exqui-  
ſitis rationibus à celebrando Concilio de-  
hor-*

hortabatur, belloque Principes Germaniæ *Protestantes*, exprimendos esse iudicabat. Cum variis modis Imperatorem Bononiæ, Mantuæ, & alibi ludificatus esset, vita concessit. Succedit Paulus III. homo qui nullam virtutem majori studio habuit, quam simulationem. Animum visus est ad reformationem adjicere Cardinalium. Frequenti sermone agebat, *Emendationem Curia summa necessariam esse*. Quid sit? Paucis post diebus Alexandrum Farnesium 14 annorum, nepotem ex Petro Aloisio, & Guidonem Ascanium Sforzam nepotem, itidem ex Constantia filia, 16 annorum puerum Cardinalem creat. O reformatorem! Exprobrantibus hanc sibi hypocrisin regerebat: *se decrepita ætate quod illorum infantia deesset, supplere*. Igitur metus Curia decessit reformationis. Unde enim eam auspicari voluit, nisi ab ætate & habitudine eorum, quos in Collegium adsciturus esset? Papa ipse paulatim reformationem silentio involvit. Nam actione ista videbat personam hypocrisi suæ detractam esse. Hinc cogitationes transfert ad Concilium: Mittit Legatos ad Principes, qui suum Concilii celebrandi desiderium & propositum ipsis indicarent. De loco & tempore nondum sibi liquere ait. Injungit Legatis, ut catè quid de loco Principes sentirent, expiscentur, non alio fine, nisi ut nego-

negotium extrahat, & ipse sibi loco caveat.  
Mantua placuit :

*Mantua Doctori nimirum vicina Latino.*

Tandem ad reformationem redit : Edictum promulgat : Cardinales ei negotio idoneos deligit. Quid agitur? Reformant *Datariam, pœnitentiariam* verbis, quibus nihil unquam subest. Hinc iterato studio 4. Cardinalibus, & 5 Prælati idem negotium demandat. Hi scripto comprehendunt 14. abusus in administratione rerum Ecclesiasticarum, 1. *ordinationem Clericorum.* 2. *collationem beneficiorum.* 3. *pensiones.* 4. *permutationes.* 5. *regressus.* 6. *reservationes.* 7. *pluralitatem beneficiorum.* 8. *commendas.* 9. *resistentiam.* 10. *exemptionem.* 11. *corruptionem ordinum Monasticorum.* 12. *ruditatem pastorum.* 13. *licentiam impressorum.* 14. *ordes questuاريorum*; Dispensationes deinde sigillatim enumerant. In gubernatione ipsius R. E. 4 defectus annotant. Quid sequitur? Nicolaus Scomberg Dominicanus, Cardinalis S. Xisti, in Consistorio frequenti nihil hoc tempore innovandum esse suadet, Ne ansa detur Lutheranis gloriandi. Petrus Caraffa ait : *Corruptionem istam è medio tollendam esse necessario, quia Deus hanc dubie ea offendatur.* Ubi frigent, huc evadunt : *Negotium differri oportere.* Tandem post infinitas amba-

ambages Episcopi Tridenti coierunt. Legati eo mittuntur, *Maria de Monte, Marcellus Cervinus de Sancta Cruce, Reginaldus Polus*. His Papa in mandatis dat, ut omnia cum consensu Concilii administrent. Scribunt Romam, ea ratione suam auctoritatem penitus deprimi: ampliore facultate sibi opus esse. Impetrant *absolutam*, sed *secreto*. Fit initium. Bitontinus Ep. ad Patres verba facit. In oratione ista plurima prudentibus displicuerunt. *Silvas Tridentinas jubet per totum orbem sonum diffundere, ut omnes se Concilio mortales submittant, ni id fecerint, merito dici posse: Lucem Papæ in mundum venisse, homines autem magis tenebras quam lucem dilexisse. Aperire portam Concilii, esse aperire januam Paradisi, unde debeat aqua profluere viva ad replendam terram scientia Domini*. Admonet Patres, ut animos purgent. *Quod si neglexerint, Spiritum sanctum nihilominus ora eorum aperturum, ne Ecclesia erret, licet mentes spiritu mala replete sint*. Sed Legati scripto comprehendunt *Ὁ ἅγιος πνεῦμα* qua fatentur: frustra invocari Spiritum sanctum, nisi Patres peccata abjiciant, sordesque vitiorum expurgent, & recte Deum invocent. Quæ oratio cum plausu excepta est.

2. Frater Richardus de Mans Franciscanus, in hoc concilio adeo abhorrebat à Scripturæ lectione populo permittenda, ut dice-

R

rēt

In Cathedra  
li Ecclesia.

ret dogmata fidei jam perspicuè declarata à Scholasticis esse, ut opus non sit amplius Scriptura: Olim Scripturam in Ecclesia lectam ad instructionem populi, eademque causa à doctis meditatam fuisse; jam vero non nisi ut preces publicas debere prælegi, eique usui tantum servire: studio Scripturam contaminari & prophanari. Hæc sententia adstipulatu multorum patrum excepta, & usu R. E. confirmata, omnem spem reformationis præscidit.

De sensu Scripturæ mirificè philosophati sunt. Erant qui negabant intelligentiam Scripturæ à Patrum expositione & consensu hauriendam esse. Nam agebant, plerumque Scripturas ad allegorias τὸ πᾶν negligentes, detorquent: alii literam sequuntur; sed eam temporibus suis accommodant, ita ut ætati nostræ, ea expositio minus apta sit. Cusanum virum sanctitate & doctrina insignem, eruditè dixisse: *Interpretationem Scripturæ, temporis accommodandam esse, & exponendam secundum ritus & consuetudinem receptam, nec mirum debere videri, si Ecclesia alio tempore aliter Scripturam interpreteretur.* Non aliter vltimum Concilium Lateranense, cum statuit: *Scripturam exponendam esse secundum Doctores Ecclesiæ, vel ut longus usus approbavit, & recepit.* Hic videor mihi nasum quendam Pighii cereum videre. Quid ab  
his

his reformatoribus sperandum? In Germania mirum videbatur 5 Cardinales, & 48 Episcopos (tot initio tantum erant) summi momenti controversias, à quibus reliquæ pendent, tam faciliè decidisse, libros dubiæ autoritatis in Canonem recepisse: versioni ab origine sua mirificè declinatæ authentiam tribuisse: Scripturæ sensum usui R. E. adeo depravatæ, non tam accommodasse; quàm subjecisse. Plerosque plumbeos in theologicis esse, aulicisque moribus & artibus, quàm pietate instructiores. Mirum etiam videbatur patres istos traditionis necessitatem adeo urssisse, nec tamen dogmata enarrasse, quæ traditione ista nitantur. Ipsa Curia R. diaconissas rejicit, institutione Apostolica institutas: nec electionem ministrorum populo permittit, rem amplius octo seculis in Ecclesia usu receptam: Communionem calicis, populo ex institutione & usu amplius 1000 annorum debitam intercipit.

3. Sed num forsan reformatio R. E. ex prædicatione Euangelii expectanda? Nulla. In Concilio gravissima inter Episcopos & Monachos contentio exorta est. Episcopi asserebant sibi prædicationem Euangelii, Christi mandatu injunctam esse; hanc officii sui partem occupari à Monachis, qui *exemptione Pontificia*, Episcoporum jurisdictioni sese subtraxerint, adeo ut gregi suo

non possint amplius attendere. Hinc omnia in pejus mutata esse: Academias suæ potestati subductas exemptione Papali quodlibet docere: Fratres in docendi munere inspectionē & gubernationē Episcopi minimè curare, ita ut officiū Pastoris Episcopis re ipsa abrogatum sit. Monachos olim non nisi exercitiis pietatis & pœnitentiæ ab administratione rerum Ecclesiasticarum remotos vacasse. Temporarios istos Agyrtas & circumforaneos prædicatores modo in hanc, modo in illam urbem irrepere; nec novisse, quid ex usu gregis sit. Non instructioni populi alio fine incumbere, nisi ut eleemosynam corradant, inde fiat, ut parasiticam assentando, & palpum hominibus obtrudendo faciant. Manifestum esse, prædicandis indulgentiis in quem statum Ecclesia à quæstoribus Monachis redacta sit. Itaque ex usu Ecclesiæ esse, ut hæc privilegia Fratribus adimantur, & Episcopis officii sui administratio gregisque commissi integra gubernatio restituatur. Contra Generalis Mendicantium Fratrum: Episcopos officium suum tralaticie administrasse, & defunctorie, imò planè abjecisse: Deum excitasse Mendicantes, ne greges pastore destituti perirent: privilegio summi pastoris. Fratres hoc sibi munus docendi arrogare: trecentis jam annis in eo munere versatos esse, quod ni fecissent, vix



vix vestigium Christianismi superfuturum fuisse. Romana Curia olfecit, quorsum hæc tenderent. Episcopos conari papatum in sua dioecesi obtinere. Quod si omnes à jurisdictione Episcopi dependeant, Romam desertum iri. Papas præcipuum hoc, & arcanum Monarchiæ suæ institutum semper observasse, ut è jurisdictione Episcoporum Abbates eximerent. Exemplo esse Benedictinos & Cistercienses, quos sedes Apostolica semper fideles propugnatores experta sit. Itaque exemptionis istius privilegia oppugnare, esse nihil aliud, quàm Pontificatum ipsum adoriri. Res tandem eò recidit, ut Episcopi tanquam delegati Papæ, nonnihil juris in fratres acquirerent, sed ita ut *quæcunq;* à Papa in administratione rerum Ecclesiasticarum dependerent. Ita abusus mutato vocabulo in Ecclesia mansit.

4. Sessione 5. tractant de peccato originis. Ubi notanda est contradictio. Nam docent: *Peccatum Adæ in totam posteritatem transisse.* Deinde ajunt: *Sibi non esse proprium B. Virginem eo decreto comprehendere.* Hæc exceptio universalem propositionem destruit. Nec quicquā juvat ambiguitas. Nam instantia ista ambiguitate sua universalem istam propositionem dubiam reddit, quam tamen ut certam decreverunt. Nam si certum

R 3

non

non est, an B. Virgo in peccato originis concepta sit, nec certum est quod asserunt, peccatum Adæ in totam posteritatem diffundi. Opinio hæc, *immaculata conceptionis*, in Ecclesiam irrepsit superstitione, ut pleraque alia. Olim Ecclesia contra Nestorium ad honorẽ Christi clamabat: *Μαρία θεοτόκος* ! Hoc encomion paulatim matris causã superstitioni ingeminarunt, donec tandem anno 1050. institutum fuit officium quotidianum, distinctum 7 horis Canonicis, in honorem B. Virginis, quo laudes filio Dei debitæ, ad Matrem translatae sunt, *Dominus me possedit ab initio*, &c. Canonici Lugdunenses anno 1136. hanc opinionem in Officium suum infercerunt, quibus S. Bernhardus cordatè contradicit, novamque superstitionem acerbè exprobrat. Anno 1300. Johannes Scotus Franciscanus, litis integratione Ecclesiam perturbat. Ait, Deum potuisse creare ad momentum Virginem in peccato isto, non esse absurdum hoc credere. Dominicani sequentes Thomam, contrarium docent. Hujus doctrinam Johannes XXII. approbavit, autorem ipsum una cum doctrina canonizando, idque odio Franciscanorum, qui Ludovici Bavari Imperatoris, à se excommunicati partes sequebantur. Superstitio priorem opinionem complexa est, quam Mordicus Sorbona propugnat, nixa autoritate

Con-

Concilii Basileensis. Sixtus I V. anno 1476. Bulgas tandem duas promulgat, quarum altera novum officium, compositum à Leonhardo Nogarolo Protonotario approbat, indulgentias cunctis id celebrantibus concedendo; altera anno 1483 edita, utramque sententiam hæresios absolvit. Singulis nihilominus annis, lis inter fratres ita recruduit, ut Leo X. obviam eundum censuerit definienda controversia, sed motu Germanico propositum coactus est omittere. Concilium nostrum negat sibi liquere, remque amplius deliberandam censet. Sed & porro apparet, ne minimam quidem partem superstitionis & idololatriæ, quam scholæ vanissima ὑπερδυσλείας voce obtegunt, ex Ecclesia exterminatam hujus Synodi decreto fuisse.

5. Certitudinem gratiæ divinæ solidè Catharinus defendit. *Legitur, ait, in Evangelio, Christum, quibus peccata remiserit, jussisse eosdem confidere, certaq; amplecti beneficium fide. Non credibile esse Christum voluisse hominibus ansam superbiæ & temeritatis præbere. Scripturam nos jubere Deo gratias agere, de nostra justificatione, quod fieri nequeat, si ignoremus an gratiam justificationis adepti simus. Quis gratias cuiquam agat de eo quod nescit an sibi donatum sit, nec ne? Paulum jubere Corinthios probare an Christus in ipsis sit, nisi reprobi*

R. 4.

sint.

sint. *Alibi dicere, nos recepisse spiritum à Deo, ut intelligamus, quid ab eo dono datum nobis sit. Clarius alibi: Spiritum sanctum reddere testimonium Spiritui nostro, quod simus filij Dei. Ambrosium docere, Spiritum sanctum nunquam loqui nobiscum nisi faciat simul ut intelligamus eum esse qui loquatur. Christum asserere: Mundum non posse recipere Spiritum sanctum, quia eum non videat nec cognoscat, sed discipulos eum cognituros, quia in ipsis habitaturus sit. Quid effectum est hisce rationibus? Nihil;*

6. *De residentia disputatio oboritur. Ministerium Ecclesiæ olim onus & labor erat; jam in dignitatem evasit. Hic abusus majorem absurditatem secum traxit, nempe: Belli homines se non tantum non obligari ad Ministerium sed ne ad præsentiam quidem judicarunt. Curatis liberum fuit per se vel per alium munus obire, sed tamen eorum residentiam Curia requisivit, reliquos Beneficiarios hoc onere sublevavit. Beneficium non-residentie, titulus & stipendium est sine obligatione ullius administrationis, quod pluralitatem beneficiorum peperit. Cum autem Canonistæ regulam tradant: Omne beneficium dari pro officio, per officium preces Breviarii intellexerunt. Sic Ecclesia Beneficiatis, id est, *καργίς* *ἡμετέροις*, & *ἐκτετακτοῖς ἀρχαῖς* repleta est. Curati dispensatione*

tione *privilegium non residendi* obtinent Romæ, eo modo quo facile omnia Romæ impetrantur. Ita horribilis abusus dispensatione Pontificia in immensum excrevit, tandemque Ecclesiam veris pastoribus destitutam pessundedit. Quid hic remedij à synodo allatum est? Omni virium contentione legati studuerunt, ne *residencia divini juris* haberetur. Testor Hispanos, qui pertinaci & obnixa libertate hoc jus perpetuo urgebant. Sed Curia Romana illud mysterium maximum sui status conservandi judicavit, ne Episcopi *divino jure* freti diocesis suam ipsi curarent. Ita enim Papa falcem in alienam messem misisse videretur. Neque enim dispensatio divino juri derogare potuit. Quod si decisum fuerit auctoritatem Episcoporum ἀμέσως à Christo ortam divino jure niti, à culpa non poterit restringi & impediri.

7. De justificatione synodus tot decreta edidit, ut unica hac sessione plus complexa sit Canonum, quam concilia universa continent. Opinor, Aristotelem præsidem hujus sessionis fuisse. Condemnant eos qui negant divina precepta impleri posse. Et tamen synodus ipsa in decreto 2. sess. fideles Tridenti congregatos adhortatur, ut, *confessi peccata, & corpore Christi refecti, divina precepta impleant quantum quisque poterit.*

Sess. 6. Can.  
18.

R 5

terit.

terit. Si iustificatus absolute potest legem implere, hæc restrictio absurda & impia est. Si fidelis potest TOTVM facere, cur jubent eum facere QVANTVM potest?

Sess. 7. Can.  
II.

8. Ab intentione sacerdotis decreverunt veritatem *Baptismi*, *Ordinis*, *Consecrationis* pendere. Hanc doctrinam tanquam lernam malorum explodere cum debuissent, obviis ulnis amplectuntur. Sit sacerdos atheus, magus, hypocrita, qui quatuor vel quinque millia hominum curet. Hic non intender facere quod facit Ecclesia. igitur pœnitentes non absolvet, non baptizabit, non consecrabit Eucharistiam. Omnes itaque damnati erunt. Non dici potest fidem supplere defectum intentionis. Quia infantibus nulla est. Deinde fidei tribuere quod sacramento convenit, Lutheranismum sapit. quid quod concilij sententiâ intentionem requirit, nec addit, fidem vel Deum defectum istum intentionis compensare? illud igitur certum; hoc incertum. Et ita conscientiae perpetuo fluctuare coguntur. Hi casus rari non sunt seculo adeo corrupto! Sed sint rari. Baptizetur unus tantum infans sine intentione tali, qui forte Episcopus evadat; quid sequetur? Ilias certe absurditatum. Ex unius malitia Ministri myrias actionum irritarum emergit. Vnde probant Deum extraordinariis rationibus defectus. hosce.

hosce quotidianarum actionum compensare? Nihilominus synodus in sententia perstitit, *actualem vel virtualem* intentionem sacramento necessarium esse, nec posse cum *contraria intentione* subsipere.

9. Marcus Vigerius Episcopus infinitos abusus tolli posse censebat, totumque clerum reformari, si synodo placeret definire: *Dispensationes necessario requirere justam causam, ut validae & sint & habeantur.* sed contradictum est huic sententiæ eo quod absolutæ Papæ potestati derogaret. Itane autoritas Pontificia eo usque se extendit, ut faciat ne malum malum sit? Nonne *uniones & commendæ ad vitam* absurdissimæ sunt? Olim quidem Ecclesiæ, quarum redditus bello aut alia calamitate intercepti vel imminuti erant, uniebantur. Hoc prætextu unionis Curia R. pluralitatem beneficiorum sine necessitate conjunctorum palliat. O antiquitatis retinentissimam Ecclesiam! *Commendamus*, ait in bulla Pontifex, *tibi hanc Ecclesiam, ut statum tuum pro dignitate eo melius tuearis.* Olim Ecclesiæ destitutæ pastore vicino commendabantur quoad ei de idoneo Ministro prospiceretur. Hæc unio jam morte solvitur, ita tamen ut Curia integrum sit iterum conjungere vel separatas relinquere Ecclesias prout usus ferret. Hinc merito Carranza dixit: *Residentiam Episcoporum*

*porum esse divini-juris, & contrariam doctrinam diabolicam esse*, idque in Concilio Tridentino. Quid Papa? Audaciam hominis detestatur, & non obscure fert, si id definiatur, auctoritatem suam perituram & Papatum ad nihilum redactum iri. *Omnes istos clamores de reformatione tendere ad minuendam Pontificiam, amplificandam Episcopalem auctoritatem.* Permittit quidem decreta edi nonnulla de reformatione, sed cum hac appendice: *Salva semper in omnibus auctoritate Apostolica.* Quis tam hebeti ingenio est ut non videat hæc verba cunctis abusibus retinendis revocandis & stabiliendis servire? Hæc est illa fenestra, quam sibi Papa ad nequitiam aperuit.

Sess. 25. c. 21.

10. In sacramento pœnitentiæ decernunt absolutionem esse *actum judiciale*, eique anathema dicunt qui eam pro *actu ministeriali & declarativo* habeat. Ipsi Franciscani doluerunt, & questi sunt de iniquitate anathematis. Ita docuit, ajebant, Hieronymus, Magister sententiarum, S. Bonaventura & plerique omnes Scholastici.

Frater Ambrosius Pelargus Theologus Ep. Travirensis ajebat, verba Domini: *Quorum remisistis peccata*, à nullo patre relata fuisse ad institutionem sacramenti pœnitentiæ. Itaque iniquissimum esse tanquam hæreticis anathema denunciare, qui veteres

Docto-



Doctores sequantur. Quid enim hæc aliud est, ajebant, quam antiquæ Ecclesiæ doctrinam damnare? *Qui dixerit: hæc verba Christi: quorum remisistis peccata, non intelligi de sacramento pœnitentiæ, sed de autoritate prædicandi Evangelij, anathema sit.* Vbi in antiquitate hujus interpretationis vola vel vestigium?

11. Sed Paulus 3. moritur. Iulius 3. succedit. Qualem reformationem ab hoc homine Ecclesia potuerit expectare, indicio est ridicula creatio Cardinalis *Simia*, quam ipsa Curia ut nimis suspectam deridebat: Cum adhuc præses esset Concilij Tridentini, puerum quendam *Simiæ* custodem tantopere in deliciis habuit, ut omnibus admirationem commoverit. Ajebat se puerum amare tanquam *artificem suæ fortunæ*. Prædictum enim esse ab astrologis, eum puerum ad amplissimam dignitatem perventurum quam obtinere nequeat, nisi ipse Papa fiat.

12. Iulio è medio sublato Paulus 4. succedit. Homo qui nihil aliud legatis principum inculcabat quam autoritatem suam absolutam, qua supra omnes principes esset constitutus. Ajebat se successorem ejus esse qui Imperatores & reges è throno dejecisset: se posse regna mutare & transferre: sæpe commemorabat quo pacto regnum  
Hiber.

Hiberniæ constituisset. Eo usque progrediebatur ut in Consistorio & alibi aperte negaret, se Principem ullum pro socio habere, sed cunctos pro subditis *sub hoc pede*, agebat, terram percutiendo. Sic enim convenire, & sic velle eum qui Ecclesiam Romanam ædificasset, & ad statum evexisset. *Præquam vellemus indecorum aliquid statui nostro committere, vellemus agebat mori, rueret omnia, & ignem in 4. cardinibus mundi accendere.*

Et ab hoc quispiam reformationem expectet? Creat Cardinales contra juramentum in Consistorio præstitum, quæriturque de iis qui hoc ei vitio vertebant, *Quid hoc aliud est, agebat, quam auctoritatem Pontificiam ligare? Nonne hæc est absoluta? Nonne est articulus fidei, quod Papa nequeat ab alio obligari? imo nec seipsum ligare? Quod si quis pertinaciter contrarium dixerit, oppugnaveritque auctoritatem mihi à Deo datam, inquisitionis jure in eum utar. Est mihi opus hominibus fidis, cordatisque. Nihil loci amplius est segnitie neque socordia.* Sed & hic ante exitum Concilij decessit.

13. Sequitur Pius IV. De hoc quid dicemus? Probavit superiorum omnium errores Concilio Tridentino confirmando, qua tamen confirmatione, auctoritatem suam absolutam imminui passus non est, sed posticum

cum sibi, qua elaberetur, reliquit. Conjugium Sacerdotum, & communionem utriusque speciei semper juris positivi habuit, cumque pronus esset natura ad hæc duo vincula relaxanda, passus est se in diversa consilia suggestionibus Cardinaliū abripi. Rex Galliæ calicis restitutionem petebat. Cardinalis S. Angeli respondet: *Se non propinaturum calicem plenum veneni populo Francia loco medicina: melius esse, mori, quam ejusmodi remedio uti: Christum totum esse sub alterutra specie.* Quasi vero non totum Christum per baptismum induamus. Num inde sequitur cœna opus baptizatis non esse? Certe antiqua Ecclesia baptizatos statim ad cōmunionem admisit. Fr. Michaël Cardinalis Alexandrinus addebat: *Papam non posse calicis usum permittere. Quia hæreticum esset calicem petere, ut necessarium, hæreticos non esse capaces gratiæ:* Obtento calice, matrimonium Sacerdotes Gallos petituros, familiæ addictos Romanam obedientiam abjecturos: Beneficia ut hæreditatem adituros: Romam denique oppido in angustum coacturos: Principiis obstandum. Quid fit? Papa rem ad Concilium defert: Concilium ad Papam.

*Sic luditur orbis, dum se vult reformari.*

14. Ut autem constet, quanta cum libertate Concilium celebratum sit, attendamus oportet decretum editum fuisse: *Ne quis-*  
*quam*

Sess. 17.

*quam auderet quippiam in publico confesso proponere; sed omnia proponentibus Legatis, examinarentur.* Huic decreto Hispani, Galli, aliique acerrimè semper restiterunt, & ad finem Concilii usque eidem constanter & liberè contradixerunt. Nihil aliud perpetuis querelis ingeminarunt Principes, Reges, Imperator, quàm libertatem suffragiorum Episcopis eripi. Quis hinc reformationem expectet? Prætextus erat, ut ordo servaretur: Causa vera, ne libertas Episcoporum, Curia R. incommodaret.

Sess. 25.

15. Anno 1559. ex statuto Concilii Tridentini, Paulus I V. judicem librorum prohibitorum componendum curavit. Quo sane judice auctoritatem & splendorem R. Curia mirificè auxit, reformationis vero omnem spem præscidit. Nam illo non tantum libros hæreticos & pestiferos, sed & eos, quibus potestas Principum contra usurpationes R. Curia, item Conciliorum & Episcoporum auctoritas contra Monarchiam Papalem defenditur, eadem severitate & religionis obtentu comprehendit. Nunquā ante inventum mysterium est accommodatius hominibus specie religionis in bruta ignorantia detinendis. Annotationes Erasmi in Novum Testamentum eandem aleam subeunt, licet Papa Leo X. anno 1518. *Brevi Apostolico* Romæ dato easdem approbarit.

Quid

*O serva pecora!*

17. Reformaturi matrimonia clande- sc. 24.

**S**

matrì-

matrimonium est ratum & verum matrimonium, igitur est sacramentum proprie ita dictum. Omne autem sacramentum est res sacra instituta à Christo. Quomodo igitur hoc sacramentum omni tempore Ecclesia R. detestata est & prohibuit? Si clandestinus consensus sponsum peccatum est, eo non fit sacramentum. Si non est, cur Ecclesia istum detestatur? Distinguant sane consensum à vitio consensui adjuncto. At non est quæstio de consensu absolute considerato; sed de consensu clandestino. nulum sacramentum fit per actionem vitiosam. Si ea circumstantia actionem detestabilem reddit; quomodo sacramentum producit? Quis credat vitioso & abominabili actu rem sacram & divinæ institutioni conformem effici? Quis unquam credat proprie ita dictum Ecclesiæ Catholicæ sacramentum aliquo respectu detestabile dici; vel actionem, qua fiat & peragatur, propter vitium adhærens, prohiberi posse. Sed pergunt.

*Si quis dixerit, matrimonium ratum non consummatum, per solennem religionis professionem alterius conjugum non dirimi, anathema sit.* En articulum, fidei Catholicæ! Matrimonium ratum est vinculum divina lege institutum. Scriptura ait, inter Iosephum & Mariam, verum matrimonium intercessisse. Solemnitas

nitas professionis monasticæ est juris positivi, ut Bonifacius 8 decrevit. Quomodo jus positivum juri divino derogabit? Num sponsi conjuncti vinculo insolubili legis divinæ Ecclesiastica constitutione solvi possunt?

18. De præcipuis nostri temporis reformatoribus Iesuitis aliquid dicendum est. Concessum est Mendicantium ordini decreto Concilij ut bona immobilia possideat licet ea possessio institutioni ordinis repugnet. Franciscus Zamorra Generalis Minorum, hoc privilegio ordinem suum usurum negat; sed ex præscripto S. Francisci potius mendicato victurum, petitque suum ordinem excipi. Thomas de Castello Capucinorum generalis idem privilegium recusat. Pater Lainesius generalis Iesuitarum idem facit. Collegia ait quæ Magistris scholarum religionem nondum professis consentiendis indigere: minime vero *domus professas*, quæ omnis dominij abdicatione puram putam paupertatem amplectantur. Assensum est facillime. Sed postridie poenitentia ductus exceptionem istam tolli cupit. Societatem quidem nudam pauperiem sine dote quærere in domibus professis; sed nolle coram mundo hoc propalare, deque ea multum gloriari; meritum apud Deum repositum sufficere, quod tanto majus futurum sit, si per concilium *bona immobilia*

possidere ipsis liceat, nec tamen possideant. Quam bene hæc societas Ecclesiam reformat, Mysteria patrum Iesuitarum edita nuper in Belgio luculente nos docent. Senatus Parisiensis hosce Reformatores publico senatus consulto *juventutis corruptores* appellavit. Defensor Petri Aurelij, autor confutationis collectionis. *Quas turbas hi excitavit in Academias, senserunt pene omnes Academie, & imprimis hæc ipsa Parisiensis, tum saepe alias tum mirum in modum novissime: quas in alios ordines, senserunt nuper in Germania Mendicantes, in aliis regionibus alij. In Episcopos & Hierarchiam quam contumeliosi fuerint, tum innumera exempla tum novissime illustrissimorum Gallie Antistitum, judicia ostenderunt: quam atroces in Reges, tum senatus consulta, tum eorum tot libri etiam à summo Pontifice ob eam causam damnati, ut liber Becani in Regem Anglia. Impudentissimum est Iesuitas tantarum veritarum lucem contumeliosam sibi dicere, quasi alia ratione fama eorum salva esse non possit nisi omnes homines caecos faciant; & vel mente vel memoria spolient.*

19. Plurima discussione digna in Concilio restabant, sed Patres Canonum & Anathematismorum obsaturati ad finem properabant. Pius 5. illud:

*Sat prata biberunt.*

Cogi-



Cogitabat. Hinc uno ore omnes sibi plaudere & quasi re bene gesta domum reverti. Legati Moronus & Simoneta Romanam suffarcinati redeunt, petuntque actum agi, id est, decreta Tridentina confirmari. De dogmaticis Canonibus Curia non multum sollicita, propter decreta de Reformatione conturbatior erat. Nam videbat sibi non amplius licitum ingenio suo frui. Pius Papa amplius rem deliberandam censeret. Nonnulli in Consistorio ajebant, decreta de moribus non posse sine restrictione & correctione confirmari. Cardinalis Amulius suadet, ut decreta absolute confirmentur. Mundum offensum iri gravissime, si Concilij tanto conatu, sumptu, labore coacti decreta statim in initio mutentur & abjiciantur. A poco à poco Curiam in ingenium suum posse remigrare, & fructus ad tempus interceptos cum fœnore recuperare. *Le cose, ajebat, pian piano, col tempo, insensibilmente, è senza che il mondo se'n'accorga, nell' istesso stato torneranno. Non è cosa più utile per li tempi correnti, che spargere fama è nutrirla, che il concilio habbia fatto una santa necessaria e perfetta riforma. Così facendol' humor del mondo à poco à poco s'acquieterà, e con le dispense potrà la sanità sua provvedere à suoi ministri senza violatione. de decreti del concilio: poiche in quei medesimi è*

Fallacia alia  
etiam trudit.  
Sapienti sat  
dictum.

S 3

rifer-

*riservata l'autorità Apostolica.* Hugo Bon-  
compagno Episcopus Curialis aiebat, se  
non posse non timorem Curia mirari. Non  
majorem confirmatione Papæ Concilio  
huic auctoritatem quam reliquis Conciliis  
decretalibusque tribui, quibus sedes Apo-  
stolica non ligetur. Legem non consistere  
in verbis sed in sensu, quem sibi Curia sem-  
per reserver. Ita decreta confirmata sunt.

Quot patres Concilij Cardinales fide-  
li opera sedi Apostolicæ navata creati  
sint, in calce Historiæ Con-  
cilij Tridentini Petrus  
suavis enarrat.

P A R S



PARS POSTERIOR,  
DE  
RELIGIONE  
PROPRIA PAPATUS.

CAPUT I.

*Bulla professionis fidei. Circulus Papi-  
sticus. Hæreseos purgatio.*

**E**GO N. firma fide credo & profi-  
teor omnia & singula, quæ continen-  
tur in symbolo fidei, quo S. Roma-  
na Ecclesia utitur. Hoc totum  
Symbolum Ecclesia reformata  
amplectitur, quia in verbo Dei continetur.  
Hoc est commune vinculum omnium Chri-  
stianorum, quorum simplicitas tradita ab  
Apostolis doctrina contenta est: Hoc salu-  
ti verò credentium sufficit, modo vitam è  
præceptis Jesu Christi conformem instituunt.  
Hoc aliorum quam Bellarmini, Costeri, &  
Acostæ testimoniis probandum non susci-  
pimus. quorum ille: *Apostoli proposuerunt*  
*communes articulos fidei, Symbolum, 10 præce-*

De verbo  
Dei l. 4. c. II.  
nota secundo.

Enchirid. c. 1.

L. 3. de Christo revelato, c. 20.

pra, paucis Sacramenta, ideo, quia haec simpliciter necessaria omnibus. Idem: Non inficiamur praecipua fidei capita, quae omnibus Christianis ad salutem sunt necessaria, perspicue satis esse in Apostolicis scriptis comprehensa. Hic. Sunt loca scripturarum obscura, sunt alia aperta. Quae ad salutem sunt necessaria, aperta sunt omnia. Quin imò Becanus, & plerique omnes Doctores Romanae Ecclesiae, duplex praecipuum affirmativum & negativum circa fidem tradunt, quorum illud Christianos obligat ad duplicem fidem, *Explicitam* praecipuorum tantum capitum, quod absolute sint ad salutem necessaria, prout in *Symbolo Apostolico continentur*, & *implicitam*, quae simpliciter & generatim amplectitur omnia Verbo Dei revelata, seu omnia quae Ecclesia credit, licet ignoretur quid credat. Hoc Christianis prohibet, à quocunque capite religionis, quod à pastore ordinario tanquam à Deo revelatum, sufficienter proponitur, dissentire, vel de eo dubitare. Utrique praecipuo obtemperamus. Nam credimus generatim, omnia verissima esse, quae Deus Ecclesiae per verbum suum revelavit: deinde omnia quae in Symbolo tanquam absolute necessaria comprehenduntur; nec à quoquam capite religionis dissentimus, quod *sufficienter* tanquam revelatum proponitur. *De doctrina Papae propria* tenemus, eam non tantum non

non revelatam esse, & hominum ingenio & prudentiæ politicæ, ad quæstum religionem trahenti deberi; verum verbo revelato summè contrariam ipsis Catholicæ Ecclesiæ doctoribus, & visam olim fuisse, & adhuc videri. Negamus itaq; *sufficiter* dogmata papatus nobis proponi. Hoc totū hac altera parte tractatus nostri probandum suscepimus.

Irenæus ait: *Apostolos Evangelium prædicasse, deinde in Scripturis illud nobis reliquisse, & columnina fidei nostræ esse.* Hoc totum amplectimur. Hoc eo sensu intelligimus, quo Catholici & pii Doctores Ecclesiæ intellexerunt. Hujus Apostolicæ fidei (quæ ab initio fuit,) prædicatio, Ecclesiam seculis retroactis conservavit. Narratur de Redwalde Rege Saxoniae Orientalis, qui primus totius suæ nationis baptismo tinctus est, quod à conjuge Ethnica seductus in eodem templo, duo altaria crexerit, quorum alterum Christianæ, alterum Ethnicæ religioni dedicavit, partim Christo, partim Be-  
 liali servitium exhibiturus. Ita Papatus Romanus partim Christianismum, partim Papi-  
 simum in Ecclesiam invexit. Michaël Cœcœnas Generalis Franciscanorum, ante 400 quasi annos dixit: Duas esse Ecclesias: alteram malorum florentem, cui Papa dominaretur: alteram bonorum oppressam, in quo yiri pii affligerentur.

Camb. Brit.  
 Angl. p. 465,  
 Beda.

## Fides Papatus propria:

1. *Apostolicas & Ecclesiasticas traditiones, reliquasque ejusdem Ecclesie observationes & constitutiones firmissimè admitto & amplector.*

2. *Sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta unanimum consensum Patrum accipiam, & interpretabor.*

3. *Profiteor quoque septem esse verè & propriè Sacramenta nova legis à Iesu Christo Domino nostro instituta, atque ad salutem humani generis, licet non omnia singulis necessaria, scilicet Baptismum, confirmationem, Eucharistiam, poenitentiam, extremam unctionem, ordinem & matrimonium, illaque gratiam conferre, & ex his baptismum, confirmationem & ordinem sine sacrilegio iterari non posse. Receptos quoque & approbatos Ecclesie Catholica ritus, in supradictorum omnium Sacramentorum solemni administratione recipio & admitto.*

4. *Omnia*

4. *Omnia & singula que de justitia originali, & de justificatione in sacrosancta Tridentina Synodo definita & declarata fuerunt, amplector.*

5. *Profiteor pariter in Missa offerri Deo verum, proprium, & propitiatorium sacrificium pro vivis & defunctis, atque in sanctissimo Eucharistia Sacramento esse verè, realiter & substantialiter corpus & sanguinem una cum anima & divinitate Domini nostri Iesu Christi, fierique conversionem totius substantie panis in corpus, & totius substantie vini in sanguinem, quam conversionem Catholica Ecclesia, Transubstantiationem appellat.*

6. *Fateor etiam, sub altera tantum specie, totum atque integrum Christum, verumque Sacramentum sumi.*

7. *Constanter teneo purgatorium esse, animasque ibi detentas, fidelium suffragiis juvari.*

8. *Similiter & Sanctos una cum Christo regnantes, venerandos & invocandos esse, eosque orationes pro nobis Deo offerre, atque eorum reliquias esse venerandas.*

9. Fir-

9. Firmissime assero imagines Christi ac Deiparæ semper-virginis, nec non aliorum sanctorum habendas & retinendas esse, atque eis debitum honorem & venerationem impertiendam esse.

10. Indulgentiarum etiam potestatem à Christo in Ecclesia relictam fuisse, illarumque usum Christiano populo maxime salutarem esse affirmo.

11. Sanctam Catholicam & Apostolicam Romanam Ecclesiam omnium Ecclesiarum matrem & magistram agnosco, Romanoque Pontifici B. Petri Apostolorum Principis successori ac Iesu Christi vicario vram obedientiam spondeo ac iuro.

12. Cætera item omnia à sacris Canonibus & Oecumenicis Conciliis, ac præcipue à sacrosancta Tridentina Synodo tradita definita & declarata indubitanter recipio, atque profiteor, simulque contraria omnia, atque hæreses quascunque ab Ecclesia damnatas & rejectas & anathematizatas ego pariter damno, rejicio & anathematizo.

Papatus asserit hanc esse veram Catholicam fidem, extra quam nemo salvus esse possit.

Datum



Datū Romæ apud S. Petrum Anno 1564  
idibus Novembris. Pontificatus 5. anno.

FED. CARD. CÆSIVS.

CÆS. GLORIERIVS

Suarez docet duo esse necessaria, ut fides sit Apostolica. 1. *Vi ab Apostolorum predicatione, originem duxerit.* 2. *ut per legitimam successionem & traditionem ad nos pervenerit.* Fatemur. Sed dicimus utraque conditione hosce duodecim novæ fidei articulos defici. Respondet ille: *Aliud esse credere aliquid repugnans dogmatibus Apostolicis: aliud credere aliquid per modum additionis ad doctrinam predicatam ab Apostolis, quod ab eis expresse declaratum non sit, vel saltem declaratum esse non constat.* Addi enim aliqua posse credenda hoc modo declarationis, quæ prius expresse & formaliter predicata non erant, dum modo antiquioribus non repugnent, & legitima potestate proponantur, id est, ab Ecclesia definiantur: Spiritum sanctum non simul docere Ecclesiam omnia, quæ ad supernaturalem doctrinam pertinent, sed pro temporum opportunitate juxta dispositionem occultissimam suam providentiam. Post Apostolorum tempora Ecclesiam in multis illuminari, quæ posteriori tempore necessaria fuerint, & non priori: Apostolum non novitates, sed prophanas novitates prohibuisse: Implicite hæc in antiquis contineri, esseque non tam nova, quam antiqua novè proposita: fidem Ecclesie  
unam

Contra Re-  
gem Angliæ.

*unam esse, nec mutari accidentali augmento & diminutione, sc. majori & minori rerum declaratione: eum qui pro unico articulo moritur, pro omnibus mori, si eum fide Catholica credat.*

Respondemus. 1. Romanam Ecclesiam nobis vetus & novum testamentum, continua successione tradidisse: In eo autem totam religionem contineri, Patrum fere suffragio & consensu evicimus. Ad hanc regulam exactissimam necesse est, omnia dogmata examinemus. Itaque quod ab Apostolis non est prædicatum, neque in eorum scriptis continetur, denique nec continua successione doctorum omnium ad nostra tempora deductum: id cuius Catholico rejiciendum est. Tales autem sunt hi novi articuli papatus. Majorem nobis Apostolus suggerit.

Gal. 1. 1.

*Etiamsi nos aut angelus è cælo annuntiaverit vobis præter id quod annuntiavimus, anathema sit; sed papatus εὐαγγελίζεται aliquid præter Pauli Evangelium, imo contra illud, nempe traditiones ἀρχαίους.* Totum enim Evangelium Pauli scriptum est, ut

1. 3. contra  
lit. Petiliani.

Augustinus docet. *Si quis sive de Christo, sive de ejus Ecclesia, sive de quacunque aliare, que pertinet ad fidem vitamque nostram, non dicam, si nos, sed quod Paulus adjecit, si angelus de cælo vobis annuntiaverit, præterquam quod in scripturis legalibus & Evangelicis*

*licis accepistis, anathema sit.* Itaque maledictio Concilij Tridentini in ipsos autores recidit. Ajunt agere Apostolum contra eos qui contrariam doctrinam tradebant? Num hinc sequitur præter significare contra. Ex latiori angustius sequitur; Si nihil præter; E. nec contra doctrinam Pauli tradendum. Hinc Chrysostomus; *Non dixit, si contraria annuntiaverint aut totum subverterint; sed si vel minimum evangelizaverint præter id quod evangelizavimus.* Ita Theophylactus. Certum enim est Apostolos plenam doctrinam fidei proposuisse. Apostolus ait, se nihil subtraxisse, quominus omne Ephesiis consilium Dei enuntiaret. Rursus dicit se *ὃ δὲ ἐν ἐκτός γε φητῶν* tradidisse. Andradius annotat Pauli scopum esse ut objectum sibi à Iudæis crimen dilueret, nempe quod contraria doceret Mosi. Hoc se crimine non purgasset, si aliquam suæ doctrinæ partem, non totam doctrinam in lege contineri dixisset. Imo contextus indicat quod reddat rationem totius suæ prædicationis præcedentibus verbis. Itaque agit tantum de passione & resurrectione Christi. At Apostolus ait, quæ prædixere Prophetæ, non quæ scripserunt. Hoc futile. Quod enim Moses & Prophetæ prædixerunt, scriptum fuit. Habent Mo- sen & Prophetas, inquit Christus, id est, scripta

Act. 20.

Act. 26.

scripta eorum. 3. Nihil extra Prophetas prædicavit, id est, contra Prophetas. Hæc est desperata audacia, quæ Grammaticæ leges infringit. Extra certè est alterius significatus ac contra. Dent exemplum, ne videantur in scriptura id tentare quod Duaceni in Bertramo, aliorumque patrum scriptis se facere profitentur, quorum incommodis locis excogitato commento commodum sensum affingunt. Si itaque Paulus Papatus hæc capita fidei non prædicavit, neque scripta erunt. Itaque cum S. Basilio ea rejicienda. *Φανερά γὰρ ἐκπλώσις πίστεως ἢ ὑπερηφανείας σημεῖον, ἢ ἀθετεῖν τῶν γεγραμμένων, ἢ ἐπιπάγειν τῶν μὴ γεγραμμένων*, id est, *Manifesta defectio à fide & superbiæ indicium, rejicere aliquid scriptum, vel introducere aliquid non scriptum*. At sequeretur novum testamentum in veteri contineri si Paulus extra Prophetas nihil prædicasset. Respondeo, doctrinam de fide & moribus quam Prophetæ docuere, contineri in Mose, rursus quam Apostoli tradidere, in Prophetis comprehendi. Non ut in semine, sed ita ut singula capita suis testimoniis disertis & necessariis confirmantur. Sacramenta ibi non continentur, quia non sunt dogmata sed eorum appendices & gratiæ signacula, neque miracula ad articulos fidei

fidei, sed ad historiam pertinent, & sunt prædicta in Prophetis. Ita nullum dogma fidei est vel morum in N. T. quod in V. T. non fuerit traditum: manifestius quidem in Novo: obscurius in Veteri. Eadem enim fides est. Hinc Hilarius: *ea qua libro legis non continentur, nec nosse debemus.* In Ps. 132. Hinc necessario concludimus, eum qui aliquid addit Apostolicis dogmatis, iisdem repugnare.

Addi posse ab Ecclesia Romana aliquid ad fidem per modum declarationis, ambiguum est. Nempe ut vel id quod obscurius dictum est in Scriptura, declaret & exponat fidelibus. At sic nihil additur ad fidem. Aliud est addere ad fidem, & aliud eandem fidem declarare. Additio verita est; declaratio mandata. Nos agimus de nova propositione, quam Deus in Scriptura non revelavit. Verbum illud ἀγχαφον & ἰγχαφον non esse regulam fidei, ipse Bellarminus docet, nam ait regulam debere continuam esse. Hoc venit in quæstionem: an id credendum sit, quod Christus non mandavit, neque Apostoli expresse credendum proposuerunt. Angelis ipsis talem potestatem non convenire cum Apostolo, asserimus, ut aliquid novum Ecclesiæ proponant, nedum Ecclesiæ Romanæ, cujus superbiam, luxum, & scelera, totus orbis detestatur. Spiritum sanctum non omnia omnibus simul revelare fatemur;

T

cogni-

cognitione fideles paulatim proficere. Sed hoc in controversia non ponitur. Quæritur: an Spiritus Sanctus nova dogmata Apostolis incognita & indicta & inaudita, Ecclesiæ Romanæ revelet? Paulus negat. Aliàs non devinxisset eos tam grandi execratione, qui præter id quod ipse docuerat, aliquid adjicerent. Quicquid vero in antiquis & Apostolicis dogmatibus continetur, & ex iisdem recte colligitur, accipimus. Denique Suarez sibi persuadet, 1. Hæreticos aliqua dogmata Catholica credere, non quidem Catholica seu Divina fide; sed tantum opinione humana. 2. Aliud esse verba Apostolica retinere, aliud sensum. Nam verba Symboli de descensu Christi ad inferos, de judicio ex operibus, de Ecclesiâ Catholica, nos aliter exponere, ac ipsi ea intelligant. Ad primum respondeo ex ipso Suarezio. Fidem Catholicam seu Divinam, duplici significato dici. 1. ratione objecti. 2. ratione credendi. Priori modo fides divina dicitur, quicquid Christi nomine ab Apostolis est traditum. Hanc fidem agnoscimus, nec aliam doctrinam probamus, eamque dicimus in Scripturis tradi, suffragantibus cunctis Ecclesiæ Doctoribus. Posteriori est assensus divinus, à Spiritu sancto excitatus, tanta certitudine constans, ut dubitationem excludat omnem propter autoritatem Dei revelantis.

Hunc

Hunc assensum cur Suarez nobis deneger, non video. Quod enim credimus, ideo credimus, quia Deus id revelavit. Medium autem istius revelationis est Scriptura, principium *ἀρχή* fidei nostræ, ut Patres omnes docent. Papatum autem opinione humana mysteriis fidei assentiri, haud difficile probatu. Quicquid Papista credit, ideo credit, quia Ecclesia, id est, Papa dicit. Is autem homo est, nec Propheta, nec Apostolus, nec Evangelista, sed sæpissimè erravit, meraque superbiloquentiâ immunitatem ab errore sibi adsciscit, experientia contrarium testante. Scriptura est quæ nos potest σοφίᾳ  
i. e. sapientes reddere vel erudire ad salutem. ita Salmero explicat. *Electa sunt que scriberemur, que salutem credentium sufficere videbantur.* Scriptura est perfecta doctrina, convertens animas. Jam animæ conversio ad Deum non tribuenda est ipsi, nisi omnia necessaria ad fidem & mores edoceat. Quævis pars legis perfecta est, sed integram animæ conversionem non efficit. Falsum est itaque nos aliqua tantum dogmata Catholica, non omnia credere. Nam simpliciter & unice credimus, *omne à Deo revelatum.* At alio sensu quam Romana Ecclesia articulos fidei credimus. Omnia credenda dicimus secundum analogiam fidei, & Doctorum Ecclesiæ explicationem, statuimusque Scriptu-

2. Tim. 3.

In hunc locum August. tr. 49. in Joh. Pl. 19.

ram explicandam ex Scriptura ; quem modum Augustinus nos edocuit de doctrina Christiana, l. 1. c. 2. Hunc vocant sinceræ veritatis Catholicæque doctrinæ testem, omni exceptione majorem : ejusque doctrinam fatentur totius Ecclesiæ suffragiis, legibus, moribusque nixam esse. Conf. Augustiniana præfat. Quid ultra volunt ? Sed Papistæ cum nobiscum de autoritate Papæ disputant, quomodo se gerunt ? Certè ineptissimè. Proferunt testimonia Scripturæ, quibus illam stabiliant. Quæritur de vero sensu eorum testimoniorum ; hunc dicunt petendum esse ex interpretatione Ecclesiæ ; hanc quærendam in Concilis : Concilia robur habere ab autoritate Papæ. Itaque autoritas Papæ probabitur per autoritatem Domini Papæ. Bellum sane circulum in fidei Christianæ principio Papistico quis non explo-dat ? Quid autem fiet de fide, si Urbanus 8. phrenesi corripiatur ? vel si, in cælum descendat ? Tum forsàn R. E. nihil creder. Sed rem totam de circulo Papatus accuratius persequi, animus est. Omnis disciplina ex uno ad aliud progreditur, & unum ex alio probat. Talis deductio & discursus debet desigi in aliquo principio, quod aliunde non probetur, alias vel in circulum, vel in infinitum abeat, necesse est. In Theologia (quæ est habitus intellectus practicus è revelatione divina



divina factis literis comprehensa, docens æternæ vitæ viam) idem evenit. Hæc enim primum in ordine ad cognitionem Christiani hominis agnoscit, nempe principium complexum. Sed cum disciplina humana lumine naturæ: Theologia lumine fidei cognoscatur: In illa ratio assentiendi est dictamen rectæ rationis; in hac autoritas Dei revelantis. Sed utraque ratio remotior est, quam ut discursum ingrediatur. Physicus proximè è physicis principiis conclusiones elicit, non ex hoc generalissimo omnium disciplinarum principio: Quicquid recta ratio dictitat, verum est. Adeo ut Ratio non sit medium logicum discursus; sed principium physicum, quo homo idoneus est ad assensum conclusioni præstandum per discursum, principiis evidentibus per intellectum. Ita etiam revelatio Dei non tam principium logicum est, quàm physicum, quo Christianus conclusionem theologicam percipit. Nam revelatio divina efficit, ut exister aliqua disciplina supernaturalis, ut ita discursus theologicus possit institui. Summa revelatio divina est causa efficiens theologiæ, eamque disciplinam utrimque fatemur è revelatione divina profectam. Hujus disciplinæ principium complexum quærimus, primum in compositione, & ultimum in resolutione, nempe principium conclusionum

T 3

omnium

omnium credendarū. Id non est aliud quàm hoc: Quicquid Sacra Scriptura docet, verum est. Papistæ hoc coguntur fateri vel inviti, cum adsumunt hoc principium: Quicquid Papa decernit è cathedra, est verum. Sed an non hoc principium suum alio principio probant? Nonne ita ratiocinantur? Super quem ædificata est Ecclesia, hic non nisi verum è Cathedra docet. At super Papam est ædificata Ecclesia. Ergo, Minorem Matth. 16. probant: Tu es Petrus. Unde syllogismus ex principio nostro: Quicquid docet Scriptura, est verum. Sed Scriptura docet Papæ Ecclesiam inædificatam esse. Ergo hoc verum est. Ita probant traditiones ex 2. Thess. 2. 15. autoritatem Ecclesiæ, Luc. 10. 16. Unde certum est, hæc principia, Quicquid Papa, Ecclesia, cōcilium, traditiones tradunt, verum est, ad hoc principium: *Quod Scr. pura docet, verum est*, reduci, ex eoque deduci. Hoc igitur ultimum in resolutione: ut primum est in compositione. Nisi in hoc sistas principio, circulum committas, aut principium petas, necesse est, quod Papistæ evenit. Nam credit vera esse quæ Scriptura dicit, ideo quia id Ecclesia testatur: & rursus credit vera esse quæ Ecclesia dicit, quia id Scriptura testatur. Nostrum principium Theologicum sola revelatione cognoscitur, & ab universis ad-

mit-

mittitur, qui lumen revelationis divinæ admittunt: Non potest demonstrari aut probari à priori per discursum, ut Papistica principia, sed sola efficacia divina percipitur & tenetur. Quod enim principiis humanis per intellectus habitum cognitis evidētia præstat: hoc scripturæ sacræ efficacia divinitus indita. Hinc Petrus; verba habes vitæ æternæ. Hæc efficacia sola à Spiritu Sancto per verbum animos hominum convincit, fidemque huic principio supernaturali immotam conciliat. Ut ita non humana sed divina fide relevata in scripturis credamus. Præter illam efficaciam Spiritus sancti assensus noster, quo scripturam recipimus, potest pendere è variis occasionibus secundum ordinem nostræ cognitionis, nempe institutione parentum, præceptorum, conversatione, lectione, aliisque infinitis: atque etiam ex argumentis quibusdam quæ fidem quidem humanam per sese gignunt, scripturæque revelationem credibilem reddunt, qualia sunt plurima. Neque negandum est plurimos autoritate Ecclesiæ ad fidem induci, quin experiantur tot nationes excultissimas ingenio & eloquentia scripturæ sacrosanctam majestatem agnoscere. Hoc est quod negamus, fidem ipsam divinam ab ejusmodi Ecclesiæ autoritate, tanquam à causa, effectum per

Ioh. 6. 68.

se producente pendere. Nam fides hominis Christiani qua scripturam ut verbum Dei recipit, proprie, proxime & per se non aliunde dependet, quam ab ipsa scriptura. Est enim *αὐτόπιστος καὶ ἀναπόδεικτος*; ex eaque omnis notitia & autoritas Ecclesiæ ad nos devenit. Nullus autem Papistarum est, quin Ecclesiæ ideo credat quia scriptum sit eam columnam veritatis esse. In hoc ultimo necesse est discursus quiescat, aut redibit in circulum. Nam scriptura ab Ecclesia capere autoritatem non potest, quam ei dedit. Hinc S. Apostolus: *ὡς λαβόντες λόγον ἀκροῦς παρ' ἡμῶν, ἔθεῖ, ἐδέξαθε ἔ' λόγον ἀνθρώπων, ἀλλὰ*  
*1 Thess. 2. 17* *(καθὼς ἐστὶν ἀληθῶς) λόγον θεῖ, ὃς καὶ ἐνεργεῖται ἐν ὑμῖν τοῖς πιστεύουσιν.* Thessalonicenses crediderunt Pauli verbis non moti argumentis, hæc enim humanam tantum fidem penetrant; non autoritate Ecclesiæ, hæc enim incognita illis infidelibus erat: non autoritate Pauli, quæ exterius exigua aut nulla erat. Ergo efficacia sermonis. Quod si assensus qui scripturæ præbatur ab Ecclesiæ autoritate tanquam à causa per se penderet, nunquam produceretur, nisi per illam autoritatem. quod tamen falsum est. Exemplum non tantum in Thessalonicensibus sed in Indro illo habemus celeberrimo  
lectio-



positio, *Quicquid Papa definit, verum est*, notior & ignotior est? Nonne eadem propositio respectu sui ipsius causa & effectum est? prior & posterior? Nonne idem prorsus per se ipsum demonstratur? Nam cum requiro probationem majoris, prior syllogismus repetendus est: si & hujus syllogismi majoris probationem Papista requirat, posterior syllogismus redibit, idque in infinitum circulum. Eadem propositio in eodem continuatæ demonstrationis progressu notior & ignotior est respectu sui ipsius. Hoc est vitium in argumentando non quidem formæ: sed materiæ, de quo Aristoteles tractat. Circuli affinis est petitio principij, quæ est probatio ejusdem per idem, ut in discursu circuli ab eodem ad idem reditur. Quod scriptura docet, est verum, quia quod Papa docet est verum. Et quod Papa docet est verum, quia quod scriptura docet est verum. Gretserus fatetur se circulum vitare non posse, sed non omnem circulum vitiosum esse. Exempli loco regressum affert, sed circulus habet 3. partes. 1. Demonstrat propositam quæstionem. 2. Demonstrat majorem è conclusione, loco majoris in altero syllogismo posita, & minore conversa. 3. Probat minorem è conclusione loco minoris posita & majore conversa. In regressu 1. major non demon-

Rost. analyt.  
c. 3. context.  
24.

Tr. 1. unde  
seis?

demonstratur, sed tantum minor, idque ex  
 majore primæ demonstrationis conversa  
 & conclusione loco minoris posita 2. in  
 circulo omnis progressus à causa ad effe-  
 ctum procedit; at regressus prius quidem  
 ab effectu ad causam, deinde à causa ad ef-  
 fectum pergit. 3. in circulo idem est prin-  
 cipium & finis. Nam quod in secundo &  
 tertio syllogismo demonstratur id in primo  
 distinctè cognitum erat. At regressus tendit  
 ab effectu confuse cognito ad causam con-  
 fuse cognoscendam, deinde à causa distin-  
 ctè cognita ad effectum distinctè cogno-  
 scendum. Regressus in Physicis usus est ma-  
 ximo, & circa effectus in sensus incurrentes  
 maximam partem versatur. 1. Ex sensibili  
 effectu deprehendit causam esse. 2. Ex  
 comparatione illius causæ cum effectu co-  
 gnoscit illam causam esse causam hujus ef-  
 fecti. 3. Instituit demonstrationem *Ex Noz.*  
 1. Cubiculum illustratur. E. sol ortus est.  
 2. Sol ortus est causa illustrati loci. 3. De-  
 monstratio à priore fit. Cum sol hoc tem-  
 pore anni oritur, cubiculum illustratur. At o-  
 ritur E. Gregorius de Valentia distinguit in-  
 ter causam ipsius fidei, secundum se nempe cur  
 quis firmiter credat; & causam ob quam ac-  
 ceptarit quis eam fidem 1. E. G. Cum quæ-  
 ritur cur quis credat resurrectionem mor-  
 tuorum, respondendum esse, quia eam Deus

Tom. 3. disp.  
 1. q. 1. pu. 1.  
 §. 10.

rege-

revelavit. Porro cum quæritur: Vnde cognoscis, Deum revelasse? ait, respondendum, ob infallibilem propositionem Ecclesiæ tanquam ob conditionem ad id credendum requisitam. Porro si quærat, unde cognoscat hanc propositionem esse infallibilem, ait, respondendum, ob revelationem Scripturæ, cui credat propter seipsam, quamvis Ecclesiæ propositione opus sit ut requisita conditione. Sed minime satisfacit dubio expediendo: circulus manet. Quia conditio fidei, quæ varia potest esse, non venit in controversiam, neque occasio, vel externa argumenta ad fidem inducentia; sed *primum principium complexum omnium quæ Christiana fide creduntur*. Prima propositio *credita per se*. Stapletonus fatetur Scholasticos in Ecclesiæ revelâtis vocem tanquam supremam autoritatē incautius imperitiusque fidem resolvisse: adeo ut hoc axioma: *quicquid Ecclesia dicit verum est, pro primo principio complexo omnium credendorum habuerint*. Idem Armantus: *In Ecclesia fit ultimo controversiarum fidei resolutio*. Et quid aliud Bellarminus, cum docet scripturas pendere ab Ecclesia, sc. quoad nos, non secundum se, id est, Nostram fidem non pendere à scriptura per se, sed propter Ecclesiæ autoritatem. Itaque res eo redit ut scripturæ propter Ecclesiam credamus. Sed saniores Papistæ aliter

In Ep. ad  
Camierum.  
p. 21.



aliter vi veritatis constricti. Ecclesia est medium, non principium ultimum credendi: est medium fidei accipiendæ externum, non principium à quo per se assensus fidei pendeat, est causa sine qua non, est causa proponens, non fundamentum vel ratio formalis credendi. Simile est de muliere Samaritana. Hæc mulier mystice, ut collegium Anglo-Remense docet in hunc locum, Ecclesiam repræsentat, & significat, homines primo credere, quia sic tradit Ecclesia, postea ipsis scripturis magis confirmari. Papista mulierij plus fidei quam ipsi Messia tribuit. Illud quod Deus revelat verum esse à nullo Turca vel Iudæo negatur. Itaque non est proprium principium fidei Christianæ. Neque enim fide id apprehenditur, sed ratione percipitur. Principium autem fidei debet esse *ὁμολογῆς* ipsi fidei. Itaque nullum aliud agnoscimus quam hoc unicum: Quicquid scriptura docet est certo verum. Becanus distinguit eodem modo: aliud esse loqui de causa fidei per se; aliud de causis susceptionis nostræ quæ certe varix esse possunt. Sed quæstio est tantum de causa fidei per se, nempe quodnam sit infallibile illud complexum principium quo mens cogatur seclusa omni dubitatione resurrectionem credere. Ex sensu Gregorij & Becani sic argumentandum erit: Quod  
Deus

Ioh. 4. 28.

Deus revelavit, id verum est. Returrectio-  
nem Deus revelavit. E. Major apud Paga-  
nos ipsos in dubium non venit. Proben-  
t minorem: Quod Ecclesia dicit est verum.  
At hoc Ecclesia dicit. Proben-  
t majorem. Major ista ab omnibus Papistis probatur ex  
Scriptura. Itaque ista propositio non est ul-  
timum principium & primum omnium cre-  
dendorum. Principij enim natura hæc est  
ut ipsum non probetur, sed probet alia. Hoc  
autem est absolute tale ut probari debeat  
non ex lumine naturæ, itaque è revelatione  
divina, hæc itaque prior. Quod enim con-  
gregatio hominum credit, non nisi ex re-  
velatione potest credere. Revelatio enim  
fidei objectum formale est. Autoritas igi-  
tur cœtus alicujus demonstranda ex princi-  
pio vero immediato priori, notiori, causaq;  
omnium dogmatum in tota religione. Prin-  
cipium debet esse 1. verum. Nam ex fal-  
so per se nihil nisi falsum sequitur. 2. Im-  
mediatum, id est, primum & *ἀναπόδεικ-  
τον* adeoque necessarium. Nam quod me-  
dio aliquo demonstrari potest non est pri-  
mum ordine. 3. Prius est enim causa om-  
nium conclusionum. 4. Notius, quia est  
causa cognitionis. 5. Causa denique om-  
nium dogmatum; adeoque propter id prin-  
cipium credimus religionem Christianam  
esse.

esse veram, nec aliter se posse habere. Examinet jam Papista, an hoc axioma; quicquid Papa definit è Cathedra, verum est, sit principium fidei Christianæ. Non esse, ex ipsis adversariis discamus licet. Nam quid operosa illa disputatione Bellarmini de Oecumenico Pontifice opus erat? Nonne copiosissime, laboriosissimeque ei auctoritatem è Scriptura, Conciliis, Patribus astruit? Itane principium à priori potest demonstrari? Litigiosa disquisitione principium vindicandum est à contradictione? Basilius olim: ἀνάγκη In PL. II. 5.  
ἐκάστης μαθήσεως ἀνεξετάστως εἶναι τὸς ἀρχάς. i. e. oportet cuiusvis disciplinæ principia esse talia, in quæ non inquiritur. Tale est hoc divinum, certum, necessariumque principium, primumque credendorum: Quicquid S. Scriptura docet, est verum. Hoc spinosiori probatione haut indiget apud omnes qui superrationale disciplinam concedunt. Illud alterum, ne longius abeam, omnes Ecclesiæ veteris Doctores, & his temporibus Sorbona, ne de infinitis ubique locorum degentibus Christianis dicam, negat; adeo ut Jesuiticæ Theologiæ novum principium meritissimo censeatur. Hinc illud Suarezii dictum refellitur: Hæreticos partem Catholicorum dogmatum retinere, partem abjicere. Nam cum principium sit causa  
omnium

omnium conclusionum, unicumque adeo principium sit Theologiæ Sacra Scriptura, ut evictum, totum illud amplectimur quod ea tradit vel disertè, vel per consequentiam. Unde merito ea dogmata rejicimus, quæ ex hoc principio non fluunt. Principium enim & dogmata inde deducta, ejusdem generis sint, necesse est. Si sint divina dogmata, hoc divinum & unicum principium agnoscent, ne fiat *μετάβασις εἰς ἄλλο γένος*. *Præterea novitas dogmatis in religione judicio fanse- ni, certissimum signum est falsitatis. Necesse esse enim, ut religionis veritas subnascentem harescos falsitatem antecesserit. Id verum, quod prius; id adulterinum, quod posterius.* Age videamus an dogmata nostra in terræ Genevensis angulo nuper efficta sint: Videamus an nulla Christiana societas in toto mundo ostendi possit, quæ fidem illam, quam reformata Ecclesia profitetur, approbarit.

P. 300.

Tert. l. con-  
tra prax. c. 2.

### Symbolum fidei, quo sancta re- formata Ecclesia utitur.

Credo in unum Deum patrem omnipotentem, factorem cœli & terræ, visibilium omnium & invisibilium. Et in unum Dominum Jesum Christum, filium Dei unigenitum, & ex patre natum ante omnia secula, Deum de Deo, lumen de lumine, Deum verum de Deo vero genitum non factum, con-  
sub-

substantialem Patri, per quem omnia facta sunt, qui propter nos homines & propter nostram salutem descendit de cœlis, & incarnatus est de Spiritu sancto ex Maria virgine, & homo factus est, crucifixus etiam pro nobis sub Pontio Pilato, passus & sepultus est, & resurrexit tertia die secundum scripturas, & ascendit in cœlum, sedet ad dextram patris, & iterum venturus est cum gloria judicare vivos & mortuos, tuius regni non erit finis. Et in Spiritum sanctum, Dominum & vivificantem, qui ex patre filioque procedit, qui cum patre & filio simul adoratur & conglorificatur, qui locutus est per Prophetas. Et unam sanctam Catholicam & Apostolicam Ecclesiam. Confiteor unum baptisma in remissionem peccatorum, & expecto resurrectionem mortuorum & vitam venturi seculi, Amen.

Deinde cum Apostolo Paulo : *secundum*, Act. 14. 14.

*viam illam quam heresim dicunt, ita servit patri Deo, ut credat omnibus quæ in lege & Prophetis (adeoque in Euangelistis & Apostolis) scripta sunt.* Et dicit cum S. Augu-

De bono vi-  
duit. c. 1.

stino. *Quid amplius te doceam, quam id quod apud Apostolum lego? Sancta enim scriptura nostra doctrinæ regulam figit, ne audeam sapere plus quam oportet; sed sapiam ad temperantiam, sicut cuique Deus partitus est mensuram fidei. Non sit ergo mihi aliud te docere, nisi*

V

verba

*verbatim Doctōris exponere.* Hæc non plura credit quam credenda sunt, quia extra Scripturā fidem non extendit, nec pauciora, quia nihil quod scriptum est, à fide sua excludit. Quod si nemini salus obtingit, nisi qui dextre totam Scripturam intelligit ita, ut nusquam à mente Spiritus sancti aberret, nemo mortalium salutem consecutus est. Error cum fide Christiana & bona conscientia potest conjungi hæresis obstinatione exclusâ. Quod liquet exemplo omnium Doctōrum Ecclesiæ, qui ab erroribus variis liberi non fuerunt: liquet item ex suffragatione totius antiquitatis. Mores ac vitam componendam judicat reformatâ Ecclesia ex præscripto legis divinæ, quæ perfectam actionum regulam, adeoque omnia officia vitæ bene beatæque degendæ complectitur: Observat item medium Deo optimo maximo supplicandi ab ipsa cœlesti sapientia patris commendatum. Duo Sacramenta Baptismum & Cœnam Domini, quæ haut dubie originem suam divinæ institutioni debent, servat. Canonem Biblicum V. T. quem Deus populo suo commendavit, approbat, ut & omnes novi fœderis libros. Quid horum à Luthero inventum, & ut novum in Ecclesiam indutū fuit? Hæc omnia quæ recensui, olim recepta ab omnibus Catholicis fuerunt. Itaque non dubium est quia sint Apostolica &

Ca-

Catholica dogmata quæ tenemus. Quur igitur Ecclesiæ reformatæ novitatis suspicio fidem abroget? Tota hæc doctrina (quæ *regulam credendi certissimam, tutissimamque* sequitur, sc. *Scripturam*, Bellarminus de verbo Dei, l. 1. c. 2.) ut aurum scoria obtectum, in Ecclesia Romana latuit; ut bonum frumentum coopertum palea. Nova erat doctrina, quia sordibus liberata pristinam antiquitatem, incognitam desuetudine referebat. A postolus apertè docet quosdam superædificare super fundamentum hoc lignum, fœnum, stipulam; eosq; salvos fore quasi per ignem. Bellarminus: *Nomine fœni, ligni, stipularum prædicatorum curiosæ & superflue doctrine intelliguntur.* Tollant Papistæ è fide sua Symbolum Apostolorum, 4 Concilia, 22 libros Canonicos, cum Novo Testamento, Sacramenta duo, Cœnam Domini, & Baptismum. Videbunt an non 12 articuli Papisticæ fidei paleæ nomē mereantur. At prius quam eos ad examen vocemus: hæreseon accusatione reformatæ Ecclesiæ exsolvenda est. Bellarminus aggreditur catalogum errorum, quos Ecclesia reformatæ amplectatur: quique ab antiquis Patribus pro exploratis hæresibus notati sint.

Lib. 4. de notis Ecclesiæ, c. 9.

1. Prima hæresis est de justificatione per solam fidem. Eunomiani dixerunt nemini peccata nocere, modo fidem habeat: Lu-

Com. in Ioh. 13. theri hæresis de sola fide est illi affinis. Eunomii hæresin Stapletonus ita enarrat quod dixerit, *nemini obesse peccatorum perseverantiam*. Toletus: *Eunomius affirmavit fidem sufficere ad salutem, quamvis mala opera adessent; Protestantes dicunt quædam fidem ad salutem sufficere, negant tamen fidem illam sine operibus esse posse*. Hinc certum Eunomianos fidem mortuam; Reformatos fidem vivam postulare.

Com. in Ioh. 3. 15. Maldonatus. *Dicunt sane Protestantes fidem justificantem non posse esse sine bonis operibus*. Stapletonus: *Omnes Protestantes ad unum dicunt fidem, quæ justificat esse vivam & operantem per caritatem aliaque opera*. Vega. *Justificationem & sanctificationem tam conjunctas, tamque coherentes esse asseverant, ut non possit altera ab altera divelli*. Bellarminus: *Confessio Augustana per solam fidem non excludit alias virtutes, sed merita ipsarum*.

2. Hæresis est de autore peccati.

Hæresis est Deum esse autorem peccati. Hanc ajunt Calvinum docuisse. At ipse: *Jacobus peccatorum autorem merito Deum esse negat. Admonitio necessaria, ne nos Deum loco nostro substituamus*. Imò: *Flagitiorum causa extra humanam voluntatem querenda non est, ex qua mali radix assurgit, & in qua peccatum residet*. At Calvinus docet voluntate Dei homines peccare, non solum permissione. Hugo de sancto Victore. *Dens cum facit bonum, & per-*

Com. in Iac. c. 1.

L. 1. de fact. c. 12. p. 4.



Et permittit malum, apparet voluntas ejus. Quoniam vult esse quod facit, Et quod permittit, est Dei voluntas. Barradius: Ad faciendum peccatum, concursus causa moralis necessarius est, at Dei concursus cum homine est naturalis. Suarez. Quod dicunt Protestantes Deum nobis sua omnipotenti voluntate necessitatem imponere, in hoc non reprehenduntur à Catholicis. Propriam causam peccati fatentur adversarii esse voluntatem humanam.

Concord.  
Ev. l. 4. c. 6.

Opusc. theol.  
l. 1. c. 7. §.  
non ergo.

3. Hæresis tertia est de perdita imagine Dei. Alphonfus: Sed Origenes per imaginem intelligebat vel naturam rationalem, seu animi qualitatem. Quod si Origenes secundum hunc modum usurparit; quis non videret ibi nullam hæresis esse suspicionem? Maldonatus: Solent plerique per substantiam quam prodigius dicitur perdidisse, Luc. 15. liberum arbitrium, ceterasque naturales facultates interpretari. Sic Augustinus, Beda, Euthymius, Bernhardus, quæ tamen sano ab iis sensu dicta sunt. Alii per eam substantiam perditam imaginem Et similitudinem significari putant. Bellarminus: Aliqui ex nostris exponunt hominem liberè moveri in Deum, cum ab ejus gratia excitatur, quoniam sponte Et pleno judicio movetur. Idem omnino Calvinus docet.

Alphonfus à  
Castro l. 2.  
advers. hæres.  
tit. Adam.

Com. in Luc.  
15.

l. 6. de lib.  
arb. c. ult.

4. Hæresis 4. de ministerio mulierum.

Luth. Omnia cum ordine fiant. Omnes Sacramenta administrandi potestatem habemus, sed ne-

Dom. pasch. 4  
prox. in Ioh.  
20.

mo sibi hoc temere, ut exerceat, assumere debet, nisi is qui ab Ecclesia ad hoc destinatus fuerit. Idem sentiendum de potestate ligandi & solvendi.

Hæresis 5. de concupiscentia in renatis. Proclus dicebat peccatum vivere in renatis, id est, regnare. Peccatum regnare dicitur cum consensum voluntatis extorquet. At Bellarminus: Dicunt Protestantes concupiscentiam in renatis esse peccatum, licet non semper regnet. Nam non quod est præter, sed quicquid est contra legem Dei, est mortale peccatum. At Stapletonus: Fatemur concupiscentiam esse quandam iniquitatem, & aliquando obliquitatem, non modo contra dominium mentis, verum etiam contra legem Dei. Cassander: Ex Augustino & reliquis Ecclesiasticis Scripioribus convenit, eam concupiscentiam, etiam post baptismum reliquam, Apostolum, & eum secutum Augustinum, peccatum nonnunquam appellare, quia dominationi mentis resistit. Certe insignis Theologus aperte asserit etiam in regeneratis manere peccatum, etiam si non impetetur.

.5. de amiss.  
grat. c. 3.

Bell. l. 4. de  
just. c. 13.

L. 3. de conc.  
in renatis c. 1.

l. consult. art.  
1.

Alphonfus de  
Castro l. 12.  
contra hæres.  
2. pœn.

I. de just.  
1. 6.

Hæresis sexta de pœnitentia sublata. Novatiana hæresis peccantibus omnem pœnitentie virtutem tollit, dicens, eos, qui semel post baptismum lapsi sunt, nunquam postea consequi remissionem peccatorum, etiam si eos pœniteat. At Bellarminus: Dicunt Protestantes in Christianis post baptismum requiri fidem & pœnitentiam;

tiam, ut justificetur, & remissionem consequantur. Ambrosius: *Vera pœnitentia est virtus, qua commissæ cum emendationis proposito plangimus, & plangenda ulterius non committimus.* In terra, quadr. l. 13. c. 16.  
Novatiani virtutem pœnitentiæ: Reformati ritum externum nuper receptum rejiciunt.

Hæresis septima de facultate liberi arbitrii. Manichæi auferebant liberum arbitrium. Maldonatus: *Manichæi arbitrium in utramque partem liberum tollunt; Calvinistæ liberum tantum in bonum, non in malum.* Com. in Mat. 7.  
Belarminus: *Adversus Protestantes & quosdam etiam Catholicos, liberum arbitrium defendimus.* L. 4. de lib. arb. c. 10.  
Cassander: *Hoc, ait, piarum menium est, ut nihil sibi tribuant, sed totum gratie Dei.* Conf. art. 18.  
*Unde quantumcumque quis det gratia Dei, etiamsi subtrahat potestati naturæ aut liberi arbitrii, à pietate non recedit.*  
Maldonatus: *Chrysostomi, Cyrilli, aliorumque Doctorum Græcorum doctrina, est nimis affinis Pelagianorum hæresi.* Com. in Ioh. 6.

Hæresis octava de Ecclesia visibili. Donatistæ Ecclesiam ex solis justis constare volebant. Eadem doctrina Calvinistarum. At Belarminus: *Donatistæ Ecclesiam visibilem constare volunt de solis electis.* L. 3. de Eccl. mil. c. 13.  
*At Calvinus & Protestantes, cum Ecclesiam non posse deficere dicunt, de Ecclesia invisibili loquuntur.*

Hæresis nona de traditionibus. Sectarii

Panopl. l. 1.  
c. 2.

omnes cum Arrianis, traditiones rejiciunt. Lindanus contra. *Ne quid ambiguitatis in nomine traditionis relinquatur*, ait Brentius in Apologia, *non loquimur nunc de ea traditione, qua nobis Sacra Scriptura, & que in ea continentur, à majoribus nobis tradita sunt. Nam hanc traditionem affirmamus esse certam, firmam, & indubitam; sed de traditionibus aliis loquimur, quæ non sunt ab Apostolis scriptis mandate.*

L. 1. de sacris  
orig.

Bell. 14. de  
Eccl. mil.  
c. 9.

Tom. 4. disp.  
9. q. 1. p. 2.

Comm. in  
Pom. 1. c. 14.  
d. 3. n. 2c.

Hæresis 10. de oratione pro mortuis, jejuniiis, æqualitate ministrorum. Sed nulla unquam Synodus veteris Ecclesiæ hæreseos condemnavit hanc sententiam: non esse orandum pro defunctis: vel hanc jejunii rationem nullis legibus adstrictam esse; sed liberam relinquendam; item æqualitatem Ministrorum Ecclesiæ jure divino niti. *Michael Medina affirmat, non modo sanctum Hieronymum ita sensisse, quod ordinis Ecclesiastici differentia non esset juris divini, cum Aëreanis; verum etiam Ambrosium, Augustinum, Sedulium, Primasium, Chrysostomum, Theodoretum, Occumenium, Theophylactum. Ita isti veri, inquit Valentia, alioqui sanctissimi & orthodoxi senserunt.* Hi Patres post Aëreum scripserunt, itaque noverunt, si quid tale in Aëreo fuisset damnatum. Jovinianus nihil dicebat prodesse ad salutem jejunia. Peregrinus: *Philippus Melancton non negat jejuni*  
*nii*

nii & rerum indifferentium observationem posse homini prodesse & conducere ad cultum Dei, non tamen immediate, sed mediare. Facit enim jejunium, ut homo sit aptior ad fundendas preces, in quibus est cultus Dei. Bellarminus: Protestanties existimant in jejunio maxime lautioribus abstinendum.

L. 2. de bonis operib. c. 3.  
§. quatuor autem,

Summa; Jovinianus docebat, nemini ab ullis cibis abstinendum esse ullo unquam tempore, neque absolutè, neque ullis certis ex causis. Reformata Ecclesia contra jubet, teste Bellarmino, à nimio & lauto cibo abstinere tempore precationis solemnis, ad concupiscentiarum edomandam, & humilitatem testandam. Ita olim Ecclesia sensit. Maldonatus: Quod attinet ad ciborum deletionem, semper in jejunio observatum est, ut ab iis abstineretur, quæ maxime finem jejunii impetire poterant. id mutatis temporibus mutatum est. Summam varietatem de quadragesima, Socrates, Sozomenus, Nicephorus annotarunt. Hic ultimus ait: Quoniam nemo de ea præceptum litera non monumentis prodium potest ostendere, perspicuum est, Apostolos liberam potestatem in eadem cujusque mentis & arbitrio permisisse, ut quisque nec metu nec necessitate inductus, quod bonum sit ageret. S. Augustinus. Non solum à carnibus, verum etiam à quibusdam terre fructibus abstinere, vel semper sicut pauci, vel certis diebus sicut per quadragesimam fere

L. 2. de bonis operib. c. 5.

Summula q.  
23. art. 2.

L. 5. c. 21.  
L. 7. c. 19.  
L. 12. c. 34.

Contra Faustum l. 30. c. 5.

V S

omnes:

*omnes, quanto magis quisque vel minus potuerit vel voluerit.* Lutherus: Ominino per jejunium corporis castigatio & moderatio nobis commendatur. Itaque vere servis in jejunio, dum illud gratuito in honorem ipsius ad extinguenda peccata & domandam carnem suscipis.

Hæresis 12. de reliquiis, sanctorum invocatione, cœlibatu sacerdotum, voto paupertatis. Cassander. *In reliquiis paulatim abusus irrepsit. Nam queritur Basilius hanc consuetudinem suo tempore corruptam fuisse. Temporibus Augustini, Ambrosij, mos ferendi epulas ad Martyrum memorias ab Ambrosio interdictus erat, ut apud Augustinum patet. Deinde memoriis sanctorum nimium indultum est, cum ab impiis hominibus falsa fiducia in cultu inepto & superfluo collocabatur, qui abusus reprehenditur in concilio Cabilonensi. Accesserunt & alia mala, quod avaritia causa falsa reliquie supponebantur, ficta miracula prædabantur, superstitio inde alebatur. Nonnunquam illusione demonis hominum superstitione abutentis, nova indices reliquie revelabantur, qui abusus damnatur in Concilio Lugdunensi c. 62. Hodie cum omnia reliquiis sanctorum plena esse videntur, verendum est, ne diligenti examinatione adhibita detestanda impostura patefiant, ut in nonnullis locis patefactum est. Multo consultius videtur ut ab omni reliquiarum*  
*osten-*

In Evang. die  
dominica à  
natali Chri-  
sti proximo.

Conf. art. 21.

l. 8. de civ.  
Dei c. ult.

ostentatione abstinence. Glaber Rudolphus; Hist. l. 4. c. 3. Fuit homo plebeius mangonum callidissimus qui et tumulis clam ossa evellens defunctorum hominum ea imposita in diversis apophoretis vendebat apud plurimos pro sanctorum Martyrum reliquiis. Hic post innumeras huiusmodi illusiones in Gallia perpetratas, venit ad Alpes, miracula edit, quæ fieri permittuntur à malignis Spiritibus tentatorie, quod tum clauit. Multimodæ quippe membrorum reformationes ibidem visæ sunt extitisse, ac insignia oscillorum multiformia pendere. De invocatione sanctorum Eccius. *Invocatio sanctorum* in sacris literis veteris testamenti explicite præcepta non erat, quia populus propensus erat in idololatriam, nec in novo, ne gentiles ad fidem conversi se iterum ad falsum cultum putarent induci. Suaretz. Quod aliquis oraverit sanctos defunctos, ut pro se orarent, nusquam legimus. Cassander testatur protestantes in Apologia sua triplicem honorem sanctorum probare. 1. Gratiarum actionem, quod Deus eos tot donis cumularit. 2. Ex eorum exemplis fidei confirmationem. 3. Imitationem fidei & virtutum eorumq; honorificam commemorationem.

De coelibatu sacerdotum Vigilantius docuit debere sacerdotes esse uxoratos. Protestantes, licere ducere vel non ducere.

Nam Bell. *Non jure divino, sed tantum hu-*

In Inchoit.  
de venerat.  
sanct.

In Thom. p. 3  
q. 5 2. 2. 1. d.  
42. consult.  
art. 21.

l. 1. de clari-  
cis c. 14.

mano

*mano prohibitum est conjugium sacerdotibus.*

Legem autem illam coelibatus revera impiam & dæmonico Spiritu latam, experientia testimonio est. Quatuor considerabimus.

1. Naturam hujus voti. 2. Iudicium Ecclesiæ Catholicæ. 3. Praxin Papatus. 4. Fructus hujus coactæ continentiae.

## I. Natura hujus voti.

1. Continentiæ donum non est commune omnium. Intelligo ut quis casto animo & corpore vivat in coelibatu. Nota & Apostoli sententia. *Propter fornicationem suam quisque uxorem habeat.* Ab hoc periculo sacerdotum status non est liber. Cur itaque toti ipsi statui conjugio interdicitur? Sed dicunt non vocari ad nuptias, qui stimulis carnis tentantur, sed qui incontinententer vivunt, ita ut flagitiis se polluant. R. Cogitatio alliciens carnem primus gradus est unctionis. Voluntas & desiderium libidinis explendæ secundus. Actus ipse tertius gradus est. His Apostolus morbis matrimonium opponit, quod tanto magis necessarium quanto major vis tentationis in tertio quam in secundo, & in secundo quam primo gradu. Itaque stimuli carnis & ipsa fornicatio non opponuntur. Matrimonium enim remedium est non tantum ei qui scortatus est, sed

&



& ei qui tali periculo ob stimulos carnis expositus est. Sed demus Apostolum unctionem per incontinentiam explicare. Quid ait Apostolus? *Si se non continent, nubant.* Cur infiniti Monachi & Clerici hoc præceptum vel consilium contemnunt? Quia non sunt amplius liberi, ajunt. Apostolus loquitur de iis qui liberi sunt. Sit ita. Hinc certo sequitur neminem vovendo hanc libertatem sibi debere adimere, qui non est certus de dono continentiae accepto. Omnes Monachi & Clerici liberi fuerunt. Ergo si Apostolus omnibus nondum devotis docet necessarias esse nuptias propter fornicationem, certe autor est ne vorum coelibatus emittant. Hieronymus ait: *datum est his qui petiverunt, voluerunt, laborarunt.* Sed qui Deum tentat, male petit. Tentat autem is qui vovet antequam possit, & quidem id quod non est in potestate sua, quale donum est PERPETVA continentia sive castus coelibatus, non simpliciter coelibatus, & continentia non tantum externa, sed & interna, nempe cordis. Quid magni facis si Deo voveas te nunquam uxorem ducturum? Cordis puritatem Deus imprimis requirit, hæc adsit oportet externæ continentiae. Utraque itaque vovenda aut neutra est. Hic expresse servator *ὁμόψηφος. & πάντες χωρεῖσι*, id est, *non omnes capiunt verbum hoc.*

1 Cor. 7.

*boc.* Item Apostolus. *Vnusquisque proprium donum habet ex Deo.* Apostoli Christo objiciebant: *Non expedire propter molestias uxorem ducere.* Christus consequentiam negat, *quia non possit ab omnibus fieri.* Dona Dei necessaria vel adiaphora sunt. Continentia opposita scortationi est præcepti; opposita conjugio est adiaphora. Vterque enim bene facit, qui filiam suam nuptui dat & qui non dat. Iam certum est omnia non posse impetrari dona adiaphora vel utilia ad statum vitæ melius instituendæ. Itaque fiduciâ ea impetrandi non debeo me vinculo voti constringere. Apostolus ait, *Alius quidem ita, alius ita donum habet.* Non igitur commune, non ordinarium est. Mal donatus illud *χωρεῖσθαι*, interpretatur intelligunt. Iansenius: *Verbum capere non significat intelligere. χωρεῖν ea notione non usurpatur.* Deinde *λέγον* Hæbræis rem significare notum est. Itaque sensus est non omnes continentia capaces esse. Hinc Christus neminem cogit, sed ait: *qui potest capere capiat.* nec Apostolus: *velim omnes homines esse ut ipse sum*, nec tamen laqueum conscientis injicit. At ajunt, num hortatur Christus ad id quod non est in potestate nostra? cur nobis continentiam Christus commendat? R. Idem hortatur ad fidem. Num ideo fi-

des

des ab electione nostra pender? Aliquid dicitur in potestate nostra non esse. 1. Quod non possumus facere ne tum quidem cum volumus. Quod non pender ab electione nostra. Sed quale donum continentia sit, exemplo Hieronymi liquet. Hic in solitudine, ubi corpus suum inedia, precibus & studiis macerabat, nihilominus libidine se flagrasse confitetur. Homo autem ita affectus donum continentiae non habet. Quid omiserat senex ad illud impetrandum? Quota pars cleri hæc vestigia Hieronymi sequitur? & tamen omnes promiscue & secure continentiam vovent, Sed an non promissio extat: *Petite & accipietis?* Sed necessario conditio adjicienda est, nempe ut petamus *secundum voluntatem Dei, revelatam*, cum de ratione precandi: *occultam*, cum de eventu precationis agitur. Certum nobis est, nos exauditum iri, si desideria nostra voluntati Deo subjiciamus, ut fiat non quod ipsi volumus, sed quod ipse. Lorinus. *Exauditur quisquis talis est rogando, qualem requirit Deus, nec aliud vult quam quod ipse.* Iam vero licet cælibatus utilis sit ad salutem non tamen omnibus datur. Angelus Satanæ à Paulo non abscessit, quæ causa erat illi precum. Nec id tamen obtrinit. Boni Principes Ecclesiæ utiles ad salutem sunt. Num semper Ecclesia precibus

fuit

LUC. 11.

fuis eos obtinet? Qui itaque prius vover quam certus est de impetrando dono continentia, prius se certissimo periculo exponit, posteaque orat ut inde eruatur.

## 2. Iudicium Ecclesiæ Catholicæ.

Apostolicæ Ecclesiæ status notus est ex Paulo. Nam Apostolus Ministrum Evangelij unius uxoris maritum posse esse, unaq; *ἀνέγκλητον*, id est, inculpatum, docet. Hoc Siricius Papa minime condedit. Arboreo teste, *Consuetudo illa secundum quam permittum erat, ut alligatus matrimonio ad sacerdotium promoveretur, invaluit usque ad tempora concilij Nicani 1. in quo (ut fertur) generali statuto decretum est, ne aliquis uxorem habens sacerdos consecraretur.* Sed hoc posterius falsum esse ex Leonis Papæ R. Epistola 95. evincam. *Dicente Apostolo ut inter alias electionis regulas is Episcopus ordinetur, quem unius uxoris virum fuisse aut esse constituerit, tam sacra semper habita est ista præceptio, ut etiam de muliere sacerdotis eligendi, eadem intelligatur servanda conditio.* Hic Leo longe post concilium Nicænum vixit. Deinde Arborei sententia mendacij inde comperta quod apud Græcos Presbyteris semper licuit conjugatis esse, qui tamen autorita-

ritatem Concilij Nicæni agnoscunt. Neque  
credibile est ab eadem synodo Canonem s.  
Apostolicarum cōstitutionum, ut vocant, ab-  
rogatam fuisse. Επισκόπος ἢ πρεσβύτερος <sup>1 Tom. colles</sup>  
ἢ Διάκονος τὴν ἑαυτοῦ γυναῖκα μὴ ἐκβαλλέ-  
τω προφάσει βλαβείας, i. e. Episcopus aut  
Presbyter aut Diaconus uxorem suam prætex-  
tu religionis non abjicito. Separari à con-  
juge quoad thorum prætectum pietatis ha-  
bet, non eam omni auxilio destituere. Pa-  
pa Nicolaus. Nullius religionis obreptu debet  
conjugem dimittere conjugem. In quem Cano-  
nem Zonaras. Μέμνηται δὲ ὁ κανὼν καὶ <sup>C. 30. 4. 1.</sup>  
ἐπισκόπων ἔχόντων γυναῖκας, ὅτι τότε ἀκά-  
λυτον εἶχον καὶ οἱ ἐπίσκοποι τὴν πρὸς γυ-  
ναῖκας νόμιμον συζυγίαν, id est, Meminit  
Canon Episcoporum habentium uxores, quia  
tum etiam Episcopis erat libera cum mulieribus  
legitima copulatio. Socrates de Concilio ipso  
Nicæno indicat quid gestum sit. Visum erat  
Episcopis legem novam in Ecclesiam introduce-  
re, ut qui essent sacris initiati sicut Episcopi  
Presbyteri, & Diaconi, cum uxoribus, quas cum  
erant laici, in matrimonium duxissent, mini-  
me dormirent. Paphnutius inclamavit vehe-  
menter. Grave iugum caverent sacris viris  
imponere: honorabile esse cubile, nuptiasque  
impollutas, ne severitatis excessu magis Eccle-  
siam læderent: non posse omnes ferre professio-  
nem

nem adeo alienam à passionibus. Assentitur  
 universus sacrorum cœtus Paphnutij orationi:  
 Silentio questio obruta : permissum cujusque  
 arbitrio abstinere congressu uxoris. Balsamo.  
 ante 6. synodum, quæ fuit in Trullo Palatii,  
 licebat Episcopis uxores habere, etiam post di-  
 gnitatem Episcopalem. Notus est 4. Canon  
 Synodi Gangrensis, εἰ τις Διακρίνοιτο ὡς  
 πρεσβύτερος γεγαμηκός, ὡς μὴ χελῶναι  
 λήττερον (αὐτὸν) αὐτὸν προσφορᾶς μετὰ  
 λαμβάνειν, ἀνάθεμα ἔστω. id est, si quis de  
 Presbytero qui uxorem duxit contendat, non o-  
 portere eo sacra celebrante oblationi communi-  
 care, sui anathema. γεγαμηκός non significat  
 viduum. Canon Trullanus 13. ἐπεὶ δὲ τῇ ῥω-  
 μαίων ἐκκλησίᾳ ἐν τάξει κανόν, ὡς  
 δεδῶται διέγνωμεν, οὗ μέλλοντος Διακόνου  
 ἢ πρεσβύτερου χηροτονίας ἀξιῶν κατανο-  
 λογεῖν, ὡς ἔκετι τῶν αὐτῶν γεμεῖαι συνά-  
 πτων. ἡμεῖς τῷ δεχαίῳ ἐξακολουθεῖν  
 κανόνι τῆς ἀποστολικῆς ἀκριβείας καὶ τά-  
 ξεως, πρὸς τῶν ἱερῶν ἀνδρῶν καὶ νόμους συνοι-  
 κήσια καὶ ἀπὸ τῆς νυνὶ ἐρρωμένης βεβλόμεθα.  
 id est, Quandoquidem rescivimus apud Ec-  
 clesiam Romanam pro lege haberi, eos qui alle-  
 gendi sunt in ordinem Diaconi vel Presbyteri,  
 pulliceri non amplius copulatum iri suis uxori-  
 bus: nos instantes antiquo Canonī Apostolicæ

Cura

*Cura constitutionis, sacrorum virorum legitima contubernia, nunc & in posterum valere volumus. Zonaras ait latinis his Canonibus κατὰ ὅλως πεπληγμένους, id est, totaliter percussos. Medina. Adrianus pontifex eis tem-* 1.2.c.24.  
*poribus proximus non veretur eos (Trullenses) & allegare & vocare.*

*Aeneas Silvius. Fuerunt ex nostris Pontificibus aliqui in matrimonio. Leo Papa. Is Episcopus ordinetur, quem unius uxoris virum esse constiterit: ut virginem uxorem accipiat, & alterius thorum nesciat conjugis, quæ futura est uxor Pontificis.* De gestis conc. Basil. ep. 37.

*S. Athanasius. Multi ex Episcopis matrimonia non inierunt, monachi contra parentes liberorum facti sunt. Sic enim licet, & ad eum modum non prohibetur.*

*Cyrianus. Quod si ex fide se virgines Christo dicaverint, caste sine fabula perseverent, itaque fortes & stabiles premium virginitatis expectent. Si autem perseverare NOLUNT, vel non POSSUNT, melius est nubant, quam in ignem deliciis suis cadant. Hinc voti necessitatem inviolabilem vetus Ecclesia ignoravit.*

*Concilium Ancyranum. Ἀλέξανδροι, ὅσοι καθίστανται παρ' αὐτῶν κατὰ τὰς ἐν μαρτύρεσσιν & ἑφάκων χελῶν χαμῆσαι, μὴ δ' ἰσχυροὶ ἕως μέρους. ἔτι καὶ ταῦτα* Dist. 28. can. si quis.

καὶ ἡλικίας, ἕως ἃν ἐν τῇ ὑποχρεώσει, ἀλλὰ  
τὸ Ἰππερωτικῇ αὐτὰς ὑπὸ τῷ Ἱπποκρίτῳ.

id est, Diaconi quicunque ordinantur, si in ipsa  
ordinatione protestati sunt & dixerunt, oportere  
se uxores ducere, cum non possint sic manere:  
hi si postmodum uxores duxerint, sine in ministerio,  
eo quod eis Episcopus hoc concesserit. Medina ait hunc Canonem sine ullo  
periculo contemni. En ut Papistæ antiquitatem venerantur.  
Sed quid de connubiis post votum contractis antiquitas sensit?  
Polydorus Virgilius narrat Augustinum multis rationibus  
probasse connubia post votum non debere dirimi. veluti in jure infertur.  
Idem Augustinus. *Haec igitur quae nubere volunt, & tamen non nubunt, quia impune non possunt. Quae melius nuberent, quam urerentur, id est, quam occulta flamma concupiscentiae vastarentur.*

c. 27. q. 1. c.  
nuptiarum.  
de virg. c. 34.

Contra Iovinianum l. 1.  
ep. 83.

Hieronymus. *Quasi non hodie quoque plurimi sacerdotes habeant matrimonia, & Apostulus Episcopum describat unius uxoris virum habentem filios.* Idem omnis mundus his ordinationibus plenus est. Non dico de Presbyteris, ad Episcopos venio, quos si sigillatim voluero nominare, tantus numerus congregabitur, ut Arminiensis synodi multitudo superetur.

l. 5. c. 22.

Socrates. *In oriente cunctis spontanea voluntate*



*luntate & non aliqua necessitate Episcopi abstinent. Plurimi etenim eorum etiam Episcopatus tempore ex legitima uxore filios habuerunt.*

Græci per Nicetam Pectoratum exclamant: *Quis est ille qui tradidit vobis (Romanis) prohibere & abscindere nuptias sacerdotibus? Quis ex Doctoribus Ecclesiæ hanc vobis tradidit pravitatem?*

Costerus ipse hoc fatetur. *Antiquissimis Ecclesiæ temporibus, viventibus adhuc Apostolis, & post Apostolos aliquot adhuc annos admissi fuerunt ad sacros ordines viri conjugati, non quidem promiscue sed electi, qui unicam tantum duxissent uxorem eamque virginem.*

Enchirid. de  
cœlibatu,

### 3. Praxis Papatus.

Paulus prædixit ultimis temporibus venturos, qui doctrinam dæmoniorum prædicaturi essent, & prohibebunt matrimonium. Respondent 1. Romanam Ecclesiam non prohibere matrimonium. ita Clingius. *Papista non prohibent matrimonium sacerdotibus: sed sacerdotes ipsi suo voto in ordinatione id sibi prohibent.* Fronto: *Ecclesiæ non tam prohibet matrimonium, quam jubet servare fidem voti Deo nuncupati.* Sed contra in jure ipso Canonico. *Nulli unquam (exceptis illis, quibus Ecclesiastica regula habere permit-*

Dist. 32. Can.  
de illo clerico  
co.

*tit) uxorem ducendi licentiam damus.* E. prohibet.

p. 6. l. 98.

Caus. 26. q. 2.  
Canones fors  
non est.

hibet. Innocentius in decreto Ivonis. *Ne subdiaconibus quidem carnale connubium conceditur.* Gratianus. *Copula sacerdotalis vel consanguineorum, nec legali, nec euangelica vel apostolica auctoritate prohibetur: Ecclesiastica tamen lege penitus interdicitur.* Canon postremus Augustanæ Synodi quam Canisius tom. 5. antiquarum lectionum edidit: *Ceteri clerici licet nolentes ad continentiam cogantur.* At voto sibi ipsis conjugium prohibent. R. R. E. tale votum ab ipsis flagitat, jubet inquam sacerdotes vovere, plurimisque per vim conjuges abstulit, ut ex historiis postea videbimus. Nam omnes edictis suis sacerdotes continentiae perpetuæ EXACTIONE ad cœlibatum adstringit. Nonne eis ita nuptias prohibet? At non tanquam absolute malis, ut Manichæi, sed tanquam ordini sacro incommodas. Apostolus per *ὅσους χρόνους*, id est, ultima tempora totam ætatem N. T. complectitur. Ergo non priores tantum hæreticos sed & posteriores tangit. Varii enim hæretici possunt idem placitum interpolare. Sed Papistæ & Manichæi quam absimiles? Costerus. *Conjugati sacerdotes sceleratiores sunt scortantibus.* Campegius legatus à latere statuit: *sacerdotes gravius peccare si mariti fiant, quam si plurimas domi meretrices alant.* At conjugium sacerdotum

De cœlib. sac.  
Sleid. l. 4.

dotum jure, ut Bellarminus fatetur, Ecclesiastico; scortatio vero divina lege prohibetur. Hinc certum est scortantem divinam legem; contrahentem matrimonium Ecclesiasticam tantum transgredi constitutionem. At vovit se non ducturum uxorem! Vovit etiam se non scortaturum, idque in baptismo cum Diabolo & ejus operibus abrenuntiavit. Conjugium ante prohibitionem licitum fuit, sed scortatio quando licita fuit? Sed ad rem. Nonne R. E. matrimonium ut malum prohibet? Siricius Papa aperte conjugatos docet *in carne esse*, nec *Deo posse placere*. alibi. *Negatur sacerdotibus conjugium quia oportet eos castitatem sive pudicitiam servare*. Ibidem negatur, *fidelem orare posse, nisi careat officio conjugali*. alibi, *Si bonum est mulierem non tangere, malum est ergo tangere*. At non interdicit omnino omnibus. R. Non is tantum prohibet qui omnino, sed qui aliquo modo rem prohibet. Apostolus, Col. 2. inducit aliquos, qui à cibis abstinere jubebant. Num omnibus omnes? Augustinus testatur Manichæos non simpliciter omnibus, sed perfectis conjugium interdixisse, quos tamen ab Apostolo perstrictos fatentur. Hæc superstitio ortum traxit inde, quod nonnulli haut contenti Christiana disciplina, quæ ab initio fuit; sed novæ perfectionis fiducia inflati, quo magis ab

Dist. 56. Canon. Ceno-  
manensem.

Dist. 31. Canon.  
ante trien-  
nium.

Dist. 32. canon.  
hospitium.

l. 4. c. 23.

Apostolicis temporibus abessent, eo majorem disciplinæ perfectionem in Ecclesiam studuerint invehere. Hoc ex Eusebio discamus licet. *Dionysius Corinthiorum Episcopus* vir magni nominis Pynitum admonet, ne grave onus castitatis fratribus ex necessitate imponat, sed multorum imbecillitati attendat. Ille contra rescribit: obsecrans solidiorem tandem cibum imperiat, populumque suum perfectioribus literis pascat: ne semper exerciti sermonibus merum iac redolentibus in PVERILI disciplina imprudentes consenescant. Hanc disciplinam Pontifices Romani vi Ecclesiæ obtruserunt. Polydorus Virgilius testatur Iohannem 13. cœlibatum sacerdotum in Anglia stabilivisse. Hunc Pontificem Belarminus fere deterrimum fuisse asserit; Platina eum sceleratissimum vocat. Leo 9. Moguntiaë synodum coegit, idem cœlibatus jugum clero Germaniæ imposuit: sacerdotes conjugatos Nicolaitas appellavit. Nicolais 2. Mediolani idem fecit.

J. 6. Hist.

Angl. an. 965

1. 2. de pont.

Rom. c. 29.

Cranzius

Sax. l. 4. c. 43.

anno 1049.

anno 1073.

Baron. tom. 1

Aventius

l. 1.

Gregorius vi i. summo furore & violentia conjugia sacerdotum abrogavit. Aventinus: *Sacerdotes illa tempestate publice uxores sicut ceteri Christiani habebant, filios procreabant.*

l. 26. 4. 5.

Vincentius. *Gregorius Papa celebrata synodo uxoratos sacerdotes à divino officio removit, & laicis missam eorum audire interdixit, nova*  
exem-

exemplo, & ut multis visum est, inconsiderato præjudicio.

Scafnaburgensis. Hoc decreto per totam Ita- Anno 1074.  
liam promulgato crebras literas ad Episcopos  
Galliarum transmittēbat, præcipiens ut ipsi quo-  
que in suis Ecclesiis idem facerent, atque contu-  
bernio Sacerdotum omnes omnino feminas per-  
petuo anathemate ressecarent. Adversus hoc de-  
cretum vehementer infremuit tota factio Cleri-  
corum. Hominem plane hæreticum, & vāsani  
dogmatis esse clamitans, qui oblitus sermonis  
Domini, non omnes capiunt verbum hoc, item  
Apostoli, qui se non continet nubat, melius est  
nubere quam uri, VIOLENTA EXACTIONE  
homines vivere cogeret ritu angelorum, & dum  
consuetum cursum naturæ negaret, fornicationi  
& immunditici frena laxaret.

#### 4. Fructus coactæ continentiae.

Nicolaus Clemangis: Jam illud obsecro, De corrupto  
quale est, quod plerisque in diocesisbus Rectores Eccles. statu.  
Parochiarum, ex certo & conducto cum suis c. 15.  
Pralatis pretio passim & publice concubinas te-  
nent? Polydorus Virgilius: Forsitan tam è De invento-  
Republica Christiana, quam ex ordinis usū esset, ribus l. 5. c. 4.  
ut tandem aliquando jus publici matrimonii Sa-  
cerdotibus restituereitur; quod illi sine infamia  
potius sancte colerent, quam se spurcissime ejus-  
modi naturæ vitio turpificarent. Hofmeisterus.  
Recte hanc dubie Pium dixisse credimus: Fuisse

*causas, cur sacerdotibus adimeretur conjugium. sed multo maiores esse causas, cur reddi debeat.* Espenlæus. Turpissimum, quod sacerdotes cum concubinis, pellicibus & meretriculis cohabitare liberosque procreare Prelati sinunt, accepto ab eis, atque adeo alicubi à CONTINENTIBVS certo quotannis censu. HABEAT, ajunt, SI VELIT. Albertus Orator Ducis Bavarix in ipso Concilio Tridentino. Clerus noster Ecclesia calamitatibus nullo modo neque afficitur, neque affligitur; sed multo magis insolescit, gula libidinibus indulget. Proxima visitatione per Bavariam facta tam frequens concubinatus repertus fuit, ut vix inter centum tres vel quatuor inventi sint, qui aut manifesti concubinarij non fuerint, aut clandestine matrimonia non contraxerint, aut plures palam non duxerint. Sed à moribus ad jus veniamus. Glossator ad Canonem Qui admisit. Minus punitur aliquis propter fornicationem, quia pauci sine illo vitio inveniuntur. In Medulla decreti, Fornicationis causa hodie NEMO est deponendus. Nam quamvis multa sint, que in hujusmodi casibus observari Canonica jubet sublimitatis autoritas: tamen defectus nostri temporis, quibus non solum merita sed corpora hominum defecerunt, distinctionis illius non patitur manere censuram. Insignem Canonem habemus. Qui non habet uxorem, loco illius DEBET habere concubi-

Con. in I, ad  
Titum.

Caus. 15. q. 6.

Dist. 32 ad  
Can. Presbyter,

Dist. 34. Ca-  
none omni-  
bus servis.

*cubinam.* Vidi meis oculis in Bibliotheca quadam exemplar Juris Canonici, quod paratus sum cuivis ostendere. Item: *Qui non habet uxorem, sed pro uxore concubinam, à communionem non repellatur, tamen ut unius mulieris aut uxoris, aut concubinae sit conjunctione contentus.* Hæc Concubina Presbytero aut obstricta est privatis sponfalibus, ita ut nequeat dimitti, quoad vivit; aut non. Si prius; Sacrilegiū Presbyter committit, quia obstrictus est Ecclesiæ voto continentiae, & specie mali auditores offendit. Si posterius; Lege jubente scortatur. Hinc meritò Emanuel Sa. *Episcopus potest procedere contra quemcumque ob peccatum mortale, nisi sit IURE PERMISSUM, ut meretricium.*

In aphorismis, vote Episcopus.

Longius in hac materia provecti sumus, quia omnino hæc doctrina dæmoniorum accuratius cognoscenda fuit, ut tanto cautius nobis ab ea caveamus.

De voto paupertatis Vigilantius docebat, *Nō expedire relinquere omnia.* Reformata Ecclesia idem docet quod Thomas de Aquino. *Abrenuntiatio propriarum facultatum dupliciter consideratur. Uno modo ut est in actu, sic in ea non consistit essentialiter perfectio. Et jam nihil prohibet statum perfectionis esse sine abrenuntiatione propriarum: alio modo secundum preparationem animi, ut nimirum homo sit paratus, si opus fuerit omnia dimittere vel distri-*

2. 2. q. 184. a. 7.

distribuere : & hoc pertinet directe ad perfecti-  
nem, ut ex Augustino patet.

In Thom.  
tom. 1. disp.  
142. n. 7.

Hæresis 13. de Pelagianismo. Pelagiani  
statuebant in filiis fidelium non esse pecca-  
tum originis. Hunc errorem Calvinus tenet.  
Risum teneatis amici. Secundo docebant,  
omne peccatum esse mortale. Vasques : *Ex*  
*Doctores Catholicis nonnulli graves etiam*  
*propi, Gerson, Almazius Rossensis dicunt omnia*  
*peccata ex se mortalia esse.* Item Michaël Bias.  
*Ceterum peccata esse paria, facietur Bellarminus*  
*nos non docere.*

L. 3. de just.  
c. 16.

Hæresis 14. Nestoriani docuerunt in Chri-  
sto duas personas. R. Reformata credit in  
Christo unam personam.

Tr. de ama-  
bili Ecclesiæ  
concord.

Hæresis 15. Nestoriani negarunt Christi  
corpus manere in Eucharistia, si servetur in  
alterum diem. Erasmus : *Tempore veteris Ec-*  
*clesiæ populus non cursitabat ad videndum id,*  
*quod Sacerdos ostendit, sed prostratis humi cor-*  
*poribus, animis in cælum erectis, gratias age-*  
*bant Christo redemptori.* Bellarminus : *Verum*  
*est, Dominum non jussisse Eucharistiam à se*  
*consecratam deferri in crastinum.*

L. 4. de Euch.  
c. 5. S. secun-  
do loco.

Hæresis 16. Est Eutychianorum. At re-  
formata Ecclesia ab ea abhorret.

L. de Eccl.  
triumph, c. 8.

Hæresis 17. de imaginibus Christi, &  
Sanctorum, quas Xenajas negavit veneran-  
das. Bellarminus : *Opinio illa Calvinis, non li-*  
*cere pingere imaginem Dei in forma hominis,*  
*est*



est etiam aliquot Catholicorum. Nisi Idiotæ à concionatoribus infiruantur, membra quæ in hac pictura cernuntur, esse metaphorice accipienda, fateor non sine periculo exhiberi. Vasques: *Syntum & superstitiosum est, imagines proprie venerandas, ita ut terminetur adoratio in imagine, ut Bellarminus sentit. Contra Bellarminus: Non caret periculo, cum dicitur imaginem eodem honore colendam esse cum exemplari; quique id dicunt, vix sese intelligunt, nedum populus imperitus. At hæc est constans Theologorum sententia, ut Azorius ait.*

L. 1. de adorat. disp. 8. c. 3.

Lib. 2. de Ecclef. triumph. c. 22.

Inst. l. 9. c. 6.

Hæresis 18. de votis. Lampetiani vota omnia oppugnabant. Bellarminus: *Protestantes volunt vota de rebus quibusdam posse fieri, si ad bonos fines fiant. Baptisma esse votum proprie ac vere dictum, veteres Theologi cum Magistro videntur sentire.*

L. 2. de Monach. c. 15.

Hæresis 19. de Eucharist. Bellarm. *Calvinus docet Symbola & corpus Christi licet loco inter se plurimum distent, tamen conjuncta esse non solum ratione signi quia unum est signum alterius; sed etiam quia cum signo vere Deus nobis exhibet ipsum verum Christi corpus & sanguinem, quo animæ nostræ vere alantur. Calvinus. Vere in cœna datur nobis corpus Christi, ut sit animis nostris in cibum saluarem. Hoc est: substantia corporis Christi pascentur animæ nostræ, ut vere unum efficiamur cum eo. Non ergo vacuum aut inane signum nobis*

Azorius l. 11. c. 14.

L. 4. instit. c. 17.

*nobis proponitur ; sed vere carnis Domini sunt participes, qui fide hanc promissionem recipiunt. In sacra sua cœna iubet me Dominus sub symbolis panis & vini corpus & sanguinem sumere. Nihil dubito, quin & ipse vere porrigat, & ego recipiam, sed solo ore fidei.*

At R. E. credit panem transmutari in corpus Christi essentialiter. At olim Papa Gelasius negavit hoc. In *Eucharistia non desinit substantia seu natura panis & vini*. Ipse haut dubie novit fidem Ecclesiæ suæ. Hæc autem quomodo ab antiqua fide deficit? Futile est Gelasium hoc non ut Papam, sed ut privatum Doctorem dixisse. Mereantur itaque fidem Historici, qui nos edocent quid Ecclesia de eo capite crediderit. Fides autem mutationi obnoxia non est.

## CAPUT II.

*Apostolica & Ecclesiastica traditiones, reliquæque R. E. observationes & constitutiones.*

De exordio & incremento rerum Eccl. c. 24.

**V**Alafridus Strabo. *Primis temporibus communi indumento vestiti missas agebant, sicut & hætenus quidam Orientalium facere perhibentur. Stephanus & Silvester, alique Pontifices, Præsulesque (Vestes, Ceremonias) invexerunt, & alii hanc, alii illam exco-*

*excogitarunt, vel ad imitationem earum quibus  
Judaici Sacerdotes utebantur, vel ad mystica sig-  
nificationis expressionem. Ante 800 annos E-  
piscopi 8, vestes quot Aaron, habebant; duplo  
jam plures & amplius quam erant prius. Hinc  
apparet quàm falso à Trid. Synodo illa ve-  
stimenta, lumina, thymiamata, crucis signacu-  
la; aliæque Missæ Ceremoniæ traditioni  
Apostolicæ adscribantur. Sed non est hoc  
insolens Pâpistis, ut omnia quæ invenerunt  
ipsi, Apostolis adscribant. Fatentur inter-  
dum (neque enim sibi constant) Apostolica  
tempora pro simplicitate sua tot Ceremo-  
nias & inventa ignorasse, adeoque Eccle-  
siam in melius quotidie proficere, & pri-  
ma ista rudimenta religionis perfectioribus  
contemplationum mysteriis exornare. Ita  
enim apertè. *Antequam Evangelium clares-*  
*ceret, multa permittebantur, quæ tempore perfe-*  
*ctioris disciplinæ penitus sunt eliminata. Copula*  
*namque Sacerdotis, nec legali, nec Evangelica*  
*vel Apostolica auctoritate prohibetur: ECCLE-*  
*STASTICA tamen LEGE PENITUS interdici-*  
*tur. Nec quicquam obstat, quod istæ contra-*  
*riæ sint divinis literis. E. G. separatio à con-*  
*juge, vetita est, excepto solo stupro. Jam ve-*  
*ro, Julius, Innocentius, Cœlestinus, congreg-*  
*ati cum Episcopis Romæ in Templo S. Pe-*  
*tri contrarium decreverunt, & in morem*  
*Ecclesiæ tradiderunt. Conjuges suscipien-**

Caus. 26. q. 2.  
c. fors non  
est.

Luc. 16. 18.  
1. Cor. 7. 10.

c. pervenit,  
c. 30. q. 1.

tes

Caus. 3. 1. q. 1.  
c. hac ratio-  
ne.

An. 1389.

Caus. 25. 9. 1.  
c. omnia.

Dist. 19. c. si  
Romanorum

tes infantem è baptismo separandos esse. Scor-  
ratio apertè contraria divinis legibus, hanc  
tamen secundis nuptiis R. E. turpitudi-  
nem affricat. *Hac ratione etiam Apostoli  
præceperunt secundas adire nuptias propter in-  
continentiam hominum. Nam secundam qui-  
dem accipere secundum præceptum Apostoli li-  
citur est, secundum autem veritatis rationem  
VERE fornicatio est. Sed cum permittente Deo  
publice & licenter committitur, fit honesta for-  
nicatio.* Conformitates Francisci approbatæ  
sunt Papæ Bullis, & generali consensu in  
Capitulo Assisiensi confirmatæ, scriptæ à  
Bartolo de Pisis eo directæ sunt, ut probent  
Franciscum perfectiorem vitam ipso Chri-  
sto duxisse; angelosque puritate vincere.

*Omnia decretalia cunctorum prædecessorum no-  
strorum constituta, quæ de Ecclesiasticis ordini-  
bus & canonum sunt promulgata disciplinis, ita  
ab omnibus Sacerdotibus & Episcopis generaliter  
custodiri debere mandamus, ut si quid in illa  
commiserint, veniam sibi honoris deinceps nove-  
rint denegari. Rursus: Omnia decretalia con-  
stituta dicendo, nullum prætermisit, quod non  
mandaverit esse custodiendum. Rursus; Asse-  
rendo omnium prædecessorum nostrorum; nul-  
lum Pontificum Romanorum qui ante se fue-  
runt, excepit, cujus ita non præceperit decretalia  
constituta ab omnibus custodiri, ut si quis in illa  
commiserit, VENIAM DEINCEPS NOVERIT  
DENE-*

DENEGARI. Horum summa itaque auctoritas erit.

Interim S. R. Ecclesia decretorum suorum domina est, nam eis non alligatur. *Ita Canonibus auctoritatem præstat, ut seipsam non subjiciat eis.* Ita Christus legem quidem servavit, sed ut se dominum legis ostenderet leprosum TANGENDO mundavit. Hinc illud solemne: *Salvo in omnibus jure sanctæ Romanæ Ecclesiæ.* Hinc illud: *Non obstantibus prædecessorum nostrorum constitutionibus quibuscumque, tamen quoad alia nullum præjudicium volumus generare.* Videmus duas esse Ecclesias in mundo, Babylonem & Jerosolymam. illa Ecclesiæ nomine armata, contra Ecclesiam arma capit exlex, & impura Septicollis Roma: pugnat pro Christo contra Christum, ut Nazianzenus loquitur, habet artificio, ut Tertullianus de Valentinianis ait, quo prius persuadeat quam doceat. *Inventa humana ad verbum Dei addit, id est, vappam & facem ad vinum optimum:* hoc unum studet ut hominibus plus fidei quam Deo loquenti habeamus, hominumque legibus magis quam Dei præceptis constringamur.

At Esaias: *Jehova iudex noster, legislator noster; unus est legislator qui potest servare & perdere.* Nec sufficit eos distinguere, quasi textus de primario legislatore intelligendus sit, qui propria auctoritate judicet. Ostendant

X secundum

Caus. 2. §. q. 1.  
c. ideo.

Extrav. 1.  
t. 1. c. illa  
clausula,

Leo in Epistola  
Palaestinos.

C. 13. 21.  
12c. 4. 12.

secundarium suum Legislatorem. Aliàs liceret eodem jure credere in unum Deum primum; & secundarios Deos: An non leges Papæ Romani strictius urgentur quam ipsius Dei? Nonne Clerici R. Curia grūdilis instar pecoris, cui anima pro sale data est, saginati in scortorum amplexibus impudē harent; contra de conjugio sibi interdicto lege humana, ne cogitare quidem audent. Italia & Hispania mores pensculatius consideremus, videbimus hominum traditiones antistare legibus divinis, in iisque urgendis clerum remissum ac desidem: illarum autem rigidum, acerbumque ἐργασίαν. Sed quid refert, primum an secundarius legislator Papa sit, si decreta ejus æquē necessaria observatu, & æquē digna veneratione sint. Hoc autem Concilii Tridentini statuto cautum est, ut traditiones ἀρχαί R. E. pari pietatis affectu, cum ipso divino libro Scripturæ Sacrae suscipiantur. At certum est, Deum damnare omnem cultum, qui hominum ingenio & inventioni debeatur; nullumque approbare, nisi quem ipse solus tradiderit. Nulla itaque hominum decreta, conscientiam ulla religione obstringent. Præpositis quidem obediendum est, at hæc obedientia libertatem conscientia non tollit. Mos illis gerendus, cum sunt quales esse debent. Augustinus queritur Ecclesiam suam rem-

tempore ceremoniis ita obrutam, ut Judæorum conditio tolerabilior fuerit. Solent respondere Augustinum loqui de privatorum quorundam præsulum ritibus, non de statutis Pontificum. Fatentur itaque Sacerdotes posse in Ecclesiam plurima invehere, quorum observatio minimè necessaria sit. Non itaque præpositis absolutam Christiani obedientiam debent. Audiendi sunt, cum ipsi Christum audiunt, & docent *αὐτοὶ τὸς ἐκτείναντο*, i. e. *quæ ipse mandavit*. Augustinus: *Sua illi si velint docere, nolite audire, nolite facere*. Cyprianus: *Si ergo aut in Evangelio præcipitur, aut in Apostolorum epistolis aut actibus continetur, divina hæc & sancta traditio observetur*. An non Papa Ecclesiam commentis suis obruit, & laqueis traditionum suarum conscientias hominum ita constringit, ut vetus jugum Judæis impositum levius fuerit, quàm novum hoc Christianorum. Pauca erant Festa statuta Judæorum: Christianorum amplius sexaginta. Primo & ultimo tantum die Paschatis, Pentecostes, & Festi Tabernaculorum Judæis, ab opere abstinendum erat, ceteris diebus licebat eis sua agere. At Papa hoc non permittit.

Matt. 28. 19.  
in Joh. 14. 46.

Jejunia statuta Judæorum: at Papistarum plurima, quadragesimæ, feriæ 6 & 7, 4 temporum, Vigiliæ Sanctorum. Neque in iis adeo temperantia, quàm delectus ciborum

requiritur. Pisculentis enim suffartus & vino distentus, præcepto Ecclesiæ satisfacit. Laqueos confessionis auricularis inexplicabiles quid attinet commemorare? Num unquam Judæi ita irretiti fuerunt? *Stemus itaque in libertate, qua Christus nos liberavit, neque iugo servitutis implicemur.* Apostolus non ausus est laqueum Corinthiis injicere: at Papa audet Christianis universis. Necessitatem cœlibatus volebat iis injicere, licet rei tum ob persecutionem expectandam utilis, cujus observationem Papa ita urget, ut scortationem potius clero suo permittrat, quàm ei conjugii copiam faciat.

Gal. 5. 1.

1. Cor. 7. 35.

Quod Apostolus liberum reliquit: id Papa tanquam necessarium unice urget. At Paulus in rebus ἀδυσπόροis, & mediis, si non potuit conscientias hominum obligare; tum certè nullus mortalium id jure potest. Habuit enim Paulus summam potestatem in Ecclesia tanquam Apostolus. Ex hisce omnibus apparet, Papam leges conscientis præscribendo, iisdem velle dominari, à quo dominatu S. Paulus alienissimus fuit. *ὁ κυριόθεν ὑμῶν ὁ πίστεως.* Non dominamur fideli vestra. Papa dominatur, quia conscientias novis decretis & necessariis observatu ad salutem onerat: quit cogit credere aliquid esse necessarium, quod Deus liberum reliquerat. Legislator Moses Judæis suffe-

2. Cor. 1. v. ult.



sufficit: Ecclesiæ Christus sufficit. Valeat itaque Papa cum suis decretis. Nisi Christum statueret imperfectum Legislatorem; novas ipse leges Ecclesiæ non obtruderet. Certum habemus ea salutis nostræ sufficere, quæ Christus docuit & mandavit: At Hosium Cardinalem non puduit hujus dicti: *Ecclesiam melius habituram fuisse, si nullum descriptum Evangelium exstaret.* Neque Sanctem hujus: *Paulum consultius facturum fuisse, si à tam multis quæ scribendo involvit, abstinisset.* Pleraque autem statuta Papatus ita comparata sunt, ut argento relaxari possint, ut patet ex taxa Cancellariæ Apostolicæ, de qua supra. Unde Claudius Espensæus Theologus Parisiensis illud Petri dictum: *ἐσὺν ἔν ὑμῖν ψευδοδιδάσκαλοι οἱ ἐν πλαστοῖς λόγοις ὑμᾶς ἐμπαροῦσιν*, erunt inter vos falsi Doctores, qui fictis sermonibus vos negociabuntur, (Non aliter quàm Plinius dicit: Imperitos Medicos animas hominum negociari) ad Prælatos R. E. accommodat. Initium autem legum collectarum à Gregorio VII. cœpit, quarum prima collectio in Bullario. Deinde Gregorius IX. decretalibus auctoritatem addidit, & vim legis. Nam disjectæ in schedis & situ jacebant. Hos secuti sunt alii.

In confess.  
Petricov.

l. de atheis-  
mo.

Com. in Ep.  
ad Tirum c. 1.  
2. Petr. 2. 3.

Hæ sanctæ leges unice nituntur autori-

Y 3

tate

rate R. E. quæ tanta est, ut patres, concilia, Canones sibi usui esse intelligat, ipsis scripturis Canonicis eos exæquet, adeoque in cœlum tollat adeo, ut spem veniæ violatori deneget; si minus arrideant, aut liberrime rejiciat, aut glossam textui contradicentem excogitato aliquo commento eleuet. Hac tam sublimi autoritate scripturæ Canonicam fidem conciliat: Hac decalogi præceptum 2. expunxit & tertium immutavit.

1. *Tu n'auras d'autres Dieux que moy.*
2. *Tu ne prendras point le nom de Dieu en vain.*
3. *Souviens-toy de sanctifier les festes.*

Egregie. Hac autoritate frera calicem populo Christiano ademit in Concilio Constantiensi, non obstante Christi institutione & veteris Ecclesiæ exemplo. Hac autoritate non è suggestu sed è plaustro convicia in sacrosanctam scripturam jactat, appellando eam *Characterem mortuum, literam mortuam, occidentem, mutam & inanem, quæ nec sentit nec intelligit: merum putamen sine nucleo: regulam Lesbianam, calceum utrique pedi aptum: folia Sibyllæ; Sphyngis ænigmata, materiam litis: lucum pradonum, officinam hæreticorum: imperfectam, dubiam, obscuram, ambignam, perplexam: nasum ceræ, ut non minus vere quam festive judicio Pigij quidam dixit. Quis mortalium de bulla aliqua Papæ*

Roma-

Doctrine  
chrétienne  
laques Lede-  
sina lesuite  
imprimee a-  
vec permis-  
sion de supe-  
rieurs l'an.  
1699. & 1624

Lindanus 1. 2  
Strom. c. 2.  
pan. l. 1. c. 22.  
l. 5. c. 4. l. 1. c. 6

Turrianus  
contra Sade-  
lem p. 99.  
Charon. de  
3. verit. p. 220  
Lessius Conf  
rat. 11.

Romani vel decreto quodam Canonici juris hæc in Hispania auderet dicere: O antichristiana Ecclesia quousque te efferes supra ipsum Deum? Hac auctoritate clericos suos è potestate principum exemit quos eisdem Apostolus Paulus subjecerat: *Nullus clericus vel Diaconus vel Presbyter propter quâlibet causam intret in curiam; nec coram civili iudice suam præsumat dicere causam.* Neq; id sine ratione evidenti. *Dominus enim mentionem faciens de Loth per Moysen loquitur. Ingressus es quidem ut advena, numquid ut iudices?* Item: *Dominus proprio flagello peccatores sacerdotes è templo ejecit. Vnde liquet summos sacerdotes, id est, Episcopos à Deo iudicandos: qui eos tangit, tangit pupillam oculi Dei.* Idem hoc est: Baculus stat in angulo; E. mox pluet. Hac auctoritate subnixæ R. E. officia divina idiomate ignoto peragit, Pauli disputatione super ea re neglecta spretaque. Hac Luciferiana potestate Deum sibi triplici facie depingit, & vestitu Papam referentem, eumque latria colit. Hac auctoritate Antichristiana patrum universorum dicta mutat, pervertit, delet, prout è re sanctæ matris videbitur, quæ ipsos filiorum non patrum loco ducit, adeoque ut in ipsos, sic in eorum scripta jus habet. *Romanorum pontificum decreto ceterorum opuscula tractatorum approbantur vel reprobantur, ut*

Hierarch. l. 3. c. 3.

Caus. 11. q. 1. c. nullus.

Caus. 3. q. 6. c. leges.

c. si Romanorum. dist. 19.

*quod vere sedes Apostolica probavit, hodie teneatur acceptum, & quod illa repulit, hactenus inefficax habeatur, &c.*

Hac immensa autoritate concilia respuit & recipit pro libitu: totiuq; orbis consensu stabilita decreta rescindit: *Ajunt in conciliis statutum hoc non inveniri (quod pallium ab Apocrisariis tali conditione Roma mittatur, si juramentum Episcopi pro fide & obedientia exhibeant) quasi Romana Ecclesia legem concilia ulla praeferint, cum omnia concilia per Romanae Ecclesiae auctoritatem, & facta sint & robor acceperint, & in eorum statutis Romani Pontificis patenter excipiat auctoritas. Sicut Dei filius venit facere voluntatem patris sui: sic & vos implete voluntatem matris vestrae, quae est Ecclesia, cujus caput Romana consistit Ecclesia. Ut ita Episcoporum munus in conciliis unico verbo PLACET absolvatur. Ita apparet nihil vel è scriptura vel ex patribus vel conciliis, imo decretis proferri, cujus Romana Ecclesia observatione se teneri judicet, ut ita Ecclesia illa, & legibus onusta infinitis, simulq; & nihilominus plane exlex sit. Hinc in decretis: Hoc non credo. In illo tempore. Hoc antiquum est. Tantum enim juris hæc recens Ecclesia Romana ac antiqua sibi vindicat. Si tollamus auctoritatem presentis Ecclesiae & presentis Concilij, in dubium revocari poterunt cuncta aliorum conciliorum*

l. r. Decret. de  
plact. c. signi-  
ficasti,

Dist. 12. c.  
non deqet.

*conciliorum decreta &* TOTA FIDES CHRISTIANA. Sic religio ab Italarum potissimum Prælatorum 187. Hispanorum 31. Gallorum 26. Germanorum 2. Lusitanorum 3. Græcorum 3. Polonorum 2. Vngarorum 2. & demum Pij 4, qui se Ecclesiam universalem nominat, auctoritate suspensa facillime vacillabit. Nam teste Iacobo Stella, *Theologi non fuerunt; munus exercuerunt ligni elinguis aut muti lapidis: cuncti sunt theologos adducere à quibus docerentur quid respondendum esset: quorum plerique politici Canonistæ venatores & aleatores potius fuerunt, quam Episcopi. de quibus Iohannes Major: Dum prodierunt in medium Canonistæ & acquisiverunt posthabitis Theologis Episcopos, experientia docet quo pacto Ecclesia regatur.* Itaque id accidit mihi merito quod Stellæ ut nequeam mihi à risu temperare, quod volunt Episcopi DOCERI, REGI. In quo Concilio teste Thuano: *de privatis tantum affectibus laborabat Pontifex, ad cetera securus.* Quod item Pontifice invito & coacto cœit, teste eodem: in quo, teste Espensæo, idem contigit quod Ludovicus Arelatensis olim questus est in concilio Basileensi, nempe ut id fiat in conciliis quod Italici placeat, qui numero suffragiorum soli omnes vincerent. Itaque nisi Italici placeat, religio nulla amplius colenda

Bell. de effectu sacr. l. 2. c. 25.

In com. in Luc. 6. 39.

In 4. dist. 24. q. 3. resp. ad 6

l. 8.

l. 26. in ep. ad Titum cap. 1.

Censores Dua-  
censes in in-  
dice expurg.  
c. de lib. Ber-  
trami.

C. si Rom.  
dist. 19.  
Chry. in Mat.  
c. 15. hom. 51

Mantuanus.

Index libro-  
rum prohibi-  
torum sub  
Sixto v. &  
Clemente  
viii. col. an.  
1602. p. 22.

erit. Horum similes Episcopi in Catholi-  
cis veteribus errores excogitato commento per-  
sepe negant, & commodum eis sensum affin-  
gunt. Hi religionem servilibus oneribus premunt,  
ut Iudaorum tolerabilior jam olim nedum nunc  
conditio fuerit, iudicio Augustini Ep. 19. c. 19.  
Augustinus generatim loquitur: *Hac nimis  
doleo, quia multa quae in divinis libris salu-  
berrima praecepta sunt, minus curantur, &  
tam multis presumptionibus plena sunt omnia.*  
Pontifices Romani decreta sua innumerabi-  
libus voluminibus comprehensa esse dicunt.  
*Christus loquitur de Phariseis quod NOSTRIS  
facile potest applicari. Cum enim timerent,  
ne principatum amitterent, seu legum latores  
ut majores viderentur, plurima innovarunt.*  
*Quae res ad tantam pervenit nequitiam, ut pra-  
cepta ipsorum magis quam Dei mandata cu-  
stodirentur.* Idem studuerunt boni isti Patres  
Tridentini.

*Qui filo insertis numerabant murmura  
baccis.*

Negant per regulam quartam indicis  
Tridentini ullam de novo tribui facultatem  
Episcopis vel inquisitoribus aut regularium  
superioribus, concedendi licentiam emen-  
di, legendi aut retinendi biblia vulgari lin-  
gua edita, cum haecenus MANDATO &  
VSV S. R. & universalis inquisitionis sub-  
lata eis fuerit facultas concedendi hujus-  
modi.

modi LICENTIAS legendi vel retinendi  
 biblia vulgaria, quod quidem INVIO-  
 lante servandum est. At olim aliter S. Augusti-  
 nus: *Nemo inde haurire non potest quod sibi* De util. cred.  
*satis est, si modo ad hauriendum devotè ac pie* ad Honor c.6  
*ut vera religio poscit, accedat.* Hinc factum  
 est, ut luce scripturæ è conspectu subtracta  
 hominum, Ilias quædam vanissimarum ce-  
 remoniarum à variis Episcopis Romanis in  
 Ecclesiam infusa sit. *Communiavit Ecclesia* Gerson p.3.  
*multos gentilium ritus, non eos penitus aufe-* de direct. cor-  
*rendo.* Ipse Baronius: *Consulto postea intro-* dis an. 200.  
*ductum videtur, ut quæ erant gentilitia super-* f.5.  
*stitionis officia, eadem veri Dei cultum sanctifi-*  
*cata, in veræ religionis cultum impenderentur.*  
 Bene ait: POSTEA. Ab initio enim Chri-  
 stiana religio paucis ceremoniis contenta e-  
 rat, judaicis ritibus & ineptiis insuper ha-  
 bitis. At jam talium nugarum nullus finis  
 nec modus. Alexandrum I. tradunt aquam  
 lustralem instituisse, idque Iudaico exemplo:  
*Aquam sale conspersam in populis benedici-*  
*mus, ut ea cuncti aspersi sanctificentur & pu-*  
*rificentur, quod omnibus sacerdotibus facien-*  
*dum esse mandamus.* Nam si cinis vituli a-  
 spersus populum sanctificabat atque mundabat,  
 multo magis aqua SALE aspersa, divinisque  
 precibus sacrata populum sanctificat atque mun-  
 dat. Et si sale asperso per Heliseum Prophe-  
 tam, sterilitas aquæ sanata est, quanto magis  
 divi-

De conf. dist.  
 3. c. aquam  
 cum sale.

*divinis precibus sacralis SAL sterilitatem auferit rerum humanarum*, coinquinatos sanctificat, nisi diaboli avertunt. (Eph. 6. 5. Paulus oblitus est hoc armorum genus.) Calixtum tradunt jejunium 4. temporum instituisse. Urbanum I. aureos calices loco vitreorum & ligneorum. Stephanum I. vestes Missaticas. Felicem I. templa in honorem Martyrum, item, annua sacrificia in honorem ipsorum. Gelasium ordinasse ne quisquam ad sacerdotium adspiret, nisi per distinctos gradus, Ostiarii, Lectoris, Exorcistæ, Acoluthi, Subdiaconi, Diaconi, Presbyteri. Alio loco Urbano I. hoc inventum adscribit. Silvestrum I. tradunt mitram candidam gestasse, instituisseque illud peregrino idiomate decantatum, *κυρμε ἐλέησον*. Mulierum gestamen olim Mitra.

*Copa Syrisca caput Graja redimita mitella.*

Polyd. de inv.  
rerum l. 4. c.  
7. ferm. in fe-  
sto Silvestri.

Anastasius.  
Luitprandus.  
Platina.

Postea ex dono Constantini corona accessit. Innocentius 3. testatur mitram officij Papalis; coronam regij ejusdem officij insignie esse; Marcum 1. ajunt autorem pallij esse, quod ita fit. Festo S. Agnetis in ejusdem templo Romæ tempore missæ à Diaconis 2. candidi agni altari imponuntur, deinde tondetur à subdiaconis. Horum lana alij vulgari admiscetur, & ducitur, unde pallia texuntur, quæ sepulcris S. Petri & Pauli im-



imposita consecrantur & distribuuntur pro pecuniæ non aspernanda summa, scilicet 30000. Ducatis. ut autem merx ista vendibilis sit, recenti Archiepiscopo modo pallio opus est Roma petendo. Siricium ajunt, An. 399. memoriam sanctorum missæ adfuisse. Primum enim lecto symbolo nomina martyrum & eorum certamina legebâtur sub missa, adeoque, ut Cyprianus loquitur, Nomina Martyrum offerebant. Deinde inceptum de auxilio & meritis Martyrum dici, sed dubie & per figuram Rhetoricam in Epitaphiis usitatam, donec tandem hic cultus sanctorum in articulum fidei abiit. Polydorus Virgilius 7. horas Canonicas ad tempora Pelagij refert. Gregorius M. Collectarum & cantuum fere omnium Ecclesiasticorum autor fuit, ut & infinitarum ceremoniarum. Sabinianum scribunt instituisse lampadum diurnum nocturnumque usum in templis. Campanarum usus primis 600. annis ignotus. Vincentius narrat Aureliam à Clothario obsessam campanas cepisse pulsare, perterritosque milites rei novitate aufugisse obsidionemque solvisse. Sabellicus narrat Græcos companis cæpisse uti anno 870. donatis Basilio Imperatori à Venetis. Bonifacius 3. primum cæpit uti his formuiis. Volumus, mandamus, statuimus. Idem altaria linteo panno obvelanda statuit.

An. 399.

L. 3. ep. 14.

Lib. 23. sp. hist. c. 2.

Enn. 9. l. 1.

Polydorus 1. 4. c. 10.

Duran. rat.  
l. 4.

Anno 607.

Luitprandus  
anno 634.  
l. 2. contra  
Parthenio-  
nem c. 40. de  
Monachis,  
Stella.

686. Luitpr.

l. 1. de miss.  
c. 27.

Platina l. 4.

statuit. Carion testatur neminem fere eo-  
rum Paparum qui huic successerint, non in-  
stituisse aliquid novi ad dignitatem Sedis  
Pontificiæ nuper evectæ amplificandam.  
Bonifacius IV. Pantheon consecravit in ho-  
norem omnium Sanctorum. Platina teste,  
Theodato spiritualis cognatio originem  
suam debet. Bonifacius V. homicidis asyla  
locorum consecratorum indulgit. Honorius  
I. invocationem Sanctorum Letaniis adte-  
xit. Rasura & corona clericorum olim ve-  
tita Levit. 19. 27. Ez. 44. 1. jam insigne Sa-  
cerdotum, & sanctimonix indicium. Opta-  
tus exprobrat Donatistis, quod Sacerdotibus  
capillos detonderent. Bellarminus fatetur,  
neque Palladium, neque Isidorum, neque  
Bedam, licet plurima de Monachis referant,  
hujus rasuræ Monachalis meminisse. Or-  
gana Vitelliano debentur. Benedictus II.  
Vicarium se Christi primus nominavit. Ser-  
gius hostiam in 3 partes dividendam insti-  
tuit. 1. pro animabus in purgatorio. 2. pro  
Sanctis. 3. pro viventibus. Verè Bellarmi-  
nus: *Nostra fractio sine dubio non habet Deum  
maiores.*

Constantinus I. Justiniano Imperatori pe-  
des osculandos dicitur Constantinopoli ob-  
tulisse. Hoc posteri in morem traduxerunt.  
Plutarchus scribit teste Polydoro, moris  
olim Romæ fuisse, ut populus oscularetur  
pedes

pedes Ethnicorum Sacerdotum. Zachariam Luitprandus narrat peculiarem habitum clericorum excogitasse. Stephanus II. Papæphoriam invenit, suoque exemplo corroboravit. Sub Johanne XIV. cœptæ sunt Campanæ baptizari, nominibus inditis. Nam Campanæ maximæ Lateranensi Johanni nomen fuit, idque ejus autoritate. Johannes XIX. Magus instituit festum animarum omnium, circa annum 900. Paschasius Abbas in Saxonia vixit, qui de reali præsentia Christi in cœna scripsit, cum eo Italus quidam Lanfrancus fecit, aliique Monachi Itali autores consubstantiationis, quibus Bertramus se opposuit. Nicolaus I. electionem Papæ à solis Cardinalibus peragenda instituit. Urbanus I. horas B. Virginis ordinavit, item diebus singulis Sabbati Missam in ejusdem honorem. Sixtus III. Petri catenas sacra- vit, in earumque honorem festum instituit, alii aliis adscribunt. Benedictiones & exorcismi quantum à superstitione absunt Ethnicorum & Magorum? Certè preces istæ ex fide nequeunt proficisci. Nam Deus nusquam promisit sese per tales preces & motus digitorum supernaturalia dona in creaturam effusurum. Panis & vinum moderate sumptum ut corpus meum nutriant, orare possum, quia Deus isti usui ea destinavit.

Quod si petam, ut *panis sit salus mentis*: si

Platina.

Anno 973.

Benno.

Ioh. Bacon-  
torph. in  
prol. 4. sen-  
tent.

An. 1062.

Stella. Dist.  
23. c. in no-  
mine Domini.

Rituale de  
benedict. p.  
50. 226.

exor-

Risp. de ba-  
ptismi. p. 32.  
Max. Egnat-  
tus in man.  
exorcismo-  
rum p. 255.

*exorcizem buiyrum per Deum vivũ, per Deum  
verum, per Deum sanctum : item ; sal, ut fiat  
salutare Sacramentum ad fugandum inimicum,  
ut discedat à loco in quo aspersum fuerit omnis  
phantasia & nequitia, vel versutia diabolicæ  
fraudis ; si exorcizentur vermes, ut à campis re-  
cedant : item, nubibus ut exeant, quas concita-  
runt, spiritus aerij, qua fide hoc peto? Nonne  
Toletus, alique Summistæ, Magiam practi-  
cam (divinatrici oppositam) ita definiunt,  
quod media aliqua, sive verba, sive actiones,  
per modum signorum & ceremoniarum, si-  
ve res permanentes, adhibeat ad effectum ali-  
quem producendum, quæ neque sunt causæ  
naturales, neque instrumenta Dei, quia Deus  
non promisit se talia facturũ per illa. Osten-  
dant Papistæ mandatum divinum: ostendant  
promissionem. Azorius non diffitetur de istis  
benedictionibus Pontificiis seu Episcopalibus, in  
jure canonico nullum canonem exstare, nec UL-  
LAM in Patribus TRADITIONEM.*

Inst. moral.  
l. 4. c. 11.

In axiom. ex  
2. 2. Thom.  
q. 96. a. 2.

Hæresi 4.

Augustinus Hunnæus, qui ex Thomæ  
doctrina axiomata collegit idem fatetur.  
Quid de aqua benedicta garrunt? Nonne  
ea *venialia peccata* abluunt? Epiphanius de  
Hemerobaptistis. *Vanum & frivolum est co-  
rum studium. Neque enim Oceanus, neque  
omnia fluenta ac maria, fluvijq; perpetui & fon-  
tes, universaque ὁμολογούμενα Φύσις in unum  
congressa peccata delet* potest, quia non est hoc  
*juxta*

juxta rationem; nec ex præcepto Dei fit. Petrus & Paulus negarunt se propria potestate effecisse, ut claudus ambulet, & aquæ tanta virtus tribuenda erit? Guilielmus Caualius depinxit aspergillum veterum Paganorum, item vas marmoreum, quod aquam lustralem continebat. Theodoretus, narrat Valentinianum militem comitantem Iulianum in templum Fortunæ ab ædituo Pagano aspersum aqua. Baronius: *Vigilias anniversarias habes apud Suetonium in Vespasiano c. 7. lustralem aquam; aspergionem sepulcrorum apud Iuvenalem sat. 6. luminaria apud Sueton. in Octavio c. 8. 9. Olim baptizatis lac & mel dabatur. quod hodie cessavit. Tam facilis humani animi prolapsio in superstitionem!* Baronius: *cum infantibus suis gentiles bullas ad avertendâs fascinationes (ut docet Varro de l. Lat. lib. 6.) re turpicinia consignatas collo suspenderent, ad eas abolendas, ut de multis accidit, placuit, superstitione in religionem mutata, ex ejusmodi sacra cæra bullas confici, quas agni Christum præferentis imagine insignitas genti in Christo gestarent.* Iacobus de Voragine: *Festum Proserpine imitatum est in honorem matris lucis, ut portemus candelas in ejus honorem.* Evangelium Iohannis collo suspenditur. Nescio cui bono. Autor operis imperfecti. Cui in auribus posita Euāgelia nihil profunt, quomodo eum poterunt in collo suspensa salvare?

Act. 3. 12.

1. de relig.  
Rom.

1. 3. c. 161

An. Tom. 1.  
ad annum  
439. n. 88.

An. t. r. ad a. 1.  
58. 1476.

Præd. 32. de  
sanctis.

In Matt. c. 13  
hom. 43.

Z

Vbi

*Vbi virum Evangelij? in figuris lucrarum? an in intellectu sensuum? Si in figuris, bene circa collum suspendi. Si in intellectu, melius in corde posita profunt, quam circa collum suspensa.*

Rat. l. 6. c. 74.  
n. 17. 19.

Durandus. Ampullæ saluantur quinquies ab Episcopo, ut de 5. vulneribus gratiarum actio Christo reddatur. Deinde cooperiuntur ut à nemine nuda videatur, et quæ iterum saluantur.

Deinde ter balat in ampullam Episcopus quia  
3. personæ sunt. Vbi vetus Ecclesia Chri-

stiana olim sic locuta est? Ave Sanctum  
chrisma! In signo crucis quanta superstitio!

Veteres Christiani cruce gloriabantur, Ethnicis sibi ejus ignominiam exprobrantibus,

seque cruce signabant; quod nihil aliud erat  
quam Christianam religionem profiteri. Cy-

rillus. Non pudeat nos crucifixum confiteri,  
sed in fronte  $\mu\tau$  παρρησίας signaculum crucis

De verb. A-  
post, fern. 8.

imprimatur. Augustinus: *Quale cor habetis  
qui Deum colitis crucifixum? In frante cru-*

cem figat in quo membro erubescitur. Ibi figatur unde non erubescitur. Hic usus tum tem-

poris non fuit reprehendendus, neque adeo  
in benedictionibus, ut ostendamus, omnia

nos à supplicio maledicto beneficia expectare. Interim veteres Christiani apud Mi-

**In Octavio.**

nutium Felicem. *Crucis nec colimus nec optamus.* Iam vero Bellarminus: *Snaues odores*

De Eccles.  
triumph. l. i.  
c. 3.

etiam cruci offerimus in Ecclesia. Hinc merito Polydorus Virgilius queritur, *Silvam,*

*quandam*

*quandam Iudaicarum & gentilium ceremoniarum agnum dominicum occupasse. Cajetanus: Onera quæ ministri imponunt humeris hominum sunt importabilia, non onus Christi. Itaque hæ Ceremoniæ merito quoad numerum nimix, quoad usum nullius ponderis sunt. Sed pergamus. Felix 3. encæniam ordinavit anniversaria exemplo Heferniæ. Gelasius adfuit missæ præfationem, gradualia, collectas. Symmachus ei ultimam manum videtur adhibuisse. B. Rhenanus fatetur negari non posse candelas accensas die purificationis Mariæ ortas à Februalibus Romanorum. Iejunium cur certis temporibus lex imperarit, ex ceremoniis legis Mosaicæ ratio petitur. Cogimur, ajunt, ad Hebræos recurrere, & scientiæ veritatem de fonte magis quam de rivulis querere. Hinc tota illa suppellex Ecclesiastica: hinc apparatus templorum: hinc vasa, candelabra, luminaria, thymiatmata, sanctum sanctorum (quod Romæ in æde S. Iohannis Lateranensis visitur) hinc Pontifex Maximus, Sacerdotes, Levitæ, Sacrificia, Encæniam. Habemus reos confitentes. Si Judæi qui umbra legis deserviebant hoc faciebant, MVLTIO MAGIS nos, quibus veritas patefacta est, possumus templa ornare, & sanctis unctionibus cum altaribus, vasis, vestibulis & reliquis ad divinum cultum explendum utensilibus devote & solenniter sa-*

De inv. l. 4. in  
Matth. c. 23

Dist. 1. c. 10  
lenit.

In 5. lib. Tert.  
contr. Marcionem.

Dist. 26. c. 1  
junio.

Rationale Du-  
ranti.

De consecr.  
dist. 1. c. 1  
secreat.

Dist. 21. c.  
cleros.

crare: Glossa. Si gentiles faciebant, multo magis nos facere debemus. Et sic est argumentum quod possumus argumentari ab exemplis infidelium. Totam istam Papatus Hierarchiam descriptam & ex origine demonstratam videat cui hoc curæ est in ipso iure Canonico. Ausim asseverare, me raro quicquam ineptius legisse. *Metropolitani à mensura civitatum appellantur: Pontifex quasi via sequentium; ipse enim Sacerdotes & Levitas efficit. Antea autem pontifices & reges erant. Nam majorum Ethnicorum hæc consuetudo fuit, ut Rex esset Sacerdos & Pontifex. Vates à vimentis appellatus est. Sacerdos à Græco & Latino, quasi sacrum dans. Levita ex nomine autaris sunt vocati. De Levi enim Levitæ exorti sunt. Hypodiacones dicuntur, quia subiacent præceptis & officiis Levitarum. Oblationes enim in empto Domini à fidelibus ipsi suscipiunt, & Levitis altaribus supponendas deferunt.* Sed pergamus. Sacerdotum institutio in veteri testamento inchoata, & in novo plenius consummata est. Summi enim Pontifices & minores sacerdotes à Domino sunt instituti per Moysen, &c. Inter sacerdotes quadam discretio servata est, ut a'ij appellentur simpliciter sacerdotes, alij Archipresbyteri, alij chorepiscopi, alij Episcopi, alij Archiepiscopi seu Metropolitani, alij primates, alij Patriarchæ, alij summi Pontifices. Horum discretio à gen-  
uibus

Dist 21. c. de  
cretis.

Item in con-  
cilio Aquil-  
gran.



tilibus maxime introducta est, qui suos flamines, alios simpliciter flamines, alios archiflamines, alios prothoflamines appellabant. Marcellinus Pontifex 5. Diœceses Romæ constituit ad usum baptismi & sepulturæ, eisdem totidem Presbyteros præfecerat, ut baptizandi infantes & humandi mortuos curam sustinerent. Et hæc vera Cardinalium origo fuit. Bellarminus. Primis octingentis annis cardinales vel soli vel primarij Pontificis Consiliarij non erant. His postremis sexcentis annis vel septingentis cœperunt omitti concilia Episcopalia, & res tota redigi ad senatum Cardinalium. Qui ordo teste Fr. de Victoria non est ex jure divino. Olim, ait Bellarminus, *faceor Episcopos quoscunque prælatos fuisse non-Episcopos. Postea tamen mutatus est ordo, posteaquam ad Cardinales devoluta est summi Pontificis electio. Quam autem hoc bellum collegium & sanctum sit, testatur Espensæus dicens Paulum IV. de se cogitasse in sacerdotum suorum collegium cooptando, idque serio; sed se immortalis Deo gratias egisse, quod Christus sibi tantum mali non permiserit. Quid facerem Romæ?* ait. *mentiri nescio. Primus Pontifex, ni forte fallor, ait Bellar. qui sanctos legitur canonizasse, fuit Leo 3. id est, anno 786. For- san alij ante eum id fecerunt, sed hoc mihi non constat. Hanc Canonizationem sanctorum*

Polydorus de  
inv. rerum. l.  
4. c. 9.

Relect. 2.  
concl. 7.

In Ep. ante 6.  
trad Cardina-  
lem Casti-  
lionæum p. 12

L. 1. de beat.  
sanct. c. 8.

In ind. ante  
Enchirid. art.  
379

L. 1. adorat.  
disq. 5. c. 7.  
n. 166.

L. 1. d. R. P.  
c. 11.

Epiph. 68.  
hæres.

Eusl. 4. c. 18.

Epiph. 51.  
hæres.

Costerus vocat *novam & non necessariam facultatem*. Rossensis. *Hæc est* judicium Ecclesiæ publicum de vera gloria hominis defuncti, in quo Ecclesia errare nequit, ita ut hæreticus sit censendus, qui Thomam Aquinatem sanctum esse pertinaciter neget. Sed Vasques. *Aliqui Catholici probant non esse certum secundum fidem sanctos quos colimus, esse colendos, quia non est ex fide eos esse sanctos*. Bellarminus ait, Adrianum Papam deceptum à Synodo judicasse Honorium fuisse hæreticum. Hinc sequitur Papam in sanctis damnandis errasse cum concilio, cur non in impiis canonizandis? Nec traditiones R. E. hæreticorum imitationem respuunt. A Pelagio hausta est doctrina de libero arbitrio & perfecta legis impletionem. A Mes-salianis precum certarum statim horis ad calculum revocata enumeratio. Ab Ebionitis & Tatianis conjugij impuritas. A Montanistis leges jejuniorum. à Collyridianis hyperdulia B. Virginis. ab Anthropomorphitis imago Trinitatis. à Gnosticis imaginum veneratio. à Simone nundinatio Episcopatum & reliquorum BENEFICIORVM. ab Eutychianis ubiquitas. Ita Bellarminus. *Dicere corpus Christi esse posse ubique, simul est Eutychianorum hæresis*. At ipse Bell. *Nos dicimus corpus Christi simul esse in pluribus locis*. Th. Aquinas, *Quod si in pluribus,*

1172

*tum in infinitis. Ab Anabaptistis veritatis no-  
titia sine adhibito medio. Tenemus quod si-  
ve Pontifex in iudicando diligentiam adhibue-  
rit siue non adhibuerit, infallibiliter tamen de-  
finiet. Ita Gregorius de Valentia. Sed in-  
eptus sum si camarinam istam diutius mo-  
veam. His foliis veritas tecta & adumbrata  
fuit. Damasus. Tanta apud nos simplicitatis  
imago est, ut tantam in die dominica Apostoli  
epistola recitetur una, & Evangelij capitulum  
unum dicatur. Nec psallentium mos tenetur,  
nec hymni decus in ore nostro cognoscitur.*

L. 8. analyf.  
fid.

1. tom. conc.

### C A P V T. III.

*Sola sacra scriptura est fundamentum fidei,  
interpretanda ex seipsa, non ex sensu  
Romanae Ecclesiae quae nec scriptu-  
ram nec interpretationem  
sinceram habet.*

I.



Postasia Romanae Ecclesiae non eru-  
buit publico decreto Verbum non-  
scriptum pro regula fidei vendicare.

Carranza. Nos dicimus, quod prior regula  
& notior & multo latior Ecclesia est quam scri-  
ptura Canonica, & haec per ILLAM debet  
REGULARI, non contra. Pighius. Scripta

2. Controv.  
prol. ad  
sum. concil.

1. 1. Hierarch.  
Ecc. c. 2.

Z 4

Apo-

*Apostolica ad id facta non sunt, ut præessent fidei nostra, sed ut subessent potius. Fides Ecclesiæ quoad acceptionem nostram regula scriptura est; Cusanus. Scriptura intelligenda est secundum currentem praxin Ecclesiæ. Charonæus. Scriptura est minima particula veritatis revelata. Hosius. Multo maxima pars Euangelij pervenit ad nos traditione: per exigua literis est mandata. Tandem aperte ait: Ecclesiam melius habituram fuisse, si nullum existeret descriptum Euangelium. Sed Apostoli non sunt iussi scribere sed docere. Respondeo Apostolos mandatu Christi orbem docuisse. Docendi ratio in viva voce vel scripto consistit. Bellarminus fatetur Apostolos Deo inspirante & volente scripsisse, sed non præcipiente. Contra Augustinus. Christus Apostolus tanquam suis manibus scribere imperavit. Est quidem aliud viva voce præcipere, aliud interna inspiratione adducere; sed tantum quoad modum imperandi; non quoad auctoritatem mandati. Plus est Cordi quam auri loqui. Quod autem scriptura certis occasionibus exarata sit, id auctoritati ejus & fini nihil officit. Quæ singulis scripta sunt, ad omnes pertinent. Deus variis occasionibus ad salutem Ecclesiæ procurandam uti potest. Impiis itaque his Papatus Doctoribus omnium primo publicum judicium Gregorij 13. deinde totam antiquitatem*

L. 9. de princ.  
c. 11.

Verit. 3. c. 4.

Confess. Pe-  
trici. c. 22.

De consens.  
Euang. l. 1.  
c. 5.

tatem oppono. Ita Papa. *Nihil potest esse horum librorum lectione dignius, nihil fructuosius, nihil omni hominum generi accommodatius, nihil majori doctrina & sapientia referrius.* Quin itaque nullas facimus legendas, totamque illam non scriptam doctrinam? Sed audiamus quid vetus Ecclesia de S. Scriptura judicavit.

In literis ad Philipp. 2. regem Hispania bibliis regis annexis.

Justinus Martyr. *Confugiendum est ad Scripturas, ut in omnibus tuti simus.*

Contra Tryphum.

Tertullianus. *Si non est scriptum, timeat vix illud adjicientibus aut detrahentibus destitutum. Scriptum esse doceat Hermogenis officina.*

Contra Hermogenem c. 22.

Apollinaris. *Quod metuerem & sedulo precaverem, ne Evangelico N. T. verbo (cui neque apponere, neque detrahere quicquam licet ei, qui secundum Evangelium ipsum vitam degere instituit) scribendo vel componendo viderer adjicere.*

Apud Eusebium l. 5. c. 15. edit. Christophorionianæ.

Clemens Alexandrinus. *Non est æquum nos attendere simpliciter hominibus asserentibus, adversus quos & nobis ex æquo licet assertionem uti. Quod si non sufficit tantum proloqui id, quod ita videtur, quin potius necesse est fidem astruere eorum, quæ dicuntur: ne expectemus testimonium ab hominibus; sed confirmemus id, quod in quæstionem venit verbo Domini, quæ omnium demonstrationum certissima est, imo vix sola est demonstratio.*

Strom. 7.

Tertullianus. *Aufer hereticis quæ cum*

De resurr. carnis c. 3.

Z 5

Ethni-

*Ethnicis capiunt, ut de Scripturis solis quaestiones suas sistant, & stare non poterunt.*

De Incarnat.  
t. I, col. 484.

Athanasius. Si discipuli estis Evangeliorum, ne loquamini contra Deum iniquitatem, sed per Scripturas incedite. Quod si diversa à Scriptura fabulari vultis, ne nobiscum concertetis, qui neque LOQVI neque audire sustinemus extra ea quæ scripta sunt, docente Domino. Si vos permanseritis in sermone meo, vere liberi eritis.

Hom. 13. in  
2ad Corinth.

Chrysostomus. Scriptura est ἀνεξέλεγκτος καὶ ἁπλοῦς καὶ ἁπλοῦς καὶ ἁπλοῦς καὶ ἁπλοῦς, id est, accurata veritas, index & regula omnium.

Hom. 1. in  
Matt. t. 2.

Idem. Summi criminis est, scripta cælestia quasi frustra ac varie disposita despiciere, nec per illud auxilium proficere.

Hom. 53. ed.  
Græc. in Ioh.

Idem. Si velimus scribitari scripturas cum diligenti studio, & non utcumque, assequi poterimus salutem nostram.

In Haggæum.  
cap. 1.

Hieronymus. Gladius verbi Dei percutit omnia, quæ quasi traditione Apostolica sponte reperiunt & confingunt hæretici, absque auctoritate & scripturarum testimoniis.

In reg. ascet.

Basilius. Præpositum instruens, quo animo debeat esse præditus in iis quæ præcipit, jubet eum metuere, ne quid præter voluntatem Dei in scripturis certo expressam vel dicat vel instituat.

Idem: Manifesta est à fide defectio & superbiæ indicium; aliquid eorum quæ scripta sunt infirmare, vel quæ non scripta sunt, infer-

inferre, cum Dominus noster Iesus Christus dicat: oves meæ vocem meam audiunt.

Idem in asceticis. *Quid est proprium fidelis? In certa persuasione consentire sententiæ eorum quæ dicuntur, (nempe in divinitus inspiratis literis) neque quicquam vel irritum facere, vel insuper addere. Nam si quicquid ex fide non est, peccatum est, teste Apostolo, fides autem est ex auditu, auditus per verbum Dei: Quicquid est extra divinitus inspiratam scripturam, cum non sit de fide, peccatum est.* Regula 30.

Idem. *Oportet quicquid fit aut dicitur confirmari testimonio divinæ scripturæ.* In Ethicis def. 26.

Irenæus. *Rectissime scientes, quod scripturæ perfectæ sint, quippe à verbo Dei & Spiritu ejus dictatæ.* L. 2. c. 47.

Theodoretus. *Cave mihi disceptationes humanas syllogismosque protuleris. Ego enim in sola scriptura acquiesco.* Dial. 2. c. 6.

Cyrillus Hierosolymitanus. *Oportet ne minimum quidem tradere de sanctis & divinis fidei mysteriis absque divinis scripturis. Hæc est ratio conservandæ nostræ fidei, quæ ducitur non ex ingenioso acumine, sed ex demonstratione divinarum scripturarum.* Catech. 4.

Vincentius Lirinensis. *Perfectus est scripturarum Canon, sibi que ad omnia satis superque sufficit.* Initio Com-  
monitorij.

Augustinus. *Non afferamus stateras dolosas, ubi appendamus quod volumus, & quomodo* Contra Do-  
nat. l. 2. c. 62.

*modo volumus pro arbitrio nostro, dicentes, Hoc grave, hoc leve est; sed asseramus divinam stateram de scripturis sanctis.*

De bono viduit. c.1.

Idem. *Quid amplius te doceam, quam id quod apud Apostolum legimus. Sancta enim scriptura nostra doctrina regulam figit, ne audeamus sapere plus quam oportet sapere.*

Serm. 38. ad fratres in exemo.

Idem. *Legite sacram scripturam, in qua quid tenendum & quid fugiendum sit plene invenietis.*

De vocat. gentium.

Prosper. *Scripturis non loquentibus quis loquetur? Iesuitis parata responsio est.*

L. 1. de Orth. fid.

Damascenus. *Cuncta quae irradita sunt nobis per legem & Prophetas & Apostolos & Evangelistas, suscipimus, agnoscimus, veneramus, nihil ulterius perquirentes.*

Hom. 49.

Autor operis imperfecti in Matthæum. *Sciens Dominus tantam confusionem rerum in novissimis diebus futuram, mandat ut Christiani, volentes firmitatem accipere fidei verae, ad nullam rem confugiant nisi ad scripturas.*

Hom. 9. in Ezech.

Gregorius 1. *In hoc volumine cuncta, quae aedificant: omnia quae erudiunt scripta continentur.*

Frol. in Bibl.

Lyranus. *Sicut in philosophia veritas cognoscitur per reductionem ad prima principia per se nota: ita & in scripturis veritas cognoscitur, quantum ad ea quae sunt fide tenenda.*

In Can. miss. l. 71.

Gabriel Biel. *Scriptura est secundum B. Gregorium OS DEI, quia per eam Deus nobis*



*nobis loquitur omnia quæ vult à nobis fieri.*

Scotus. *Scripturæ sufficienter continent doctrinam Vitori necessariam.* Prol. in Lombardum.

Thomas. *Scripturæ faciunt hominem Dei PERFECTUM.* In 2 Tim. 3.

Driedo. *Scripturæ instrumentum vocatur, quia instruit hominem, quid debeat CREDERE, SPERARE, AGERE.* In 1. l. r. c. 1. de catal.

Pepinus Dominicanus. *Sola hæc scripturæ docet perfecte & plane quid CREDENDUM, ut sunt articuli fidei: quid AGENDUM, ut sunt divina præcepta: quid EVGIENDUM, ut sunt vitia.* 2. advent. 1. conc.

Mirandula. *Extra biblia non est veritas infallibilis. Scripturæ est officina ubi cuneus regie monetæ spiritualis cuditur. quod si vel in aliquo minimo punctulo denarius ab eo discrepat, procul dubio falsus est.* L. 1. de fide & ord. cred.

Stapletonus. *Vtinam credendi forma à primæva peteretur Ecclesia, quæ tot martyres Christo consecravit, quæ nullam regulam præter Evangelium novit, nullum scopum præter Christum, nullum cultum præterquam irino Deo impendit.* Præf. in Evangelia.

Sed num Ecclesia prisca omnibus scripturæ lectionem permisit? Hæc dubie.

Espenæus. *Indifferentes olim ab omnibus legébantur scripturæ, quod manifestum est ex Epistola ad Colossenses & ex communi Ecclesiæ praxi. Hanc Eusebius usque ad suam ætatem Christianos*

Com. in Tit. cap. 2.

*stianos servasse scribit : nec hac mea aut nova , sed patrum antiquorum doctrina antiqua admodum.*

Hom. de patient. & conf. seculi.

Ephrem Syrus. *Operam da semper, ait, ut lectioni divinarum scripturarum adhareas, quæ te doceant, quomodo effugere oporteat laqueos inimici & vitam æternam assequi.*

Serm. 55. de tempore.

Augustinus. *Hoc solum vobis non sufficiat, quod in Ecclesia lectiones divinas auditis : sed etiam domibus vestris aut ipsi legite, aut alios legentes requirite, & libenter audite.*

Hom. 20.

Cæsarius Arelatenfis. *Nemo se excusare conetur, ut dicat, non mihi vacat legere. Ideo non possum Dei præcepta vel agnoscere vel implere. Inanis & inutilis est ista excusatio.*

De Hieronymo & Chrysostomo quid opus est dicere ? Ille quam sedulo puellis injungit & matronis, ut illecebris mundi abjectis psalterium discant : in proverbiiis Solomonis ad vitam erudiantur : in Ecclesiaste consuecant quæ mundi sunt calcare : in Iob virtutis & patientiæ exempla sectentur : ad Evangelia transeant, nunquam ea de manibus deponituræ : Apostolorum acta & epistolas tota cordis imbibant voluntate : tandem mandent memoriæ Prophetas : ad ultimum sine periculo discant Canticum Canticorum.

Hom. 3. de Lazaro.

Chrysostomus. *Quid ais homo ? Non est tui negotij scripturas evolvere, quoniam innu-*

innumeris curis distraberis? Imo tantum est magis quam illorum (sacerdotum.) Magna adversus peccatum munus est scripturarum lectio: magnum precipitium, profundum barathrum scripturarum IGNORATIO: magna salutis perditio nihil scire ex divinis legibus. Ea res & haereses peperit & vitam corruptam invexit: Hos sursum deorsum miscuit omnia.

Augustinus. Nemo ex scriptura haurire non potest, quod sibi satis est, si modo ad hauriendum devote ac pio, ut vera religio possit, accedat.

De util. cred.  
ad Honorat.  
c. 6.

Thomas de Aquino. Nihil sub spirituali sensu continetur fidei necessarium quod scriptura per liberalem sensum alicubi MANIFESTE non tradat.

L. 1. quest. 1.  
art. 10. ad 1.

Augustinus. In his omnibus libris timentes Deum & pietate mansueti querant voluntatem Dei.

L. 2. de dr.  
Christ. c. 9.

Fulgentius. In Scripturis nec ovibus desunt pabula, nec alimenta pastoribus, in ea est quod perfectus comedat & parvulus sugat. Ibi ad SALVTEM consultitur universis, quos Dominus salvare dignatur.

Chrysostomus. Quomodo non absurdum est eos qui de pecuniis agunt, aliis non credere; sed numero calculoque id committere; de rebus autem judicandis aliorum sententiis simpliciter distrabi. Maxime cum in promptu habeant OMNIUM RERUM SANCTAM TRUTHINAM, divi-

Hom. 13 in 2  
ad Corinth.

*divinam legum sententiam?*

Analys. l. 8.  
c. 5.

Comm. in  
Matt. 20.

L. 3. de Chri-  
sto revelat.  
c. 21.

L. 4. c. 63.

Sed quænam ratio est interpretandi scripturam? Ex SEIPSA. In capitibus fidei creditu necessariis attendenda potius, sedulaque lectione quam operosa interpretatione indiget. In controversiis reliquis scriptura ex scriptura interpretanda est. Gregorius Valentia. *Ad eruendam Scripturarum interpretationem dogma latissime patens hoc erit. Loca clariora consulere & antecedentia & consequentia perpendere.* Iansenius. *Christus docuit scripturam scriptura conferendam esse, si in Scripturarum lectione errare nolumus.* Maldonatus. *Mihi non videtur alio interprete quam Evangelista opus esse.* Iosephus à Costa. *Nihil perinde scripturam mihi videtur* APERIRE atque ipsa SCRIPTURA. Itaque diligens, attentæ frequensque lectio tum meditatio & collatio Scripturarum, omnium summa regula ad intelligendum mihi semper est visa. Nam ex aliis Scripturis aliæ optime intelliguntur. Itaque obscuram aperta, dubiam certa interpretatur. Hoc est quod Irenæus monet: Secundum scripturas expositio legitima est & diligens, & sine periculo & sine blasphemia. Contra hæretici Scripturis dissolutis uiuntur & à proprio contextu avulsis, nulla perpetua ANALOGIAS ratione habita.

Regula itaque interpretationis est analogia fidei. Quia enim scriptura perfecta est,  
omnia

omnia dogmata tradit fidei necessaria Christianæ: quia perspicua est, obscuris lucem & clarioribus præbet: quia authentica est, certi sumus de interpretatione ex ipsis Scripturis hausta.

Salmero. *Optima regula ad obscuriores locos intelligendos, si loci similes, qui de eadem re edisserunt, inter se conferantur. Nam unus solet alterum illustrare.*

Disp. 16. l. 1. r.  
super Epist.  
Pau. i.

Augustinus hunc modum, scripturam ex scriptura interpretandi, optimum, ait, esse. Sed his omissis servatoris præceptum consideremus: ἐξυνᾶτε τὰς γραφάς, id est, scrutamini scripturas. Hoc Christus ad turbam dixit Iudæorum. Hoc scrutinium consistit, 1. In interpretatione verborum, ad quam refertur cognitio linguarum. 2. In collatione locorum obscuriorum cum clarioribus. Hæc collatio fit, 1. Per ἀλληλογράφιας, id est, seriem contextus, vel ἀναλογίαν, id est, similium locorum & omnium capitum fidei comparationem. Hæc duo media interna sunt; externa, 1. Cognitio disciplinarum. 2. Evolutio veterum & recentium interpretum. 3. Historiæ Ecclesiasticæ notitia. 4. Constitutio animi piæ, mansueti humilisque. 5. Preces. Quisquis his mediis recte usus fuerit, hunc scriptura aberrare non sine, teste Chrysostomo, sed parvulis sapientiam præstabit, & oculos illuminabit.

De doctrina  
Christiana l.  
1. c. 2.

Hom. 13. in  
Gen. 19. 8.  
9.

A a

At

At unde tot lites inter eos qui his mediis uti videntur? Quomodo oves judicabunt de doctrina Pastorum? Quis in tanta opinionum varietate & dissensione veram sententiam inveniet? Quisque suum judicium in religionis controversiis dijudicandis interponendo ab aliis diversum sentientibus abit. Ita religio in partes & sectas quotidie scinditur & distrahitur. An non è re cujusque Pacifici Christiani foret, judicio sedis Apostolicæ acquiescere ad consensum in religione inveniendum? An non præstaret Ecclesiæ Romanæ judicium quam privatim suum ipsius sequi? Nonne fallax est ratio nostra & cœca? Quo certo judicio statues hoc rectum, illud falsum esse? Nonne tuo ipsius? Vnde igitur fit quod tuo judicio plus quam alterius tribuas, cum tuum æquè errori obnoxium sit atque alterius. Nam ut tu judicium alterius pro regula fidei non habes; ita nec ille tuum. Hinc fit ut quisque religionis veritatem suo judicio, quod tamen æque ac alterius fallax & erroneum fatetur esse, metiatur. Nonne hæc est radix sectarum & hæreseon omnium? Hisce aliisque ratiunculis plurimi ad Cathedram Latiam abducuntur. Olim Chrysostomo gentilis nonnulla ejusmodi objiciebat. *Veni gentilis & dicit, vellem fieri Christianus, sed nescio quod dogma eligam. Singulæ dicunt, ego verum*

In acta Apostolorum  
hom. 33.

verum dico. Cui credam nescio, cum scripturarum sim ignarus, & illi idem utrinque pre-  
texunt. Sed cum scriptura SIMPLICES sint  
& VERÆ, facile tibi fuerit judicare. Si quis  
illis consentit, Christianus est. Quod si venient  
ille dicat, hoc habere scripturam, tu autem  
aliud dicas, aliter sc. enarrando scripturas, men-  
tem earum pro te trahens: Tu dic mihi, men-  
temne habes & IUDICIUM? Et quomodo pos-  
sum inquires judicare, vestra nesciens? Disci-  
pulus fieri vellem; tu autem me doctorem fa-  
cis. Empirius vestem, quamvis artis textoriæ  
imperitus sis, hac verba non dicis; Nescio eme-  
re, illudunt mihi: sed FACIS OMNIA UT  
DISCAS.

2. Lites inter Christianos non è scriptu-  
ra; sed ex perversitate naturæ nascuntur.  
Quicquid enim de mediis rectè scripturam  
intelligendi adhibitis obtendant, certum est  
male eos ipsis usos fuisse. Neque vero ad  
Christianum constituendum opus est ut co-  
tam scripturam cum singulis partibus dextre  
intelligat, ita ut alios dissentientes à suo  
iudicio teneatur è communionem sui cœtus  
excludere, quod plurimis hæreticis in usu  
hodie est; sed ut non intelligendi vivaci-  
tate, sed credendi simplicitate, necessaria  
Christianæ religionis dogmata, quæ claro  
sermonis genere exposita sunt in scriptura,  
amplectatur, ergaque eos qui errores fovent.

cum bona conscientia non pugnantes, caritate lenitate & mansuetudine utatur, donec & iis Deus id revelet. 3. At quo modo oves judicabunt de doctrina Pastorum? Omnes fideles tenentur in religione dijudicanda iudicium DISCRETIONIS adhibere. Nam Euangelium non anseribus & asinis, sed hominibus prædicatur. Quis sine iudicio & ratione religionem recte colat? Nonne fidei reddenda est ratio? Videamus quid in

1 Ioh. 4. 1.

1 Theff. 5. 21

Hebr. 5. v. ult.

1 Cor. 2. 15.

scriptura de hac re extet. Fideles tenentur *probare spiritus, num Dei sint. Imo: omnia probare, & bonum retinere:* iubentur habere *αἰσθητικὰ γεγυμνασμένα*, id est, *sensus exercitatos ad discretionem boni & mali.* Hinc

spiritualis homo: *de omnibus iudicat & à nemine iudicatur.* Hinc certum est, cœcam illam obedientiam & fidem implicitam ab omni ratione, verum à falso discernendi, se-junctam, ab officio Christiani hominis alienissimam esse. Neque ideo privatum cujuscunque iudicium publico Ecclesiæ iudicio antepositur. Hoc enim semper respectu autoritatis illi præfertur, ordinisque publici causa apud quemque fidelium majus pondus obtinet, quam quodlibet privati hominis. Hoc solum est, quod quæritur, an publicum iudicium, quod privato majoris autoritatis est, ita amplectendum sit, ut sine examine antegresso, sitne verbo Dei con-

sentia-



sentaneum nec ne, arripiatur ac retineatur? Hoc negamus. Nam Christus doctrinam suam auditorum discretioni & iudicio submisit, ad scripturas enim scrutandas eos ad-  
Ioh. 5. 39.  
hortatur, eo quod istæ de se testentur. Item Paulus. *Sicut peritis loquor, iudicate vos quod*  
I Cor. 10. 14.  
*dico.* Beræenses item laudantur quod Pauli doctrinam ad scripturæ examen vocarent. At maxima est opinionum varietas. Olim item fuit. *Oportet hæreses esse inter Christianos, ut probati manifesti fiant.*  
I Cor. 11. 18.  
*Sed hæ ex contentione, à qua Ecclesia abhorret, oriuntur.*  
I Cor. 11. 16.  
Scripturæ simplices & rectæ sunt, si quis iis consentit Christianus est. Num reformata religio ideo falsa est, quia in sectas scissa? sic tota religio Christiana falsa erit, olim enim in plurimas sectas distracta fuit, Chrysostomo fatente. Ipsa Papistarum fides vix duos habet, qui plene inter se consentiant. Alius Deum invocat sine advocata sanctorum intercessione: alius purgatorium nihili facit: alius indulgentias ne pili quidem æstimat: alius privatas Missas missas facit: alius imagines non adorat, ne *χελυῶς* quidem. Quid de Scholasticorum rixis dicam? At hæ ad fidem non pertinent. Num igitur ad Mathematicam pertinent? Vnde constabit omnes dissensiones in reformata Ecclesia DE FIDE esse, id est, de necessariis dogmatis, ut ipsi hanc vocem intelligunt? Itane

Chrys. hom.  
49. in Mat-  
thæum.

nobis ne in minimo quidem puncto licebit dissentire, ipsis licebit de maximis controuersis, imo de ipso fundamento fidei Papisticæ quotidie altercari? Dissentimus ab Anabaptistis? & Papistæ dissentiunt. Non dissensus cum cœtu hominum, sed cum verbo Dei iudicium falsæ religionis est. *Volens quis cognoscere*, ait Chrysostomus, *quæ sit vera Ecclesia Christi, unde cognoscat in tanta confusionis similitudine, nisi* TANTVMmodo *per scripturas?* Non dicimus tamen Ecclesiam in rebus ad salutem necessariis PERTINACITER errare. Sed an non præstaret ad consensum inveniendum Romanæ Ecclesiæ iudicium amplecti? Cur Chrysostomus hoc consilium gentili suo non dedit? Si quis Cathedram Romanam adeat, habebit omnium expeditam dubiorum solutionem. *Scripturæ autem simplices sunt. Tu habes mentem*, Unitas Ecclesiæ Turcicæ tanta est, ut maior esse nequeat, sed est COACTA. In Papatu sextuplex unitas animadvertitur. 1. *Satanica* in præsulibus & principibus Ecclesiæ Romanæ. ne regnum diuisum pereat, Hinc plurimæ lites pendent. Notum est quid Dominicani olim minati sint, alijque. 2. *Politica* in prudentibus, qui id quod corde clausum gerunt, silentio involunt. 3. *Beluina* in iis qui non nisi alienis oculis & auribus utuntur. 4. *Ischariotica* in his qui

qui avaritia ducti veritatem oderunt & persequuntur. 5. *Tyrannica* in principibus, qui sanctam inquisitionem in Hispaniam & alia loca invexerunt. 6. *Herodiana* in Iesuitis, Dominicanis & Professoribus plerisque Vniversitatum Lovaniensis, Parisiënsis, Cracoviensis, &c. Itaque quoad auctoritatem publicum iudicium privato longe anteponendum est. Neque ullus Christianorum sui iudicii ductum, sed spiritus sancti in scriptura loquentis sequi debet. Iudicium scripturæ publicum est. Qui hoc sequitur cum iudicio discretionis, non suo sensu abundat, sed Spiritus sancti. Non enim religionem sibi fingit, sed publicè & clare expositam quoad necessaria, ductu Spiritus sancti amplectitur, à reliquis ita dissentit, ut pietatem erga Deum & caritatem erga proximum conservet. Contra Papistæ odio summo ardent erga dissentientes, & modo missæ intersint, Papeque dominatum agnoscant, & dicant, *Credo quod Ecclesia credit*, optimi Christiani imo germani Catholici habentur. Et sic eos servavit Apollo. Facillima ratio ad salutem perveniendi, in utramque aurem dormire, scripturam sacram non tantum non *scrutari*, sed ne *limis* quidem *vel per nebulam inspicere*, imo *odiſſe*, fidemque in hominis unius auctoritate suspendere. An non periti nautæ in scopulos & syrtes na-

vim impingunt, qui Helicem, Vrsam, Ori-  
nem non norunt nec observant? *Habemus*,  
1 Pet. 1. 19. ait Petrus, *firmiorum sermonem propheticum,*  
*cui bene facitis attendentes, quasi lucerna ap-*  
*parenti in caliginoso loco, usque quo dies illu-*  
*cescat, & lucifer oriatur in cordibus vestris.* At  
omnes hæretici clamant, *scripturam* se sequi.  
Primum hoc falsum est. Deinde clamant et-  
iam, se *veram Ecclesiam* sequi. Sed clament  
illi ad ravim. Non ideo omne sensuum ju-  
dicium, tanquam fallax, abjiciendu est, quod  
illi interdum decipiuntur; sed eo magis  
opera danda est, ut omnia recte disposita  
sint, organum, medium, objectum. Non  
quærendum est, an falli possim in deductione  
consequentiarum, quod concedo; sed an re  
vera fallar: An vero consequentia sit tam  
EVIDENS, ut nemo quicquam firmi & so-  
lidi ei possit opponere, qui in principio  
consentit. Quod autem conspicuum Tri-  
bunal Iesuitæ erigunt, quo omnes contro-  
versiarum decidantur, id ab re faciunt. Nam,  
1. Cur tot lites indecisæ pendent, imo cur  
istius tribunalis autoritas adhuc vacillat?  
Nam Sorbona illud summum tribunal non  
agnoscit. Deinde si id in Ecclesia semper  
extitit, unde tot controversiæ inter Ca-  
tholicos doctores fuerunt? Cur eas ad hoc  
tribunal non detulerunt? Cur Chrysostomus  
Gentilem suum ad illud non mittit? Sed

an

an non animadvertunt illud Ecclesiæ Christianæ & fidei naturam minime ferre, ut abjecto discretionis iudicio in hominis auctoritate acquiescat? Nonne Ecclesia & fides Christiana meram & puram vocem Dei attendit, adeoque propter solius Dei revelantis auctoritatem mysteria fide recipit & credit? Imò quid opus foret pastoribus, ad scripturam populo explicandam, si tale tribunal in Ecclesia extaret? Sufficerent Nuntij Apostolici, qui decreta Consistorij Papalis hominibus proponerent, eosque adhortarentur ad ea credenda, & ex præscripto eorum vivendum. An non hac ratione Homo fidei nostræ DOMINARETUR, quod Apostolus sibi nunquam arrogavit? Porro Papista vel fidei suæ rationem reddere, vel non, tenetur. Si posterius; non fides, sed cæca obstinatio voluntatis in religione sequenda est. Si prius; primum dicet se credere, quia ita Ecclesia Catholica jubet. Deinde si interrogetur unde ipsi constet, an sit Ecclesia, & quænam vera sit; an non ibi suo iudicio fruitur? Nonne Romanam Ecclesiam ab alia quavis discernit, eamque omnibus præfert? Hoc sine privato iudicio, quod erroneum potest esse, non facit. Judicat enim de iudicio Ecclesiæ Romanæ, illud esse verum. Vnde? quia id sibi certis rationibus persuasit. Nempe judicat credendum esse, quod Romana Ec-

A a 5

clesia

clesia jubet. Hæc enim falli non potest: hæc est Catholica: hæc promissiones habet. Num hæc omnia vera sint quis iudicat? Papista ipse: Omnia itaque incommoda privati iudicij Papista æque experitur ac alius. Sed veri Christiani iudicium non est erroneum. Nam non quod ipse invenit ductu rationis in religione sequitur; sed quod à Spiritu sancto præscriptum & mandatum est, ejusdem illius gratiâ recipit & exequitur. Radix sectarum est id sequi quod sibi videtur, non quod *Spiritu sancto, publice & clare* in scriptura loquenti, qui quidem nonnulla abstrusioribus ænigmatis involvit, ut tædio occurreret; omnia autem sine quorum notitia & assensu salus obtineri nequit, clare exposuit; clare dico, sed ei qui *oculos* habet:

Contra hæc-  
ses l. 1. c. 2.

3. Sed tempus est ut demonstremus, Romanam Ecclesiam, nec sinceram scripturam, nec veram ejusdem interpretationem habere. Alphonsus de Castro ait, *Non credo aliquem esse adeo impudentem Papæ assentatorem, ut ei tribuere hoc velit, quod nec errare, aut in interpretatione sacrarum literarum hallucinari possit. Nam cum constet plures eorum adeo illiteratos esse, ut Grammaticam ignorent, qui sit ut sacras literas interpretari possint? Quod autem alij dicunt, qui erraverit in fide obstinate, jam non esse Papam, ac per hoc affirmant,*  
Papam

*Papam non posse esse hæreticum, est in re seria verbis velle joculari. Ad hunc enim modum posset quis citra impudentiam asserere, nullum fidelem posse in fide errare. Nam cum hæreticus fuerit, jam desinet esse fidelis. Sed experientia veritatis index indubiè est.*

Notum est decretum conc. Trid. *Sancta synodus decernit, ut HÆC IPSA VETVS & VULGATA editio, qua LONGO TOT SECVLORVM VSV in ipsa Ecclesia probata est, in publicis lectionibus, prædicationibus & expositionibus pro Authentica habeatur, & ut nemo illam rejicere quovis prætextu (vel quod aliter in Hebræo vel Græco habeatur, vel quod Hieronymi non sit, vel minus latina, &c.) audeat vel præsumat.* Hoc decretum erroris plenum est. Nam versio ista vulgata erroribus scatet. De solocismis supervacuum est ambigere. *Destrahit, Genf. 24. odit, Es. 1. appropiet, Es. 5. mirificavit, Ps. 4. voluit me pro amavit me, Ps. 18. exiet, Matt. 5. Pugillarem, Luc. 1. Manicabat, Luc. 21. penitemini, Act. 8. præcausati sumus, Rom. 3. minoravit, 2 Cor. 8. intentator, Iac. 1. valefaciens, 2 Cor. 2. implanavit, 2 Cor. 12. interrasiles, Ex. 25. inimicari, Ecclesiast. 28. pessimare, c. 11. implanavit, c. 15. implanatus, c. 34. inauxiliatus, Sap. 12. incredibilis dat. plur. pro incredulis, Tit. 1. & talia sexcenta. De erroribus patet ex editione Sixti V. & Clemens-*

Clementis 8. Horum editiones novæ sunt. At concilium veterem & prioribus seculis notam, authenticam declaravit. Erravit itaque concilium. Nam quod erroribus scaret, non est authenticum. Ridiculum quod Sixtus V. ait: *Suam editionem esse eam, quam concilium authenticam declaravit.* Nam hoc Clemens 8. negat, aliam adornando. Deinde quomodo authentica fuit, quæ ne fuit quidem? Vbi erat Sixti V. editio ante Sixtum V? Mendas librariorum & errata versionis, qui non discernit, huic pepo pro cerebro est. Sed non tantum vetus illa vulgata Concilij Trid. versio, sed & Sixti V. editio per bullam sic approbata, ut majori verborum apparatu non possit, à mente Spiritus sancti in infinitis locis aberravit. Hoc patet ex Clementis 8. correctione. Videatur Bellum Papale. Bis mille ad minimum locis Sixtinam Clementina correxit. Quid hic Papistæ? Decretum prohibet veterem vulgatam quovis prætextu rejicere. Quis rejecit? Sixtus ipse Papa. Quis porro hujus? Clemens Papa. Servent ipsi decreta sua, deinde ea nobis obtrudant. Sed juvat Sixtinæ pauculos ex innumeris errores delibare. Nam de veteri res est deplorata & explorata.

Gen. 26

*Plantaverat Dominus Deus paradisum voluptatis* A PRINCIPIO. Ex errore, quasi para-



paradisus ante cœli & terræ creationem factus esset. Vertendum: *Ab oriente.*

*In medio ligni paradisi.* V. inter arbores *Paradisi.* Gen. 3.

*Ipsa conteret caput tuum.* V. IPSVM sc. se- Ibid.  
men. Franciscus Georgius. *Ex falsa tra-* Tom. 1. f. 1.  
*ductione Latini communiter hanc victoriam,* probl. 55.

*Reginæ cœlorum attribunt, quæ licet sublimior sit, quam dici queat, dabimus tamen victori triumphum hunc, cui ex veritate litera debetur.* Itaque Pagninus ipsum reddidit, Andradius, Canus, Sacroboscus, Steuchus, peccatum versionis agnoscunt.

*Habitavit profugus in terra.* V. in terra Nod. Gen. 4.

*Major est iniquitas mea, quam ut veniam merear.* V. male. Nam illud *merear* non est in Hebræo, nec quicquam quod ei respondeat. Et quis usquam remissionem peccatorum, id est, *primam justitiam* meritus est?

*Qui fuderit sanguinem hominis fundetur sanguis illius.* V. malè. Nam deest *per hominem.* Gen. 9.

*Dedit aquam ad lavandos pedes Camolorum.* V. pedes ejus, sc. servi. Gen. 24.

*Qui festinus revertebatur ad Dominum suum.* In Hebræo. Et tulit servus ille *Rebeccam, & abiit.* Ibidem.

*Quo nato parere ultra cessavit.* In Hebræo, Gen. 38.  
*Et erat in Kesib, cum pareret eum.*

*Facies Moïsis cornuta, dicitur in Hebræo,* Exod. 34.  
*radians.*

*Omnes viri ducent uxores de tribu & cognatione* Num. 36.

tione sua: & cunctæ femina de eadem tribu maritos accipient. Falsa interpretatio aperte. Hebraice ita: *Filij Israel adhærebunt singuli possessioni tribus patrum suorum: & omnes filie hæredes possessionis alicujus ex tribubus filiorum Israël erunt in uxorem alicui ex familia tribus patris sui.*

Psal. 7.

*Numquid irascitur per singulos dies? quasi negando respondendum sit in Hebræo, Deus qui irascitur quotidie. illud: fortis, patiens, non est in Hebræo.*

Psal. 110.

*Tecum principium in die virtutis tue, in splendoribus sanctorum tuorum: ex utero ante luciferum genui te. V. Populus tuus spontaneus in die exercitus tui in splendoribus sanctitatis; ab utero tibi ros nativitatis tue.*

Ecclef. 9.

*Nescit homo utrum odio vel amore dignus sit, sed omnia in futurum servantur incerta. V. Et quidem amorem & odium non est homo qui cognoverit: omnia ante eos.*

Ecclef. 16.

*Omnis misericordia faciet locum unicuique secundum opera meritorum suorum. At in Græco: Omni elemosynæ da locum: unusquisque enim secundum opera sua reperiet.*

Iob. 14.

*Quis mihi hoc tribuat ut in inferno protegas me? Hinc purgatorium probant. At in Hebræo: Quis dabit ut abscondas me in inferno?*

Dan. 12.

*Alij in opprobrium, ut videant semper. illud: ut videant semper, redundat.*

Ezech. 16.

*Radix tua. Hebraice: Habitationes tue.*

*Domi-*

*Dominus locutus est super eam.* Hebraice : Thren. i.  
*Dominus dolore affecit eam.*

*Assimilavi te.* Hinc Baronius probat Es. 45.  
 Cyrum Typum Christi fuisse. At Hebraice : Apparatu ad  
*Cognominavi te.* annales.

*Ei qui stare fecit solem, virique mendacij,* 1 Paral. 4.  
*& securus, & incendens.* Hebraice nomina  
 propria sunt : & Iocim, & viri Cozeba,  
 & Ioas, & Saraph.

Sixtus Senensis : *Ne cui forte videatur im-* Bibliothecæ  
*possibile, Iehu conscripsisse historiam usque ad* l. 2. in Iehu.  
*Ioram filium regis Josaphat, quia in tertio*  
*regum legatur, hunc Iehu supra 40. annos ante*  
*mortem Josaphat à Baasa rege Israël fuisse ob-*  
*truncatum : sciendum est, quod ea quæ in 3. re-*  
*gum, capite 16. nostræ vulgare (Sixtinæ)*  
*editionis de cade Iehu referuntur, in Hebraicis*  
*exemplaribus (imo ne Græcis quidem) non*  
*habentur.*

*Transibunt ab aquis nivium ad calorem ni-* Job.  
*minum.* Hinc concludunt purgatorij pœnam  
 non in calore tantum, sed frigore consistere.  
 In Hebræo : *Vt siccitas & calor rapiunt aquas*  
*nivis : sic sepulcrum eos qui peccaverunt.*

*Quicumque maculatus fuerit lepra, & se-* Lev. 13.  
*paratus est ad arbitrium sacerdotis.* Bellarmi-  
 nus, ut temporalem jurisdictionem Papæ  
 probet, verba urget : *ad arbitrium sacerdotis.*  
 At in Hebræo ea non extant : locus est  
 vitiosissime versus.

Ego

Dent. 5.

*Ego sequester & medius fui inter Dominum.* Hinc plures Mediatores probant. In Hebræo nihil de sequestro, sed: *Ego stabam inter Dominum & vos.* Distinguant inter Mediatorem & inter Nuntium.

Iob. 9.

*Etiamsi simplex fuero, hoc ipsum ignorabit anima mea.* Hinc probant incertitudinem justificationis: Præclare. Pagninus: consumptus sum: non novi animam meam.

Psalm. 136.

*Memento Domine David & onus mansuetudinis ejus.* Hinc probant intercessionem sanctorum. At in Hebræo: afflictionis ejus.

Ps. 139.

*Mihi autem minus honorificati sunt amici tui Deus: nimis confortati sunt principatus eorum.* Hinc probant cultum sanctorum In Hebræo: *Mihi quam pretiose sunt cogitationes tue o Deus quam multiplicatae sunt summa earum.*

*Laudate Dominum in sanctis ejus.* Ps. 150. Hinc cultum sanctorum probant. In Hebræo: *In sanctitate ejus*, id est, propter sanctitatem ejus.

Num 39.

*In arbitrio viri erit, ut faciat vel non faciat.* Hinc Bellarminus probat, arbitrij vocem extare in scriptura. Hebraicè: *Vir ejus confirmabit ipsum votum: & vir ejus irritum faciet illud.* Sensus quidem expressus est, sed vox arbitrij non est à S. spiritu, sed ab interprete. *Peccata tua elemosynis redime.* Hebraicè: *Et peccata tua interrompe per justitiam.*

Ean. 4.

Gen. 45.

*Invocetur nomen meum super pueros hos, & nomina*

*nomina patrum meorum.* Hinc invocationem sanctorum exculpunt. Sed textus ita habet. *Vocetur in eis nomen meum, & nomen patrum meorum.* Hoc est: Meo nomine censeantur tanquam filij mei. Loquitur de filiis Iosephi Ephraim & Manasse, qui inter filios Iacobi recensentur.

### *In Novo Testamento.*

*Sp. S. suggeret vobis omnia quaecumq; dixero vobis.* Græcè, ἀ εἶπον ὑμῖν, id est, quæ dixi vobis. Maldonatus fatetur male verbum.

*Qui prædestinatus est, filius Dei, &c. ex Rom. i. resurrectione mortuorum.* Græcè ὁ ἐκλεκτός υἱὸς θεοῦ, id est, qui declaratus est filius Dei. In Syriaco textu: qui agnitus est.

*Accipite armaturam Dei, ut possitis resistere in die malo, & in omnibus perfecti stare.* Græcè: ἀνταλλάξτε τὴν πανοπλίαν θεοῦ, ἵνα δυνηθῇτε ἀνίστηναι ἐν τῇ ἡμέρᾳ τῇ πονηρᾷ, καὶ ἅπαντα κατεργασάμενοι εἶναι. Verba ἅπαντα κατεργασάμενοι exponit: in omnibus perfecti, cum significet: omnibus confectis. Quod de victoria Paulus intelligit, non de armatura.

*Eis τὸ πολλῶν ἐνεγκεῖν ἁμαρτίας.* ad multorum exhaustiunda peccata. Sed verti debet: ut multorum peccata tolleret.

*Talibus hostiis promeretur Deus.* Græce: ἵνα

Bb

Ca-

*καρτεῖται*, id est, delectatur. Solœcismus manifestus. Hoc loco ad merita sua confirmanda abutuntur.

Iacob. 5.

*Allēviabit eum Dominus*, pro *ἐγερῆι*, id est, eriget. Solœcismus.

I Cor. 15.

*Non ego, sed gratia Dei mecum*. Hinc probant liberum arbitrium cooperari gratiæ. At in Græco: *οὐκ ἐγὼ δὲ, ἀλλ' ἡ χάρις θεῶς ἡ σὺν ἐμοί*. *Non ego, sed gratia Dei, quæ mecum est*. Vt totum, quicquid erat, gratiæ divinæ tribueret.

I Pet. 1.

*Dabo operam & frequenter habere vos post obitum meum*. Græce, *παροδῶσω δὲ καὶ ἐκείνῃς ἔχειν ὑμᾶς μετὰ τὴν ἐμὴν ἔξοδον τῶτων μνήμῃς ποιῶν*, id est, *studebo ut vos subinde post exitum meum possitis horum mentionem facere*. Hinc itaque male invocationem sanctorum probant.

Matt. 9.

*Videntes turba timuerunt*. Græce, *ἐθαύμασαν*, id est, *admiratae sunt*.

Matt. 19.

*Quid me interrogas de bono? ἢ με λέγεις ἀγαθόν*; id est, *cur me dicis bonum?*

Matt. 21.

*Exeunte illo januam*. Græce, *ἐξελθόντα αὐτὸν εἰς πυλῶνα*, id est, *exeuntem eum in vestibulum*.

Marc. 13.

*Reus erit æterni delicti*. Græce, *κρίσεως*, id est, *judicii*.

Marc. 6.

*Noluit eam contristare*. Græce, *ἀφειῆσθαι*, id est, *rejicere*.  
Cor

*Cor obœcatum.* Græce, καρδία πετωρω- Ibidem;  
μένη ἦν, *Cor occalluerat.*

*Crebro.* Græce, πύγμῃ, id est, pugno. Ri- Matc. 7.  
tus Iudaicus lavandi manus notatur.

*Hæc sunt quæ communicant hominem.* Ibidem.  
Græce, κοινωνοῦσι, id est, polluant.

*Sustinent me.* Græce, περιστρέφει μοι, Marc. 8.  
id est, manent apud me.

*Comminatus est Petro.* Græce, ἐπέμνησε τῷ Ibid.  
Πέτρῳ, id est, objurgavit Petrum.

*Debilem introire in vitam.* Græce, κυλλὸς, Marc. 9.  
id est, mancus.

*Ubi est refectio mea?* Græce, πᾷ ἐστὶ τὸ κα- Marc. 14.  
τάλυμα; *ubi est diversorium?*

*Facta est à Preside Syria Cyrino, Maldo-* Luc. 2.  
*natus: Preside Cyrino;*

*Os ejus opprimere de multis.* Græce, ἀπο- Luc. 11.  
σημαλίζῃν αὐτὸν περὶ πλείονων, id est, è me-  
moriam dicere.

*Et minavit eos à tribunali.* Græce, ἀπαή- Act. 18.  
λασεν, id est, abegit.

*Instabat verbo Paulus.* Græce, συνέίχετο Ibidem,  
πνέματι, id est, constringebatur spiritu.

*Nos vosmet ipsos defendentes.* Græce, ἐκ- Rom. 12.  
δικῶντες, id est, ulciscetes.

*Unusquisque in suo sensu abundet.* Græce, Rom. 12.  
ἐν τῷ ἰδίῳ νῷ πληροφροεῖσθω. (num quisq;  
sue pertinaciæ permittendus?) igitur recta

versio: *Unusquisque in mente sua plene certus esto.*

2 Cor. 3.

*Speculantes.* Græce καὶ ὁμιλοῦντες, id est, *in speculo contemplantes.* Speculari, à specula, non speculo.

1 Cor. 15.

*Ad reverentiam vobis loquor.* Græce: πρὸς ἐντροπὴν, id est, *ad pudorem incutendum.*

Ad Blasæ  
Ep. Andoma-  
ropolitanum.

Ex infinitis hæc paucula Chantieriductu & monitu selegi, unde, patet decreti Tridentini, imo Sixtinæ bullæ vanitas. Evigilent tandem Papistæ, nec verba sibi dari amplius patiantur. Franciscus Lucas. Scio quod patres illi correctores (vulgatæ) nonnulla quæ emendare potuissent, consulto qualia erant reliquerint ad OFFENSIONEM POPULORVM VITANDAM, veteri Hieronymi exemplo, in libris regum præsertim & proverbiorum, è quibus multa fuerant auferenda juxta fidem conspirantium manuscriptorum editionis vulgatæ. Per notationes variarum lectionum præsum est castigationi ita ut quæ deinde subsequitur legitima auctoritate facta emendatio vix quicquam offensionis pariat, sed reverentiam potius & animi gratitudinem. Hieronymus versabatur in corrigendis erratis interpretum, hic (σφὸν Φάριμαχον) non in corrigendo interprete, sed in versione interpretis emendanda ex ejusdem versionis exemplaribus, id est, in notariorum erratis auferendis. Vide, ut palpum populo obtru-



obtrudunt: versionem declararunt authenticam quæ in usu fuit tot seculis. Qualis illa fuit. Emendata vel non. Si prius; cur emendant? Si posterius; cur authenticam declarant? Sed ubi sunt versiones illæ Mss. incorruptæ? proferant. Bellarminus: *Scias velim Biblia vulgata non esse à nobis accuratissime castigata. MULTA enim de industria justis de causis pertransivimus.* Fr. Lucas: *Iisdem liter. Hoc quod de concilio Tridentino objectant alij, ridiculum est, nam etiam post concilium Tridentinum Theologi Lovanienses illam taxarunt.* Præfat. in Biblia. Stapulensis: *Multiplici vitio scatet Græca fidei reddenda.* Præf. in Novum Testam. Vives: *Hoc Augustinus sensit, Hieronymus clamat, ratio docet, nec ullus sanioris iudicij repugnat, NUNC rigidus stupor opponitur.* Iohannes Baptista Bandinus Præfectus Typographiæ Vaticanæ ad Moretum anno 1604. *Fateor in Bibliis nonnulla adhuc supereffe quæ in melius mutari possent; quadam etiam nescio quo pacto sic impressa reperiuntur.* ut 1 Reg. 2. 17. Vbi authentica versio? Hinc ajunt latinam versionem authenticam dici: *quia non contineat aliquid falsum in fide & moribus.* At hoc non satis est ut editio authentica dicatur; sed ut singulis locis verum & genuinum sensum Spiritus sancti exprimat. Nisi hoc concedant, sequetur, 1. Omnes versiones recentes au-

thenticas esse. Nihil enim fidei & moribus contrarium continent. Male igitur Tridentina synodus, solam vulgatam authenticam iudicavit. 2. Omnes versiones authenticas esse, licet à mente Spiritus sancti aberrent, modo fidem & mores ne ludant. quod absurdum. 3. Hebræum & Græcum textum authenticum esse, quem tamen Papistæ corruptum à Iudæis & hæreticis ajunt. Nihil enim in Hebræo & Græco fidei adversatur. Sed quæro ex adversariis, cur R. E. verbum scriptum incorruptum ad nos non transmissit: cum de verbo non scripto tantopere glorietur. Cur non æque utriusque curam gessit? Hic R. E. manifesta est erroris. Sed eo impudentiæ prolabantur, ut Hebræo & Græco textui minus quam latinæ suæ versionis tribuant. Hæc impudentia se inde prodit quod Clemens 8. ex Hebræo & Græco correctionem Sixtinam correxerit. Sed an negabunt Hebræum & Græcum textum esse Θεοπνευστον; Non opinor. Ergo est authenticus. Distingunt textum vocalibus determinatum, vel iis liberum. Bene est. textus ille à doctis facilius legitur, cui puncta detracta sunt. Idque propter analogiam linguæ, quæ vocibus quidem punctorum varietatem permittit: minimè vero toti contextui. Itaque hunc authenticum concedant. Porro exponant quid in punctis de-

fide-

siderent : quod fidei Christianæ dogma punctis evertatur , in latina vero versione exprimitur. Nullum possunt indicare. Itaq; mera effugia sunt. Antiquissimum quodque verissimum in Ecclesia habitum fuit. At Hebræus & Græcus textus ab initio Ecclesiæ fuit. Nec corruptionem ejus probare possunt. Religio Iudæorum nota est in textu Biblico servando , in quo nullum locum possunt ostendere , ubi sola vocalium mutatio , aliquid de dignitate mysteriorum Christianorum detrahat. Cui bono itaque Iudæi puncta mutassent ? Quid mysteriorum Latina versio V.T. habet, quod in Hebræo non extet ? Hieronymus Psalmos transtulit , ubi à vulgata dissentit, sed ad Hebræum textum punctis determinatum, qui hodie extat , proxime accedit. Potuitne Hieronymus divinare , quomodo anno 500. Masorethæ textum abditis vocalibus corrumpuerant ? Neque negabunt Hebræum textum V.T. ante Christum, & post Christum, Hebræum & Græcum N.T. authenticum fuisse : Dicant nobis tempus, quo authenticam suam in Ecclesia amiserint ? Nonne in ipsa Romana Ecclesia omnium versionum fides ad Hebræum & Græcum textum exigitur , judicatur , & corrigitur ? Gratianus ex Aug. Dist. 9. *Vt veterum librorum fides de Hebræis voluminibus examinanda , ita novorum veritas*

*Græci sermonis normam desiderat.*

Dilt. 76.

*Cogimur ad Hebræos recurrere, & scientiæ veritatem de fonte magis, quam de rivulis quærere. Quod Bellarminus concedit, 1. Cum librarij in latina versione errarunt. 2. Cum codices variant. 3. Cum sensus anceps est. 4. Cum emphasis vocum quæritur. 5. Cum infideles convincendi. Sed cur omittunt summam utilitatem: Correctionem latinæ versionis, quam Clemens 8. ex fontibus instituit? Prætereo Pagninum, Montanum, alios à Papistis approbatos. Quod autem Sixtus librariorum sphalmata in vulgata concedit: non interpretis errata, vanum. Quis enim tam heberi ingenio est, ut ea non queat discernere? Suntne errata, quæ attingi, librariorum? Suntne variæ lectiones? At latini codices consentiunt in mendis plerisque. Genf. 3. *aspectu delectabile*. Omnes codices ita habent. Pagninus: *Concupiscibile ad intelligendum*. At Hebræus textus ambiguus est. Si negent ideo authêricum, eodem jure latinam versionem negavero talem esse. Legant illud: *Rex virtutum dilecti, dilecti, & speciei domus dividere spolia*, quid hoc significat? Sexcenta talia extant. Num unquam ambiguitates latini textus R. E. *av̄ Jev̄lun̄s* solvit? Nunquam. Incusant varietatem Græcorum codicum. At sic suam latinam editionem de gradu dejiciunt. Nam Latinorum codi-*

Ifalm. 68.

codicum quanta varietas sit notum est. Neq; lectionis diversitas quicquam periculosi in Ecclesiam infert. Sed jam de interpretatione R. E. agamus. Extant infiniti commentarij Pontificiorum veterum & recentium inter se dissentientes in plurimis locis scripturæ exponendis. Vbi est E. R. communis & authentica interpretatio? Vociferantur omnes Papistæ scripturam ab hæreticis privato judicio intelligi, & in sequiorem sensum accipi. De hæreticis fateor ita esse. De reformatis certum est, eos nullum locum scripturæ aliter intelligere ac à piis & Catholicis olim doctores intellectus est. Unus est literalis & germanus sensus scripturæ. Hunc Ecclesia R. aut. novit aut ignorat. Si novit, cur patitur tot doctores privatos in explananda scriptura desudare, adeoque suo sensu abundare? Sunt enim tot anni ab Ecclesiæ Christianæ incunabulis elapsi. Si ignorat, cur alios, ut Ecclesiæ sensum in tota scriptura evolvenda amplectantur, astringit? Sed exemplis rem illustrabimus. Missale Romanum hoc dictum, Prov. 8. 22. Beatæ Virgini accommodat, quod de æterna sapientia dicitur: *Dominus possedit me ab initio viarum suarum, à principio ab æterno ordinata sum.*

Epist. in nat.  
S. Mariz  
Virg.

Pius 5. *Hunc unum* (Papam) *super omnes gentes & omnia regna principem constituit, qui evellat, destruat, dissipet, disperdat, plantet,*

Sentent. de  
clau contra  
reg. Angliæ.

*edificet.* Concilium Tridentinum hæc verba: *Hoc facite in mei commemorationem*, ad sacrificium incruentum refert, quod in scriptura nullum est. Sed cui curæ cordique est horribilem depravationem & ineptissimam scripturæ ad negotia alienissima detorsionem & applicationem cognoscere, legat autores, qui de mysteriis missæ scripserunt, aut Innocentij 3. librum ceremoniarum sacrarum, Rationale Durandi, Toletum de instructione sacerdotum. Hic probatur è scriptura altare lapideum, quia scriptum, *Petra erat Christus*: luminaria supra altare ponenda, quia *Christus est lux mundi*: Sacerdos osculatur altare; scriptum enim est, *osculetur me osculo oris sui*. tergum obvertit populo: nam scriptum est: *Videbis posteriora mea*. Minister in missa ad sacerdotis motum se conformet, nam Christus ait: *Vbi ego ero, erit etiam Minister meus*. Bis sacerdoti manus lavandæ sunt. Nam David ait: *amplius lava me*. Papa æreos nummulos die inaugurationis in turbam projicit, dicens: *Aurum & argentum non habeo, quod autem habeo, tibi do*. Quid ultra? Nonne religio comœdia facta est? Papa Adrianus integro libro suscepit Concilij Nicæni 2. rationes defendendas, & dictorum allegationem probavit. Qua in re ludibrio se R. E. omnium mortalium, qui capti non sunt

Tom. 3. conc.

sunt mente, judicio exponit. Videatur liber Caroli M. nomine editus in quo omnia solide refelluntur.

Papa Nicolaus auctoritatem suam probat ex hoc dicto: *Maſta & comede. Ad Petrum, ait, pertinet maſtare & comede. e. Quid porro? ſpecialiter Petro oſenſum, hoc eſt, Soli illi juſſum eſt, ut rete plenum piſcibus ad litus traheret. En quam egregie Coſterus paradifum in infernum & contra infernum in paradifum convertat. Chriſtus ait latroni: hodie mecum eris in paradifo. Sic inferni loca perluſtravit, ut tenebroſum carcerem in Paradifum converterit, juxta illud quod latroni dixerat, Hodie mecum eris in Paradifo. Illud: Diliges Deum ex omnibus viribus, R. Eccleſia mirifice intelligit. Nam ſi lex omnes vires requirit, quomodo homo poteſt plus paſtare quam lex requirit? Bell. Medium, non finis imperatur. Vt cum Imperator ait: Vincite; vult milites fortiter tantum pugnare. R. finis duplex; internus, qui in perfectione ipſorum actuum conſiſtit, hic omnino imperatur, nam lex requirit omnes vires, Externus finis legis, nempe gloria Dei & ſalus, non opus eſt ut imperetur. Ultro enim conſequitur. Votum ſoli Deo reddendum; R. E. etiam ſanctis. Quid diſtinctionis affert? Bell. *Votum Deo ut ſummo principio, ſanctis ut mediatoribus reddi poteſt. Sed votum**

In Ep. ad  
Imp. Michae-  
lem in tomis  
conc.

P. 442, in li-  
bro ſocietat. a  
Papa Grego-  
rio 13. diplo-  
mate & indul-  
gentiis anno  
1577. pro-  
bato.

tum est actus latriæ proprie dictus. Ita etiam sacrificium Deo & sanctis offerri posset. *Oravi pro te*, ait Christus Petro, *ne cesset fides tua*. Quam dextre hoc R. E. explicat? id est, Oravi pro te & Episcopis Romanis successoribus tuis propriè dictis, ut privatim quidem athei & Apostatæ possint esse, sed non publicè è Cathedra ullam hæresin profiteri, cum nempe totam Ecclesiam doceant, confirmando concilia, idque in generalibus decretis fidei & morum. Ostendant Syria hoc tam longæ interpretationis ullo seculo retroacto patribus Ecclesiæ cognitum fuisse. Clemens 8. illud: *in promptu habentes ulcisci omnem inobedientiam*, ad expeditionem illam refert, quam Ferrariæ occupandæ causâ suscepit. At Paulus loquitur de excommunicatione. Illud: *soli Deo servies*, latria ajunt, non *δουλεία*, id est, servitute, non servitute. Non attendendum est quid ipsi velint eas voces significare; sed quid ex natura primaque impositione significant. Cultus itaque Creatoris & creaturæ his vocibus distingui non potest. Imo *δουλεία* magis honorem Deo debitum exprimit, quia significat servitium absque mercedis intuitu factum; *λατρεία* juxta Suidam opus mercenariorum. Peresius Ajala. *Nescio an proprie hujusmodi officium δουλεία debuisse appellari*,

Vide Lexicon Hesychij.  
De trad. in 6.  
p. de cultu  
sanct.

CHM



cum veneratio illa, quæ communiter sanctis debetur, minime in signum servitutis exhibeatur. Omnes enim servi Dei sumus, quanquam meritis & sanctitate dispares. Solum itaque Deum colimus religiose; Fideles autem Christiane, honore videlicet caritatis & societatis.

Illud: hoc est corpus meum, qua tandem ratione R. E. intelligit? Ita ut nulli veterum unquam in mentem venit. Nescit Romana Ecclesia quid Christus voce *hoc* significarit. At hoc facile est, id quod accepit, benedixit, fregit, & dedit. Hieronymus. *Panis quem fregit Dominus, deditque discipulis, est corpus Domini Salvatoris.* Deinde hoc demonstrat id de quo sermo est. at de nulla alia re sermo quam de pane erat. Porro quod in cœna editur, voce hac demonstratur: *edite, hoc est corpus.* At panis editur, Paulo teste, cur Paulus figurate locutus esset? idque in institutione cœnæ? Denique res conspicua hac voce significatur. Quomodo enim monstres mihi quod videre nequeam? Ostendat R. E. authenticam interpretationem. Alij edulium intelligunt nescio quod. Innocentius & Scotus hoc ajunt nihil significare, pronuntiari enim hæc verba recitativè. Bonaventura panem convertendum intelligit. *non est per fit explicat.* Occam corpus, sub ratione corporis. *non est per erit.* Thomas, Ruhardus, corpus sub ratione entis, quasi

Ad Hebidiam.

1 Cor. 11. 6.  
27. 28.

1 Cor. 10. 17

quasi non absurdum, corpus conspicuum demonstrare non. sub ratione corporis. Plerique alij individuum quoddam vagum & commune pani & corpori. Quasi pronomen hoc non semper singulare quid denotaret.

## C A P. IV.

*Septem verè ac propriè dicta Sacramenta  
nova legi à Christo non sunt  
instituta.*



Acramentum à sacrandò dictum, vocabulum militare est, & ab Ecclesiasticis scriptoribus ad sacras ceremonias traducitur, quibus Deo consecramur. Convenit sacramenta propriè dicta certas habere conditiones. 1. Ut signum sit VISIBILE, quod ex institutione divina gratiam significet, & afferat. 2. Necesse est ut mandetur signi applicatio ad perpetuum usum Ecclesiæ. 3. Promissio gratiæ per ea signa conferendæ adsit oportet. Jam vero in toto novo federe Christus nulla alia signa instituit, quibus Evangelij gratiam obsignet quàm Baptismum & Cœnam Domini. A-  
 † Cor. 10. 1. postolus tantum baptismi & manducationis cibi Spiritualis meminit. Quo loco ut Thomas  
 mas

mas Aquinas annotat Corinthios Aposto-  
lus docet sacramenta Ecclesiæ peccatoribus  
nulli usui, ut nec Judæis beneficia externa,  
quibus hæc duo sacramenta adumbrata sint.  
Quod si plura sacramenta Ecclesiæ essent,  
Apostoli argumentatio non valeret. Potuis-  
sent enim respondere sibi plura superesse  
quæ ipsos seruent sacramenta, quibus Iudæi  
caruerunt. Augustinus: Ex latere manavit  
sanguis & aqua, quæ sunt Ecclesiæ GEMINA  
sacramenta: Aqua qua Sponsa est purgata;  
sanguis quo dotata est. Isidorus hæc duo  
sacramenta recenset, addit autem Chrisma,  
quod baptismo moris erat addi. Bessarion:  
*Hæc duo sola sacramenta in Evangelis mani-  
feste legimus tradita.* Fatemur autem hæc  
patres voce usos fuisse improprie ad quod-  
vis sacrum signum denotandum; sed eos  
negamus eodem sensu cœnam & baptis-  
mum reliquaque dixisse. Proprie acceptam  
vocem duobus tantum usibus applicant, ba-  
ptismo & cœnæ. Cyrillus & Ambrosius in li-  
bro ubi nihil aliud propositi habebat quam  
tractationē Sacramentorum Ecclesiæ. Quis  
existimet tantum Doctorem Ecclesiæ Ca-  
tholicæ Sacramenta ignorasse? Paschasius  
Abbas tempore Caroli Magni. *Sunt sacra-  
menta in Ecclesia Baptismus (& Chrisma) cor-  
pus quoque & sanguis Domini. Ecce duo ista  
sacramenta quid efficiunt?* Chrisma autem  
erat

De symb. ad  
Catech. l. 2.  
c. 6.

In originibus  
l. de sacra  
Euchar.

In Catech. 6.

In Biblioth.  
patrum de  
Cœna Do-  
mini.

erat appendix baptismi. Summa; verbum vel scriptum vel traditum ostendant, quo ante Florentinum concilium hic Sacramentorum septenarius numerus ab Ecclesiæ fide receptus fuerit. At neutrum ostendent. Ergo non est hæc Apostolica & antiqua fi-

De num. Sacram.

des. Cassander fatetur: *neminem inveniri, qui ante Lombardum hunc numerum definit.* Bellarminus: *de Baptismo & Eucharistia res notissima est, de aliis sacramentis non est ita notum.*

De sacram. in genere l. 1. c. 9.

### De confirmatione.

L. de num. sacram. c. 3. p. 337.

Cass. conf. art. 13. Instruct. sacerd. l. 2. c. 24.

Alexander Alensis asserit, teste Gregorio de Valentia: *Confirmationem non à Christo, sed ab Ecclesia institutam fuisse.* Holcotus negat confirmationem esse propriè sacramentum.

Toletus. *In unctione Apostoli oleo non sunt usi, sed ex divina dispensatione sola manuum impositione confirmabant.*

At impositio manuum facta ab Apostolis sacramentum fuit donorum extraordinariorum miraculosè in Ecclesiam collatorum. Non autem contulit gratiam justificantem. Manum imponebant. De oleo nihil. Forma ignota, *Signo te signo crucis & confesco te chrismate salutis in nomine Patris, Filii, & Spiritus Sancti, totis primis 7. seculis.* Hinc Suarez cum Thomistis fateatur, *impositionem illam manuum ab Apostolis per-*

In 3. p. d. 33. s. 4.

per-

peractam non fuisse sacramentum confirmationis, quod nunc R. E. observat. Nam differre in ritu sensibili nimium, imo nec stabilem ritum fuisse.

### De matrimonio.

De hoc non tantum Lombardus negat, in eo conferri gratiam, sed etiam post eum Durandus, Bernhardinus, Canonistæ, cum aliis negant, hoc esse propriè dictum sacramentum, sicut alia. Item Cassander. Num credibile est, tam doctos viros fidem veteris Ecclesiæ fugisse? *In materia & forma hujus sacramenti adeo inconstantes & incerti sunt, ut ineptus sit, qui in tanta varietate rem certam conetur efficere.* Hæc est Confessio Cani. L. Th. 1. 8: c. 5.

### De extrema unctione.

Cajetanus negat, hoc ex loco Iacobi colligi posse sacramentum. Est autem ex contextu manifestum. Maldonatus: *Quod Calvinus, idem nonnulli (mitto vetustiores quos prohibet reverentia nominare) nuper Catholici docuerunt.* Textus promittit allevationem infirmo, deque remissione peccatorum cum conditione loquitur. Fevardentius: *Effectus hujus olei erat, ut à morbis corporis sanarentur, quod in initio nascentis Ecclesiæ frequens accidisse legitur.* Fasciculus temporum: *Felix jussit infirmos ante transitum ungi.*

Commi. in  
Marcum 6:  
13.

Commi. in  
Iacob 5:

*De ordine.*L. 10. de iust.  
& iure.

Dominicus à Soto negat ordinationem verè & propriè sacramentum esse. At quomodo, si Ecclesia id credidisset? Itane Ecclesia 7. illa sacramenta à Christo instituta ad perpetuum usum Ecclesiæ, signa illa gratiæ conferenda ignoravit TAM DIV? Sed ut Ecclesia R. sibi potestatem vindicat CONSTITVENDI quod ad fidem pertinet, idque de integro; ita haut dubie eadem potestate usa est in sacramentis novis firmandis.

Bell. contra  
Barclajum.*De pœnitentiâ.*

Ioh. 20.

*Si quorum remiseritis peccata, remissa sunt.* Promissio hic adest, sed signo deficitur & forma. Ad verbum verbum accedit, quod non sufficit. Forma hujus sacramenti nec in scriptura, nec in tota antiquitate reperitur. Ajunt in his verbis: *Quorum remiseritis peccata, remittentur eis*, formam hujus sacramenti *virtualiter* contineri. Ergo in verbis sequentibus: *Quorum retinueritis peccata, retenta sunt*, forma alicujus contrarii sacramenti continetur. Hoc loco excutendum est illud dogma Romanæ Ecclesiæ, de privata peccatorum confessione coram Sacerdote, jure divino ad salutem necessaria. Maldonatus. *Unus finis confitendi est, ut obliget homines, ne ipsi judices sint, an habeant pecca-*

Sum. q. 18.  
a. 3. & 3 4.

peccatum, & an illud sit mortale an veniale; quia plerumque imperiti sunt, ideoque cogendi sunt exponere, quicquid fecerunt, sacerdoti, ut iudicet, peccarint nec ne. Proprius finis confessionis est, ut peccatores vi clavium obtineant remissionem peccatorum. Quapropter Sacerdos debet omnia remittere, & quis non potest remittere, nisi qui audit omnia, debet audire. At hæc omnia ne Satan quidem κατ' ἑρμηνείαν fratrum novit.

Decretum in Concilio Tridentino extat, Sess. 14. c. 5.  
In veteri olim Ecclesia publicæ pœnitentiæ receptæ erant, quarum ubique mentio fit, nusquam autem hujus privatæ sacramentalis, tanquam ad salutem necessariæ usus injungitur. Glossa. *Alii dicunt quod in Novo Testamento instituta sit à Jacobo dicente: confitemini invicem peccata. Sed melius dicitur, eam institutam fuisse, à quadam universalis Ecclesiæ traditione (quod falsum, nam Orientis Ecclesiæ eam respuerunt,) quam vel ex novi vel veteris Testamenti autoritate.* Paulo post: *Necessaria est in mortalibus confessio: apud Græcos non, quia non emanavit ad istos traditio talis.* Sed quæ confessio necessaria est? Publicani. Confiteri Deo & hominibus publicè vel privatim peccata, pitum ducimus, divinis enim legibus id consentaneum. Act. 19. 18: fatetur Cajetanus nullam scrupulosam recensionem Sacramentalis confessionis insti-

In Can. 5.  
dist. de pœ-  
niti

tui : sed nihil aliud significari , quàm eos vitam antecedentem improbasse. Fatebantur peccata publicè vel in genere ut Lorinus Jesuita concedit. Nam textus non de baptizatis , sed de Catechumenis loquitur , qui sacramentalis confessionis nondum capaces esse creduntur. Lombardus : *Quibusdam visum est, sufficere, si soli Deo confessio fiat sine iudicio sacerdotali; quia David: Confitebor Domino, & non ait, Sacerdoti, & tamen sibi remissum peccatum dicit.* Gratianus : *Quibus auctoritatibus vel quibus rationum firmamentis utraque sententia nitatur , in medium exposuimus. Cui autem harum potius adherendum sit, lectoris iudicio reservatur. Utraque enim à prudentibus & piis defenditur.* Anno 817. habitum est Concilium Cavallonense. c. 33. *Quidam solummodo Deo confiteri debere dicunt peccata. Quidam vero sacerdotibus confitenda percensent. Sententia Concilij est, utrumque modum confessionis fructuosum esse.* B. Rhennus præf. in arg. Tert. de pœnit. *Publica exomologesi usi sunt antiqui multis seculis priusquam ista secreta nasceretur, de qua Tertullianus nihil habet, quæ penitus id temporis ignorabatur.* idem Polydorus Virgilius l. 6. c. 1. *Deleatur, ait, index 196. in recens. operum ejus. Idem Maldonatus summul. q. 20. a. 1. Confessio longo tempore in Ecclesia prisca est olim facta publica.* Ambrosius duos libros scripsit

L. 4. sent. dist.  
17. lit. C.

Dist. 1. de  
pœnit. c. 89.



scripsit de pœnitentia & duos de sacramen-  
tis. In nullo potuit aliquid reperiri pro con-  
fessione auriculari nisi hoc: *Confitere Deo  
& sacerdoti peccata*. Sed crimina enormia  
intelligit: ait Deum tribus syllabis acquie-  
visse: *peccavi*. Citat exemplum Davidis,  
cujus confessio sacramentalis non erat. Dein-  
de Possevinus ait, eum librum Ambrosij non  
esse. Itaque certum est, totam antiquam  
& Catholicam Ecclesiam hoc dogma igno-  
rasse: Neminem posse servari, nisi Pastori  
suo ad minimum semel toto anno omnia  
& singula mortalia peccata, quot ipsi me-  
moriam post debitum examen suggerit, cum  
circumstantiis, ex quibus qualitas peccati  
dijudicari possit, sacramentali confessione  
revelet. Hoc jugum nec Deus nec verus Ec-  
clesia Christianis imposuit. Nec Christus  
unquam hac conditione remissionem pec-  
catorum hominibus promisit. Ostendant  
adversarij unum locum scripturæ. Hæc au-  
toritate divina destituta doctrina quot an-  
gones conscientie parit? Semper enim du-  
bium est Christianus num debitum illud exa-  
men adhibuerit. Catechismus Trid. *Neque* De pœnit.  
*peccatorum veniam à Domino impetramus, nisi* fact.  
*ea pœnitentia sacramentum per confessionem*  
*deleat*. At quomodo Christiani simplices  
peccata mortalia à venialibus distinguunt?  
Num ipsi judices erunt? Aut tenentur omnia

tam mortalia quam venialia confiteri ut Maldonatus docet, quod tamen *αδύνατον*; aut iudicium peccatori relinquendum est, cuius conditionis peccatum sit. Nonne doctissimi Scholastici in iis discernendis occupantur & dissentiunt? *Qua ratione distinguatur peccatum veniale à mortali, non una est sententia doctorum, sed variant in infinitum opiniones.* Septem peccata mortalia R. E. tradit. Inter ea non comparet Idololatria, nec hæresis, nec proditio, nec atheismus. Quod si hoc cuiusque opinioni relinquunt ut de peccato iudicet, sitne veniale vel seculus, homo suiipsius iudex erit. Hoc autem rei non est, de delicti qualitate iudicare. Interim non reprehendi potest, si quis præfati suo, omnia peccata privatim revelet, hoc enim serium contritionis studium indicat, sed plurima sunt quæ honestius tacentur. Ipsi Confessarii, dum mulierum confessiones audiunt, fatentur se in pollutiones incidere. Quid quod ipsi meretrices hac lege confessionis eximunt? Sa, Aphorismo; Confessio: *Meretrices non comprehenduntur statutis synodalibus excommunicantibus non confitentes, aut non communicantes in Pascha. Itaque tales non denunciantur.* At hæ omnium maxime ea opus habere videbantur. Toletus loco citato: *Qui in villis & pagis confitentur, non tenentur tam exacte scire omnia sicut*

Medina in l.  
2. q. 38. art. 1.

Tolet. instr.  
sacerd. l. 5.  
c. 13.

sicut in civitatibus. B. Rhenanus fatetur: *Thamam & Scorum, homines argutos, confessionem talem reddidisse, ut Iohannes ille Gilerius gravis ac sanctus theologus testatus sit, juxta illorum δὲ τρωπικῶς impossibile esse confiteri.* Hinc Veteres & Catholici Ecclesiæ doctores, aliter nos instituerunt. Hilarius: *Nulli alij docet confitendum, quam qui fecit olivam.* Cas-  
In Ps. 51.  
20. Coll. c. 8.  
 sianus: *Quod si verecundia retrahente revelare ea hominibus erubescis, illi, quem latere non possunt, confiteri peccata jugi supplicatione non desinas.* Nectarius patriarcha ob scandalum  
Socrates l. 5.  
c. 19.  
 quoddam obortum pœnitentiarium abrogavit, & cuique liberum permisit, prout ejus conscientia ferret, ad sacrorum communio-  
 nem accedere. Sozomenus addit: Episcopos judicasse, consuetudinem esse nimis rigi-  
Sozam. l. 7.  
c. 16.  
Hist. Trip.  
l. 9. c. 35.  
 dam, ut palam homines Ecclesiæ sua peccata manifestarent, ideoque constituisse sacerdotem ἐχρησθόν, qui peccatores audiret, eisque pœnam injungeret. Quem morem, ait, in Romana Ecclesia ad sua tempora durasse: porro confessionem liberam cujusque conscientia reliquisse: hac occasione severitatem disciplinæ collapsam. Sed putandum non est, Publicam pœnitentiam à Nectario abrogatam, quæ recepta erat in apertis & publicis scandalis. Sed his, qui ap-  
 erto offendiculo Ecclesiæ non fuerant,

peccatoribus liberum relictum, ut sua vel sacerdoti peccata vel soli Deo confiterentur, non ut sibi confessarium privatum eligerent; sed ut ad mysteriorum communionem accederent, prout sibi quisque conscius esset & confideret.

Serm. 30. ad  
populum An-  
tioch.

Hom. 8. de  
pœnit.

Ita enim Chrysostomus successor mentem Ecclesiæ Catholicæ declarat: *Iustus in conscientia, astante nemine præter eum, qui cuncta videt, Deum, qui & scrutatur & de peccatis judicat. Reforma quod deliquisti & sic pura conscientia sacram attinge mensam.*

2. Chrysostomus omnem confessionem excludit, quæ homini fit, non Deo. Talis autem est privata confessio ut coram homine necessario fiat. Chrysostomus aperte hom. 31.

Ab Hebr.  
hom. de pœ-  
nit. & confess.

*Confitere peccata tua Domino: confitere ea judici tuo. Hoc iudicium sine teste sit, nemo adsit nisi Deus, qui confessionem tuam videat.*

Deum introducit loquentem: Εμοὶ τὸ ἁμαρτήμα εἶπε μόνῳ & κατ' ἰδίαν. *Mihi peccatum dic soli & privatim.*

Hom. 28. ad  
populum A-  
tiochenum.

*ὁ δὲ θεὸς αἰαγὼ*

*κάλει παρελθόντας εἰς μέσον ἐξείπειν τὰ πε-*

*πλημμελημένα· ἀλλὰ αὐτῷ μόνῳ ἀπολο-*

*γήσασθαι κελόει. id est, Deus non cogit pro-*

*dire in medium & enuntiare peccata, sed sibi*

*ei confiteri jubet.* Hanc doctrinam tota Ec-

clesia Orientis amplexa fuit, & ad nostra us-

que tempora in Græca Ecclesia perduxit:

Quod ajunt, his Chrysostomi locis satis fa-

ctoriā

storiā & publicā confessionem tolli ,  
 non privatam iudiciariam, hoc ipsa praxi Ec-  
 clesiæ Græcæ refutatur, quæ privatam illam  
 iudiciariam nunquam agnovit. Sed Chryso-  
 stomi verba nimis manifesta sunt, quam ut  
 detorqueri possint in illum sensum. Nam  
 Hom. in Psalmum 50. ait, ἀλλὰ αἰχύνῃ Hom. 20.  
 διότι ἡμαρτίαι; λέγε αὐτῷ καθ' ἡμέραν ἐν  
 τῇ ὁρχῇ σου. καὶ ἵ δέ; μὴ γὰρ λέγω, εἰπὲ τῷ  
 συνδάλῳ ὁνειδίζοντί σοι, εἰπὲ τῷ θεῷ θερά-  
 πῶνόν τι αὐτῷ. Sed te pudet peccatorum? Dic ea  
 quotidie in oratione tua. Quid vero? Non dico  
 ut confitearis conservo tuo exprobranti. Dic  
 Deo curanti ea. Hæc tam manifesta sunt ut  
 Lombardus parens scholasticorum acutissi- L. 4. dist. 17.  
lit. 13.  
 mus, & veteris Ecclesiæ morum maxime  
 gnarus, ita de hac re sentiat: Sane dici po-  
 test, quod sine confessione oris & solutio-  
 ne pænæ exterioris peccata delentur per  
 contritionem & humilitatem cordis. Hinc  
 liquet quid sentiendum sit de decreto Con-  
 ciliij Tridentini: *Si quis negaverit confessionem* Sess. 14. can. 6  
*sacramentalem vel institutam, vel ad salutem*  
*necessariam non esse jure divino, anathema sit.*  
 Hoc jus divinum nunquam Synodus Tri-  
 dentina ostendit, neque Chrysostomus  
 in Scriptura invenit, qui tamen Scriptu-  
 ræ sacræ notitia patribus istis omni-  
 bus merito antefereendus, neque Schola-  
 stici

Confess. l. 10.  
c. 3.

In Cajetanum  
fol. 181.

laſtici Doctores Eccleſiæ R. neque ipſe S. August. Quid ergo mihi cum hominibus, ut audiant confeſſiones meas, quaſi ipſi ſanaturæ ſint omnes languores meos. Curioſum genus ad cognoscendam alienam: deſidioſum ad corrigendam ſuam vitam. Catharinus: Summa induſtria ſcriptura niti videtur, ubi de peccatorum confeſſione aliquid legitur in ſcripturis, ut ſacramentalem & auricularem tollat. Ferus Com. in Matt. 1. 2. Non eſt vere & proprie poteſtas remittendi peccata, ſed facultas tantum, pronunciandi, declarandi, teſtificandi, à Deo ea eſſe remiſſa. Nec aliud eſt abſolutio quam ſi dixerò: en te certum reddo, remiſſa eſſe tibi peccata.

*Romana Eccleſia poteſtatem remittendi peccata, quoad actum iudiciale, non tantum miniſteriale, ſacerdotibus tribuit, idque contra veram Eccleſiæ Chriſtiane iudicium.*

Hieronymus in Matt. c. 16. Et dabo tibi claves regni cælorum. Iſtum locum Epiſcopi & Presbyteri non intelligentes, aliquid ſibi de Phariſæorum adſumunt ſupercilio: ut vel damnent innocentes, vel ſolvere ſe noxios arbitrentur, cum apud Deum non ſententia ſacerdotum, ſed reorum vita quærat. Ut ſacerdos leproſum mundum vel immundum facit: ſic ſolvit vel

vel alligat Episcopus & Presbyter. In eo itaque qui proprie iudex est, à quo sententia emanat, requiritur cognitio peccati distincta: at Præco sententiam principis promulgat, qui tamen crimina subditorum sigillatim non cognoscit. Ministri Ecclesiæ sunt præcones, generalem absolutionem promulgantes, quam quilibet fidelium peccata sua agnoscens, fide sibi applicat. Hoc in baptismo adulatorum manifestum est. In eo enim ipsi peccata remittunt, quorum nullam cognitionem habent. Hinc Adrianus Papa fateretur probatissimos Theologos sensisse claves sacerdotij se non extendere ad remissionem culpæ. Al. Ales negat sacerdotis potestatem se extendere *ad culpam delendam per modum impertientis vel imperantis, sed deprecantis*. Cum itaque hoc caput religionis summi momenti sit, quod de remissione peccatorum agit, consideratione dignum quomodo vetus & Catholica Ecclesia hanc potestatem remittendi peccata Ministris Ecclesiæ tribuerit. Ante omnia minime ea gratiæ divinæ dispensationem à scelerati vel non baptizati, vel non legitime sacerdotis ordinati intentione suspendit, ut R. E. facit in Concilio Tridentino: *Non debet pœnitens adeo sibi de sua ipsius fide blandiri, ut etiamsi ipsi multa adsit contritio, at sacerdoti animus seriè agendi & verè absolvendi desit, putet tamen*

Quodl. q. 5,  
P. 4. q. 80.

Scilicet, 14. c. 6.

men

*men se propter suam solam fidem* (si hæc fides vera est, de qua sola quæstio est an non aperta blasphemia?) *vere coram Deo absolutum esse.* Nec enim fides sine poenitentia (id est sine sacramento poenitentiae quod nullum est, ubi intentio administrantis deest ex definitione ipsius Concilij) remissionem ullam præstaret. Sic salus Christiani à voluntate alterius hominis pendet. Hæccine doctrina est Catholica? Dominus quidem ait: *Quorum peccata remiseritis, his remittuntur, & quorum retinueritis retenta sunt.* In quem locum Ambrosius: *Dominus per jus ligandi & solvendi voluit esse, qui utrumque pari conditione promisit. Quomodo potest alterum licere, alterum non licere.* Remittere peccata est homines liberare poena iis debitâ. Vnde sequitur Pastores eadem ratione peccata remittere, qua eadem punire possunt. Seu possunt tales poenas remittere, quas possunt infligere. Hoc totum de censuris Ecclesiasticis intelligendum. Remittunt etiam peccata quoad æternam poenam, sicut animas servant Iacobi s. quia Deus eorum ministerio utitur in hominibus servandis. Metonymica itaq; locutione id quod proprium causæ efficientis, instrumento tribuitur. Sicut nuntius *λύτρον* afferens à Domino captivum redimit. Sed adversarij sacerdotibus tribuunt non tantum in foro Ecclesiastico, sed etiam

De poenit.  
l. 1. c. 2.



etiam conscientia interno, non tantum potestatem ministerij; sed iudicij, ita ut sine sacerdotum sententia post baptismum lapsus nemo cum Deo possit reconciliari. Si hoc ita se habet, Deus & homo sunt partes contrariae: Sacerdotes de utraque judicant. Bell. de poenit. l. 3 c. 2. Utque iudicium sacerdotum integrum & ratum sit, sigillatim peccatorum omnium habitudinem explorant. Consideratis omnibus circumstantiis causae dicunt: *Ego absolvo te.* Iam Deus tenetur vel remittere vel non remittere. Si tenetur, praesupponendum quod peccatores confessi semper vera poenitentia qualem Deus requirit praediti fuerint, quod tamen non semper ita se habet ob hypocrisin: Si non tenetur, quomodo verum illud: *Cuiusque remiseritis peccata, remissa sunt.* Hanc tamen privatam absolutionem nihilominus necessariam statuunt, cum ea potest obtineri. Negatur remissio ajunt, quibus sacerdotes noluerint remittere. Sed non solebant Apostoli ita concionari: *Nisi vobis peccata remiserimus, salute excidistis*: sed ita: *qui in Iesum Christum credit, remissionem accipiet peccatorum in nomine ipsius.* Aa. 10. 43. Qui ergo vere credit ante istam absolutionem, remissionem habet, quod Concilium Trid. cogitur fateri: *Contritionem ita perfectam caritate esse posse, hominemque cum Deo reconciliari, priusquam* Sess. 14. c. 4.

hoc

*hoc sacramentum actu suscipiat. At votum confitendi necessarium. At qui id facit eo fine, ut remissionem absolute impetret sacerdotis, quam jam accepit, petet id sibi dari, quod se jam credit accepisse. Qui ergo tali contritione præditus sacerdotem adit, cum ei peccata jam remissa sint, nihil ab eo accipit, quod non habeat. Sacerdos absolvit absolutum, judicat de re judicata: actum agit: Qui autem vera contritione & caritate destitutus sacerdotem adit, quid ille accipit? Nihil præter illud: Ego absolvo te. Verbum cujus nulla efficacia est: illud enim in verè poenitentibus tantum ratum est. Certum itaque est, solum Deum in foro conscientiae judicem esse. Nullus hominum judiciaria absolute potest animam liberare à necessitate reddendæ rationis coram tribunali Dei: nec vi sententiæ à se latæ peccata coram Deo tollere. Nam sacerdos nullus potest conscientiam peccatoris intueri, sine qua notitia absolute nemini potest peccatorum remissionem impertiri, æternæ condemnationi oppositam, quam in symbolo credimus. Hoc solius Dei est: Solum Deum oramus, ut peccata nobis remittat. Partis læsæ est, remittere. Consilium Dei firmum est: judicium sacerdotis incertum. Nam non constat, an id cum Consilio Dei consentiat, sine quo consensu irritum*

ritum est. Cum itaque veri judicis sit, peccatoris conscientiam nosse: sacerdoti eas partes de conscientia judicandi non esse attribuendas, manifestum est. Ipsi fatentur, sacerdotem non posse judicis officio fungi, nisi peccata cognoscat, at hæc in voluntate & internis cogitationibus consistunt: ubi autem Christus sacerdotibus potestatem dedit, de conscientia incognita judicandi? Summa: remittere alicui peccata ex autoritate judiciali, est homini donare vitam æternam, quod sacrifici in absolutione moribundorum faciunt: hujus enim absolutionis effectum extendunt ad alteram vitam, itaque ei beatitudinem adjudicant sic, ut Deo exsecutio sententiæ latæ tantummodo relinquatur. Verus enim judex sententiam ex autoritate pronunciat, quam executio necessario sequitur. At contra Deus nunquam remittit, nisi peccatorem verè pœniteat peccati: & in Christum rectè credat. Hoc Sacerdotem latet. Non igitur judex est, quia non novit, an absolutio sua rata an irrita sit. Hinc absolutio: Quantum in me est, ego te absolvo. Suaretz: Sacerdos absolvit, nisi is, qui absolvitur, impediatur. Toletus triplicem conditionem adjungit absolutioni: *primam de præterito: Si fecisti hoc, ego te absolvo: alteram de presenti: si ita est, ego te absolvo. Tertiã de futuro: si hoc feceris, ego te absolvo. Vbi des-*

De pœnit. p.  
3. th. 1.  
Instr. sac. l. 3.  
c. 12.

*decret una harum conditionum, absolutio nulla est.* Nonne hic peccator æque incertus est ac ante fuit? Quale hoc iudicium, quod nec Iudex nec reus novit, an ratum sit. Intentio ignota est sacerdotis: Sacerdoti sua potestas, licet omnes cōditiones in confitente adsint, ignota est. In quem labyrinthum decidit peccator, si salus ejus ab absolutione hominis pender? Quid quod etiam multis sacerdos irregularis fiat? Hinc dicimus: aut vera pœnitentia præcessit, vel non. Si prius, peccator absolutus est à Deo, licet sacerdos nolit eum, vel non possit, absolvere. Si non, tum sacerdotis nihil absolutio valebit. Hæc remissio se ad mortuos extendit.

Instr. sacerdot.  
l. 1. c. 7.

Toletus: *Potest excommunicatione contracta in vita absolvi post mortem.* Hoc testantur altaria (quæ vocant privilegiata,) ut quoties super eis Missa fit, anima è purgatorio liberetur, quæ placeat. Romæ pauca altaria, quæ talia privilegia non habeant, Navarrus: *Non parum dubitatum fuit, an Papa indulgentiam extendere possit ad mortuos.* Et tamen ubique tot altaria. Quod si per modum intercessionis animas liberaret, non solus Papa hanc sibi potestatem reservaret. Cur enim non aliis liceat orare pro defuncto? Verba bullæ potestatem & jurisdictionem significant in his privilegiis altarium. *Plumbum & membrana signa sunt remissionis, quam Pontifex*

Com. de jub.  
& iud. 22.  
obs.

Bell. de indulg.  
c. 5.

*tifex*

*is ex pro potestate à Deo accepta concedit. Preces non concipiuntur in forma Mandati, sed videamus porro, quò impudentia hæc potestatis judiciaræ se extendat: Absolvi potest, qui ex rationabili & iusta causa non vult omittere peccandi occasionem, modo proponat firmiter non peccare, etiamsi aliquoties sit relapsus. Potest absolvi quis non solum sine dolore; vel etiam invitus, & ab una excommunicatione, relicta altera. Absolutus simpliciter, sed præstita cautione de satisfaciendo si non satisfaciat, non reincidit. Item: Absolutio injusta valet. Nec femina nec laicus nec simplex sacerdos absolvere possunt, nisi ex privilegio aliquo. Ignarus absolvi potest: Invitus item in foro exteriori. Sed quid antiqua Ecclesia de hac absolutione sensit? Ignoravit. Olim enim satisfactio publica præcedebat absolutionem. Fit mentio privatæ confessionis; sed non privatæ, judiciaræ, ex necessitate divini mandati omnibus injunctæ. Augustinus: Quem mortalia crimina post baptismum commissa premunt, HORTOR prius publica pœnitentia satisfacere, & ita sacerdotis judicio reconciliatum communioni sociari. Factam confessionem privatim publica pœnitentia sequebatur; prout Episcopus consultum judicabat. Augustinus publicis criminibus obstrictos non cogit, sed hortatur hanc Ecclesiasticam legem observare. In tota antiquitate nemo*

Sa aphorismo in verbo absolvere.

Toletus instr. l. 1. c. 14.

De dogm. Eccles. c. 53.

D d

pec-

De lapsis.

Ep. 7.

L. 4. de hæresi  
Andianorum.Lib. 5. contra  
Parmen.L. 12. in Ioh.  
c. 56.Serm. 23. de  
So. serm. 36.  
in Ioan.L. 6. in Es.  
c. 4.

peccatorem censuris Ecclesiasticis liberum ita compellavit: *Ego te absolvo: Ego remitto tibi peccata tua.* Cyprianus expresse: *Nemo se fallat, solus Dominus misereri potest: Veniam peccatis, quæ in ipsum commissa sunt, solus potest ille largiri, qui peccata nostra portavit. Homo Deo non potest esse maior.* Ambrosius: *Non potest hoc cuiquam hominum cum Christo commune esse, ut peccata condonet.*

Theodoretus graphicè depingit Papistas in describendis hæreticis Andianis: *Τοῖς ὁμολογηκόσι δωρὸν τὴν ἀφεσιν, ὃ θεὸν ὁρίζομενοι εἰς μετάνοιαν, ὡς κατὰ κελεύειν οἱ τῆ ἐκκλησίας δεσμοί· ἀλλ' ἐξ ἑστίαι ποιῆμενοι τὴ συγχώρησιν.* id est: *Confessis donant remissionem, non tempus definientes ad pœnitentiam, ut jubent Ecclesie vincula, sed potestate remittentes.* Optatus: *Ecce in Esaia promissit Deus in albare peccatis affectos, non per hominem.* Cyrillus Alexandrinus: *Cerè solius veri Dei est, ut possit à peccatis homines solvere. Cui enim alii prævaricatores legis liberare à peccato licet, nisi legis ipsius auctori?* Augustinus: *Fururi erant homines, qui dicerent: Ego peccata dimitto. Sed in eo pharisæus melior. Nam qui es homo, nisi ager sanandus? Vis mihi esse medicus? mecum quære medicum.* Hieronymus: *Solvunt Apostoli sermone Domini, & testimoniis scripturarum, & exhor-*

*exhortatione virtutum.* Lombardus: *Sacerdos. Dist. 18. l. 4.*  
*tibus non concessit Deus potestatem culpam di-*  
*mittendi seu ligandi; sed ostendendi, homines*  
*esse ligatos vel solutos.* Hinc neque olim in  
 Ecclesia forma absolutionis judiciaria, recepta  
 erat: Ego absolvo te; sed per modum  
 deprecationis fiebat, quod Alexander Ales <sup>P. 4. q. 80.</sup>  
 fatetur. Pontificale Romanum C. de re-  
 conc. hæret. continet plurimas preces quibus  
 Episcopus Deum precatur, ut hæreticum  
 absolvat. Ibidem reperiuntur nullæ  
 preces, quibus Deus rogatur, ut defunctorum  
 peccata deleat, quæ preces absolutiones  
 appellantur. Ex 21 opusculo Thomæ  
 videre est, quendam Doctorem E. R. cen-  
 suisse absolutionem non impertiendam esse  
 cum certitudine indicativa, nempe his ver-  
 bis: Absolvo te: sed ita: Deus te absolvat.  
 Ea verba: absolvo te, nova esse, ante 30 an-  
 nos in Ecclesiam inducta, quorum in anti-  
 quitate nullum vestigium extet. Quorsum  
 itaque hoc: *Tibi dabo claves Regni cælorum?*  
 Hæc promissio impleta est, cum Christus A- <sup>Ioh. 28.</sup>  
 postolis potestatem remittendi peccata dat  
 Hæc potestas in usu clavium. clavis duplex:  
 scientiæ, & autoritatis. Hæc nihil aliud est  
 quam Regimen Ecclesiæ. Regnum enim  
 cælorum hic, non Paradisum cœlestem, sed  
 Ecclesiam significat. Ecclesiæ enim regi-  
 men, non Paradisi Apostolis concessum est.

Neque est Pastorum, animas in Paradisum admittere ; vel inde excludere. Solius Dei hoc est , qui æterno suo consilio decrevit , quibus peccata velit remittere. Electi secundum librum vitæ ; non secundum sacerdotis sententiam judicabuntur. Ibi enim ipse iudex rerum suarum sataget. His itaq; verbis regimen Ecclesiæ Apostolo promittitur. Hoc regimen duplici ratione administratur: *Prædicatione Euangelij , & Ecclesiastica potestate.* His duobus modis peccata à Ministro remittuntur vel retinentur. Prædicatione Euangelij Ministri annuntiant pœnitentibus remissionem : impiis condemnationem. Nec hoc ut privati agunt : sed ut potestate instructi, tanquam legati & præcones hujus gratiæ, non ut iudices. Ministerium reconciliationis Christus Apostolis, non iudicium dedit, quod æque erga baptizatos, ac non baptizatos exercent, non itaq; sacramentum est. Pœnitentia enim à Christo prædicata, ut fatentur, sacramentum non fuit: id enim Ioh. 20. demum volunt institutum. At hæc pœnitentia Christianæ Ecclesiæ sufficit, quam Christus ante resurrectionem prædicavit. Potestate vero Ecclesiastica ut iudices utuntur. Sed hæc exclusio ut ad Ecclesiam: ita admissio ad eandem intelligenda est. Sed quales satisfactiones hi iudices Papisticæ Ecclesiæ peccatoribus

2 Cor. 5. 18.



ribus imponunt? Tales certe, de quibus antiqua Ecclesia ne per somnium quidem cogitavit.

Primum quidem negant, se pro pœnis æternis satisfactiones imponere. At docent, vi contritionis se commutare in temporalem pœnam, æternam: hanc porro purgatorii, absolutione sua in temporalem vitæ præsentis: hanc satisfactione à se imposita vel indulgentia tolli. Nam ut Alexander P. 4. q. 33. m. 6 Alensis docet: *Dominiis Papa potest & solet aliquando totam pœnam debitam simpliciter relaxare sine commutatione.* Vbi itaque prætextus iste justitiæ, quod culpa remissa, obligatio pœnæ temporalis restet? Sed pecunia opus est. Nam hi judices non gratis peccata remittunt. Si quis forte non potuerit jejuna-  
Decretum Burchardi c. 19.  
*nare, & habuerit unde possit redimere: Si dives fuerit, pro 7. hebdomadibus det solidos 20. Si non habuerit, det 10. si nimis pauper fuerit, 3. Laicus blasphemans si nobilis fuerit, pœna 25. duarum mulctetur, pro secunda vice 50. fabricæ basilicæ Petri applicandis.* Ipse Baronius allegat verba Damiani: *Non ignoras, quod, cum a pœnitentibus, terras, possessiones agrorum accipimus, juxta mensuram muneris eis de quantitate pœnitentiæ relaxamus.* Pœnitentiale Romanum: *Duodecim triduana singule cum Psalteriis tribus impletis, & cum palmarum trecentis (alapis) per singula psalteria ex-*

An. 1055. §. 2.

Burch. l. 19. c. 23.

Decretum Bo-  
chelli l. 5. c. 6

Matt. Paris.

Westm. in  
Ioanne.

*consummationis anni penitentiam.* Paschalis 2. anno 1107. mandavit Comiti Ruperto Flandriæ, ut Clerum Cameracensem & Leodiensem trucidaret in remissionem peccatorum, Innocentius 3. donabat Regi Galliæ Philippo, remissionem omnium peccatorum, hac conditione, ut regnum Angliæ invaderet, spoliaret, occuparet. Iam vero propter unum peccatum mortale 7. vel ad minimum 3. anni consumendi sunt in purgatorio, nisi quod ex indulgentiis & exequiis remedium afferatur, idque pro pecunia. Rosarium hic utramq; paginam facit: Flagellationes spontaneæ, egregiæ contritionis & satisfactionis specimen. Hæc omnia vetus Ecclesia Christiana ignoravit. Nihil tale ostendunt in ullo scriptore, quod in absolutionem iudicialiam sacerdotis, satisfactio ob purgatorii pœnas devitandas cuiquam imposita fuerit. Ipsi volunt Deo satisfacere: veteres Christiani Ecclesiæ, quam offenderant. Sed mirum quomodo sacerdos Papisticus satisfactionem imponit peccatori, qui cor peccatoris non novit, ut iustitiæ Dei ita conveniat, ut nec plus nec minus ea postulet. Num etiam efficacia satisfactionis nostræ ex meritis Christi? Bellarminus hoc negat. *Si quis post gratiam reconciliationis adeptam adhuc sit reus luendæ pœnæ temporalis, is non necessario meritis Christi eget, ut per ea reatui illi simpliciter*

Lib. 2. c. 1. de  
pœni.

*giter condonetur.* Sed hæc satisfactio vergit in injuriam Dei, qui duplicem satisfactionem pro una culpa flagitet. Certè satisfactio Christi quæ sufficit pro culpis & pœnis omnibus, non minoris à Deo æstimatur quam valet. Satisfactiones etiam suas indulgentiis tollunt. Fatentur igitur eas non esse necessarias. Certum est Romanam Ecclesiam beneficia Christi minuere, ut hominibus multas pecuniarias imponendo detestetur. Christus *ἐχαρίσατο ἡμῖν πάντα τὰ Col. 2. 13. παραπτώματα.* *Gratis condonavit nobis omnia peccata.* Remissionem perfectam petimus & credimus. Non est autem perfecta remissio, ubi pœna pro culpa luenda restat. Hinc scriptura ait, eos qui in Domino moriuntur, à modo, à laboribus requiescere, Apoc. 14. illud *ἀπαύρι*, ostendit, ad idem tempus beatitudinem & mortem referri. In Domino, status notatur, in quo sunt ij qui moriuntur. Dominus, Matt. 18. 32. *Totum illud debitum remisit tibi, quia orabas me.* Hæc remissio nihil pœnæ reservat. Est autem exemplum remissionis peccatorum. Si remissa culpâ perfecte pœna restat, duplex credenda est remissio. Quis sic loquitur? princeps furi non tantum furtum, sed etiam suspendium remisit, Nemo. Nam remissio furti sufficit. Imo quid potest re-

mitti præter culpam? Nam remissio culpæ nihil aliud est, quam pœnæ condonatio. Cum pater filio delictum condonavit: num opus est ut ei castigationem remittat? Hæc doctrina Deum crudelitatis accusat, quod horribiliter cruciat animam propter culpam perfecte remissam. Nam si anima culpæ affinis sit, ea non est remissa: si non sit, injuste torquetur. Est enim innocens. Sola enim culpa efficit ut pœna justa sit. Neque Christus alio fine omnes pœnas tulit, nisi ut nos ab iisdem liberaret. Si iustitia divina exigit, ut purgatorio, tanquam medio, satisfactio Christi pro pœna temporali applicetur: Cur Papa indulgentiis hoc medium tollit? Sed quæro, an Christus pro pœnis purgatorii satisfecerit. Si negant, satisfactioni Christi tanquam finitæ aliquid adjici potest: si affirmant, eo fine hoc fecit, ut nos ab iis liberaret. Si tulit, abstulit.

## C A P. V.

*De justificatione & libero arbitrio.*

Epistola ad  
Diognetum.



Ustinus Martyr. Τί ἄλλο πρὸς ἁμαρ-  
τίας ἡμῶν ἡδυνήθη καλῦψαι ἢ ἐκεί-  
νη δικαιοσύνη; ἐν τῇ δικαιοσύνῃ  
τὰς ἀνόμους ἡμᾶς, καὶ ἀσεβεῖς, ἢ ἐν μόνῳ τῷ  
ἡμῶν

ἡσὶν ὁ Θεὸς, ἵνα αἰσχύνη πολλῶν ἐν δικαίῳ ἐνὶ κρυβῇ, δικαιοσύνη δὲ ἐνὸς πολλὰς αἰσχύνης δικαιοσύνη, id est, quid aliud peccata nostra potuit tegere, quam illius justitia? in quo justificari (potuimus) iniqui & impij, nisi in solo filio Dei, ut iniquitas multorum in uno justo occulteretur, justitia vero unius multos iniquos justificet.

Augustinus claudit librum de hac materia his verbis: His igitur consideratis pertractatisque pro viribus, quas Dominus donare dignatur, colligimus non justificari hominem praeceptis bonae vitae, nisi per fidem Christi, hoc est, non lege operum, sed lege fidei, non litera sed spiritu, non factorum meritis, sed GRATIA GRATIA.

Lib. de Spiritu & litera c. 13.

Thomas de Aquino faterur: implere totam legem esse impossibile, ut dicitur Act. 15. Lombardus idem: Illud praeceptum dilectionis non penitus impletur ab homine in hac mortali vita, sed ex parte, non ex toto. Quia ex parte diligimus, sicut ex parte cognoscimus. In futura autem implebitur ex toto. Objicit: Cur praecipitur homini ista perfectio, cum in hac vita nemo eam habeat? Quia non recte curritur, si quo currendum est nescitur. Autor quaestionum ad Orthodoxos. Si unus Christus divinam legem implevit, quomodo irreprehensibiles in lege ambularunt Zacharias & Elisabet?

In Ep. ad Gal. c. 3. lect. 4.

Dist. 21. lit. F.

Lit. G.

Apud Iustinum Martyrem quaest. 141

Respondet : aliud esse irreprehensibilem , aliud peccato immunem esse. Solum Christum , qui legem nunquam violavit , peccato immunem esse. Proferunt nobis Hieronymum dicentem blasphemum esse , *Deum homini impossibilia mandasse*: in symbolo ad Damasum. Sed Marianus Victorius , Possevinus , docent hunc librum supposititium esse. Idem Bellarminus. Hieronymus l. 2. contra Pelagium : *Hæc cuncta percurro , ut ostendam à nullo legem esse completam*. Imo in Ep. ad Galatas ait c. 3. diserte. *Neminem posse explere legem , & cuncta facere quæ iussa sunt*. Quid igitur Monachorum ista perfectio quæ plusquam lex requirit , se præstare gloriatur aliud est quam apertus *Pharisaismus hypocritarum* ? Adrianus (Papa factus) *sunt merita nostra & preparatio velut baculus arundineus , cui dum quis innixus fuerit , confringitur , & perforat manum innitentis. Et velut pannus menstrualis sunt omnes iustitiæ nostræ , ut habetur Esajæ 64. Insuper enim super pannum bænæ vitæ , quem iustitiæ operibus teximus , stillamus saniem diversorum criminum*. Solius fidei justificationem quam Paulus tam discrete docet , quam turpiter R. E. explodit : at non Catholica & vetus Ecclesia. Fides quæ iustificat , non est sola , etiam cum iustificat , sed tantum sola est , quatenus iustificat. Consideretur locus , Gal. 2. 16. εἰδότες ὅτι ἂν διὰ καὶ

Ad tom. 9.  
opera Hieron.

In apparatu  
ad nomen  
Hieron.

De scriptori-  
bus Eccles.

De sacram.  
Euch. fol. 20.

καὶ ταὶ αὐτῶν ἐξ ἔργων, ἐὰν μὴ διὰ πίστεως ἰησοῦ χριστοῦ. Titelm. Sed tantum per fidem. *Nisi* accipitur pro *non nisi* ait. *Estius*: constat voculam *nisi* frequenter in scripturis adverbative sumi, ut idem valeat, quod *sed tantum*, ubi addit omnes interpretes Græcos & Latinos in hac interpretatione consentire, eamque ex sequentibus colligi, & ex cap. 3. ad Romanos.

paraph. elucid. in hunc locum.

Cardinalis Contarenus: *Promissio Dei*, De justis. cui firmiter credit, ac propterea fiduciam concipit, qui justificatur, est (ut inquit B. Thomas in l. 2.) quod Deus remittat peccata & justificet impium per mysterium Christi. Cajetanus in Iohan. 5. Credere in Deum, est credendo confidere, & tendere in Deum, quod continet in se actum intellectus & voluntatis. Bellarmini stupor hic norandus: Qui credit in filium, habet vitam æternam. Atqui ego credo: Hanc assumptionem ait, non esse in verbo Dei, sed in opinione sua, quæ fallax potest esse. Respondeo illam assumptionem esse in sensu & experientia. An non pudet Romanam Ecclesiam illius doctrinæ, quam tradit; neminem posse scire an credat in filium Dei, nisi ex opinione quæ fallax possit esse? Quid ipse Papa, an nescit hoc idem? Vega & Sotus R. E. Doctores docent: aliquem esse sic certum de sua gratia atque certum est.

Bell. l. 3. de inst. c. 3.

*est Romam esse, evidentia sc. & experientia.* Alioqui Catholici docent eam certitudinem, quæ nullam habeat de salute sua formidinem. Autor Enchiridij Colonienſis, Guilandus, imo multi Catholici, teste Vega, l. 3. de incert. gratiæ c. 7. post concilium Tridentinum, Catharinus, teste Pererio, com. in Rom. 8. n. 27. qui ait, universos patres hanc certitudinem contestari. Vbi manet spes illa Christiana quæ non confundit? At non omnes illi revera credunt, qui arbitrantur se credere. Respondeo, nec vident omnes, qui putant se videre. Qui tamen revera vident, certi possunt esse se videre. Tolletus in c. 3. Ep. ad Rom. *Advertendum est, fidem non habere ex se efficaciam ullam, ut actus quidam noster est, remittendi & reconciliandi; sed virtutem totam procedere ex objecto ipso, nempe Christo, cujus virtutem & meritum disposuit Deus per fidem in ipsum applicare peccatori ad justificandum.* Idem Cardinalis Contarenus de justif. *Accipimus justificationem per fidem. Hanc acceptionem Thomas in 3. appellat applicationem. Inquiens, passionem Christi, esse veluti medicinam communem, quam quisque sibi applicat per fidem, & sacramenta fidei: Protestantes appellant apprehensionem, non ea significatione, quæ pertinet ad cognitionem intellectus, sed qua illud dicimur apprehendere quo pervenimus, & quod post*  
*motura*



*motum nostrum attingimus. Idem Cardinalis Contarenus in Rom. 4. Notandum quod hanc imputationem justitiæ scriptura nulli alteri rei tribuit, quam fidei. Toletus in c. 3. ad Romanos. Si fides qua ratione actus quidam est, ex se justitiam faceret, gratis justitia non daretur. Non usus est Deus operibus ad justificandum, sicut usus est fide, ne homines gloriantur, tribuentes justitiam, operum virtuti aut merito. Cajetanus: Credere in eum qui justificat impios, innititur justitiæ alienæ, sc. Dei per Christum. Ita Scriptura: Ioh. 1. 12. Recipere Christum & credere in nomen ejus, unum esse tradit. Cajetanus: Justitia legis ac propria, est observatio mandatorum legis: justitia autem fidei remissio peccatorum. Est itaque Catho-*

Rom. 3. 23  
24

lica doctrina veteris Apostolicæ Ecclesiæ hæc: nos δωρεὰν Ἰησοῦ χριστοῦ δικαιοσύνην. Gratis, Dei gratia. Quibus verbis Bellarminus non merita ait, excludi absolute: sed merita propria, quæ habemus ex nobis & non ex Deo. Sed Toletus Bellarminum refutat. Non evademus, ait, difficultatem, dicendo, donum esse Dei ipsam fidem & penitentiam. Nam quamvis dona Dei sint, tamen simul opera arbitrij sunt. Confirmo adhuc hoc idem. Certum enim est opera legis etiam Dei esse dona: sine auxilio enim gratuito Dei non fiunt. Quod autem per gratiam, gratuitum donum justificationis nobis inherens, non intelligatur;

gatur; sed gratuita Dei voluntas liquido cuius promptum est videre ex Apostoli objectione Rom. 6. Permanebimusne in peccato, ut gratia auctior fiat? Num iustitiam inherentem peccato auctiorem posse fieri ab ullo sana mentis creditum fuit? Sed totum negotium justificationis Cardinalis Contarenus describit:

Tract. de iustif.

Opera Contarini Paris edita anno 1572. Doctorum Regentium Theologicæ facultatis Parisiensis approbatione confirmata, in quibus nihil à Christiana veritate discrepans invenitur.

Bell. de iustif. formali causa:

Quoniam ad duplicem iustitiam pervenimus per fidem, iustitiam inherentem nobis & iustitiam Christi, nobis donatam ac imputatam, quoniam inserti sumus Christo, & induimus Christum, restat inquirere: Vt nam debeamus niti & existimare nos justificari coram Deo, id est, sanctos & justos haberi, Ego prorsus existimo, pie & christiane dici, quod debeamus NITI, NITI, inquam, tanquam re stabili, qua certo nos sustentat, iustitia Christi nobis donata: non autem sanctitate & gratia nobis inherente. Hac enim nostra iustitia est inchoata & imperfecta, qua tueri nos non potest, quin in multis offendamus, quin assidue peccemus. Ipse Bellarminus: si solum vellent: nobis imputari Christi merita recta esset eorum sententia: quavis is modus loquendi in scripturis & patribus aut nunquam aut rarissime invenitur. Christus dicitur iustitia nostra, quoniam satisfecit patri pro nobis, & eam satisfactionem ita nobis donat & communicat, cum nos justificat, ut nostra satisfactio & iustitia dici possit. Hoc modo non esset absurdum, si quis diceret nobis imputari Christi iusti.

justitiam & merita, cum nobis donentur & applicentur, ac si nos ipsi Deo satisfecissemus. His verbis totam causam Bellarminus Ecclesiæ Orthodoxæ tradit vi veritatis victus. Quid enim aliud docemus? Contaremus: Perpetuus est scopus Pauli, ut doceat nos esse insertos Christo. Vnde omnia quæ Christi sunt, nobis attribuit. Christus factus est peccatum pro nobis ut nos fieremus justitia Dei in ipso. Vbi Bellarminus: Dicimur justitia in Christo, ju- 2 Cor. 5. 21. stitia illa quæ est in ipso, non in nobis, quia sumus membra ejus. Quod enim convenit capiti, convenit membris, non ut sunt membra distincta à capite, sed ut faciunt unum & sunt unum cum ipso capite. Thomas de Aquino: 3. 9. 4. 2. 1. Opera Christi ita se habent ad sua membra: ut se habent opera alterius hominis in gratia constituti ad seipsum: tandem notent adversarij nos docere Deum, nos justificare simulque infundere justitiam, id est, sanctificationem; sed eam, quia 2 Cor. 4. 16. de die in diem renovatur, à justificatione nostra distingui- mus absoluta & perfecta, Deut. 27. 26. ideo- que imputata. Neque tandem ut S. Augu- De correptione & gratia c. 14. stinus docet, Deo volenti saluum facere, ul- lum hominum resistit arbitrium. Sic enim velle vel nolle in volentis ac nolentis est potestate, ut divinam voluntatem non impediat, nec superet potestatem. Franciscus Silvius Professor Dua- Expl. doctrinæ S. Thomæ p. 4. art. 3. cenus: Si ad rationem libertatis requiritur, quod

quod positis omnibus ad agendum praequisitis possit agere & non agere : Ergo necesse est ut liberum arbitrium posita quacunque gratia adhuc possit esse bonum vel malum ; ac proinde si bonum fiat, erit ex se, & non ex gratia, quia non obstante gratia, aequè poterit esse bonum & malum. Ergo quod potius sit bonum, quam malum, erit ex seipso & non ex gratia, quod est impossibile. Ex hac ipsorum Pontificiorum doctrina quivis Christianus Catholicam & veterem fidem de justificatione cognoscit, ex cujus ignoratione in Romana Ecclesia plerique omnes errores orti sunt. Salus nostra sola Dei misericordia nititur ex sententia verorum Christianorum : sed ex sententia Papistarum, ex libera hominis cooperatione. Neque enim Romana Ecclesia hanc Becani sententiam damnat : Si queratur prima radix, quare haec gratia sit efficax, illa inefficax, recurrendum est ad liberam cooperationem voluntatis, non autem ad praescientiam Dei, qua providit hanc aut illam gratiam fore congruam. Nam praescientia Dei non facit, ut homo cooperetur, sed supponit eum cooperaturum. Idem Molina Iesuita docet : *Auxilia praevenientis & adjuvantis gratia, quod efficacia aut inefficacia sint, pendere à libero consensu & cooperatione arbitrij nostri cum illis, atq; adeo in libera potestate nostra esse, vel efficacia vel inefficacia illa reddere.* Idem Suarez, Vasquez,

Part. 2. c. 3.  
de auxilio  
gratiae.

De concord.  
disp. 3.

quez & ipse Bellarminus, qui gratiam efficacem ponit in interna suasionem, qua per liberum arbitrium respici potest, & tamen infallibilem effectum habet, quia Deus eam adhibet cum certo novit non contemnendam. Hæc sententia parum differt à Pelagiana sententia superiorum. Alvarez congruitas suasionis consistit in circumstantiis loci, temporis, dispositionis naturalis à qua efficaciam gratiæ vult pendere. At hæc sequitur, quod ultima ratio differentialis, propter quam auxilium gratiæ est efficax, sit reducenda ad aliquid naturale, sc. in particularem complexionem huius individui. sed ipse Bellarminus, Becani & reliquorum opinionem alienam iudicat à sententia Augustini & scripturarum divinarum, atque evertere fundamentum prædestinationis divinæ, & abuti voce gratiæ efficaciæ. Quod ex his verbis liquet: *Dubitari non potest, quin vita æterna ab æterno præparata sit ex prævisione meritorum. Quare ab æterno hi electi sunt, non illi. causa est, quia hi fecerunt bona opera, illi non fecerunt. sc. in præscientia Dei. & ita sentiunt graves Theologi, Camerarius, Molina, Osorius, Turrianus, Vasques alij. Romana Ecclesia has sententias non condemnando à Pelagiana hæresi sese non alienam esse declarat. Sed obtinent gratiam efficacem antecedentem, prout à Deo datur, voluntatemque præde-*

Disp. 83.  
a. 9.

De gratiæ efficaciæ.

Becanus de præd. part. 2.  
c. 3.

Et

termina

Disp. 18.

I ib. 4. c. 22.  
quæst. 2.

terminat, liberum arbitrium tollere. Hoc Alvares Thomista refutat. Nam prædeterminare nihil aliud esse docet quam facere, *ut ipsum arbitrium libere & infallibiliter cooperetur Deo excitanti & vocanti*. Prædeterminare est efficere, ut aliquid *se determinet*. Hac gratia non destruitur sed roboratur arbitrij libertas. Prædeterminat voluntatem ad alteram partem non *ex necessitate, sed juxta propriam naturam ipsius voluntatis*. Notemus Azorij Iesuitæ confessionem: Pauci quidam juniores Theologi, fortassis ut voluntatem nostram liberam faciant, faciunt sacrilegium dum negant Deum libera bona opera nostra præfinire. Cum tres sint modi agendi, naturaliter, voluntarie, coacte: semper Ecclesia Orthodoxa concessit *voluntatem sine coactione, aut necessitate naturali objectum propositum acceptare vel repudiare, unumve alteri præferre*: sed negamus cum tota Orthodoxa antiquitate illam liberam esse à *dependentia divina voluntatis, aut prædeterminationis, aut à peccato, aut à miseria*. Bernhardus de gratia & libero arbitrio. *Non si potens vel sapiens, sed tantum si volens creatura esse desierit, liberum arbitrium perit*. Estius: *Non est de ratione liberi arbitrij posse bene agere, quod patet in demonibus & damnatis hominibus*. Salmeron: *Stat liberum arbitrium cum necessitate bene operandi vel male. patet in angelis bonis*.

Quid

Quid dicet Romana Ecclesia de ipso Christo dum in terris ageret, qui non potuit male agere, & tamen laude dignus esset? Docent enim Iesuitæ unionem hypostaticam tollere & impedire omnino potentiam peccandi in humana natura, imo tollere etiam libertatem peccandi. Denique *Deum aliquos reprobare & excludere à vita aeterna, non quidem propter eorum prævisa opera, sed quia ipse vult non dare illis vitam aeternam, est Augustini sententia, est etiam Thomæ, quam plures sequuntur.* Ex hisce omnino clarum est, quod Catholica Ecclesia testibus ipsis adversariis, quorum auctoritate veritas stabilitur, de justificatione & libero arbitrio docuerit, quam turpiter R. E. ad Pelagianam hæresin desciscat. Pererius. *Per liberum nostrum arbitrium cooperamur gratia Dei, & vere sumus causa operum quæ facimus, & opera nostra vere nostra sunt, & merita sunt apud Deum.* Quod ajunt, *sua merita fundari in sanguine Christi*, idem est ac si cerea domus ardentibus prunis imponeretur. Absoluta enim gratia Dei omne proprium dictum meritum nostrum excludit. Dogma novum est. Patres voce meriti late usi sunt pro quavis actione quam donum aliquod vel beneficium sequitur. Vega: *Non me fugit usurpari apud patres nomen meriti, ubi nulla est ratio meriti, neque de congruo, neque de*

Vasques in 3.  
p. Tom. 1.  
disp. 61. c. 6.

Pererius com.  
in Rom. 98 n.  
314

In c. 6. ad  
Rom. disp. 19;  
num. 936

*condigno.* l. 8. de just. c. 8. Stapletonus: *Quod si aliquis veterum vocabulo promerendi usus est, non aliter intellexit, quam consecutionem de facto.* in promp. f. 5. post pass. dom. Sed Papistæ strictè utuntur pro officio ex condigno aliquid merente. Sic directè 1. pugnat cum gratia. Est enim hoc gratiæ proprium ut sit indebita, alioqui non esset gratuita. Meritum autem condigni reddit debitorem eum, à quo quis meretur. 2. Cum exclusione omnis gloriæ, quam Apostolus, omnesque Christiani Doctores perpetuo urgent. 3. Cum merito Christi. Is enim totam salutem nostram **NOBIS** meritus est. Iam fieri non potest ut duo eandem rem mereantur, cum unus pro alio meretur, alter enim frustra laboraret. Acquirat enim quod ab altero ipsi jam acquisitum est, ut ita prioris meritum suo merito, vel extenuet vel aboleat. At dicunt merita gratia perfici. Hæc gratia, ut docent, est qualitas finita & creata, quæ in anima tanquam subiecto hæret, & actiones producit contagio carnis impuras, ut supra vidimus. Vnde omnis proportio inter opera & vitam æternam sublata est. Quod addunt sua merita elevari ad effectum istum infinito merito Christi, sic oppositio Paulina inter opera & gratiam funditus evertitur. Renatorum enim opera gratiæ subordinarentur in iustifica-



ficatione. Porro meritum est personalis  
 actio filij Dei incommunicabilis quoad fa-  
 cultatem merendi, quæ consistit in digni-  
 tate personæ infinitæ. Denique, Christus  
 purgationem peccatorum nostrorum per se-  
 metipsum peregit. S. Bernhardus lib. 1.  
 c. 13. *Fateor, non sum dignus ego, nec propriis  
 meritis possum regnum obtinere cælorum. Cete-  
 rum duplici jure illud obtinens Dominus meus,  
 hereditate scilicet patris & merito passionis, al-  
 tero ipse contentus, alterum mihi donat, ex cu-  
 jus dono, jure illud mihi vindicans, non confun-  
 dor. Si tantus sanctus vitam æternam dono ac-  
 cipit, quomodo alij ex merito condigni?* M. An-  
 tonius Flaminius in librum Psalmorum bre-  
 ves explanationes ad Alexandrum Farne-  
 sium Cardinalem scripsit Parisiis anno 1551  
 impressas. In Psalmi 130 expositione hæc  
 habet p. 386. *Si iniquitates observaveris, Do-  
 mine quis sustinebit? Affirmat, eos etiam qui  
 sanctissimi judicantur graves pœnas daturos,  
 si Deus in quemque animadvertere velit pro eo  
 ac cujusque peccata promereantur. Itaque Di-  
 vus Augustinus hunc locum explanans, ita  
 scribit: Non dixit, ego non sustinebo, sed, quis  
 sustinebit? vidit enim prope totam vitam hu-  
 manam circumlatriari peccatis suis, accusari  
 omnes conscientias cogitationibus suis, non in-  
 veniri cor castum prasumens de sua justitia.  
 Quoniam apud te propitiatio est. Quæ est ista*

propitiatio nisi sacrificium? Et quod est sacrificium, nisi quod pro nobis oblatum est? Sanguis innocens fusus deleuit omnia peccata nolentium: Precium tantum datum redemit omnes captivos de manu captivantis inimici. Plura in hanc rem omitto, quæ ibi extant. In Psalm. 143. Non intres in iudicium cum servo tuo: Quod non justificabitur in conspectu tuo omnis vivens. Divus Augustinus, cum dixisset in explanatione hujus versiculi: Neminem in terris excipi, ne Apostolos quidem, multaque in hanc sententiam differuisset, concludit his verbis: Dicant ergo Apostoli, dicant: Dimitte nobis debita nostra. cum eis fuerit dictum, quæ debita? respondeant, quis non justificabitur in conspectu tuo omnis vivens. Item, Quis tam pie, tam sancte virat in terris, ut rationem reddere iussus ad tribunal tuum, causam suam defendere ac tueri possit, si velis exigere omnia, quæ tibi & meruissimo & optimo jure debentur? Monachi itaque nostri de operibus supererogationis quam diu volent glorientur. Sanctissimi certe viri aliter de suis meritis judicarunt. Sequantur ad minimum Bellarmini sententiam, asserentis tutissimum esse abdicata omni operum bonorum fiducia in solo Christi merito totam spem & fiduciam collocare. In religione enim nihil nisi quod tutissimum est, Christianos sequi decet. itaque Bellarminus disputationem totam de meri-

meritis operum & fiducia in iis ponenda expungat. Sanctimonia vitæ ad salutem necessaria est omnibus Christianis : sed absit ut in ea gloriemur & confidamus.

CAPUT. VI.

*Sacrificium Missæ. Præsentia Christi  
sub accidentibus panis &  
vini.*

**D**E Missa hic est status controversiæ. Virum corpus & sanguis Domini sub specie visibili panis & vini vere & proprie in missa Deo offeratur in sacrificium propitiatorium pro vivis & defunctis.

Hoc negamus. Nam Christus ait, se in Joh. 6. cœlos adscensurum. Non potest autem offerri quod non adest. Oblatio in institutione Missæ (ut loquuntur) nec à Christo præcepta nec ejus exemplo Ecclesiæ tradita est:

1. Christus discipulis panem dedit, item, calicem, non Deo patri obtulit.
2. De pane consecrato ait, *Accipite, edite; non, accipe, sancte pater.*

3. Testamentum condit Christus; ergo sacrificium non instituit. quæ duo diversissima sunt. Offerimus quidem Deo bona quæ ab ipso accepimus. At illi prius Deo

offerunt ea; deinde ipsi capiunt, ut ita eandem rem simul Deo dent & accipiant ipsi. Certum est, hoc absurdum esse ita ut in cœna alterutrum tantum locum habeat. Christus aperte. *Hic calix novum testamentum est.* Ostendat Bellarminus, eum sacrificium esse.

4. Quid est sacrificare amicum vel dominum in ejus memoriam?

5. Si Christus in cœna se obtulit Deo pro peccatis, in eadem nos redemisset, non in cruce, omnis enim Christi oblatio sufficiens est pro peccatis totius mundi satisfactio.

Hebr. 10. vers.  
12. 14.

6. *Christus unica pro peccatis oblata hostia in perpetuum sedet ad dextram Dei.* Porro hæc hostia unica SEMEL tantum offerenda fuit.

Hebr. 9. 26,  
27, 28.

*Unica oblatione perfecit in perpetuum eos qui sanctificantur.* Sanctificati sumus per oblationem corporis Christi semel. *Ubi jam est*

Hebr. 10.

*peccatorum remissio, non est amplius oblatio pro peccato.* Quod si unica ista oblatio Christianis sufficit, ut sufficit, ceteræ supervacuae habendæ sunt, Rectissime ajunt Papistæ, hæc dicta de cruento sacrificio intelligenda, incruentum enim illud ignorant,

7. Apostolus non unam mortem, sed unam oblationem corporis Christi docet, Si oblatio incruenta Ecclesiæ necessaria fuisset, silentio eam hoc loco non præteriisset. Quomodo autem Apostolus incruentum sacrificium pro peccatis agnosceret, cum di-

cat,

cat, *sine sanguinis effusione non fieri remissionem peccatorum.* Respondent 1. Apostolum loqui de sacrificiis veteris legis. Recte, sed quo fine? ut doceret ita pariter in Novo Testamento fieri. 2. Regerunt, nullam fieri remissionem nisi virtute effusi sanguinis. Ergo virtute sacrificij missæ incruenti nulla sit remissio. 3. Ajunt in missa recte dici sanguinem Christi effundi. Erit ergo sacrificium cruentum. Sub aliena specie, ajunt. Quod idem est ac si dicant sanguinem non fundi. Nonquæro sub quo sanguis fundatur, sed an **FVNDATUR?** 4. Si sub specie aliena vere funditur, sacrificium cruentum erit; si non, non erit vere propitiatorium. Modus loquendi est novus & absurdus.

8. Quomodo Christum sacerdos offerret sacerdotem in æternum? Num sacerdos minor unquam sacerdotem majorem obtulit?

9. Nullum sacrificium externum immolatur quod non destruatur. Nam alias frustra offertur pro peccato, quod poenam peccato debitam vicaria successione non luit. Quid autem sacerdos consumit? Accidentia. Fateretur autem Bellarminus requiri ad sacrificium realem destructionem. At hoc missam destruit. Non enim esse aliquod sacramentale offertur; sed corpus Christi & sanguis.

E c s

10. Quod

10. Quod si etiam per missam tantum mors Christi applicetur, ea non erit sacrificium propitiatorium. Christi meritum applicandi ratio à Christo & Apostolis debuit indicari, alias Christus frustra mortuus esset. Nusquam autem hoc sacrificium applicatorium apparet. Offertorium in missa consecrationem præcedit. Deus vero proposuit propitiationem in Christo per fidem in sanguine ipsius.

11. Sed ipsum Canone missæ considerabimus, unde apparebit missam sacrificium dici quia Christiani panem & vinum offerebant; non quia sacerdos corpus Christi pro vivis & defunctis offerret. 1. Ante consecrationem sacerdos orat Deum, ut accepta habeat & benedicat dona, munera & sancta sacrificia illibata, panem & vinum, quæ in sacra mensa proposita sunt. 2. Ait hæc offerri pro Ecclesia (non corpus Christi.) 3. Ait populum hoc sacrificium offerre. Non intelligit corpus Domini. 4. Appellat id sacrificium laudis. 5. Oblationem populi benedictam & rationabilem fieri postulat. 6. Rogat Deum ut panem sanctificatum & calicem propitio & sereno vultu respicere dignetur & accepta habere, sicut accepta habuit munera Abel & sacrificium Abrahæ. 7. Orat ut perferatur manibus angeli in sublime altare Dei. 8. Diserte  
ait

ait se offerre Deo de ejus DONIS & DATIS hostiam puram sanctam immaculatam.

9. Ait hæc bona creari, sanctificari, vivificari per Christum. Hinc Martinus Papa:

De conf. di. 2. c. non oportet.

*Non oportet aliquid aliud in sacramento offerri*

*præter vinum & aquam & panem, quæ in ty-*

*po Christi benedicuntur. Amalarius de Eccle-*

*siasticis officiis: Omnis populus intrans Eccle-*

*siam debet sacrificium Deo offerre. Lombar-*

L. 3. c. 19. sent. 4. dist. 12.

*dus: Quotidie Christus immolatur in sacra-*

*mento, quia in sacramento recordatio fit illius,*

*quod factum est semel,*

12. Nihil missæ præsidij invenit in ver-

bis: *hoc facite*. Nam *hoc* significat id

quod Christus fecit. Quis jam Christi actio-

nes sacrificabit?

13. De loco Malachiæ c. 1. dico incen-

sum & sacrificium vel proprie intelligi de

incenso & sacrificio similæ olei & thuris,

vel metaphorice de spiritualibus sacrificiis,

ut Patres exponunt, si prius, suffumigatum

etiam erit accipiendum. Adeoque plura

genera sacrificiorum propriè ita dictorum

in novum testamentum inducentur. Si po-

sterius, non significat vere & proprie dictum

sacrificium missæ. Fateor patres quosdam

hunc locum ad Eucharistiam accommodas-

se propter spiritualia sacrificia quæ ibi

peraguntur.

14. Si Eucharistia est sacrificium appli-

cati-

cativum, sequitur prius Christum Apostolis remissionem peccatorum applicasse, quam eam peperit.

15. De ceremoniis missæ hoc notandum, quod in immensum absurdarum gestulationum cumulum excreverint, quarum nihil populus intelligit. Gregorius 1. autem fatetur Apostolos ad solam orationem dominicam consecrassse. Vnde etiam apparet, falsum esse quod Apostoli pro peccatis mortuorum sacrificium hoc obtulerint, proque defunctis in Eucharistia orarint. Tertullianus ostendit hunc modum offerendi pro defunctis à consuetudine manasse. Beatus Rhenanus: *Opus erat olim multis Christianis indulgere (ut oblationes facerent pro defunctis) qui plerumque jam senes de paganismo ad nostram religionem convertentur.*

De corona  
militis.

In Tert. l. de  
corona mili-  
tis.

16. Tò hoc significat aliquid certi ante ultimam sententiæ prolationem. Nam subiectum, prædicatum, copula, certam suam significationem habent, antequam per copulam conjunguntur. Nam nisi aliquid significant, enunciatur prædicatum de re nihil significante, Nisi copula aliquid significet ante prolationem ultimæ vocis, ex illa prolatione ejus significatio pendebit, & alia erit natura hujus propositionis quam aliarum omnium. Quod quid his verbis non  
confe-



consecravit? *Est* non significat *fit*. nam præter temporis circumstantiam & terminorum connexionem nullam rem significat. Igitur conversionem panis in corpus ex verbis hisce necessario non sequi ipsi Papistæ coguntur fateri. Cajetanus : *Non apparet ex* In 1 Thom. q. 75. art. 3.  
*Euangelio coactum aliquid ad intelligendum hæc verba proprie.* Thomas ab Argentina :  
*Iam dictam igitur conversionem teneo : non pro-* In 4 sent. dist. 11 art. 2.  
*pter rationem aliquam cogentem : sed propter*  
*sanctorum auctoritatem & sacra matris Eccle-*  
*sie definitionem.* Petrus de Aliaco de trans- In 4 sent. q. 6. art. 2.  
*substantiatione ait, non sequi eam ex scriptura*  
*evidenter, nec etiam, ex determinatione Eccle-*  
*sie suo iudicio.* Ibidem: *Hæc opinio* (substan-  
*tiam panis non definere) non potest reprobari,*  
*nec per evidentem rationem, nec per auctori-*  
*tem scripturæ cogentem.* Nam quod obren-  
*dunt corpus non posse accipi pro signo cor-*  
*poris, quod alioqui signum pro nobis dice-*  
*retur datum; vanum.* Nam hæc est constru-  
*ctio : hoc est signum corporis mei, quod*  
*pro vobis datur.* Demonstrata imagine :  
*Hic est Iulius Cæsar qui vicit Pompeium.*  
*Sed interpretationem R. Ecclesiæ falsam*  
*esse, sic evinco: quæ res enuntiatione pro-*  
*pria vere significatur esse, ea falso dicitur*  
*enuntiationis illius effectum.* At conversio  
*panis in corpus Christi est res, quæ hac*  
*enuntiatione propria, Hoc est corpus meum,*  
*vere*

vere significatur esse. E. conversio panis in corpus Christi non est enuntiationis illius effectum. Propositio est firma, quia ut effectum suam causam necessario ordine sequitur: sic contra essentia rei, cum sit subiecta ac significata affirmationis veræ materia, adjunctam sui significationem necessario antecedit. Eo enim quod res est vel non est, oratio vera vel falsa esse dicitur. Prius enim res est vera quam talis significatur. Bonaventura ait, reliquas enuntiationes esse indicativas veritatis: hanc effectivam. Quasi hæc propositio non indicaret etiam veritatem, aut quasi etiam effectiorem significaret. At Christus non dixit; Hoc fiat corpus meum. At cum Christus dixit esse, effectio sequitur rei, sed verbum proprie nihilominus intelligendum. Hinc Scotus in angustias redigitur: hæc propositio aut ut vera, aut ut falsa, est propositio conversiva. Dico quod neque sic neque sic; sed tantum ut est propositio neutra (novum genus propositionum. inter *est* & *non est* nullum medium) & prior naturaliter & forte tempore sua veritate. Bell. Verba illa, quatenus causa sunt illius conversionis; præcedunt conversionem: contra quatenus veritas propositionis pendet à rei essentia conversio præcedit significationem. Ita hæc propositio vera erit, antequam vera sit. Duo hic sunt; propositi-

In 4 sent.  
disp. 8. q. 2.

De Eunuch.  
1. 1. c. 11.

positio & conversio. Vtra prior? si propositio prior est conversione, prius erit vera antequam vera sit: si conversio prior propositione, tum per propositionem istam non efficitur. Hinc Richardus propositionem hanc sic interpretatur: illud quod datum erit sub hac specie, est corpus meum.

In 4 sent.  
dist. 8. q. 1. 43

Sed Bellarmino hæc non placet interpretatio. Porro ipse Bellarminus sic explicat: Quod continetur sub his speciebus est corpus meum. Sic duplicem tropum fingit.

1. Synecdochen. Cum hoc (quod demonstrat substantiam cum accidentibus) ad accidentia proprie pertinere statuit. 2. Metonymiam continentis pro contento. Nam species continent corpus. Hoc enim permutatur his verbis: sub hoc, vel sub his speciebus. 3. Pervertit sedem subjecti & prædicati. Nam Bellarminus propositionem Christi in hanc resolvit: *Corpus meum est sub his speciebus.*

Hactenus ostendimus R. E. nullam authenticam interpretationem horum verborum habere neque ullam certam adhuc approbasse, ex tot scholasticorum diversis expositionibus. Sed sententiam horum verborum falsam esse quam R. E. amplexa est, nempe panem in corporis substantiam converti, quamvis quomodo ista conversio ex verbis Christi sequatur, inter eos nunquam

conve-

convenire potest, ex antiquæ & Catholicæ Ecclesiæ testimoniis illis quidem sed manifestis demonstrabimus

L. 1. const.  
c. 16.

Clemens Romanus: *Cum antiqua mysteria pretiosi corporis & sanguinis sui nobis tradidisset. (Apostoli hæc dicunt.)*

Hom. 7. in  
Ier.

Origenes: *Si secundum literam sequaris hoc, quod dictum est, nisi manducaveris carnem filii hominis & biberitis sanguinem meum: occidit hæc litera. Idem in c. 15. Matthæi. Eucharistiam vocat typicum & symbolicum corpus. Ambrosium, officium quod apud Ambrosium de sacram. l. 4. c. 5. extat supra allegavi. Idem in Ep. 1. ad Corinth. c. 11. Quia morte Domini liberati sumus, hujus rei memores in edendo & potando carnem & sanguinem, qua pro nobis oblata sunt, significamus.*

Tom. 6. biblioth. patr.  
trum.

In Anaphora Basilio adscripta: *Qui proposuimus typum corporis & sanguinis Christi tui.*

In natura Dei  
minime scruta-  
tanda.

Ephrem: *Sumens in manibus panem benedicit & frangit in figura immiculati corporis sui: calicemque in figura pretiosi sanguinis sui, & tribuit discipulis suis.*

Tract. 2. in  
ex.

Gaudentius: *Rationabiliter in eo figura accipitur corporis Christi. Loquitur de pane Eucharistiæ.*

In Matt. 26.

Hieronymus: *Veritatem sui corporis & sanguinis representavit, id est, ut explicat, per imagines & sacra mysteria expressit & retulit.*

*inlit. Libro 2. in Iovinianum: In typo sanguinis non obtulit aquam, sed vinum.*

Chrysostomus: *Si mortuus Iesus non est, cuius symbolum ac signum hoc sacrificium est?* Hom. 83. in Matth.

Hom. 17. in Ep. ad Hebræos ait: *Sacrificium nostrum exemplar est illius, quod Christus peregīt in cruce.*

Augustinus: *Non dubitavit Dominus dicere: hoc est corpus meum, cum signum daret corporis sui. & Psalmo 3. Eum adhibuit ad convivium, in quo corporis & sanguinis sui figuram discipulis commendavit ac tradidit.* Contra Adamantum c. 12

Theodoretus: *Mystica symbola, quæ Deo à Dei sacerdotibus offeruntur, quorum discis esse symbola. In comm. in 1 Cor. 11. Post ejus adventum, non amplius opus erit symbolis seu signis corporis, cum ipsum corpus apparebit.* Dial. 1. inconfus.

Beda in Lucam. *Pro carne & sanguine agni sue carnis sanguinisque sacramentum in panis & vini figura sustulit.* C. 12.

Bertramus: *Hæc ita esse dum nemo potest abnegare, claret, quia panis ille vinumque figurate Christi corpus & sanguis existit.* De corpore & sanguine Domini in principio.

Rabanus: *Relinquit nobis hoc sacramento visibilem figuram & characterem carnis & sanguinis, ut per hac mens nostra & caro nostra ad invisibilia & spiritualia capeffenda per fidem uberius nutriatur.* L. 1. de sacri. Euch.

Hesychius in Leviticum. *Dominus in cæna ultima intelligibilem accepit sanguinem.* L. 2. c. 8.

F f

Pascha-

De corp. &  
sanguine Do-  
mini c. 4.  
Dial. 2. in  
conf.

Paschasius. *Quia nostrum est sacramen-  
tum, nec figuram illud negare possumus.*

Theodoretus omnium clarissime fidem  
Ecclesiæ Catholicæ exponit. *Neque enim  
signa mystica post sanctificationem recedunt à  
sua natura. Manent enim in priore substan-  
tia & figura & forma.*

Contra Eu-  
tychen & Ne-  
storium.

Gelasius Papa. *Sic in sacramento panem &  
vinum cum corpore & sanguine manere docet,  
ut due nature manent integre post unionem.  
Sacramenta divina res sunt, & tamen non de-  
sinit substantia vel natura panis & vini.*

Bellarminus hic miserrima effugia quæ-  
rit. 1. Ait, corpus Christi, ut est in sacra-  
mento, esse signum & symbolum corporis ut  
fuit in cruce. Sic eadem res quatenus invi-  
sibilis est, esset signum sui ipsius, ut conspi-  
cua fuit. Cum tamen hæc essentia signi sit,  
ut in externum sensum incurrat. 2. Ait, ac-  
cidentia esse symbola corporis. R. Symbola  
habent similitudinem quandam earum re-  
rum, quarum symbola sunt: sed accidentia  
quid simile habent corpori Christi? Præ-  
terea signa vel symbola, rerum quas significant,  
appellationes sortiuntur. Sed accidentia  
nunquam corpus Christi dicuntur.

L. 4. de sacr.  
c. 4.

Ambrosius: *Quomodo potest, qui panis est,  
corpus Christi esse? Consecratione.* sed addit:  
*Esse illa quæ erant, & in aliud commutari.*

L. 3. de tri-  
nit. c. 10.

Augustinus: *Panis ad hoc factus in ACCI-  
PIENDO*

PIENDO *sacramento consumitur E. non in consecrando.* 3. Ait, *corpus Christi, ut est in altari, non CONTINUARI cum corpore Christi, ut est in cælo; nec tamen esse discontinuum vel divisum ab illo. Divisum esse respectu loci, non ratione substantiæ.* At substantia non potest dici continua vel discontinua, nisi respectu quantitatis. Quæ loco divisa sunt, separata sunt. Si corporis utrimque existentis EADEM QUANTITAS est, continua & in eodem loco est.

Thomas de Aquino statuit contradictorium esse ut unum corpus diversa spatia locorum occupet *circumscriptive*, adeoque contendit ipsum corpus gloriosum Domini nostri, non posse *localiter* visibiliterque nisi in uno tantum loco esse. Hinc porro concedit, cum aliquando visum sit in sacramento corpus sub forma pueri, vel sanguinis, non fuisse corpus Christi. Huic Valques adstipulatur. At si corpus alicubi præsens sit, ita ut nullum locum occupet, non amplius corpus est, sed spiritus. *Tolle spatia corporibus, & nusquam erunt.*

Eraſmus: *In synaxi transubstantiationem* Annot. iii  
SERO *admodum definitur Ecclesia.* I Cor. 7.

Scotus: *Ante concilium Lateranense hoc* Bell. l. 1. de  
*dogma non fuit.* Occam: *Substantia panis* Euch. c. 23.  
*manet. Hoc dogma est minoribus incommo-* In Cantilo-  
*dis obnoxium, & rationi & sacris scripturis* quio.

Conf. art. 24. *minus repugnans. Cassander. Transsubstantiationum nomine tum effectus nova est. Alphonsus fatetur, De transsubstantiatione raram esse antiquis mentionem. Maldonatus: Augustinus, si nostra fuisset ætate, longe aliter sensurus fuisset.*

## C A P. VII.

*Sacramenti sub altera tantum specie panis sumptio. Missæ privata.*

De Euch.  
c. 10.

**G**regorius de Valentia. *Consuetudo hæc non administrandi Eucharistiam populo sub duplici specie, usui primo comprobata est, deinde lege sancita, postquam in Ecclesiis obinisset, quando vero cæperit minime constat. Hoc eo magis notandum, quod negant mutatam doctrinam Ecclesiæ esse, eo argumento, quod autorem, tempus, locum mutationis assignare nequeamus. At multæ hæreses extiterunt, quarum autores latent, cæteræque circumstantiæ propagationis literarum monumenta effugiunt. Tales fuerunt Agnoëtæ Deo ignorantiam tribuentes, alijque. Negant hominem peste laborare, quia non constat de tempore & loco morbi accessus. Sic sermo hæc-*



hæreticorum ut cancer serpit. Linguam Latinam in Italicam degenerasse negabitis, quia de initio & autore non constat? Origo patet hujus sacrilegij. Vfus. At adversarij meminisse debebant: *Consuetudinem sine veritate vetustatem erroris esse; neque hominum consuetudinem nos sequi oportere, sed veritatem Dei.* Cypr. ep. 74. & 63.

Cassander. Satis constat occidentalem, seu Romanam Ecclesiam mille à Christo annis in solemni ordinaria hujus sacramenti dispensatione utramque panis & vini speciem omnibus Ecclesiæ mēbris exhibuisse. Id quod ex innumeris veteribus tam Græcorum quam Latinorum testimoniis manifestum est, atque ut id facerent, inductos fuisse exemplo Christi. Atque hic mos adhuc per Græciam & Armeniam obtinet. Quare haut temere est, quod optimi quique Catholici in Ecclesiasticorum scriptorum lectione versati summo desiderio potinendi calicis incenduntur, ut sacramentum Domini ad consuetudinem veterem & multis seculis perpetuatam universalis Ecclesiæ reducatur. Hinc Gelasius. *Comperimus quod quidam sumpti tantummodo corporis sacri portione, à calice sacrati cruoris abstineant: qui procul dubio, quoniam nescio qua superstitione docentur astringi, aut integra sacramenta percipiant, aut ab integris arcentur. Quia diviso* Art. 22. consult. Dist. 2. can. comp.

Ff 3      unus

L. 3. c. 5. de  
milla. l. 4. c. 21

unius ejusdemque mysterij sine grandi sacrilegio non potest provenire. Innocentius 3. *Quamvis sub specie panis sanguis sumatur cum corpore; & sub specie vini corpus sumatur cum sanguine: tamen nec sanguis sub specie panis, nec corpus sub specie vini bibitur & comeditur. Quia sicut nec sanguis comeditur, nec corpus bibitur: ita neutrum sub specie panis bibitur: aut sub specie vini comeditur.* At caro Christi non potest sumi, nisi manducetur: nec sanguis nisi bibatur. Hinc Thomas Aquinas: *Hoc est conveniens usus hujus sacramenti, ut seorsim exhibeatur fidelibus Christi corpus in cibum, sanguis in potum.* Concessa concomitantia, sacrificiis in singulis missis immolant: semel cum panem consecratum offerunt & consumunt: iterum cum vinum: data concomitantia mures Christi sanguinem bibent: Sacramentum erit Deus, & ubique. Opponimus adversariis præceptum utriusque speciei sumendæ ex hypothese adversariorum; locum enim loh. 6. non possunt eludere. *Nisi manducaveritis & biberitis, vitam non habebitis.* Textus aperte loquitur de modo sumendi, idque distincte. Itaque Ecclesia intellexit olim cum Eucharistiam infantibus dedit. Nam si vis præcepti in re consisteret, non in modo sumendi, tum sufficeret ad hoc implendum præceptum, ut spiritualiter Christum sumamus, quod negant.

P. 3. q. 76. art.  
2.

gant. Quod ajunt, hic præcipi universæ Ecclesiæ, quod in aliquibus impleatur, in eo sibi contradicunt. Si enim de re, non de modo, sumptionis agitur, hoc præceptum ad singulos pertinet. ubi enim de medio salutis adipiscendæ agitur, oratio non tantum ad omnes, sed & singulos pertinet. Neque hic universæ Ecclesiæ mentio fit. Porro si sacramentum panis integrum sit, sacramentum, & calix itidem, tunc duæ species duo integra sacramenta continebunt. Si totum sit, quod habet suas partes omnes; & integrum, cui nulla pars deest: tunc aut calix non est pars Eucharistiæ: aut Eucharistia non est tota sine calice. Porro inutiliter fit, quod frustra fit. E. aut calix inutiliter sumitur, aut ea utilitas, quæ inde redundat,

Laicis injuste contra institutum veteris & Catholicæ Ecclesiæ denegatur. Lindanus

Panop<sup>l.</sup> l. 4.  
c 56.

enim aperte fatetur: *Quod per occidentem*, (nam de oriente nullum dubium) fuerit populo utraque administrata species, in proximum fere usque Constantiensis synodi seculum, haut proluxa opus habet demonstratione. Petrus de Soto: *Non est dubium primis illis temporibus, & in Romana Ecclesia & in omnibus totius fere orbis Ecclesiis, sub utraque specie communicatum fuisse, idque certe longo etiam tempore.* Cassander: *Satis compertum est, universalem Christi Ecclesiam mille amplius annis*

Instr. sacerdot.  
lect. 10.

Consult. de  
utraque specie.

post Christum Eucharistiam exhibuisse sub utraque specie. Iam cogitent Papistæ, an non sit insanix extremæ id abrogare, quod Christi institutione, Apostolica praxi, & Catholica Ecclesiæ usu tam diu receptum fuit. Quid de antiquis Ecclesiæ Romanæ moribus & Apostolicis institutis gloriantur? Liberum non esse usum vel utriusque vel alterutrius speciei rationes manifestæ evincunt. Nam Ecclesia ad integrum sacramentum Eucharistiæ fidelibus dandum obligatur: sine calice autem integrum non est. Sed his omnibus non obstantibus Constantiensis synodus eos, qui hunc morem Catholica Ecclesiæ sequi cupiunt, anathemate perstringit. Huc accedit non minor abusus. Nam Papistæ publico concilij decreto missas approbant, in quibus solus sacerdos communicat. Primum hæ missæ contrariæ sunt Apostoli Pauli mandato: *unusquisque suam cœnam præsumit*. & hoc ait non esse cœnam dominicam manducare. *Cum convenitis ad manducandum, invicem expectate*. Non possunt hæc verba intelligi de Agape ad pauperes sublevandos instituta. Nam aperte Paulus: *Hoc non esse cœnam Dominicam manducare*. Neque abusus conviviorum sed cœnæ dominicæ reprehendit. Hinc Chrysostomus: *Non suis esse commune sed tibi comedis*. Hinc Lorichius fatetur: *abusum esse celebrare missas absque*

Syn. Trid.  
sess. 22. c. 1.  
2. 6.  
1 Cor. 11.

Hom. 27. in  
1 Cor. 11.

De prorog.  
missal. 1. c. 2.

*absque communione, quam vocat Lernam malorum, quæ omnem devotionem extinxit. Et quomodo ab uno potest sumi privatim, quod Christus iussit distribui? hæc pars institutionis in missis privatis omittitur, in quibus sacerdos nihil distribuit, sed solus edit & bibit populo spectante. At sua natura est epulum publicum & commune. Christi enim institutio hoc continet, ut præsentibus accipiant, comedant, bibant. Hoc totum in privatis missis omittitur. Quæ itaq; missæ id omittunt, quod Christus fieri iussit, eæ sunt illegitimæ. At missæ privatæ id omittunt, quod Christus iussit fieri, nempe ut præsentibus ederent & biberent. Hinc Hieronymus: *Iam non est dominica, sed humana, quando unusquisque tanquam cœnam propriam solus invadit, & alij qui non obtulerit, non impertit. Ceterum dominica cœna omnibus debet esse communis, quia ille omnibus discipulis suis, qui aderant, equaliter tradidit sacramenta. Ipse Canon missas privatas excludit. Sacerdos enim secretè: Hæc commessio & consecratio corporis & sanguinis Domini nostri Iesu Christi fiat accipientibus nobis in vitam æternam. Et rursus: Quod ore sumpsimus, pura mente capiamus. Micrologus: Facta consecratione debent omnes communicare. Rursus: Soli communicantes consecrationi sacramentorum antiquitus intererant. Expositor ordinis Romani: Hæc**

In 1 Cor. 11.

De Eccles.  
observ. c. 18.

L. 2.

Ff 5

anti-

antiquitus factum esse, & nunc fieri debere, multis argumentis probare conatur. Hinc in omnibus Liturgiis veterum mentio fit publicæ communionis. Catechismus Tridentinus: *Diu in Ecclesia ille mos fuit, ut sacerdos peracto sacrificio, cum Eucharistiam sumpisset, ad populum qui aderat conversus, his verbis eum invitaret: venite fratres ad communionem.* Durandus: *In primitiva Ecclesia, omnes qui celebrationi missarum intererant, singulis diebus communicare solebant. eo quod Apostoli omnes de calice biberunt.* Bellarminus: *nusquam expresse legimus oblatum sacrificium à veteribus sine communionem alicujus vel aliquorum præter sacerdotem.* Sed ipsi Papistæ fatentur, originem missarum privatarum à negligentia plebis esse. Curigitur decretis suis eas stabiliant, & palam & quotidie exercent? Nonne R. E. gravissime peccat, novitatisque omnino convinci potest, quæ id quod liquido à Christo & Apostolo Paulo imperatum est, certoque ab omnibus Catholicis usurpatum, tanquam arbitratium & liberum omittit.

L. 4. tit. de  
paciis osculo.

L. 2. de miss.  
c. 9.

CAP.

C A P. VIII.

*Purgatorium. Preces pro defunctis.*



Vanta superstitio in R. E. ex solo Art. 3.  
purgatorio igne enata est? De quo  
Episcopus Rottenfis contra Luth-

rum : *De purgatorio apud priscos nulla vel  
quam rarissima fiebat mentio. Sed & Græcis*

*ad hunc usque diem non creditum est. Item :*  
*Purgatorium aliquamdiu* (scilicet in antiqua  
& Catholica Ecclesia) *fuit incognitum. E.*

ab Apostolis non est prædicatum, Quomo-  
do igitur ad Evangelium pertinet? Aug. fu-

ssimè hanc *διχοτομίαν* Ecclesia trium-

phantis & militantis explicat. Nilus Thessa-

lonicensis Ep. nomine Ecclesiæ Græcæ osten-

dit, hunc temporalem ignem à V. concilio  
condemnatum fuisse. Idem Nilus probat

nullum Græcorum patrum eum credidisse.  
In concilio 8. Græcis nulli ex suis patribus

objecti sunt. Postea aliqua male intellecta  
produxerunt, vel iis affinxerunt. Thomas

Aquinas Theodoreto in 1 Cor. 3. hoc testi-

monium, quod ibi non exrat, tribuit : τὸ π

ρὸ πῦρ. πῦρ ὁμοῦ, ἐν ᾧ καθαρίζονται αἱ  
ψυχαί. Theodoretus ibi de igni æterno lo-

Tr. 124. in  
Ioan.

Id est, hunc  
ignem credi-  
mus in quo  
animæ pur-  
gantur.

mor-

Biblioth. 1.6.  
an. 345.

Hæres 75.

Hæres 59.

Tom. 1. de  
mans. beata.

Hom. ult. de  
Lazaro lib.  
de anima lib.  
8, etym. c. 9.

In 3 Matthai

mortuis in veteri Ecclesia fiebant. Sed ut Sixtus Senensis fatetur: *Patres asseruerunt iustos non frui conspectu Dei ante iudicium.* Hinc tom. 5. operum Chrysost. *Oratur pro Virgine Maria, Patriarchis, Prophetis, Apostolis.* Itaque hæ preces non ob purgatorium sed ob moram resurrectionis fiebant. Epiphanius satis intricatus est, ut ostendat ad quid preces pro mortuis profint. si purgatorium creditum fuisset, maxime de eo loqui debuisset, nam optimum harum precum fundamentum fuissent. Sed alibi plane id destruit, dicens: *Post mortem, qui decertarunt, quiescant, qui autem non decertarunt, non amplius adsunt. Omnia palam consummata sunt post factum hunc decessum.* Ephrem Syrus: *Extra hos duos ordines, alius non est ordo medius. Effugere gehennam, hoc ipsum est regnum cælorum ingredi. Neque enim nos tres regiones scriptura edocuit. Omnes Legendæ plenæ sunt apparitionibus animarum, quibus R. E. pleraque dogmata sua confirmat. Sed vetus Ecclesia Catholica nos aliter docet, imo adversarij ipsi, Chrysostomus, Tertullianus, Athanasius, Isidorus, Theophilactus, prorsus negant animas apparere.* Maldonatus Iesuita: *Ceterum non, quoties, qui apparet, se huius vel illius animam esse dicit, leviter credendum est, sed etiam atque etiam exploranda res. plerumque demonem esse*  
arbi-



*arbitror. De precibus pro defunctis Cassan-* Conf. art. 4.  
*dri testimonium notandum: Usque ad hodie-*  
*rum diem nunquam in Ecclesia veteri statutum*  
*fuit, quomodo defunctorum animis preces no-*  
*stra prodesse possint, sed fuit merum testimo-*  
*nium caritatis nostrae erga defunctos, & immor-*  
*talitatis anima, & corporum resurrectionis fu-*  
*tura. Notandum hic est quod Xaverius nar-* L. 4. Ep. 1.  
*rat: Bonzios sacerdotes Indorum jactare se eos,*  
*qui ad inferos relegati sunt, è flammis mediis*  
*erepturos intercessione sua. Idem Xaverius à* L. 1. Ep. 10.  
*Lojola petit, ut mittat diplomata à Pontifice*  
*Maximo, ut ara maxima sui collegij facultas de-*  
*tur unius anima è purgatorio liberande, quoties*  
*in eo sacrum pro mortuo fiat. Non ovum ovo*  
*similius, quam hoc dogma Bonziorum su-*  
*perstitioni.*

Ferus Monachus insigni prudentia & pie- In jud. c. 17  
*tate, Non dissimile, ait, exordium omnes super-*  
*stitiones habuerunt, quas in Ecclesia videmus.*  
*Quod enim in Ecclesia unus aliquis Melan-*  
*cholicus somniavit, hoc post & aliis placuit,*  
*ut sumus omnes affecti ad ea, quae nova sunt.*  
*Deinde accessit indoctorum sacerdotum calculus,*  
*sicque tota Ecclesia superstitionibus impleta est,*  
*dum quilibet novum quid excogitaret. Hic ob-*  
*servandam fuerat Ethnici illius dictum: Prin-*  
*cipiis obsta. Imo hic invigilare debuerant E-*  
*piscopi.*

Idem: Exemplo sint festa, Ceremonia, ima- An. in jud.  
 gines, c. 8. c. 1572.

gines, missa, monasteria. Nihil horum ea intentione institutum fuit, quæ nunc habentur.

HiR. l. 2.

Guicciardinus. *Le cose della chiesa allontanatesi totalmente dalle antichi costumi, id est, Statu R. E. ab antiquis moribus prorsus defecit.*

## C A P V T IX.

### *Sanctorum & Angelorum invocatio.*

**D**E hac specie idololatriæ in priori parte egimus. Sanctorum invocatio minime ὁμοφυής est mutuis officiis præcibusque viventium. Thomas 2. 2. q. 83. a. 4. *Sanctorum suffragia imploramus orando, à vivis petimus colloquendo.* Quis fratri suo orationem Domini recitat genu flexo? Apostolus expressa imagine Papistas depingit: *μηδεις υἱᾶς καταβραβδιετω, θελων εν ταπεινοφροσύνη και θρησκείᾳ τῶν ἀγγέλων*, id est, animadversione Scalligeri: *ἐθελοταπεινώφρων ἔθελότρησκος*. Theodoretus testatur hoc vitio Phrygiam & Pisidiam laborasse. *In hodiernum aut diem licet videre apud illos & eorum finitimos Oratoria S. Michaelis. Negabant enim universum Deum comprehendi, nec posse ad eum perveniri, & oportere per angelos sibi divinam bene-*

Ad Coloss.  
c. 2. vers. 18.

*benevolentiam conciliare.* Bellarminus ait, quod angelos adorarint tanquam minores Deos, qui mundum fabricati sint. Sed Theodoretus aliter de iis loquitur. Nam eandem illis excusationem tribuit, qua Papista suam *ἀγγελοθρησκείαν* defendunt. Deinde loquitur de ipsis qui synodo Episcoporum sese subiciebant, fatente Baronio, id est, de T. I. an. 60. Christianis.

## C A P V T. X.

### *De Imaginibus.*

**D**E eadem superius materia pro instituti mei ratione tractavi. Hoc notemus hoc loco, Lorinum Iesui tam fateri, vocem idolum apud prophanos autores æque late patere ac *εικὼν*, adeoque voces ejusdem significatus, sed Ecclesiastico usu distingui. Neque vero *εἶδωλον* parvam imaginem significat. Nam Eustathius mundum *εἶδωλον* Dei vocat. Summa; simulacrum, imago, idolum græce vertitur, quod ab *εἶδεσθαι* *videri* descendit. Itaque imaginem colere & idolum, idem est. Omnis enim imago religioso cultui consecrata idolum abit. Cultus, inquam, non representationis defectus, ex imagine idolum efficit.


ficir. Nam imago B. Virginis quatenus à Collyridianis culta fuit, in idolum transiit. Ipsa B. Virgo quatenus ab iisdem culta fuit, idolum evalit; passive dico non active, fatentibus adversariis. Deinde si rerum fictarum imagines idola sunt, quid de Christophori, Georgij, Catharinæ imaginibus statuendum erit? Nam peritiores Papistæ ultro fatentur tales in natura rerum non extitisse, quales in legendis describuntur, unde ad Hieroglyphicam parabolam imagines istas referunt. Interim qui Christophorum istum Parisiensem instar montis sanctum conspexit, ejusque dentem pugnum magnitudine æquantem: item Catharinam cum rota: Georgium Cataphractum Arrianum: facile colliget, quam sancto cultu tales sancti afficiantur. Vncumberiæ olim sanctæ mulieri mulieres avenas offerebant. Concilium Nic. 2. *Præstat omnia lupanaria ingredi quam non colere imaginem B. Mariæ.* Hinc Cassander, *Dici non potest, quanta idololatria alatur apud rudem populum per imagines.* Papa Innocentius 3. in processione imaginem Christi gestabat à Veronica panno lineo impressam. Hæc imago sponte sua se convertit. Hoc miraculo permotus Papa orationem cōposuit, FIGVRAMQVE eam compellare constitutis 10 dierum indulgentiis jubet. *Salve sancta facies nostri Redemptoris, in qua*

Matt. Paris.  
in Henrico 3.

qua nitet species divini splendoris: impressa pan-  
niculo nivei candoris, dataque Veronice signum  
ob amoris &c. Nos ab omni macula purga vi-  
riorum, atque nos consortio junge beatorum.  
Salve vultus Domini, imago beata, &c. Nos  
deduc ad propria ô felix figura, ad videndam  
faciem qua est Christi pura. Hic imago qua-  
tenus imago est, religiose INVOCATUR!  
Imago pro Christo non potest supponi, nam  
oratur figura ut deducat nos ad videndam fa-  
ciem Christi puram. Num hic dices: *Mi-  
serere mei ô figura, vel, ora pro me?*

C A P. XI.

*Indulgentiæ & earum efficacia.*

 Lemens 6. thesaurum R. E. descri-  
bit; per B. Petrum Cæli clavigerum  
ejusque successores, Vicarios Christi fi-  
delibus salubriter dispensandum, & pro iis & ra-  
tionalibus causis nunc pro totali, nunc pro par-  
tiali remissione pænæ temporalis pro peccatis de-  
bitæ tam generaliter quam specialiter verè pœ-  
nitentibus & confessis misericorditer applican-  
dum. Ad cujus quidem thesauri cumulum  
B. Dei genetricis & omnium electorum à primo  
justo usque ad ultimum merita adminiculum  
prestare noscuntur.

Extrav. com-  
mun. l. 5. de  
pœnit. & re-  
miss. c. 1.

*Thesaurum.*] Hicine thesaurus tamdiu

G g

latuit,

Orusc. deci-  
mo quint. de  
ind. c. 1.

In 4. sent.  
dist. 20. q. 3.

latuit, ut de eo certitudo nulla haberi pos-  
sit? Cajetanus fatetur nullam scripturam  
Sacram, nullam priscorum Græcorum aut  
Latinorum auctoritatem scriptam hunc ad  
nostram notitiam perduxisse. Durandus fa-  
tetur de eo pauca per certitudinem dici pos-  
se, nec scripturam de eo expresse loqui. Il-  
lud, tibi dabo claves, de potestate intelligi in  
foro pœnitentiæ: Ambrosium, Hilarium,  
Augustinum, Hieronymum de indulgentiis  
non loqui.

Ignorant autem ex quibus meritis hic the-  
saurus constet. Primum verè sancti nulla  
merita sibi arrogarunt; sed salutem ex gra-  
tia consecuti sunt. Gelasius 2. Anno 1118.  
& Honorius 2. apud Baronium merita Chri-  
sti omittunt, & meminerunt tantum auto-  
ritatis Christi & meritorum sanctorum. Bo-  
nifacius 8. Nos de omnipotenti Dei mise-  
ricordia & eorundem Apostolorum meritis  
& auctoritate confisi. Sed Clemens 6. pri-  
mus *Superflua Christi merita* excogitavit fi-  
nito modo dispensanda. Unde Christus &  
Sancti eodem modo liberatores nostri con-  
stituuntur. Sed nulla superflua merita Chri-  
sti sunt. Nam infinitum meritum illud uni-  
cum pro omnibus & singulis præstitum est:  
infinita culpa cujuscunque infinita satisfac-  
tione expianda fuit. Ut una luce solis totus  
mundus & quivis homo collustratur. Nemo  
minore

minore pretio redemptus est, quam quod Christus patri suo persolvit. Morte Christi redempti sumus, non parte mortis, Hebr. 2. ut corpus Christi totum editur à fidelibus, sic totus sanguis ejus bibitur ! totus itaque pro iis effusus est. Non una gutta hos, alios alia liberavit, sed totus sanguis pro omnibus & singulis effusus est. Nulla omnipotentia Dei superflua, licet non nisi unica mundum crearet.

Per *B. Petrum.*] Cur igitur Petrus & successores ejus tamdiu hujus thesauri dispensationem à Christo injunctam omiserunt?

Salubriter.] Extant Pontificum Bullæ in quibus promittitur absolutio à culpa & pœna. Et tamen omnes in eo consentiunt, licet aliàs constet, scholasticos sibi in hoc dogmate plus quinquagies contradicere, ne venialem quidem culpam extra Sacramentum pœnitentiæ condonari posse. Quomodo hoc excusant? Quia datur hominibus facultas per indulgentias eligendi confessarium. At indulgentiæ dantur confessis, iisque quibus jam pœnitentiæ injunctæ sunt. Nec ea facultas Romæ expectanda. Quisque habet suum ordinarium sacerdotem. Hinc aperta falsitas dogmatis elucet. Neque ad definitionem indulgentiarum hujus potestatis confessio pertinet. Est enim absolutio judiciaria, quæ annexam habet solationem ex

thesauro. Hæc absolutio extra forum pœnitentiæ fit, & tamen ad culpam extensa fuit. Itaque Turrecremata ingenuè fatetur ut & Navarrus per eas *multum enervari satisfactionem pœnitentialem, qua tantopere nobis utilis est* Quomodo itaque salubris est hujus thesauri dispensatio, qua efficitur ne teneantur orare, jejunare, eleemosynas elargiri. Porro eas non *tantum valere quantum prædicantur, sed quantum cujusque fides & devotio exigit, communis dubitatio doctorum ostendit.* Ecclesiam Turrecremata ait *sic loqui ut pia quadam fraude ad benefaciendum alliciat.* Adrianus Florentius postea Papa hanc sententiam Altisidorensi tribuit: *Ecclesia non decipit, sed homines se ipsos facilitate & stultitia. Ecclesia autem venit excusanda, cum justa ratione non exprimit, nec omnia exprimere possit. Quod si faceret, non essent fideles ita prompti ad dandum.* Gerson: *Indulgentiarum concessio per tot millia nedum dierum sed annorum videtur difficulter salvabilis post remissionem æternæ pœnæ & commutationem in temporalem. Nam in foro Ecclesie homo non obligatur ad pœnitentiam tot annorum: neque in judicio Dei, quia purgatorium in ultimo judicio cessabit. Falsæ igitur sunt & superstitiosæ quadam intitationes 20000 annorum, qui dixerit 5 Pater Noster ante talem imaginem.* Gregorius de Valentia: *Neque tamen negamus quin etiam*

Tom. 3.  
Comm. de  
jubi. & in-  
dulg. 7. not.  
art. 5. & 6.

Conf. 10.

Punct. 2.



*etiam exaggerando nimium illo numero annorum ultra modum, quod ad formam loquendi pertinet, peccari possit.*

*Pro piis & rationalibus causis. ]* Triumphus hic ingenue rem fatetur: Ait indulgentias fieri ad relevandam indigentiam Ecclesiæ. *Quantum ad remissionem pœnæ, quæ acquiritur per indulgentiam, in tali casu non est inconveniens, quod dives sit melioris conditionis quam pauper.* Paludanus: *Si est determinata indulgentia, & taxata quantitas elemosynæ (hic vocatur pecunia Romam mitti solita) sicut nunc hospitaliariorum. Qui dat 24 denarios habet 24 annos. Qui autem non dat tantum, quod non potest, non lucratur indulgentiam. Licet enim alias bona voluntas sufficit ad merendum, sed ad satisfaciendum non sic.* Toletus: dico non esse murmurandum contra Papam, quod exigit pro his pecuniam, non per modum pretij. Nam ista ad sustentationem datur. Quia multis indiget tanta in Ecclesia dignitas.

Art. 3. q. 31.

Instr. sac. l. 5. c. 89.

*Pro totali vel partiali remissione pœnæ temporalis. ]* Si Christus satisfecit pro pœnis nostris omnibus: E. Nullæ pœnæ nobis restant. At prius est verum, Ef. 53. Nam si luendo pœnas pro nobis, ab iisdem nos liberavit. Ergo si non luitet omnes, neminem liberaret ab omnibus. At liberat, testibus Papistis, in baptismo. Certè si in baptismo

Verè languores nostros ipse tulit. Ef. 53. 4.

propter Christum auferuntur omnes pœ-  
næ, (tam æternæ, quam temporales) ne-  
cesse est Christum omnes pœnas istas luisse.  
Quod si ille luit istas, cur bis luendæ? Ne-  
que vero hic negamus Deum remissa culpa  
pœnam quandam temporalem occasione  
præcedentis peccati irrogare, sed hic quæ-  
ritur de causa finali hujus pœnæ, non de im-  
pulsiva. Nempe an eas ideo infligat, ut se  
ulciscatur. Quæque justitiæ saltem ex parte  
satisfaciat, præter satisfactionem filij sui.  
Nulla vindicta hic est à parte Dei: nulla sa-  
tisfactio est à parte hominis. Pœna alias di-  
citur materialiter, omnis afflictio; alias  
formaliter, ob peccata punienda quod infli-  
gitur malum. Remittit nobis Deus, quo-  
modo nos vult aliis remittere. At nos vult  
remittere pœnas omnes. E. easdem proprie  
dictas omnes remittit ipse. Nam Christus  
pro nobis aut perfecte satisfecit, aut non. Si  
prius, humana satisfactio nulla est. Quod  
dicunt humanam satisfactionem fundari in  
sanguine Christi, alienum est à scriptura. quæ  
non dicit; Christum meruisse, ut nos ipsos  
redimeremus vel satisfaceremus pro pecca-  
tis. Nam purificationem peccatorum no-  
strorum per se ipsum peregit, Hebr. 1.3. Et  
quid de pœna temporali garriunt? nonne do-  
cent vi contritionis pœnam æternam com-  
mutari in temporalem purgatorij? hanc  
rursus

rursus in satisfactiones à confessore injunctas : & tandem has indulgentiis : indulgentias autem pecuniâ redimi ? Cum denique omnes sancti pro remissione orant, nemo potest pro se ipso satisfacere, multo minus pro alio. Quis suum debitum persolvit ? Itaque Catholica veteris Ecclesiæ doctrina à Leone Episcopo Romano tradita, meritis nostris infixa sit : *Accepere justî non dedere coronas : singulares eorum merites fuerunt : ne alterius debitum quâvisquam suo sine persolvit.* Epist. 83.

Hinc quid de B. genetricis, & omnium electorum meritis judicandum sit, apparet. Quam fœdè autem Papæ clavium potestate abusi sint, ex impia Bulla Clementis 6. liquet edita 1472. reperitur ea in publico scripto Ioannis Pfeffer Theologi Friburgensis: *Mandamus Angelis, inquit, Paradisi, ut animam ejus introducant in gloriam Paradisi, pœnis purgatorij penitus absolutam.* Quid si ipse claviger cœli è regno isto excludatur ? Nemo de sua salute certus est, multo minus de aliena. Cur igitur hoc mandatum sine conditione Angelis exsequendum mandat ? Jam ante Clemens V. Angelis imperavit ut animam in itinere Romam versus suscepto morientis continuo ab omnibus purgatorij doloribus liberam in cœlum transferrent. Hanc Bullam celant, sed Viennæ servatur, & Pictavij, ut Agrippa testatur. Thomas Aquinas :

Cerem. l. 1. c. 1.  
Sect. 15.

De Vanit.  
scient.

*Oportet dicere esse plenitudinem omnium gratiarum in Papa, quia ipse solus confert plenam indulgentiam omnium peccatorum.* de regnis pr. l. 3. c. 10. n. 20. Nihilominus primo die exequiarum Papæ 200 Missæ leguntur: nono totidem. In omnibus Missis oratur pro anima quæ metu damnationis tremit. Porro cum dubium oriatur, quomodo merito Christi infinito aliquid addi possit, Bellarminus hanc dubitationem nobis expedit. Passiones Christi, quæ sunt infiniti pretij applicantur per indulgentias finito modo (mirabilis modus applicandi aliquid infinitum finito modo) & ideo revera aliquid superaddi, cum passionibus sanctorum illis adjunguntur. Sic Christus & sancti finito modo nos liberant. An non hæc nova dogmata sunt? Denique perniciosas esse indulgentias, quas Papæ Romani tantopere prædicant, quibusque tantum auri & argenti tantumque Petri patrimonium acquisiverunt, ex ipso Bellarmino discamus licet. *Indulgentie remittunt pœnam, quæ in foro pœnitentie injungitur, quæ voluntariè impletur timore Dei & stimulo conscientie, per quam Domino satis facimus, & cui succedit, nisi in presenti Domino satisfiat, pœna purgatorii. id est, liberavit hominem ab observatione ejus præcepti: Facite fructus dignos pœnitentie. Egregias indulgentias! Per indulgentias obtinere remissionem pecca-*

De indulg.  
l. 1. c. 2.

De indulg.  
l. 2. c. 1.

Cap. 13.

*peccatorum, est obtinere, ne quis teneatur Do-* Ibidem.

*mino, quem superbia, cupiditate & illicita de-*  
*lectatione offendit, humilitate, largitione com-*  
*punctione & afflictione voluntaria satisfacere.*

idem Autor: *Satisfactio est utilissima pecca-*  
*tori. 1. quia coërcet a peccando. 2. conducit ad*  
*habitus vitiorum eradicandos. 3. ad Dei iram*

*placandam, quia propter minus peccatum*  
*non punitum ut oportuit, Dei furor in to-*

*tum populum accenditur. Quid jam porro*

*Toletus? Indulgentia est remissio harum actio-*  
*num, quæ sunt à confessario injunctæ peccatori.*

Lib. 4. de  
pœnit. c. 5.

Si igitur satisfactio tantas utilitates affert,  
indulgentiæ certe pestiferæ sunt. Sed hoc no-

randum cum dicimus: *Sanguis Jesu Christi*  
*purgat nos ab omni peccato.* Respondent Apo-

stolum loqui de *remissione culpæ*, quæ macu-

lam propriè gignit in anima. Hinc argumen-

tor: Quod non est sordidum, non indiget  
purgatorio igne. At anima deleta culpâ non

est sordida, licet pro pœna temporali non-

dum satisfecerit. hæc enim, teste Bellarmi-  
no, non facit *hominem sordidum, sed debi-*  
*tozem.* E. Non indiget anima liberari à cul-

De instr. sac.  
l. 6. c. 22.

L. 2. de in-  
dulg. c. 3.

34.

## C A P. XII.

*Romana Ecclesia omnium Ecclesiarum  
mater & magistra non est.*

**E**x è Sione exivit. Et Chrysoſtomo  
iudicio : *Antiochia contra quamcun-*  
*que urbem oculos erigere poteſt.*

In Epist ante  
Gregorij Val.  
contra Vbi-  
quitiſtas.

Turrianus Jeſuita : *Scriptis Athanaſius ad*  
*Euſtathium contra eos qui jubent credere , que*  
*ipſi dicunt, nec proſpicere, deceat an non. Iſto-*  
*rum hæreſin ait cunctas hæreſes renovare , &*  
*cunctas ſuperare. Jubent iſti ſimpliciter accipe-*  
*re, que dicuntur, ut nemo exquirat, quid in iis*  
*aut decens aut indecens ſit : quid propoſito con-*  
*ſentaneum, quid miniſterio dignum , quid cum*  
*veritate concordans. Romana Eccleſia omne*  
*diſcipulis iudicium diſcretionis eripiens ſi-*  
*bique tranſcribens talis Magiſtra Pythago-*  
*rica merito uſurpatur. Dicimus autem, pri-*  
*imum, Medica cura te ipſum. Reformatione*  
*te indigere non neſcis, nec ab aliis ignora-*  
*tur. Hiſtoria Concilij Trid. narrat Nico-*  
*laum Scombergium Cardinalem S. Sixti*  
*reformationem impediſſe, ne Lutherani glo-*  
*riarentur , Papam invitum eo neceſſitatis re-*  
*daſtum, id autem fore initium non tantum ab-*  
*uſum , ſed laudabilem ſcilicet reliquarum*  
*conſuetudinum & ceremoniarum abroganda-*  
*rum, qua ratione corpus ipſum religionis haurit*  
*leui*

levi in discrimine versaturum esset, & Luther-  
 ranorum doctrinam plus autoritatis habituram,  
 quippe quæ tot abusibus Ecclesiam purgasset.  
 Hoc pacto consilium emendandæ Ecclesiæ  
 (in qua reformanda Imperator Sigismun-  
 dus non à Minoritis sed Majoritis initium  
 capi oportere dixit) autore P. Caraffa Car-  
 dinali Theatino postea Paulo 4. cui novem  
 Cardinales subscripserant, successu caruit.  
 Jam olim Alexander V. omnibus spem in-  
 jecit, emendandorum tot abusuum promit-  
 tens: *se reformationi Ecclesiæ vacaturum* in  
 Concilio Pisano. Idem in Concilio Senensi  
 agitatum anno 1423. sed ita ut idem Con-  
 cilio Tridentino agitare opus fuerit, quod  
 fatetur *MULTA sive temporum vitio* (Episco- sess. 22.

porum non audent dicere) *sive hominum  
 incuria & improbitate irrepsisse quæ à sacrificij  
 Missæ dignitate aliena sint.* Pius V. Præf. in  
 Brev. Rom. ref, *illic reperta sunt incerta &  
 aliena.* In præf. Off. B. V. *Omnia fere Bre-  
 viaria latina etiam vanis superstitionum erro-  
 ribus referta fuerunt.* Secundo quo jure hoc  
 jus Magisterij Roma arripit? *Quia Petrus*  
*sedem suam jubente Domino Roma collocavit,*  
*& ibi idem usque ad mortem Episcopus fuit,*  
*si Bell. credimus.* At alibi idem: *Ut Epi-  
 scopus Romanus potius Petro succederet, quam  
 Antiochenus, non ex instituto Christi fuit, sed  
 ex facto Pe.ri.* Quod si Christus Petrum jussit

Lib. 2. de  
 Pont. Rom.  
 c. 1.

l. 2. de R.  
 p. c. 12.

Romam

Romam sedem transferre, certe ex instituto Christi Episcopi Romani Petro succedunt. Sed hujus mandati nec volam nec vestigium in scriptura ostendunt. Tota hinc causa ruit. Nulla etiam traditio de mandato extat. De adventu Petri ad urbem scriptores sunt in summa dissensione constituti. Ex scriptura non constat Petrum Romæ egisse, multo minus Episcopatu functum ibi fuisse. At fides revelatione divina niti debet. Nam ex hoc Episcopatu Petri tota Papistarum fides pendet, qui tamen verbo utroque destituitur. Ex Papistarum responsionibus liquet Petrum sæpius Roma abfuisse illo tempore, quo adversarij eum Romæ Episcopum fuisse fingunt. Traditio quidem est de adventu Petri ad urbem, sed quo fundamento nititur? Considerentur modo Bellarmini & Onuphrij computationes, quibus planè contraria asserentibus, quomodo Papista fidem arbitrabitur? Dissensio est de tempore passionis Christi. Sed ipsa passio in scriptura extat, Petri Romanum iter minime. Quod si Petrus nunquam Romæ fuit, totus Papatus nonne in arenario tumulo extructus est? Certè. Sed fuerit ibi, num ideo quia Evangelium ibi docuit, Ecclesiæ Romanæ Magisterium & regimen omnium Ecclesiarum tribuit? Unde hoc evincunt? Docuit alibi idem, Apostolus erat; non pastor ordinarius,



dinarius, distincta horum sunt officia. Apostolo propriè nemo æquo jure succedit. Petrus in mandatis acceperat ut in mundum iret universum prædicaturus Evangelium, non ut Romæ sedem Episcopalem erigeret. Certum autem & hæc inter se pugnat. Jam vero dubium non est quin Petrus Christi mandato potius quam Papistarum desiderio satisfecerit. Quod vel inde liquet quod ipse circumcisis sorte missa præfectus sit: Paulus gentibus. Si Petrus ordinarius Pastor Gal. 1. urbis fuit, quid opus erat Pauli Epistola ad Romanos? Nonne erant alij in mundo infideles? Nonne Petrus Romanis omissis 1 Petr. 1. Judæos per Pontum, Galatiam, Cappadociam, Bithyniam curavit? De Paulo vero constat, quod viva voce biennium, scriptoque Romanis doctrinam fidei tradiderit. Epiphanius: *Roma fuerunt primi Petrus & Paulus Apostoli iidem ac Episcopi.* Hæres. 27. Eusebius: L. 3. hist. c. 2. *Post Pauli & Petri martyrium primus Romana Ecclesia Episcopatum Linus sortitus capit.* Rufinus: *Linus & Cletus fuerunt quidem ante Clementem Episcopi in urbe Roma, sed superstitite Petro videlicet, ut illi Episcopatus curam gererent; ipse vero Apostolatus impleret officium.* Zonaras: *Primo ejus anno Linus primus Romanorum Episcopus moriens, thronum Anacleto reliquit, quem secundum & Clementem tertium nominat.* Iræneus, *Fundantes* L. 1. adv. hæres. c. 3. *& in-*

Præf. in rec. cogn. Clem.

An. tom. 2. de nupt. Titi.

L. 1. adv. hæres. c. 3.

*Et instruentes Beati Apostoli Ecclesiam, Lino Episcopatum administrandæ Ecclesiæ dederunt.* Non urbis igitur sed orbis proprius Pastor Petrus fuit, ut R. E. ejus magisterio non possit magis gloriari quam Lydde, Ioppe, Cæsarea, Antiochia. Petrus non erat iussus *sedere Romæ*, sed *ire* quovis gentium. Hinc Eusebius illum vocat *Christianorum* (non Romanorum) *Pontificem*. At Patres sedem Romanam Cathedram Petri vocant. 1. Cathedra non solum Episcopis sed etiam Apostolis communis est. *Percurre*, inquit Tertullianus, *Ecclesias Apostolicas, apud quas ipsæ adhuc Cathedræ Apostolorum suis locis præsidentur*. Nominat autem Corinthiacam, Philippensam, Thessalonicensem, Ephesinam, Romanam. 2. Omnes Doctores Cathedræ insident, qui Petri doctrinam tradunt; sicut Pharisei rectè docentes ubique locorum in Cathedra Moïsis sederunt. Præterea Episcopum Romanum non esse legitimum successorem Petri satis apertum est. Nam quia docente Baldo omnis successio est de jure positivo suggerente naturali æquitate, sequitur nullum esse legitimum successorem, nisi qui vel ex lege atque testamento, vel ex testamento secundum legem aut consuetudinem succedit. Talem legem vel testamentum necesse est Pontifices proferant. Hoc autem non faciunt. Tantum locum

De Præfct.

In l. lege. in  
1. Col. in  
fin. Cod. de  
legit. hæred.

locum nominant ubi Petrus docuerit. Quid autem hoc ad jus successionis in Monarchia Ecclesiæ? Prædones sæpe occupant loca iustis successoribus erepta. Ita nihil possessio vel præscriptio temporis juvat. *Non sunt sanctorum filij, qui tenent loca sanctorum, sed qui exercent opera eorum.* Itaque adhuc ad ravim, poscimus à Iesuitis, ut ex tabulis ἀξιωματικαῖς probent: Episcopum R. æquo jure Petro in Monarchia Ecclesiæ successisse. Nisi hoc probent, causa ceciderunt. Habuerit Petrus privilegia quæ volunt. Fuerit Romæ & docuerit. Unde jus suum successionis probant: Bellarminus se huic operi accingit. *Jus successionis Rom. Pont. in eo fundatur quod Petrus sedem suam Romæ* } L. 2. de R. P. c. 2.

BENTE DOMINO collocaverit, atque ibidem usque ad mortem sederit. Videamus I. quid Lindano videatur. *Quedam tantæ sunt fidei, ut etsi nondum sint fidei definitæ & declarata, posse tamen ea Ecclesiæ definitione in articulos fidei redigi judicem, qualia sunt hæc: Petrum fuisse Romæ.* O incredibilem delirationem! Non est de fide declarata Petrum Romæ fuisse, & tamen Magistra nostra non alio privilegio hoc supercilium induit, omnesque docendi provinciam ultro sibi deponcit & suscipit. Certum autem est quicquid R. E. docet tanquam è Cathedra Petri non plus certitudinis habere, quam principium

pium ipsum omnium conclusionum. At illud principium : Petrus Romæ fuit, & successores ibi suos constituit æquo jure, non est fidei. E. nec totum id quod R. E. eo nomine docet. Fatentur si Petrus Romæ non fuerit, totum Bellarminum enervatum esse, adeoque Papatus propriam religionem jacere. Tamdiu autem dubium hoc relinquitur, quamdiu hæc quæstio facti nondum ad fidem relata est. At ita ipsi judices erunt in quæstione illa : *An sint judices?* Porro Bellarminus *successionem & rationem successionis* distinguit. At non tantum illa sed & hæc Christi autoritate debet niti, ut Ecclesia caput suum agnoscat, in cujus cognitione ajunt salutem verti. Nam Papana fides ita habet : Hæc est vita æterna ut Papam cognoscant verum Pastorem Ecclesiæ universalis. Hæc autem ratio successionis, ut ait ipse, facto Petri tantum nititur. Unde Soto existimat, *Rationem successionis jure tantum Ecclesiastico Romæ esse annexam, ita ut Ecclesia Episcopum Trevirenssem Papam creare possit.* Litigent illi, sed interim proferant Mandatum Domini de sede Romam transferenda. Tertio. Qualis Magistra illa est qua populo divinam scripturam subtrahit? Vitio hominum ajunt plus lectio earum detrimenti quam utilitatis affert. At num olim vitia non erant vel hæreses? Sed quæ


Greg. Val.  
annal. l. 7.  
c. 12.

quæ sit ratio hujus interdicti, nimis notum est. Videatur clarissimus Mareſius Profefſor S.S. Theologiæ in illuſtri Schola Silvæ-ducenſi in tractatu Gallico de hac re edito. Sed pergo; qualis Magiſtra hæc eſt quæ ſacra ſua incognita lingua peragit? Quo profectu docet? Sed quia Cathariſmus ait eam doctri-  
nam quæ in precibus linguam cognitam exigit Diaboli calliditatem ſapere, rem penitus excutiendam cenſeo. Nos decreto Concilij Tridentini hoc Apoſtoli decretum opponimus: *Omnia ad edificationem fiant.* Ex aliis locis novimus quid petendum à Deo ſit; ex hoc noſcendum quod petimus. Ad miſſam male torquetur ajunt quia agitur de prædicatione. *Alios ut inſtruant in Eccleſiâ volo loqui.* Cur non attendunt agi itidem de precibus. *προσεύχομαι, ψαλῶ, ὕμναεις*, id eſt, oro, canam, gratias agis. His verbis non concio ſed preces ſignificantur. Serio itaque reſpondent Apoſtolum non agere de divinis officiis, ſed de canticis ſpiritualibus (Monachorum itaque cantica ſunt carnalia.) Sed cantica iſta ſpiritualia quæ Chriſtiani ad laudandum Deum componebant, nonne referenda ſunt ad officium divinum? Laudare Deum nonne eſt officium Eccleſiæ? Itaque, pergunt: ſufficere ut  
*ὁ ἀναπληρῶν τῶν ἰδιώτων* officij ſen-

Sixt. Senenſ.  
Bibl. l. 6. an-  
not. 263.

Hh

ſunt

sum capiat, non totus populus. putant enim ea voce designari certum clericum loco populi respondentem. Risum teneatis amici. Nam ἀναπληρῆν τόπον ἰδιώτης Græce significat unum de idiotarum numero esse, non vices gerere idiotarum. τὸ ω  enim non vicem sed locum significat, ut intelligatur is qui Idiotis adsidet & unus ex illorum numero est. Itaque res huc redit, id minime negligendum esse quod Apostoli iudicio orationi necessarium est ad Deum melius colendum. Lyranus: *quid proficit populus non intelligens ea quæ orat?* Quo cultu enim Deus sanctius colitur, is Deo in divinis officiis debetur. Hoc autē fit cum mens orantis majori cognitione, devotione & lætitia spiritali perfruitur. Hoc totum Papistæ præcipui concedunt. Mercerus Professor linguæ Hebrææ in Parisiensi Academia: *Temere fecerunt nostri, qui consuetudinem orandi lingua ignota introduxerunt.* Fatemur ajunt Apostolum anteponere orationem intellectam non intellectæ. At Romana Ecclesia magis probat latinas preces. Sed cur id non usurpat in divinis officiis, sine quo nemo sanus recte orare potest? Quomodo Idiota Amen dicet cum nesciat quid oretur? *fias ita*, ait, nesciens quid orans velit fieri. Putat te bene dicere, quid boni dicas ignorat.

Lin-

Lyranus in  
hunc locum.

Com. in hunc  
locum.

Coll. Anglo-  
Rhemense  
annot. in  
1 Cor. 14.

Lindanus fatetur Ecclesiam hanc labem inde forte contraxisse, quod quæ nunc passim cantantur, non tam ad populi intelligentiam erudiendum quod prisca ubique spectantur, quam ad meram laudem Dei quocumque modo celebrandam frequentantur.. O gracula nido expellendi ! Quid tibus linguis docetis in Concilio vestro Tridentino contentam debere esse Ecclesiam cum S. S. dicat : *Omnia lingua laudet Dominum ?*

Panopl. l. 4.  
c. 78.

Hilarius meminit cantus Ecclesiastici his verbis : *Audiat orantis populi consistens quis extra Ecclesiam vocem: Celebres hymnorum sonitus spectet. Certe hoc testimonium ex Hilario desumptum videtur omnino cogere ut credamus in Gallia fuisse consuetudinem, ut populus in Ecclesia caneret etiam ante Ambrosij tempora. Neq; hoc tantum in Gallia sed ubique. Græci græcè, Latini latinè Deum nominant, & singuli in vernacula sua Deum precantur, ille enim omnium linguarum Dominus est.* Chrysostomus in hunc locum : *Docet Apostolus lingua loquentem intelligere verba simul debere.* Basilii : *Cantet lingua tua, sed & simul cor tuum.* Isidorus : *Oportet quando psallitur ab omnibus psallatur.* Collegium Anglo-Remense : *Preces ad edificationem ignote sæpe magis valent, quam cognite.*

Com. in Ps.  
65.

Beil. l. 1. de  
bonis operib.  
c. 1. 6. 9.  
fortasse.

Orig. lib. 8.  
contra Celsum.

In Ps. 28.  
De officiis  
Eccles. l. 10.

L. de prad.  
p. 122.

Matthæus de Rispolis : *Ab Augustino & Thoma*

H h 2

Thoma

*Thoma oritur veritas omnis Theologica, & eos consulit semper Ecclesia in definiendis rebus fidei. Mater filios consulit, Magistra discipulos. Sed cur persequitur contra doctrinam sui Thomæ? quia Apostoli auctoritatem forsan tanti non facit. Constat quod plus lucratur, qui orat & intelligit quid dicit. Nam ille qui intelligit, reficitur & quantum ad intellectum & quantum ad affectum, sed mens ejus qui non intelligit est sine fructu reflexionis.*

*Cajetanus: Ex Pauli doctrina habetur, quod melius est ad Ecclesia edificationem orationes publicas, quæ audiente populo dicuntur, dici lingua communi clericis & populo, quam dici latine. Bellarminus. Non reprehenditur oratio quæ non intelligitur, sed ei antepositur oratio, quæ intelligitur. Cur igitur Magistra nostra non id quod optimum est in tradenda aliis doctrina fidei, sequitur? Concilium Tridentinum fatetur, Missam magnam continere populi fidelis eruditionem, non tamen expedire ut vulgari lingua passim celebretur. Mandat itaque ut inter missarum celebrationem aliquid exponatur populo. Quando hoc fit? Veritas quam invicta es! Nihil est in speciem fallacius quam prava religio! Nam videmus homines in re manifesta ab hac R. Magistra decipi, ut picas maluerit imitari, quam Apostolo obedire. Bellarminus ait: Officij divini finem primum non esse edificationem*

Comm. in  
I Cor. c. 14.  
17.

De verbo Dei  
l. 2, c. 16.

Sess. 22.

Livius.



*tionem populi; sed cultum Dei qui ignita lingua fieri possit.* Sed neuter ab altero finis divellendus est. Primarius non tollit sed tolerat secundarium finem. Apostolus jubet omnia ad ædificationem fieri. Negat autem huius fructum ex ignotis precibus percipi. In Sacramentorum administratione Deus nos alloquitur: nobis gratiam donat: præcipit: instruit, adeoque à nobis officium nostrum exigit. Insaniæ est alloqui eum cui aliquid in mandatis das eo idiomate quod non intelligit. Cur hoc Deo fieri credemus?

Nonne vero divinus cultus optimo modo debet fieri? necne ad ædificationem aptissimo? Iudicio autem Apostoli hic fit idiomate noto. Apostolum agere de exhortationibus ait & canticis spiritualibus. Respondeo: Rationes Apostoli generales ad totum Dei cultum pertinent, Omnia in Ecclesia instructioni populi servire debent.

Hardingus fatetur: *Preces in primitiva Ecclesia vulgari lingua peractas fuisse, & quidem tunc necessario ad instructionem populi.* Quali vero nostro tempore populus eadem instructione non indigeat? Hinc Baronius: *Papa Johannes 8. Epistola ad Sfantum Moravie*

Ann. in 1 Cor.  
14. p. 461.

Tom. 10.  
Ann. 280.  
S. 10.

*Principem. Literas Sclavonicas à Constantino Philosopho repertas, quibus laudes Deo debitas resonent, laudamus jure, & ut in eadem Christi Domini nostri præconia & opera commemor-*

rentur, jubemus. Neque enim tribus tantum linguis, sed omnibus Dominum laudare auctoritate sacra monemur, quæ præcipit dicens: Laudate Dominum omnes gentes.

Maldonatus  
Comm. in  
Matt. II. 21.

Magistra hæc quam sanctam tandem doctrinam proponit? Pastores illa mittit qui nos docent, gentiles potuisse servata lege naturæ omnium confessione salvos esse; qui dicunt à Dei caritate alienum esse ut exigat quod non dedit, neque homines per se præstare possunt. item Aristotelem fuisse Christi præcursores in naturalibus: ut Johannes fuit in supernaturalibus. At cur non considerant fidem requisi ad percipienda quæ in cor hominis non ascenderunt, ejus nempe cui Deus per Spiritum suum eam non revelavit? Non quæritur quid nobis durum vel benignum videatur, sed quid verum sit; id autem verum quod Christus dixit: *Nemo venit ad Patrem nisi per me.* Hæc Bel- larminum mittit, qui nos docet, Christo placuisse conjungere nostram satisfactionem suæ: hominem justum duplici titulo jus habere ad gloriam; altero ex meritis Christi sibi communicatis per gratiam; altero ex meritis propriis. Hæc Toletum nobis commendat docentem ordinem Ecclesiasticum posse conferri infantibus. Item Victoriam qui ait se non videre cur puer nequeat Episcopus creati, juxtaque amens.

Instr. sac.  
l. I. c. 4 s.  
Rel. 2.

Hæc

Hec Collegium Anglo-Remense produxit, Ann in Lucam 12. & 11.  
docens Catholicum satisfacere muneri viri

Catholici, modo dicat se Catholicum, &  
Ecclesiam posse fidei suæ rationem reddere.

Hoc olim Xaverius questus est de Indis re- L. 1. Epist:

ligionis plane rudibus, qui de fide interrogati  
nihil aliud norant, nisi se esse Christianos,  
quod inde eis evenisse ait, quia destituti sunt

sacerdotibus. Hoc Augustini teneant: *Ignorantia in iis qui noluerunt, peccatum est, in iis qui non potuerunt, pœna peccati. In utrisque non est iusta excusatio, sed iusta damnatio.*

Hæc Toletum mittit docentem Christianos  
non teneri præcepto Deum plus omnibus di-  
ligere quantum ad intentionem dilectio-  
nis, Stapletonum dicentem id esse doctrinæ,  
non obligationis præceptum.

Ep. ad Sextum Presbyterum.  
De instr. Sac. l. 4. c. 9.  
L. 6. de instr. c. 10.

Item licere uti æquivocatione & decipere  
audientem, idq; cum Iudex contra iustitiam  
juramentum exigit; licere jurare secundum  
suam mentem, non secundum iudicis: E. G.  
fecisti hoc? Respondeat non feci, sc. ut tibi  
dicam. Sed quodnam mendacium est quod  
sic non defendi possit? Nonne juramentum  
est finis omnis contentionis? Certè per æ-  
quivocationem non est. hoc enim firmita-  
tem ejus planè eludit. Porro docet per A-  
zorium, morem non esse improbandum si  
vidua causa luctus domi se annum integrum  
contineat nec missam audiat, scilicet si

Toletus l. 4. instr. Sac. c. 21. 22.

Hebr. 6. 16.

Instr. 1. 7. c. 7.

Toletus l. 4.  
instr. l. 24.  
c. 25.

Idem l. 5.  
c. 6.

l. 4. c. 13.

Bell. l. 4. de  
Monach.  
c. 34.

De Van, sci.  
c. 64.

l. de membris  
Ecc'esi. mil.  
c. 18.

magno loco natus vir fuerit, item hominem teneri sub mortali ad sanctificandum festum, sed non teneri ad bene sanctificandum, licere ventari, construere loca pro spectaculis si non nisi festo possit fieri. item motu repentino correptum ut non sit compos rationis à peccato mortali liberum esse, licet habuerit intentionem occidendi occideritque alium, item si quis protulerit blasphemiam ira vel alta passione, non cadere sub peccatum mortale. item, melius esse scortari & uri, quam votum coelibatus violare & ad nuptias post scortationem animum adjicere. uri significare non flamma libidinis uri, hoc enim per se malum non esse, imo materiam victoriæ; sed flamma libidinis superari & scortari. Quasi vero hoc remedium tantum homini lapsio succurrat; non occurrat lapsuro. Sed temporibus nostris Sixtus Pontifex, teste Agrippa, aliud remedium invenit. Conjugij ulum non concessit quidem, sed nobile admodum lupanar Romæ extruxit; unde à singulis scortis in hebdomadem jublicum accipit. Hæc sancta Ecclesia prohibet Clericis conjugium non solum ratione essentiaæ suæ, id est, propter contractum, qui fit solo animorum consensu; sed ratione officij conjugalis, in quo inest impuritas & pollutio. cur igitur thorvs dicitur ab Apostolo immaculatus? Sed sancta Mater Ecclesia

clesia per Toletum suos sacerdotes instruit:  
Si quis desideret habere pollutionem ob finem bonum, ut ob sanitatem, aut ad levandas tentationes carnis, non esse peccatum. Hoc sane est remedium morbo pestilentius. Docet item per Cardinalem suum, votum non convenire sanctis, nisi quatenus sint Di per participationem. Item, per Emanuelem Sa in voce Confessio §. 42. meretrices non comprehendi statutis Synodalibus quæ non confidentes aut communicantes Paschate excommunicent, itaque nunquam denunciari. Item, fidelem posse addere gradum amoris atque amare plus quam teneatur, itaque supererogationis opus facere; quod nobis Bellarminus vult persuadere. Item, non teneri quemlibet statim post peccatum contereri etiamsi sæpius recordetur peccati commissi, quod dogma Toletum debemus: item, fieri posse ut sola detestatio peccati aliquando sine proposito formali non peccandi de cetero ad gratiam consequendam sufficiat; quod per Suarezium nobis S. Mater inculcat.

L. 3. instr.  
Sac. c. 15.

L. 3 de cultu  
sanct. c. 9.

L. 2. de Monach. c. 13.

L. 6. instr.  
c. 5.

Tom. 4. in  
Thom disp.  
4<sup>a</sup> §. 3. assert.

Hom. 29. in  
Eu.

§. Hæc Magistra omnium fidelium R. E. doctrinam suam suspectissima ratione defendit, nempe hodiernis miraculis. Hæc, Gregorio M. teste, in exordio nascentis Ecclesie necessaria fuerunt ut multitudo ad fidem cresceret. *Cum arbuta ait plantamus,*

H h 5 *tandem*

*tandiu eis aquam affundimus, quousque ea in terra coaluisse putamus; ubi radicem fixerint, irrigatio cessabit.*

De temp.  
nov. c. 19.

Acosta Jesuita fatetur tempore Antichristi difficile fore discernere vera signa à falsis: ibi multa & magna fore veris similima. Duplicitia sunt miracula: quædam nō nisi divina omnipotentia fieri possunt: ejusmodi Antichristus non edidit: alia potentia causarum naturalium hominibus ignota, operaturque Dæmon vel per se vel per ministros suos, quæ interdum signa vera sunt ratione essentiali sed ratione finis mendacia. Chrysostomus: *in fine temporis potestas concedenda est diabolo, ut faciat signa utilia: ut jam ministros Christi non per hoc cognoscamus, quia utilia faciunt signa; sed quia omnino signa hac non faciunt.* Iterum: *per signa cognoscebantur, qui essent verè Christiani, qui falsi. nunc autem signorum operatio omnino elevata est, magis autem invenitur apud falsos Christianos.*

In Ioh. tr.  
13.

Contra Fau-  
stum l. 3.  
c. 5.

Augustinus: Contra istos mirabilarios cautum me fecit Deus meus dicendo: *In novissimis diebus exsurgent pseudo-prophete facientes signa & portenta, ut inducant in errorem, si fieri possit, electos.* Idem: *Miracula non facitis, quæ si faceretur, etiam ipsa in vobis caveamus.* Mater nostra filios habet qui fabulis terribilibus & miraculis fictis memoriam eorum, quos vulgo student commendare,

mendare, illustrant. Quasi sancti Dei homines nostris mendaciis egeant: *Divorum construunt historias, pie nonnihil admentientes: supponunt reliquias: fabricant miracula.* Hinc Delrius & Lyranus, *maxime populum decipi in Ecclesia Romana solentur falsorum miraculorum figmentis.* Denique testem omni exceptione majorem, experientiam. Fidem itaque non è miraculis; sed miracula è fide probemus.

Agrippa de  
Van. sc. c. 97.

Erasmus arg.  
in lib. Con-  
fess. August.

6. Certum est hanc Romanam Ecclesiam hoc magisterium non posse sibi arrogare, propter errores varios quibus Episcopi R. capti fuerunt. Exempla supra attigimus. Uno vel altero hic contenti erimus. Alphonsus de Castro: *Cum alios multos liberare facile possimus suspitione hareseos, tamen Celestinum non video quis possit excusare. Quia docuit iia solvi matrimonium per haresin, ut liceret alteri parti aliud conjugium inire. Contrarium docuit Innocentius 3. & habetur hac sententia in decretalibus. Neque talis error fuit ut dicamus illum errasse ut privatam personam & non ut Papam. Quoniam hujusmodi Celestini definitio habebatur in antiquis decretalibus, quam ipse vidi & legi.* Bellarminus respondet, quamvis hæc epistola inter decretales sit, tamen non colligi hoc esse decretum ex Cathedra: Multa in decretalibus poni, quæ non faciant rem de fide; sed tan-

De haresi. l. 1.  
c. 4. fol. 7.

tum

tum Opiniones Pontificum ea de re declarant. Itaque huc res redibit: Decreta Pontificum non fuisse à Pontificum Cathedra profecta. Sed unde jus habent aliquid decernendi nisi ex Cathedræ occupatione? Tanquam privati nihil possunt decernere. Quis hic non agnoscit manifestum & turpe *κρησφύζεσθαι*; At non sunt ea proposita ut ab omnibus Christianis credantur. R. Papa se fert Monarcham universæ Ecclesiæ. Itaque eandem haut dubiè edendis decretis & legibus ad obedientiam obstringit, nisi in ipso decreto exceptio contineatur. Quid Gregorius I. *Decretum necessitatem facit; exhortatio autem liberam voluntatem excitat.* Item Nicolaus I. *Ea quæ sedes Apostolica pro sanis dogmatibus & necessariis fidelium moribus diverso tempore scripsit, debent ab OMNIBVS magna reverentia assumi.* Item: *Restat ut omnes decretales Epistola Romanorum Pontificum sint recipiende.* Item: *Omnia decretalia constituta sede Apostolica custodiri mandantur, ut si quis in illa commiserit, noverit sibi veniam denegari.* Dicendo autem omnia, nullum de decretalibus prætermisit, quod non mandavit custodiendum. Num huic vel illi? Certe omnibus. Dicendo omnium Pontificum Romanorum, nullum ex prædecessoribus excepit. Et tamen videmus Papistam Bellarminum licentiose & impune easdem contemnere.

Dist. 4. c. de  
niquæ.

Dist. 19. §.  
si Roma  
nodum.



temnere. Commendant aliis auctoritatem  
 Papæ, quam ipsi spernunt. Salmeron le-  
 suita: *Hæresis non dissolvit matrimonium ante  
 hæresin contractam; etsi aliter cuidam Ponti-*  
*fici aliquando visum est.* Sed probo Decre-  
 tales è Cathedra esse. Teste Turrecremata  
 Iohannes Wiclefus in Synodo Constantiensi  
 condemnatus fuit quod dixisset: *Decretales*  
*Epistolas esse Apocryphas, atq; à fide seducere,*  
*quas tamen summi Pontifices Nicolaus, Leo,*  
*Gelasius, Agatho, Adrianus jampridem Cano-*  
*nicas esse statuerunt.* At errores in decretales  
 irreperunt! Nihil hoc ad nos. Hic error  
 Cœlestini fuit, non librarij. Pontifici enim,  
 ut Salmeron fatetur, *visum fuit, &c. Hæresis*  
*doctrinæ est falsum dogma fidei orthodoxæ re-*  
*pugnans: sive quis illud dogmatizet, sive ta-*  
*citus affirmet.* Hæc hæresis est ante Ecclesiæ  
 definitionem, quæ eam non facit; sed de-  
 clarat. Prius enim hæresis sit oportet quam  
 declaretur. Hæresis personæ errorem astruit  
 iudicio Ecclesiæ reluctando. Ab utraque  
 liber oportet sit qui se ἀδελφὸν Magi-  
 strum veritatis profitetur. Talis autem non  
 fuit Iohannes 22. teste Iohanne Villano:  
 Iohannes 22. *questionem movit virum beata*  
*defunctorum animæ ante diem iudicii novissi-*  
*mam, visionem divinitatis Christi consequen-*  
*tur. Sub anathematis fulmine literatos hanc*  
*questionem in utramque partem excutere co-*  
*gebat:*

Contm. in  
 1 Cor. 7. disp.  
 22. ad fin.

L. 2. de Ec-  
 cl. l. 108.

Alphonfus de  
 Castro hæres.  
 l. 1. c. 1.

L. 12. c. 229.  
 ut refert  
 Zwingerus  
 theatro hum.  
 vit. vol. 5.  
 l. 4. p. 1536.

gebat. mirifice Minoritanos sodales complectebatur, qui argumentum aliquod pro parte negante attulissent: Generalem, quem vocant, Lucretiam misi qui dogma illud spargeret, qui palinodiam canere publice coactus est. Rex Francorum Philippus serio Pontificem reprehendit, Pontificis munus esse dictitans; non movere novas sed motas haereses extinguere, cuius autoritate percussus Pontifex ab inuisi questione destitit. Sed audiamus Alphonsum de Castro: Ne quis fidem hac in parte meis deroget, verba Adriani Papae referam in 4. sent. quest. de Sacram. confirmat. Novissime fertur de Johanne 22. quod publice docuit, ab omnibusque teneri mandavit, quod anima purgata ante finale iudicium non habent stolam, quae est visio facialis; Et dicitur Universitatem Parisiensem ad hoc induxisse, ut nemo in ea posset gradum Theologiae adipisci nisi prius hunc errorem se iurasset defensurum. Ubi illud: Petre rogavi pro te ne deficiat fides tua; tuq; adeo conversus confirma fratres? Nonne in Papa hoc abunde elucet Papisticam interpretationem ejus dicti ineptam & falsam esse? Hoc certe dogmate Hyperdulia & dulia sanctorum vehementer labefactatur. Nec minus ex Ethnica sanctorum *ἁγιοφωσύνη*. Canus ait: si Ecclesia errat in reponendis viris justis in numerum Sanctorum, non esset absurdum divorum omnium cultum ab Ecclesia explodere

L. 3. contra  
haereses 4.  
beatitudo  
p. 76.

L. th. l. 3.  
p. 175.

eorum

eorum qui post Clementem consecrati sunt. Quare si in illis erraret, graviter in moribus falleretur, nisi forte nihil intersit, Diabolumne colas an hominem damnatum. Papa Stephanus in Formosi Papæ corpus mortuum immaniter serviebat, acta ejus rescindens. Sed hoc fecit odio in Formosum incensum, nesciens vel non credens Formosum fuisse à Martino Pontifice absolutum. Idcirco publice decrevit eum in perjurum & nunquam legitimum Papam fuisse. Nos concedimus Papam in questione facti errare potuisse. Hæc quæstio facti (ut hoc obiter dicam) è quæstione juris dependet. Num Papa à juramento legitimo possit absolvere? Utrunque contraria Concilia à Papis habita multoties; adeo ut Ecclesia in Labyrinthum quendam & vorticem dubiarum quæstionum de ordinatione sacerdotum inciderit, unde nondum evasit. Sed sit quæstio facti, quæ circa impietatem certi hominis condemnandam versatur. Talis erit itidem sanctorum Canonizatio. Nam Augustinus expresse ait: *Multos honorari in terris quorum anima in gehenna crucientur.* Bossarius: *Se fatetur multos vidisse qui male vixerant, Romæ canonizatos.* Hermanni Ferrariensis exemplum notum est. Porro munus ordines Religiosorum confirmandi Pontifici proprium est. De eo ita Canus: *Tam multa sunt religiones in hoc seculo à Pontificibus*

L. 4. de R. P.  
c. 12. §.  
vicesimus  
septimus.

ificibus confirmata, ut qui eas omnes tenere voluerit, tanquam Ecclesia vel necessarias vel utiles, hic imprudentia ne dicam stultitia jure optimo, summis rationibus arguatur. 4. Porro acta rescindere Conciliorum, & leges relaxare, Pontificis muneri adscribitur. In Conciliis cautum est: *ne neophytus ordinetur.*

Toletus aper-  
te.

1 Tim. 3. 6.

Salmeron  
Comm. in  
1 Tim. 3.

At in R. E. jure puer potest suscipere ordines & Episcopus creari. quod sane divinæ legi adversatur. δὲ Ἰπρισκοπον εἶναι μὴ νεόφυτον. Ajunt Apostolum hoc constituisse non ut ministrum Christi, sed ut præsidem Ecclesiæ. Quis non omnia eludat futilitate talium distinctionum? Picus Mirandula narrat puerum quendam in Episcopi locum adscitum, qui, quoniam literas penitus ignorasset, atque per jocum rogaretur, an magnos in disciplina progressus fecisset, responderit ingenue: *nondum se didicisse exordium orationis quam sacerdotes sacra facturi præfari soleant.*

5. Denique contra jus divinum dispensat Papa. Nam matrimonium quoad vinculum insolubile esse probatur ex verbo Dei, traditione, ratione, ait Bellarminus. Nam non potest inferior dispensare in lege superioris; proinde nec homo in lege Dei. Jam vero Pontifices haut raro in matrimonio dispensarunt, nempe solvendo eo quoad vinculum. (De thoro & co-

L. 1. de ma-  
trim. c. 16,

Idem, ibid.  
cap. 11. §.  
prima pro-  
pos,

& cohabitatione nulla quæstio est. Et nihilo-  
minus quæritur, an *jure hoc Pontifex faciat?*  
Bellarminus ait: *esse probabilem opinionem*  
*eorum qui id affirmant, etiamsi forte contraria*  
*opinio sit vera.* Sic ludunt in re tanti mo-  
menti ubi agitur de obedientia divinis le-  
gibus præstanda!

Sacroboſc. in  
defenſ. pro  
Bell. p. 3. c. 2.  
ſ. quartum.  
L. 1. de matr.  
c. 14. ſ. at.

7. Hæc Magiſtra didactrum eo minus me-  
retur, quod diſcipulos, niſi illud *αὐτὸς ἐφα*  
in ore & corde habeant, furioſe & crudeli-  
ter è medio tollit. Mihi non eſt inſtitutum  
hec perſequi, eo quod omnium hiftoriarum  
monumenta exemplis exquisitæ, imo mo-  
dum humanæ ſævitæ egreſſæ crudelitatis  
ſcatent. Albigenſium 100000. uno die  
cæſi. Belgium, Gallia, Anglia, Germania  
HUIUS MAGISTERII fructus perce-  
perunt. Jure Papa cum collegio ſuo Cardi-  
nalium Hoſerico purpureo induitur. Hic  
eſt ſanguis tot martyrum.

Hiſpania Inquiſitionem, ne quid deſit,  
addidit. Hujus deſcriptionem ex autoribus  
iſtis petamus licet. Indiam Magiſtra noſtra  
ſpe & concupiſcentia devorarat: quanta  
ibi cum manſuetudine & caritate miſeros  
homines inſtruxerit in religione, infinita  
ſtrages tot mortalium loquatur. Hoc non  
tam meo judicio dico quam teſtimonio fre-  
tus Epifcopi Hiſpani Bartholomæi Caſæ.  
Hic in narratione ſua de regionum Indi-

carum per Hispanos devastatione sub finem libri hæc verba habet: *Rubore suffundi deberemus, quod omni timore Dei remoto, tam execrandis facinoribus colorem addere & ea excusare tentemus, cum præcipue cernamus nos 48 annorum spatio regiones majoris longitudinis, quam sit tota Europa & pars Asia ob hanc causam ut divitias consequeremur, destruxisse, eas terras depradantes & omni crudelitate, injustitia & tyrannide occupantes & usurpantes, quas humanis habitatoribus & incolis refertas vidimus, & in iis ultra viginti hominum miliones periisse certo scimus. Sed manum de tabula. Precemur Deum, ne & ad nos Magistra ista CVM VIRGA veniat! Quantum humani sanguinis Romani Pontifices effuderunt ob solam INVESTITVRAM Episcopatum & Abbatiarum? A tempore Gregorij 7. sub quo hæc disputatio in Ecclesia Romana exorta est, amplius centum prælia commissa sunt: Italia, Gallia, Germania incendiis & rapinis devastata fuit. Boni Christiani Symbolum erat: *pugnare pro R. E. jurisdictione*. Talem se Magistra nostra Roma in didactro exigendo gessit, ut aut vi extorserit aut superstitione oblatum cupidè acceperit. Quidnam illud? *Totum mundum*. Hujus enim se directam Dominam anno 1073. quo Gregorius 7. sedit, gessit. Quod tempus ad annum 1517 duravit.*



tavit. Interjectis 444 annis quam methodum docendi observavit? Scripturam in angulis monasteriorum situ & pulvere obductam jacere passa est, imo providit ut abstruderetur: reliquias adoravit: novos sanctos canonizavit, eorumque cultum Ecclesiæ injunxit: *Districte precipimus ut natalem Thomæ martyris Cantuariensis olim Archiepiscopi, diem videlicet passionis ejus solenniter sub annis singulis celebretis, & A P V D E V M votivis orationibus satagatis peccatorum veniam promereri*: imagines venerata est: Spectra & animas functorum de statu purgatorij consuluit: cœnobîa ad remissionem peccatorum impetrandam ædificavit: expeditionem in terram sanctam eodem fine suscepit. Hæc docendi methodus pro didactro varia regna mundi patrimonio S. Petri addidit, nunquam fere sine sanguine. Longa est historia, longæ ambages. Papa Adrianus: *Sane omnes insulas, quibus Sol Justitiæ Christus illuxit, & qua documenta fidei Christiana susceperunt, ad jus S. Petri & sacrosanctæ Romanæ Ecclesiæ non est dubium pertinere*. Agebatur de Hibernia, quam Papa Henrico regi Angliæ occupandam, ea lege ut cathedras Petri tributum annuum penderet, tradebat. Hic Papa Arnoldum quendam Romæ flammis exurendum curavit, eo quod Magistram nostram

Matthæus  
Parif. in Hen-  
rico 2. p. 91.

i. e. aliter  
instruere.

δαγωγῆν conaretur, ne negociis mundi se  
 immisceret. Tandem musca in ejus os in-  
 volitans Doctorem orbis è cathedra abire  
 jussit. Visibile NV MEN in terris à musca!  
 Hujus successor Innocentius 3. regi Angliæ  
 Iohanni ita insultavit, quod morigerari ipsi  
 nollet, ut totum regnum Angliæ in Fiscum  
 Ecclesiæ converterit. Ita miser rex: Jo-  
 hannes Dei gratia Rex Angliæ. Volentes nos  
 ipsos humiliare pro illo qui se humiliavit usque  
 ad mortem, gratia spiritus inspirante, non vi in-  
 terdicti, nec timore coacti, sed nostra spontanea  
 bona voluntate, ac communi consilio Baronum  
 nostrorum, conferimus & liberè concedimus  
 Deo & sanctis ejus Apostolis Petro & Paulo  
 & S. R. E. Matri nostræ ac Domino Papæ  
 Innocentio 3, ejusque Catholicis successoribus,  
 totum regnum Angliæ & totum regnum Hi-  
 berniæ cum omni jure & pertinentiis suis, pro  
 remissione omnium peccatorum nostrorum, &  
 totius generis nostri tam pro vivis quam pro  
 defunctis. Item: D. Papæ fecimus & jura-  
 vimus homagium. Salvis per omnia denariis  
 B. Petri R. Ecclesia 2000 marcas estrelingo-  
 rum annuatim percipiat. ô Piscatorem!  
 ô Magistrum! ô Πέστυλ ἐπὶ αἰόλου. Facta  
 est Filia Sion quasi meretrix effrons, non ha-  
 bens ruborem! Nonne rex Anglorum, ait,  
 noster est Vasallus? est, & ut plus dicam,  
 mancipium.

Matthæus  
 Parit. in  
 Iohanne,

Matthæus  
 Parit. p. 423.  
 item 848.



C A P. XIII.

*Concilia Oecumenica, & specialim  
Tridentinum.*

**D**E his ante egimus. Hoc sufficit scire,  
Concilia in Papalia Consistoria de-  
generasse. Turrecremata fatetur, l. 3. c. 11.  
8. Conciliis, quæ in Ecclesia præstantioris auto-  
ritatis habentur, Papam nullum præfuisse. Jam  
vero statim rejicitur, nisi Papa in eo omnia  
suo. REMIGIO gerat. ô tempora! Cur  
olim præteritis seculis hoc præsidio Ponti-  
ficio concilia Oecumenica libenter carue-  
runt? Sufficit, ait Bell. *quod legatum miserit*, l. 1. de Conc.  
*qui personam suam sustinuerit*. Quid audio? c. 19.  
sufficit? Cur itaque à Legatis probatum Ba- l. 2. de Conc.  
siliense rejicitur? Sed ipse Bellarminus non c. 11.  
sine insigni contradictione suam ipsius sen- §. tertio.  
tentiam evertit. *Concilium Basileense una* §. præterea.  
*CVM CONSENSU LEGATI Pontificis*  
*R. definiebat Concilium esse supra Papam.*  
*Quod tamen nunc judicatur erroneum.* Itaque  
Legatus non sufficit. Nam, ut ait alibi, *Non*  
*habet illud privilegium non-errandi quod habet*  
*Pontifex.* Hinc argumentor: Aut sufficit  
legati approbatio Conciliis, aut non. Si  
prius, cur Basileense decretum respuitur?  
Si posterius, cur olim in 8 Conciliis Oecu-  
menicis Papa legatis mittendis putavit se

muneri suo satisfacere? Imo Bellarmini confessione ad Constantinopolitanum I. ne legatos quidem misit. Synodus Chalcedonensis legatorum etiam approbatione caruit, & tamen facta testis ejus autoritas in Ecclesia magis magisque effloruit. Sed pergamus. Concilia nullam amplius auctoritatem habent. Nam liberrime respuuntur à Curia Romana QUOTIES LIBET. Sufficit hoc: *Non est approbatum.* Sed quomodo fit tandem ista confirmatio? *Pontifex mittere solet legatos INSTRVCTOS de sententia sedis Apostolica cum ea CONDITIONE, ut si Concilium consentiat cum judicio Apostolica sedis, formetur decretum; sin minus, differatur decreti formatio, donec R. Pontifex consultus respondeat.* Hæc praxis libertatem suffragiorum penitus tollit, quæ olim in antiquis Conciliis erat: hæc Episcopos meos Consiliarios, non iudices constituit, quales olim in Conciliis erant. Quomodo libera Episcoporum suffragia sunt, si sententiam Solius Papæ tenentur sequi? Si non tenentur, quomodo firmitas Concilij à Papæ approbatione dependet? Olim vero legitima Concilia Pontifici repugnabant liberrime. Unde videmus Ecclesiam servitute oppressam à Christiana in Papanam degenerasse. Alterutrum necesse est, ut aut instructioni & sententiæ Pontificis Episcopi possint

I. 2. de Conc.  
c. 11. §. quod

possint adversari, aut iudices, quales olim erant, non amplius sint. At forsan Papa mutata sententia Concilij sensum sequitur, idque approbat. Hinc sequetur, Conciliorum decreta auctoritatem suam omnem à Papæ iudicio non mutuari. Hoc enim rejectum est. Sed novum quid Stapletonus affert inauditum melioribus temporibus Ecclesiæ :

*Doctrina Papæ in mediis* DISCURSIVA *est; in conclusione* PROPHETICA. Wright:

L. 8. de doctrinal. princ. c. 14.

*Papæ in præmissis potest errare, sed non in conclusione.* id est, ut ego intelligo; Potest sine medio concludere, & sine argumento argumentari: vel clarius dicam, cum ratione i-

sanire. Feri Monachi iudicium longe præstat. *In rebus fidei, ait, non SATIS est dicere,*

Com. in Acta.

*VOLUMVS, MANDAMVS. Pollicemur nobis QUIDVIS licere de plenitudine potestatis. Et quomodo Spiritus Sanctus huiusmodi conventus probare possit?* Olim concilia 1. E-

dicto imperatoris vel lege lata qua populus Concilij acta suscipere jubebatur, confirmabantur. 2. Assensu; qui communis fuit omnium Episcoporum, non proprius solius Episcopi Romani. Ita Episcopus Nicomediæ Eusebius, Nicææ Theognis: *Concilium*

Sozom. l. 2. c. 15.

*consentientibus animis confirmare decrevimus.* Constantinus de Niceno 1. *Vos spero, quod in*

*urbe Roma, in Italia, in Africa, in Libya, in universa Græcia, &c. consentiente sententia*

Eusebius de vita Constantini l. 8. c. 18.

*conservatur, hoc vestra etiam prudentia apprec-  
batur. At jam Bulla Pij 4. super confirma-  
tione Conc. Trid. longe aliter. MANDAMVS in virtute sanctæ obedientiæ, & sub pœ-  
nis à sacris Canonibus constitutis, aliisque gra-  
vioribus ARBITRIO NOSTRO infligendis, universis & singulis Episcopis, ut ea de-  
creta in Ecclesiis suis observent. Num olim  
Silvester ita locutus est? Num olim S. Pe-  
trus in Concilio Hierosolymitano ita se-  
gessit? Merito Ferus: Nos aliter conveni-  
mus quam Apostoli. Certè de Concilio Tri-  
dentino Stella, at quantus vir? ita sensit ut  
à risu sibi temperate vix potuerit. Qui fieri  
potest, ait, ut adversus hæreses disputer, qui non  
fuerit Theologus? De his vera est Domini  
sententia. Si cæcus cæcum ducit, ambo in fo-  
veam cadent. Summa res eo devoluta est  
iniquitate temporum ut Papa sese absolute  
supra concilium efferat, suumque unius ju-  
diciū, neglecta autoritate œcumenici Con-  
cilij sequatur. Gregorius de Valentia: Qui  
dicunt Concilium esse supra Papam, pugnant  
illi revera cum Pontificis Romane primatu.  
Hinc argumentor: Qui revera cum prima-  
tu Papæ pugnant, non sunt Papistæ.*

Patres 8. Conciliorum generalium, Afri-  
canarum item Synodorum, porro Constans-  
tenses & Basileenses, imò Papæ ipsi, cum  
primatu hoc pugnant. E. non sunt Papistæ.

De

Comm. in  
Acta 15.

In Lucam  
c. 6.

Analyt. l. 8.  
c. 7.

De Conciliis notum est, Cusanus. *Est epistola Papa Damasi epistolis Ambrosij inserta, ubi Papa ipse fatetur, in causa Bonasi post Concilij decretum sibi formam judicandi minime competere. Neque aut mihi contra sententias vestras aliquid tentandum est. Zosimus Papa: Contra statuta Patrum aliquid condere aut mutare nec nostra sedis potest auctoritas. Leo Papa in Conc. 8. Canonibus Nicanis necesse est me perseverantem exhibere* FAMVLATVM.

L. 2. de concordia, Catholica c. 18. 20.

Ambrosium vide Epist. 71, 73.

Quid item Christiano aliud agendum, quam hoc quod Bernhardus suggerit? Opponi possit Pontificis auctoritas. Sed TALIS POTIVS auctoritas proferatur, cui fas non est CONTRADICERE, summi illius Pontificis, qui per sanguinem ingressus est in Sancta Sanctorum. Non dico praepositorum decreta à subditis dijudicanda esse, UBI NIHIL IVBERE DEPREHENDUNTUR DIVINIS CONTRARIUM INSTITVTIS; sed necessariam dico esse prudentiam, qua advertatur quid adverteatur, & libertatem, qua ingenue contemnatur.

Arias Montanus. In rebus divinis auctoritas divina spectanda est; nec decet multitudinem, aut conditionem personarum, sed rem ipsam aestimari. In Gal. 1.

*Ut hoc clarissimè patefcat, en Epistolas tres Papæ LIBERII, (quorum hominum autoritas religionem in Papatu, ut Bajulus Mundi Atlas Orbem sustinet) ex quibus evidenter patet, de Deo soli Deo credendum esse.*

## EPISTOLA I.

Dilectissimis Fratribus, Presbyteris  
& Coëpiscopis Orientalibus.

LIBERIUS S.

Fragm. Hilarij edita à Fabro.

Baronius tom. 3. ad annum Christi 357. §. 43. 44. col. 803. & 804. edit. Colon. anno 1609.

**P**Ro deifico timore sancta fides vestra Deo cognita, & hominibus bonæ voluntatis, sicut lex loquitur: Juste judicate, filij hominum. Ego Athanasium non defendo: sed quia susceperat illum bonæ memoriæ Julius Episcopus decessor meus, verebar ne forte ab aliquo prævaricator judicaret. At ubi cognovi quando Deo placuit, juste vos illum condemnasse, mox consensum meum commendavi sententiis vestris: literas ad hæcque super nomine ejus, id est, de damnatione ipsius, per fratrem nostrum Fortunatianum dedi perferendas ad Imperatorem nostrum Constantium. Itaque amoto Athanasio,

*ratio, super quo statuta omnium vestrum à me cum Sede Apostolica suscipienda sunt, dico me cum omnibus vobis, & cum universis Episcopis Orientalibus, seu per universas Provincias pacem & unitatem habere. Nam ut verius sciatis, me veram fidem per hanc Epistolam meam proloqui: Dominus meus & fratre communis Demophilus; qui dignatus est pro sua benevolentia fidem veram & Catholicam exponere, quæ Sirmij à pluribus fratribus & Cœpiscopis nostris tractata, & exposita, & suscepta est. hanc ergo libenti animo suscepi, in nullo contradicens. Sane petendam credidi sanctitatem vestram, quia semper videtis in omnibus me vobis consentaneum esse: dignamini communi consilio, ac studio elaborare, quatenus de exilio jam divellar, & ad Sedem, quæ mihi divinitus credita est, revertar.*

---

## EPISTOLA II.

Ursario, Valenti, & Germinio  
Liberius.

**Q**uia scio vos filios pacis esse, diligere  
etiam concordiam & unitatem Ecclesiæ  
Catho-

ificibus confirmata, ut qui eas omnes tenere voluerit, tanquam Ecclesia vel necessarias vel utiles, hic imprudentia ne dicam stultitia jure optimo, summis rationibus arguatur. 4. Porro acta rescindere Conciliorum, & leges relaxare, Pontificis muneri adscribitur. In Conciliis cautum est: ne *ncophytus* ordinetur.

Toletus aper-  
tè.

1 Tim. 3. 6.

Salmeron  
Comm. in  
1 Tim. 3.

At in R. E. jure puer potest suscipere ordines & Episcopus creari. quod sane divinæ legi adversatur. δὲ Ἰπριονοπον εἶναι μὴ νεόφυτον. Ajunt Apostolum hoc constituisse non ut ministrum Christi, sed ut præsidem Ecclesiæ. Quis non omnia eludat futilitate talium distinctionum? Picus Mirandula narrat puerum quendam in Episcopi locum adscitum, qui, quoniam literas penitus ignorasset, atque per jocum rogaretur, an magnos in disciplina progressus fecisset, responderit ingenue: *nondum se didicisse exordium orationis quam sacerdotes sacra facturi præfari soleant.*

L. 1. de ma-  
trim. c. 16.

Idem, ibid.  
cap. 11. §.  
prima pro-  
pos.

5. Denique contra jus divinum dispensat Papa. Nam *matrimonium quoad vinculum insolubile esse probatur ex verbo Dei, traditione, ratione*, ait Bellarminus. *Nam non potest inferior dispensare in lege superioris; proinde nec homo in lege Dei.* Jam vero Pontifices haut raro in matrimonio dispensarunt, nempe solvendo eo quoad vinculum. (De thoro & co-



& cohabitatione nulla quæstio est. Et nihilominus quæritur, an *jure hoc Pontifex faciat?* Bellarminus ait: *esse probabilem opinionem eorum qui id affirmant, etiamsi forte contraria opinio sit vera.* Sic ludunt in re tanti momenti ubi agitur de obedientia divinis legibus præstanda!

Sacroboſc. in  
defenſ. pro  
Bell. p. 3. c. 2.  
§. quartum.  
L. 1. de matr.  
c. 14. §. at.

7. Hæc Magistra didactrum eo minus meretur, quod discipulos, nisi illud *αὐτὸς ἔφα* in ore & corde habeant, furiose & crudeliter è medio tollit. Mihi non est institutum hæc persequi, eo quod omnium historiarum monumenta exemplis exquisitæ, imo modum humanæ sævitæ egressæ crudelitatis scatent. Albigenſium 100000. uno die cæſi. Belgium, Gallia, Anglia, Germania huius magisterii fructus perceperunt. Jure Papa cum collegio ſuo Cardinalium Holoserico purpureo induitur. Hic est sanguis tot martyrum.

Hispania Inquisitionem, ne quid deſit, addidit. Hujus descriptionem ex autoribus ipsis petamus licet. Indiam Magistra nostra spe & concupiscentia devorarat: quanta ibi cum mansuetudine & caritate miseros homines iſtruxerit in religione, infinita strages tot mortalium loquatur. Hoc non tam meo judicio dico quam testimonio fretus Episcopi Hispani Bartholomæi Caſæ. Hic in narratione ſua de regionum Indi-

I i carum

carum per Hispanos devastatione sub finem libri hæc verba habet: *Rubore suffundi deberemus, quod omni timore Dei remoto, tam execrandis facinoribus colorem addere & ea excusare tentemus, cum præcipue cernamus nos 48 annorum spatio regiones majoris longitudinis, quam sit tota Europa & pars Asia ob hanc causam ut divitias consequeremur, destruxisse, eas terras depradantes & omni crudelitate, injustitia & tyrannide occupantes & usurpantes, quas humanis habitatoribus & incolis refertas vidimus, & in iis ultra viginti hominum miliones periisse certo scimus. Sed manum de tabula. Precemur Deum, ne & ad nos Magistra ista CVM VIRGA veniat! Quantum humani sanguinis Romani Pontifices effuderunt ob solam INVESTITVRAM Episcopatum & Abbatiarum? A tempore Gregorij 7. sub quo hæc disputatio in Ecclesia Romana exorta est, amplius centum prelia commissa sunt: Italia, Gallia, Germania incendiis & rapinis devastata fuit. Boni Christiani Symbolum erat: *pugnare pro R. E. jurisdictione*. Talem se Magistra nostra Roma in didactro exigendo gessit, ut aut vi extorserit aut superstitione oblatum cupidè acceperit. Quidnam illud? *Totum mundum*. Hujus enim se directam Dominam anno 1073. quo Gregorius 7. sedit, gessit. Quod tempus ad annum 1517 duravit.*

tavit. Interjectis 444 annis quam metho-  
dum docendi observavit? Scripturam in  
angulis monasteriorum situ & pulvere ob-  
ductam jacere passa est, imo providit ut abs-  
truderetur: reliquias adoravit: novos san-  
ctos canonizavit, eorumque cultum Eccle-  
siae injunxit: *Districte precipimus ut natalem*  
*Thoma martyris Cantuariensis olim Ar-*  
*chiepiscopi, diem videlicet passionis ejus solen-*  
*niter sub annis singulis celebretis, & A P V D*  
*E V M votivis orationibus satagatis peccatorum*  
*veniam promereri*: imagines venerata est:  
Spectra & animas functorum de statu pur-  
gatorij consuluit: cœnobita ad remissionem  
peccatorum impetrandam ædificavit: expe-  
ditionem in terram sanctam eodem fine sus-  
cepit. Hæc docendi methodus pro didactro  
varia regna mundi patrimonio S. Petri ad-  
didit, nunquam fere sine sanguine. Longa  
est historia, longæ ambages. Papa Adria-  
nus: *Sane omnes insulas, quibus Sol Justitia*  
*Christus illuxit, & quæ documenta fidei Chri-*  
*stiana susceperunt, ad jus S. Petri & sacro-*  
*sancta Romana Ecclesie non est dubium per-*  
*tinere*. Agebatur de Hibernia, quam Papa  
Henrico regi Angliæ occupandam, ea  
lege ut cathedras Petri tributum annuum  
penderet, tradebat. Hic Papa Arnoldum  
quendam Romæ flammis exurendum cura-  
vit, eo quod Magistrum nostram

Matthæus  
Paris. in Hen-  
rico 2. p. 91.

i. e. aliter  
instruere.

δαγωγῆν conaretur, ne negociis mundi se immisceret. Tandem musca in ejus os involitans Doctorem orbis è cathedra abire jussit. Visibile N V M E N in terris à musca! Hujus successor Innocentius 3. regi Angliæ Iohanni ita insultavit, quod morigerari ipsi nollet, ut totum regnum Angliæ in Fiscum Ecclesiæ converterit. Ita miser rex: *Ἰω-  
hannes Dei gratia Rex Angliæ. Volentes nos  
ipsum humiliare pro illo qui se humiliavit usque  
ad mortem, gratia spiritus inspirante, non vi in-  
terdicti, nec timore coacti, sed nostra spontanea  
bona voluntate, ac communi consilio Baronum  
nostrorum, conferimus & liberè concedimus  
Deo & sanctis ejus Apostolis Petro & Paulo  
& S. R. E. Matri nostræ ac Domino Papæ  
Innocentio 3, ejusque Catholicis successoribus,  
totum regnum Angliæ & totum regnum Hi-  
berniam cum omni jure & pertinentiis suis, pro  
remissione omnium peccatorum nostrorum, &  
totius generis nostri tam pro vivis quam pro  
defunctis. Item: D. Papæ fecimus & jura-  
vimus homagium. Salvis per omnia denariis  
B. Petri R. Ecclesiæ 2000 marcas estrealingo-  
rum annualim percipiat. ô Piscatorem!  
ô Magistrum! ô Πόρνῳ ἐπὶ αἰόλον. Facta  
est Filia Sion quasi meretrix effrons, non ha-  
bens ruborem! Nonne rex Anglorum, ait,  
noster est Vasallus? est, &, ut plus dicam,  
mancipium.*

Matthæus  
Parif. in  
Iohanne,

Matthæus  
Parif. p. 423.  
item 848.

CAP.

C A P. XIII.

*Concilia Oecumenica, & specialim  
Tridentinum.*

**D**E his ante egimus. Hoc sufficit scire,  
Concilia in Papalia Consistoria de-  
generasse. Turrecremata fatetur, l. 3. c. 11.  
8. Conciliis, quæ in Ecclesia præstantioris aucto-  
ritatis habentur, Papam nullum præfuisse. Jam  
vero statim rejicitur, nisi Papa in eo omnia  
suo R E M I G I O gerat. ô tempora! Cur  
olim præteritis seculis hoc præsidio Ponti-  
ficio concilia Oecumenica libenter carue-  
runt? Sufficit, ait Bell. *quod legatum miserit*, l. 1. de Conc.  
*qui personam suam sustinuerit*. Quid audio? c. 19.  
sufficit? Cur itaque à Legatis probatum Ba- l. 2. de Conc.  
siliense rejicitur? Sed ipse Bellarminus non c. 11.  
sine insigni contradictione suam ipsius sen- s. tertio.  
tentiam evertit. *Concilium Basileense una s. præterea.*  
CUM CONSENSU LEGATI Pontificia  
R. definiebat Concilium esse supra Papam.  
Quod tamen nunc judicatur erroneum. Itaque  
Legatus non sufficit. Nam, ut ait alibi, *Non*  
*habet illud privilegium non-errandi quod habet*  
*Pontifex*. Hinc argumentor: Aut sufficit  
legati approbatio Conciliis, aut non. Si  
prius, cur Basileense decretum respuitur?  
Si posterius, cur olim in 8 Conciliis Oecu-  
menicis Papa legatis mittendis putavit se

muneri suo satisfacere? Imo Bellarmini confessione ad Constantinopolitanum I. ne legatos quidem misit. Synodus Chalcedonensis legatorum etiam approbatione caruit, & tamen facta recta ejus autoritas in Ecclesia magis magisque effloruit. Sed pergamus. Concilia nullam amplius autoritatem habent. Nam liberrime respuuntur à Curia Romana QUOTIES LIBET. Sufficit hoc: *Non est approbatum.* Sed quomodo fit tandem ista confirmatio? *Pontifex mittere solet legatos INSTRVCTOS de sententia sedis Apostolica cum ea CONDITIONE, ut si Concilium consentiat cum judicio Apostolica sedis, formetur decretum; sin minus, differatur decreti formatio, donec R. Pontifex consultus respondeat.* Hæc praxis libertatem suffragiorum penitus tollit, quæ olim in antiquis Conciliis erat: hæc Episcopos meros Consiliarios, non judices constituit, quales olim in Conciliis erant. Quomodo libera Episcoporum suffragia sunt, si sententiam Solius Papæ tenentur sequi? Si non tenentur, quomodo firmitas Concilij à Papæ approbatione dependet? Olim vero legitima Concilia Pontifici repugnabant liberrime. Unde videmus Ecclesiam servitute oppressam à Christiana in Papanam degenerasse. Alterutrum necesse est, ut aut instructioni & sententiæ Pontificis Episcopi possint

I. 2. de Conc.  
c. 11. §. quod

possint adversari, aut iudices, quales olim erant, non amplius sint. At forsan Papa mutata sententia Concilij sensum sequitur, idque approbat. Hinc sequetur, Conciliorum decreta auctoritatem suam omnem à Papæ iudicio non mutuari. Hoc enim rejectum est. Sed novum quid Stapletonus affert inauditum melioribus temporibus Ecclesiæ :

*Doctrina Papæ in mediis* DISCURSIVA

L. 8. de doctrinal. princ. c. 14.

*est; in conclusione* PROPHETICA. Wright:

*Papæ in præmissis potest errare, sed non in conclusione.* id est, ut ego intelligo; Potest sine medio concludere, & sine argumento argumentari: vel clarius dicam, cum ratione i-

sanire. Feri Monachi iudicium longe præstat. *In rebus fidei, ait, non SATIS est dicere,*

Com. in Acta.

*VOLUMVS, MANDAMVS. Pollicemur*

*nobis QUIDVIS licere de plenitudine pote-*

*statis. Et quomodo Spiritus Sanctus huiusmodi*

*conventus probare possit? Olim concilia 1. E-*

*dicto imperatoris vel lege lata qua popu-*

*lus Concilij acta suscipere jubebatur, con-*

*firmabantur. 2. Assensu; qui communis fuit*

*omnium Episcoporum, non proprius solius*

*Episcopi Romani. Ita Episcopus Nicome-*

Sozom. l. 2. c. 15.

*dixæ Eusebius, Nicææ Theognis: Concilium*

*consentientibus animis confirmare decrevimus.*

*Constantinus de Niceno 1. Vos spero, quod in*

Eusebius de vita Constantini l. 2. c. 18.

*urbe Roma, in Italia, in Africa, in Libya, in*

*universa Græcia, &c. consentiente sententia*

conservatur, hoc vestra etiam prudentia appro-  
baturus. At jam Bulla Pij 4. super confirma-  
tione Conc. Trid. longe aliter. MANDAMVS in virtute sancte obedientie, & sub pœ-  
nis à sacris Canonibus constitutis, aliisque gra-  
vioribus ARBITRIO NOSTRO infli-  
gendis, universis & singulis Episcopis, ut ea de-  
creta in Ecclesiis suis observent. Num olim  
Silvester ita locutus est? Num olim S. Pe-  
trus in Concilio Hierosolymitano ita se-  
gessit? Merito Ferus: *Nos aliter conveni-  
mus quam Apostoli.* Certè de Concilio Tri-  
dentino Stella, at quantus vir? ita sensit ut  
à risu sibi temperate vix potuerit. *Qui fieri  
potest, ait, ut adversus hæreses disputet, qui non  
fuerit Theologus?* De his vera est Domini  
sententia. Si cæcus cæcum ducit, ambo in fo-  
veam cadent. Summa res eo devoluta est  
iniquitate temporum ut Papa sese absolute  
supra concilium efferat, suumque unius ju-  
diciū, neglecta autoritate œcumenici Con-  
cilij sequatur. Gregorius de Valentia: *Qui  
dicunt Concilium esse supra Papam, pugnant  
illi revera cum Pontificis Romane primatu.*  
Hinc argumentor: Qui revera cū prima-  
tu Papæ pugnant, non sunt Papistæ.

Patres 8. Conciliorum generalium, Afri-  
canarum item Synodorum, porro Constan-  
tieneses & Basileenses, imo Papæ ipsi, cum  
primatu hoc pugnant. E. non sunt Papistæ.

De

Comm. in  
Acta 15.In Lucam  
c. 6.Analys. l. 8.  
c. 7.



De Conciliis notum est, Cusanus. Est epistola *Papae Damasi* epistolis *Ambrosij* inserta, ubi *Papa* ipse fatetur, in causa *Bonasi* post Concilij decretum sibi formam judicandi minime competere. Neque aut mihi contra sententias vestras aliquid tentandum est. *Zosimus* *Papa*: Contra statuta Patrum aliquid condere aut mutare nec nostra sedis potest auctoritas. *Leo* *Papa* in Conc. 8. Canonibus *Nicanis* necesse est me perseverantem exhibere **FAMVLATVM.**

L. 2. de concordia, Catholica c. 18. 20.

*Ambrosium* vide Epist. 71, 73.

Quid item *Christiano* aliud agendum, quam hoc quod *Bernhardus* suggerit? Opponi possit Pontificis auctoritas. Sed **TALIS POTIVS** auctoritas proferatur, cui fas non est **CONTRADICERE**, summi illius Pontificis, qui per sanguinem ingressus est in Sancta Sanctorum. Non dico propositorum decreta à subditis dijudicanda esse, ubi nihil iungere deprehenduntur **DIVINIS CONTRARIUM INSTITVTIS**; sed necessariam dico esse prudentiam, qua advertatur quid adverteatur, & libertatem, qua ingenue contemnatur.

*Arias Montanus*. In rebus divinis auctoritas divina spectanda est; nec decet multitudinem, aut conditionem personarum, sed rem ipsam aestimari. In Gal. 1.

*Ut hoc clarissimè patefcat, en Episto-  
las tres Papæ LIBERII, (quorum ho-  
minum autoritas religionem in Papatu, ut  
Bajulus Mundi Atlas Orbem sustinet)  
ex quibus evidenter patet, de Deo  
solè Deo credendum esse.*

## EPISTOLA I.

Dilectissimis Fratribus, Presbyteris  
& Coëpiscopis Orientalibus.

LIBERIUS S.

Fragm. Hi-  
larij edita à  
Fabro.

Baronius  
tom. 3. ad  
annum Chri-  
sti 357. §.  
43. 44. col.  
803. & 804.  
edit. Colon.  
anno 1609.

**P**Ro deifico timore sancta fides vestra  
Deo cognita, & hominibus bonæ volun-  
tatis, sicut lex loquitur: Juste judicate, filij  
hominum. Ego Athanasium non defendo:  
sed quia suscepit illum bonæ memoriæ Ju-  
lius Episcopus decessor meus, verebar ne  
forte ab aliquo prævaricator judicaret. At  
ubi cognovi quando Deo placuit, jussu vos  
illum condemnasse, mox consensum meum  
commendavi sententiis vestris: literas ad  
hæcque super nomine ejus, id est, de damna-  
tione ipsius, per fratrem nostrum Fortunatianum  
dedi perferendas ad Imperatorem no-  
strum Constantium. Itaque amoto Atha-  
nasio,

natio, super quo statuta omnium vestrum à me cum Sede Apostolica suscipienda sunt, dico me cum omnibus vobis, & cum universis Episcopis Orientalibus, seu per universas Provincias pacem & unitatem habere. Nam ut verius sciatis, me veram fidem per hanc Epistolam meam proloqui: Dominus meus & fratre communis Demophilus; qui dignatus est pro sua benevolentia fidem veram & Catholicam exponere, quæ Sirmij à pluribus fratribus & Cœpiscopis nostris tractata, & exposita, & suscepta est. hanc ergo libenti animo suscepi, in nullo contradicens. Sane petendam credidi sanctitatem vestram, quia semper videtis in omnibus me vobis consentaneum esse: dignamini communi consilio, ac studio elaborare, quatenus de exilio jam divellar, & ad Sedem, quæ mihi divinitus credita est, revertar.

---

## EPISTOLA II.

Ursario, Valenti, & Germinio  
Liberius.

**Q**uia scio vos filios pacis esse, diligere  
etiam concordiam & unitatem Ecclesiæ  
Catho-

*Catholica, idcirco non aliqua necessitate compulsi, teste Deo dico, sed pro bono pacis & concordie, quæ Martyrio præponitur, his literis convento vos, Domini mei charissimi. Cognoscat prudentia vestra, Athanasium quæ Alexandrina Ecclesiæ Episcopus fuit, priusquam ad comitatum sancti Imperatoris pervenissem, secundum literas Orientalium Episcoporum, ab Ecclesiæ Romana communione separatum esse, sicut testis est omne Presbyterium Ecclesiæ Romana. Sola hæc causa fuit, ut tardius viderer de nomine ipsius literas ad fratres & Coepiscopos nostros Orientales dare, ut Legati mei, quos ab urbe Roma ad Comitatum direxeram, seu Episcopi qui fuerant deportati, & ipsi una cum his (si fieri posset) de exilio revocarentur. Et hoc etiam scire vos volo, quod fratrem Fortunatianum petij, ut literas meas ad Clementissimum Imperatorem perferat, quas ad Orientales Episcopos feci, ut scirent & ipsi una secum Athanasij communione me esse separatum: quas credo quod pietas ipsius pro bono pacis gratulanter accepit, quarum exemplar Philagrio Imperatoris Eunuchoprodat charitas vestra, hæc me benigno &*  
*inno-*

*innocenti animo gessisse. Quapropter his  
literis meū convento vos, & adjuro per  
Dominum Omnipotentem, & Christum  
Iesum Filium ejus, & Dominum nostrum,  
& Spiritum Sanctum, ut dignemini ad Cle-  
mentissimum Imperatorem Constantium  
Augustum pergere & petere, ut bono pacis  
& concordia, in qua pietas ejus semper ex-  
ultat, me ad Ecclesiam mihi divinitus tra-  
ditam jubeat reverti, ut temporibus ipsius  
Ecclesia Romana nullam sustineat tribulatio-  
nem. Me autem cum omnibus vobis Episco-  
pis Ecclesiæ Catholica pacem habere, his li-  
teris meis equo & simplici animo scire debe-  
tis, fratres charissimi. Magnum etiam vobis  
premium in die retributionis acquiratis, si  
per vos pax Ecclesiæ Romanæ fuerit reddita.  
Scire autem volo etiam fratres & Cœpisco-  
pos nostros Epictetum & Auxentium, pacem  
me & communionem Ecclesiasticam cum  
ipsis habere, quod credo grātanter susceptu-  
ros. Quicumque autem à pace & concordia  
nostra, quæ per Orientalem orbem firmata  
est, dissenserit, sciat se separatum esse à no-  
stra communione.*

EPI.

## EPISTOLA III.

Liberius Vincentio.

**N**on doceo sed admoneo sanctum animum tuum, Frater carissime, eo quod colloquia mala mores bonos corrumpant. Insidia hominum malorum bene tibi cognita sunt, unde ad hunc laborem perveni: & ora, ut Deus dei tolerantiam. Dilectissimus filius meus Urbicus Diaconus, quem videbar habere solatium, à me per Venerium agentem in rebus sublatum est. Sanctitati tue significandum credidi, me de CONTENTIONE ILLA, à nomine Athanasij RECESSISSE, ad FRATRES & COEPISCOPOS nostros ORIENTALES literas dedisse, & desuper nomine ejus, Vnde quia, Deo volente, & pax vobis ubique est, dignaberis convenire cunctos Episcopos Campaniae, ET HÆC ILLIS INSINUARE. Ex ipsorum numero una cum Epistola vestra, de VNANIMITATE NOSTRA & PACE ad Clementissimum Imperatorem scribe, de quo possim & ego de tristitia liberari. Deus te incolumem custodiat, frater. Cum

OMNI-

OMNIBVS *Episcopis Orientalibus pacem habemus & vobiscum. Ego me ad Deum absolvi. Vos videritis, si volueritis me in exilio deficere. Erit Deus iudex inter me & vos.*

EN 3 Bullas *Numinis in terris maximi,* quibus Arrianam hæresin confirmat, & orthodoxos omnes è navicula Petri ejicit. Sed quia res magni momenti est, hæc Bullas Notis commentariis illustrabo.

*Dilectissimis Fratribus, Episcopis Orientalibus.* ] Hi plerique omnes Arriani erant, & Athanasij hostes infensissimi. Horum plerique in Concilio Antiochiæ professi erant, filium patri dissimilem, καὶ ἐξ ὅσων ὄντων creaturam esse. Cujus impietatis ipse Constantius Imperator auctor & vindex exitit, teste Athanasio. Horum hominum perfidiam, *sanctam fidem* Papa Romanus publico scripto judicat.

Orat. contra  
Arrianos.

*Athanasium non defendo* ] τὸν σύλον τὴν ἐκκλησίαν, ut Nazianzenus eum indigitat. Hic in tot Synodis, Alexandrina, Romana & Sardicensi innocentiam suam adeo perspicue probat, ut calumniatores libellis oblatis Sardicensi Synodo, & Iulio Pontifici, falsæ accusationis & hæreseos veniam depre-

Hi<sup>9</sup>. Eccl.  
c. 8. item  
Tripartit. 4.  
c. 24.

Socrates.

deprecari coacti sunt. Unde liquet, crimina  
morum Athanasio impingi, ob eadem Ec-  
clesiæ communione excludi non posse. Epi-  
stola Concilij Sardicensis qua Athanasius  
defenditur apud Theodoretum extat. Hanc  
Liberius bene novit. Nam Concilium Sar-  
dicense celebratum est Anno Christi 347.  
undecimo à morte Constantini anno, in con-  
finibus Illyrij, Mysiæ & Thraciæ. Ipse au-  
tem Papa factus est Anno 352. Conven-  
runt Episcopi 347. Præcipui Episcopi fue-  
runt Hosius Cordubensis Episcopus, Maxi-  
mus Hierosolymitanus, Paphnutius, Spiri-  
dion, Serapion, qui omnes Nicæno Conci-  
lio interfuerant, & Arriani seorsum Philippo-  
poli conveniunt, & *ὁ ὁμῶς* *ἱεροῦ* excludunt, &  
Canones sub nomine Concilij Sardicensis  
passim disseminant. Interim Sardicenses Pa-  
tres Concilium Nicænum approbant, & A-  
thanasium absolutum Ecclesiæ suæ restitunt,  
deinde rerum facies adeo conversa est, ut,  
cum Imperator Mediolani Concilio coacto  
Anno 355, ubi ex Oriente nonnulli, ex oc-  
cidente 300 Episc. convenerant, eosdem ad  
damnandum Athanasij nomen induceret, &  
Liberium media nocte tumultus vitædi cau-  
sa Roma abducendum curaret & Berceam  
hoc facere recusantem relegaret, omnes  
Episcopi toto orbe Catholici sedibus suis  
ejecti locum Arrianis cesserint, ipseque  
summus



summus Præses Concilij Niceni Hosius ab Orthodoxa fide defecerit, cujus lapsus Baronius ita exaggerat : *Superavit mea sententia lapsus Hosij præteritorum omnium casum, sive Origenis sive Tertulliani vel quorumvis aliorum dixeris. Sed haud Hosij lapsu tragædia illa finem accepit, quæ casu Liberij Romani Pontificis longe reddita est lugubrior.* Dicite mihi Papistæ, an tum Ecclesia Catholica splendore, amplitudineque, hæreticorum conventicula antecelluerit? Hoc enim tertio quoque verbo jam ingeminatis. At passim nonnulli Episcopi orthodoxi claruerunt. Fareor; sed è Cathedris ejecti. Tales autem apud vos nullo numero sunt, qui nihil præter Cathedras earumque possessionem crepatis.

*At ubi cognovi quando Deus placuit, iuste vos illum condemnasse.*] Hoc nullus unquam Orthodoxus Episcopus dixit vel sensit.

*Fortunatianum.*] Episcopum Aquilejæ, qui primus teste Hieronymo Liberium ad partes Arrianorum persuasione adduxit.

*Dico me pacem cum omnibus vobis, & cum omnibus Episcopis Orientis habere.*] Frustra itaque Baronius se fatigat, disquirendo cui formulæ Sirmianæ Liberius consensum suum accommodarit: Arriani spatio 19. annorum, nempe ab Anno 341. novem formellas fidei ediderunt: primam Antiochiæ

in Encaniis : ultimam Arimini. Hæ omnes  
 τὸ ὁμοῦσιον excludebant, proque pomo Eri-  
 dis habebant. At in ea voce tanquam in Car-  
 dine tota controversia vertebatur. Grego-  
 rius Magnus: Τὸ ὁμοιον κτ' πὰς γραφὰς  
 πῶς ἀπλῶς τοῖς δέλεαρ ἡ, τὸ τ' ἀρεθείας  
 χαλκῶ περικείμενον· ἢ πρὸς πάντας ὁ-  
 ρῶσα οὖν· παρόντας εἰκὼν, ἢ κτ' πάντα  
 ἀνεμὼν λίκμησις. Semper à vero similitu-  
 do abest. Hujus Athanasius omnes istas for-  
 mulas constanter rejecit, quia manifestam  
 corruptelam Concilij Nicani redolebant.

p. mihi 151. Nam teste Sulpitio Severo, *ubi ὁμοῦσιον  
 erat scriptum, quod est unius substantia: illi  
 ὁμοῦσιον, quod est similis substantia, scriptum  
 esse dicebant, concedentes similitudinem, dum  
 adimerent unitatem, quia multum ab unitate  
 similitudo distaret. Sed quidam ex his ultra  
 processerant ἀναμοιχσίαν proficientes, &c.*

Eoque his certaminibus processum, ut istius-  
 modi piaculis orbis terrarum implicaretur. Nam  
 Italiam, Illyricum & Orientem Valens & Vr-  
 sacius caterique infecerant. Gallias Saturni-  
 nus Arelatensium Episcopus. Hispaniam Ho-  
 sius, quod mirum & incredibile, cum Nicana  
 Synodus autore illo confecta habeatur. Nam  
 ut verius sciatis me veram fidem proloqui, quæ  
 Sirmij à pluribus fratribus & Coëpiscopis tra-  
 ctata

*Etata & exposita est.*] Hilarius addit: *Hæc est perfidia Arriana.* Cui cur Baronius contradicat eo quem latet? Faber probat duas In fragm. tantum (non 3.) formulas Syriæ Sirmij editas fuisse. Hæc Formula à Marco Arthufæ Episcopo dictata, quæ sola ex 9. Arrianis formulis hæc verba habuit: *Filium similem patri per omnia, ut sanctæ dicunt & docent scripturæ,* ab Ursacio & Valente Patribus Ariminensibus obtrusa est, non in Concilio Sirmiano edita, sed aliquot annis post, nempe paulo ante istud Concilium. Hæc quia Consules additos habebat, Concilio Hæminensi partim bilem partim risum movit. Athanasius & Hilarius sententiæ nostræ adstipulatores sunt. Duas ajunt formulas in Syrmienfi Concilio editas. Priorem, qua Photinum damnarunt: alteram, quam Hilarius Hosij & Potamij blasphemiam vocat, quæ filium patre minorem ac plane dissimilem asseribat. Regulam Marci quæ Consules habebat, Athanasius asserit post illam Hosij blasphemiam scriptam fuisse. Hilarius initio libri de Synodis: *Gratulatus sum in Domino incontaminatos vos & illæsos ab omni contagio detestandæ heresæos perstirpasse, & missam proxime vobis & Sirmienfi oppido infidelis fidei impietatem non modo non suscepisse, sed nuntiata & significata damnasse.* Hæc est illa fides Hosij quæ autori-

Faber in  
Præf. frag-  
ment.

tate publica invulgata populisque indicta fuit, ut in eam jurarent. Hanc Liberius Papa approbat. Formula Marci edita est teste Theodoreto præfente Constantio, Eusebio & Hypatio [fratribus Eusebiæ Imperatrici] Coss. nempe Anno 359. in quem annum Concilium Ariminense incidit: At Concilium Sirmienſe celebratum est Anno 357. jussu Constantij, in quo Photinus damnatus, notaque confessio cusa est, illa nempe Liberij subscriptione confirmata blasphemia. Unde Romam revertitur. Sed à parte Cleri minimè recipitur. Felix ab Arrianis intrusus, qui interea loci pro Pontifice se gesserat, hoc videns Imperatorem hæreseos damnat, ab eodemque trucidatur. Hic dico, si Liberius nihil aliud fecit, quam Photinum damnavit, cur Hilarius eidem per anathema denunciatur? Cur à Clero rejicitur? Cur sedi ab Arriano Imperatore restituitur? Cur Romam ut Victor intrat? Cur metui ejus subscriptio tribuitur? Bellarminus agnoscit: Liberium etsi non *expresse* tamen *interpretative* in hæresin consensisse. Quicquid sit de consensu interno, certum est *expresse satis & aperte* Liberium mentem suam in epistolis declarasse. His stare cogimur. Et quid dubij superest? Liberius subscriptione sua Arriano Imperatori, & principibus Arrianorum & cunctis Orien-

L. 4. de Rom.  
Pont. c. 9.

Orientalibus ad annum 357. satisfecit. Negent hoc si possunt. Quid igitur tibi vis, Baroni? *Liberius*, ait, *priori formula subscripsit quæ Photinum damnat, & Christum* ὁμοῦς ὢν agnoscit, ὁμοῦς ὢν non negat. Quid tibi vis, inquam? Arrianus omnibus subscriptione sua satisfecit. Adeone tibi idem & simile non differunt? Adeone omnes Arriani, toto Oriente tibi hanc similitudinem professi videntur fuisse? Sed unde probas Liberium huic priori tantum formulæ Antiphotinjanæ subscripsisse? Certa ejus rei documenta afferas oportet. Quod de Hilario affers, nihil est. Nam is non tantum hanc in initio probavit, sed & Pseudo-L. de Syno-  
sardicensem, imo etiam Antiochenam in dis.  
Synodis sine offensione exposuit & excusare conatus est. *Nihil mirum aut vobis videri debet fratres carissimi, quod tam frequenter exponi fides coëpta sunt. Necessitatem hanc furor hereticus imponit.* Sed postea ut sunt secundæ cogitationes sapientiores, in libro ad Constantium omnes præter Nicænam damnat. *Nam etiamsi, ait, hæc nihil vitiosum subjacere affirmetur, non tamen causa religiosa voluntaria inest, quia mali mediatio est.* Athanasius orat. 1. contr. Arrianos, Catholicos monet ut formulas fidei Ursacij, Valentis, Demophili, Germinij, licet verbis ex sacra Scriptura desumptis scriptas, nihilo magis tamē

In Chron.

p. 152. edit.  
Franeker.  
Anno 1607.

admittant quam Christus Diabolum ex iisdem scripturis loquentem, quia impiorum sermones dolosi sunt. Et sane quam Orthodoxa potest esse fides illa, quam Narcissus, Theodorus, Eudoxius, Demophilus Episcopus Bercæ ubi Liberius exulabat, & cæteri perfidia inter Arrianos conspicui dictaverunt? Cur Hieronymus ait; *Liberium radio victum exilij in hæretica pravitate subscripsisse?* O delicatum Vicarium Christi! quale exilium? Sulpitius Severus: *Ceterum exules satis constat totius orbis studiis celebratos, pecuniasque eis in sumptum aſatim congestas, legationibus quoque eos plebis Catholica ex omnibus fere provinciis frequentatos.* Credemusne matronas quæ pro reditu Liberij apud Constantium benigne iisdem respondentem intercedebant, Episcopo suo in exilio defuisse? Denique ut uno dicam verbo, hæc subscriptio Syrmij facta Anno 357, tam efficax fuit, ut eodem anno Romam, non erroris quidem sed exilij triumphator papatus recuperata possessione, regressus sit, quod sola Photini damnatione non obtinuit, sed Arrianismi aperta & publica approbatione meruit.

*Hanc ego libenti animo suscepi, in nullo contradixi, consensum accommodavi, hanc sequor, hæc à me tenetur.*] Ita habet epistola in Fragmentis Hilarij, qui infallibilem nostrum judicem

judicem ob sententiam latam triplici execratione ἀναθεματίζεαι. *Anathema tibi à me dictum, Liberi, & sociis tuis. iterum tibi anathema, & tertio, prævicator Liberi.* Addit Hilarius: *Perfidiam apud Sirminum descriptam, quam dicit Liberius Catholicam à Demophilo sibi expositam, hi sunt qui conscripserunt. Narcissus, Theodorus, Basilus, Eudoxius, Demophilus, Cecropius, Silvanus, Ursacius, Valens, Euagrius, Hyrenius, Exuperantius, Terentianus Bassus, Gaudentius, Macedonius, Marthius, Aëticus, Julius Surinus, Simplicius, Junior* \* OMNES HÆRETICI. Ipse affirmat libenti animo se hanc fidem probasse, & testem Deum invocat. Cur Papæ jurato non credam de animo s v o i p s i v s testanti, quem nemo melius novit quam ipse? Sed demus adversariis, Liberium affectibus quibusdam abreptum hæresin probasse. Hoc illud ipsum est quod credimus, nempe Episcopos Romanos affectibus posse abripi eo usque ut errores approbent.

### *Altera Epistola inscripta*

*Ursacio, Valenti, Germinio.]* Hi sunt germanissimi Arrianorum omnium principes. Ursacius Episcopus erat Singiduni superioris Mysiæ: Valens Mursæ, Pannoniæ: Ger-

minius Cyzici primum, deinde Sirmij. τῶν ἀππίομαντων tragœdiæ choragi. Sed quales videntur judici nostro infallibili? *Filij pacis diligentes concordiam Ecclesia Catholica.*

*Non aliqua necessitate compulsus, Deo teste dico, sed pro bono pacis & concordie his literis convenio vos fratres carissimi.]* Hic nullam causam video cur jurato Papæ Papistæ nolitis credere, & nos ad credendum adigatis Papæ injurato. Pius 4. asseruit sibi decreta Tridentina probari. Simpliciter hoc credendum est. Credam, sed tunc, cum Vos credetis Liberio Sirmienfis fidei decreta approbanti. Consensus Pontificis cum Concilio, vestræ fidei fundamentum est, sed idem Arrianæ est perfidiæ. Quid si negem Pium 4. Tridentina decreta probasse? Ad Bullam ejus indubie me ablegabitis. Hic ego vos ad hæc *Bullas.* Quo prætextu vos hæc rejicitis, eodem Nos Tridentinas rejicimus. Ecquid beamus vos?

*Me autem cum omnibus vobis Episcopis Ecclesie Catholica pacem habere his literis meis æquo & simplici animo scire debetis fratres carissimi.]* Quid expressius unquam dici potest? En quam tempora mutata sunt! Olim tibi Liberi nemo credebatur quod Catholicus esses: jam nemo credit Arrianum fuisse. Hypocritam illum facitis, qui Dominum  
non



non corde sed voce negarit. Sit ita. quid proficitis? nempe Pontificibus publicè aliquod dogma approbantibus non semper credendum esse: Hypocrita Papa Ecclesiæ utilis est, modo actu externo definiat, quæ fidei sunt: sic hypocrita Papa noxius est Ecclesiæ si actu externo hæreses approbet. Hinc externa illa approbatione Ecclesia niti non potest. Summa huc redit, Papam perjurum, & hypocritam vel hæreticum fuisse. Ejusmodi autem hominum generi Ecclesiam inniti quis sibi persuadeat? Sed pacem ajunt Liberium cum Arrianis composuisse, quia se Catholicos fingerent. At tot confessiones ediderant, ut eorum sententia neminem latere posset. Nicephorus refert sollicitatum à Romanis Imperatorem reditum Liberio promississe, si in eandem cum Episcopis suis sententiam concederet. Quid sit? *ὁμοίως ἢ συνήνεν ἡ ἐξομῆσις ἔ γεμυῖται ὁ σιγμῖς, καὶ εὐάλης. ὁμοίως, ait. Summa,* nullus autor Latinus, qui ea tempora descripsit, hujus Liberianæ prævaricationis non meminit. Lyranus in Zachariam *Liberium* Cap. 11. *pastorem stultum vocat, eo quod finaliter Arrianus fuit.*

L. 9. c. 15.

Sozom. c. 15.  
Græc. Cod.  
L. 4.

Cap. 11.

De vi & metu quod afferunt ineptum est.

K k 5

1. Ipse

Catalogo in  
Fortunatia-  
no.

Pag. 150,

1. Ipse in Epistolis sibi vim allatam negat.  
2. Hieronymus: *Hic* ( Fortunatianus Ep. Aquilejæ ] *solicitaui fregitque eum & ad subscriptionem hæreseos compulsi.* Non Carnifex, non tortor equuleo & rota ; sed familiaris Episcopus argumentis . 3. Arriani: εἰ τὸν Λιβέρτον ΠΕΙΣΑΙΜΕΝ, πάλιν ταχέως κατηγόμην . 4. Sulpitius Severus: *Edictum ab Imperatore proponitur, ut qui in damnationem Athanasij non subscriberent, in exilium pellerentur.* Habuerat jam exilium . Quid amplius metuebat ? Quis ei ulla tormenta intentavit ? 5. In Epistola ad Vincentium ait: *Sanctitati tue significandum credidi me de CONTENTIONE illa, à nomine Athanasij recessisse. Vnde Deo volente pax vobis, &c.* Quid hic non liberum ?

*Quicumque autem à pace & concordia nostra per orbem terrarum volente Deo firmata, dissenserit, sciat se separatum esse à nostra communione.] En fidem en dextram !* Quid amplius vis, Papista ? Hic 1. videndum an Liberius Papa Romanus fuerit. 2. an consensus fuerit notus cum tota Ecclesia visibili. 3. an ut Papa è Cathedra hæresin probarit.

1. Papam fuisse negare nemo potest. Bellarminus: *Durante Libery exilio Felix non fuit verus Papa, quia duo simul esse non poterant.* Bene. Hæretici enim ut potestatis Eccle-

Ecclesiasticæ nihil habent ita nihil dare vel auferre cuiquam possunt. Vnde sequitur Liberium è sede pulsum mansisse cum qui fuit, nempe Papam, nec Felicem quicquam sibi juris acquisivisse. Sed pergit Bellarminus: *post biennium lapsò Liberio abrogata à Clero dignitas est, & Felix verus Papa cœpit esse*: ô mentis ægræ somnia! Quis historicorum hoc ait? Hieronymus narrat per multos ex Romano Clero pejerasse & ad Felicem accessisse. Pontifici abrogari dignitas sine actione solenni nequit. Sed cur clerus R. dignitatem Liberio abstulit? Non quia Arrianus fuit, hoc enim negat, sed quia pacem cum Arrianis fecisset. En crimen! Nonne Felix Arrianorum pace ad Pontificatum obrepserat? Sed dicat Bellarminus, quando Liberius Ep. R. esse desierit? Certe non prius quam à Clero R. destitutus est. Ergo ante destitutionem legitimus Papa fuit. Ac destitutionem vult factam esse ob lapsum in hæresin. Ergo lapsus est, & subscripsit hæresi cum adhuc Episcopus legitimus & Papa fuit.

2. Hic consensus Liberij privata non fuit cum aliquibus Episcopis conspiratio; sed cum iis qui Ecclesiam totam Catholicam repræsentabant plena & publica consensus. *Pax erat firmata per orbem terrarum: pax erat cum generali Concilio: pax erat cum*  
Impe-

*Imperatore Romano.* Sirmianum Concilium Baronius *Conventiculum Satanae* appellat. Concedo fuisse. Sed ex hypothefi fuæ doctrinæ aliter debet loqui. Nam Concilium tanti est, quanti à Papa fit. Concilium legitimum est, quod à Papa approbatur. Tale fiat Sirmianum. At non convocatum est à Papa. Nec Constantinopolitanum 1. à Damaso convocatum est. Quid adhæc Bellarminus? Sufficit ut Concilium legitimum sit si Papa non impediat, sed acta approbet. En tibi Concilium legitimum! En consensum!

3. An ut Papa à Cathedra Arianismum Liberius approbarit, dubium nemini potest esse, qui novit quid sit à Cathedra definire. Papæ Avenione poterant controversias definire si universam Ecclesiam ad credendum anathemate obligarent. Bene. Sic Liberius se gerit. Omnes enim à sua communione removet, qui pacem Arrianam detestarentur. Gregorius de Valentia: *Quæcumque Pontifex asserit obligando universam Ecclesiam ut illud recipiat, nec quisquam audeat sibi persuadere contrarium, tum certa fide credendum est illum infallibiliter ex divina assistentia id asserere.* Bellarminus: *Pontifex cum totam Ecclesiam docet in his, quæ ad fidem pertinent, nullo casu errare potest.* Salmero satis caute: *Asserimus quod Papa, ut Papa,*  
id

L. 4. de  
Pont. c. 3.

id est, sedens in Cathedra, & legitime clave  
scientia sibi singulariter credita utens, & rem  
fidei determinans, errare non potest, ita ut desi-  
nial quicquam contra fidem. Quando autem  
hoc fit? Nempe cum apparet praeceptum esse,  
quod OMNES sic credere & sentire debeant,  
sicut est determinatum. Ergo obliget modo  
omnes, & statim patebit legitime scilicet  
usum clavibus suis Papam fuisse. Videamus  
jam Liberij determinationem. Hæc facta  
est cum summa obligatione universæ Eccle-  
siæ ad credendum. Nam diversum sentientes  
sua è communione, & per consequens è Ca-  
tholica Ecclesia, & tandem è coelo, eliminat.


Liberius fuit Pastor Oecumenicus, Vice-  
Deus in terris, qui cum Deo unum tri-  
bunal habet, ita ut ab eo ad Deum  
provocari nequeat.



Sed

*Sed quantum Baronij labor, quem  
in excusando Liberio sumsit, profectet, est  
videre ex epistola Clarissimi & Doctissi-  
mi Theologi D. JACOBI  
LAURENTII, quam  
Notis hisce attexui.*

Vir Doctissime, ac ornatissime,

 *Vod posterioribus tuis haecenus neque  
responderim, neque petitioni tuae sa-  
tisfecerim, varia fecerunt impedi-  
menta, quae si aperirem, etiam tibi abunde  
satisfacerent. Itaque ut tandem aliquando  
hac in parte officio meo apud te defungar,  
ecce hasce responsiones à nobis benignè ac  
cum tarditatis nostrae excusatione accipe.*

*Duo in istis à me impense atque obnixè  
petis: Primò, ut Baronij rationes & ex-  
ceptiones brevissimè refutem. Secundò:  
ut judicium meum de argumento tuo quo  
responsionem cujusdam P. Serviam, Jesuita  
Lovaniensis refutas expromere velim. Ac  
de hoc quidem altero omnino sic statuo, re-  
sponsionem illam prorsus esse solidam ac  
verissimam, adeoque & ego tecum dico*

ac

*ac scribo tuis verbis: Ecclesia non potest  
externam Pontificum approbationem amplecti, obnoxiam nempe simulationi & errori, &c. Itemque concludo: Quia ergo Ecclesia animos Pontificum intueri nequit, solum externum judicium, vel voce prolatum, vel scripto comprehensum, sequitur. Ergo illud debet esse infallibile. Refutationem autem assertionis Baronij statuen-*

*tis, Papam Liberium PRIMÆ fidei Sirmianæ assensum præbuisse, & non nisi B A M approbasse; eamque fuisse Catholicam, & Catholicæ veritati consentientem, sic habe, præmissa sententia & probatione ipsius Baronij.*

Baronius  
Tom. 3. ad  
annum Chri-  
sti 357. num.  
marg. 9. &  
47. & 51.  
Col. mihi  
792. &  
805. &  
807.

*Primo probat Baronius argumento du-*

*plici: ex verbis Sozomeni lib. 4. cap. 14.*

*ubi sic scribit: Vicissim autem Con-*

*fessionis fidei formulam à Liberio ab-*

*duxerunt, quæ illis qui Filium Patri*

*non substantia, & cæteris omnibus*

*similem asseverarent, interdixit Ec-*

*clesia. 2. Quia à S. Hilario unus O-*

*fius adducitur in crimen, quod tacen-*

*dum dixerit utrumque, nempe, sub-*

*stan-*

Id. m. ibid.  
num. marg.  
47. & 48.  
Col. mihi  
805.

stantiæ nomen in Filio, & omnimodam cum Patre similitudinem. Quo ipso, *inquit*, plane declaratur, verum esse, quod de Liberio habet Sozomenus, professione fidei ipsum statuisse, Filium Patri substantiâ, atque in omnibus rebus similem, cum Osius utrumque tacendum non esse dixisset, cui si connivisset Liberius, ante omnes fuisset ab Hilario nominatus.

*Alterum probat Baronius argumento*

*Idem ibid. itidem duplici. 1. Quia eam interpretando Catholicam esse probat Hilarius. Sive, quia eam Hilarius cognovit esse Catholicam, cum eam est interpretatus. 2. Quia longe aliud & plane diversum est dicere, Liberium rejecisse ac damnasse in Filio nomen consubstantialitatis cum Patre, aliud, vocem illam silentio suppressisse. Et, asseverando Filium esse ejusdem cum Patre substantiæ, idem est, inquit, quod dicere, esse Filium Patri consubstantialem,*

*num. marg.*  
46. & 50.  
*Col. mihi*  
805. &  
807.

*Idem ibid.*  
*num. marg.*  
49. *Col.*  
*mihi* 806.

Refu-



Refutatio.

1. De Liberio ita expresse ipse Sozomenus  
*lib. 4. cap. 15. hoc est, eo ipso Capilesecun-*  
*dum meum codicem, ex quo precedentia citat*  
*Baronius.* Roma Sirmium reversus *Sozomenus*  
Imperator intercedentibus occiden- *pag. mibi*  
talibus Episcopis, Liberiū ex Berœa *608.*  
evocat, &, præsentibus Orientalibus  
legatis, sacerdotes qui in castris erant  
congregat, cogitque illum confiteri,  
Patri Filium non esse homouſion.  
*Quod sane non est nomen consubstantialita-*  
*tis simpliciter retinere. sed rejicere ac damna-*  
*re; Et confiteri, Patri Filium non esse ho-*  
*mouſion, idem est quod dicere, Filium Patri*  
*non esse consubstantialem. Neq; aliter quo-*  
*que de hoc negotio Nicephorus lib 9. cap. 35.* *Nicephorus*  
*ſic ſcribens: Vbi Constantius Romam* *col. mibi.*  
venit, populi, & nobiles tatis illustriores *ſ 12.*  
foeminæ, pro Liberio deprecantes ut  
illum restitueret ei institere. Et Im-  
perator cū Episcopis suis re commu-  
nicata, redditurum se eis hominem  
pollicitus est, si in eandem cum Epi-  
scopis suis concederet sententiam.

L I

2. Etiam

Hilarius a-  
pud Baro-  
nium ibid.  
ubi supra,  
num. marg.  
50. Col. mi-  
hi 307.

2. Etiam de Liberio sic ipse Hilarius in libro fragmentorum de Synodo Ariminensi, S. Hilarii Episcopi Pictaviensis titulo insignito, ac edito Parisiis, à Fabro Papista, uti refert ipse quoque Baronius: Anathema tibi à me dictum Liberi, & sociis tuis: Iterum tibi anathema, & tertio, prævaricator Liberi.

Sozomenus  
ibid. ubi su-  
pra.

3. Ne ipsa quoque prima Sirmensis formula fidei Filium Patri substantiæ & cæteris omnibus confitetur esse æqualem, sed tantum similem. Ita enim expresse Sozomenus; non solum in citatis à Baronio, sed etiam cap. 13. vel potius 14. in illis verbis: Filius Dei secundum essentiam Patri SIMILIS ostendebatur. Itæque ipse Ba-

Baronius su-  
pra.

ronius in citatis: De Liberio habet Sozomenus, professione fidei ipsum statuisse, Filium Patri substantia atque in omnibus rebus SIMILEM. Jam vero quamvis ista duo differant, Filium Patri substantia, sive essentia esse similem, & esse æqualē, per se notum est, & patet quoque di-

Semiariani  
apud Epipha-  
nium, pag.  
mibi 405.

ferre ex Epiphano, hæresi 73. ubi semiantiani uti eos ille ibi vocat, ita expresse: Non dicimus coessentialē, sed essentia similē.

4. No-

4. Notum quoque erat, & fatetur ultro ipse etiam Baronius, quod authores illius primæ formulæ fidei Sirmianæ, nempe, Marcus, Demophilus, Eleusinus, & Eustatius (sive illos Semiarianos vocet, uti contendit Baronius, sive Arianos vocet. namq. & ipsum illum Demophilum inter Arianorum principes numerat ac recitat ipse iterum Baronius ad annum Christi 359. num. *Baronius i-  
bid. ubi su-  
pra. num.  
marg. 49.* marg. 3.) in alium sensum substantiæ vocem inflecterent, subdole eo nomine usi.

5. Quantum momenti pro fide Catholica & orthodoxa situm esse judicarint olim orthodoxi in recensione vocis Consubstantialitatis, in fidei formula, patet non solum ex Patribus, atque ex Historia Ecclesiastica, sed & agnoscit ac profitetur ultro iterum ipse Baronius, *ibid. ubi ante, num. marg. 9. Idem Col.  
mibi 792.* aperte scilicet & ipse asserens, quod omnis aditus hæresi Arianae irrepere fatagenti præclusus non sit, nisi pariter secundum regulam Nicænæ fidei vox consubstantialis apponatur. Ideoque de B. Athanasio sic vel ipse iterum Baronius ad annum Christi 359. num. marg. 10. Sci- *Idem Col.  
mibi 829.* mus,

mus, ab Athanasio hanc (*loquitur de Sirmiana tertia*) & omnes Arianorum formulas, in quibus Consubstantialitas Filii Dei cum Patre non exprimitur, ut hæreticas esse repudiatas. Adeoque *secundum* Athanasium nullum revera est discrimen inter nomen illud Consubstantialitatis rejicere ac damnare, & inter silentio illud suppressere.

6. Denique, uti scribit atque agnoscit ipse iterum Baronius, ad annum Christi 357. *Idem Col. mibi 808.* num. marg. 55. In Oriente, & in Occidente increbuit rumor, Liberium inhæsisse Constantio, & hæreticum evfiasse, quod Nicænam fidem proderere visus esset, tum omittendo Confessionem Consubstantialitatis, tum etiam ejus propugnatorem Athanasium condemnando. Tanti enim momenti existimabatur Athanasii causa, ut qui in eum subscriberent, in Nicænam pariter fidem ferre calculum viderentur. *Id. ibid.* Quin & Liberius jam Romam reversus, refert & scribit ipse iterum Baronius, *ibidem*, num. marg. 57. & 58. quod adeo turpiter Constantio confisisset, pluri-

plurimorum à se animos abalienatos invenit, sicque qui Felicem antea abhorrebant, vitataque ejus communione, inhærétes erant Liberio, re audita, ab eo deficientes Felici Catholicæ fidei vexillū extollenti sese junxerunt. A quo tempore cepit Felix, ante schismaticus, haberi jam ab illis legitimus Romanæ Ecclesiæ Pontifex; existimatusque Liberius, ob manifestā cū hæreticis communicationē, ex Epistolis ab ipso scriptis de conviventia cum Arianis, à communicatione Catholicorum prorsus extorris; impossibile esse judicantibus cunctis, eundem Liberium communicare posse hæreticis atque Catholicis. Cū igitur adeo manifeste constaret de ejus communione inita Sirmii cum hæreticis, ex eo ipso necessario videbatur exclusus à communione Catholica, atque ob id etiam à Pontificatus functione penitus alienus. His igitur tunc Liberio obnixius resistentibus, ejusque communicationem Ariano fædatam contagio execrantibus, magna Romæ tur-

L 13                      batio

batio facta est, & plane persecutio excitata à Magistratibus adversus eos qui non parerent literis Imperatoris pro Liberii restitutione conscriptis.

*Ex dictis vero nunc porro potius evincitur, Libertum, non quidem secundam Confessionem formulæ Sirmianæ, ob nimiam apertam expressamque heresis Ariana impietatem (ut pote in qua, teste Baronio, num. marg. 25. dicebatur Filius Dei à Patre dissimilis secundum essentiam) ab ipsis Authoribus & Imperatore Constantio statim revocatâ atque abolitâ, sed tamen non primâ, sed tertiam approbasse etque subscripsisse. Interim & in hac quoque, non solum, ut & in prima, tantummodo dicitur, esse Filium SIMILEM Patri suo; verum etiam & ipse nomen, substantiæ, omnino fuisse sublatum, & hoc ideo, quia illud non extare dicebant in Scripturis, & quia captum nostrum superaret, cum nemo nativitatem Filii enarrare possit. Verba ipsa Confessionis sic habent: Vocabulum substantiæ, quia simplicius à Patribus positum est, & à populis ignoratur, & scandalum affert, eo quod in Scripturis non*  
con-

contineatur, placuit, ut è medio tolleretur, & nullam posthac de substantia mentionem esse faciendam, eo quod sacræ Scripturæ nunquam meminere substantiæ Patris, & Filii: Filium autè per omnia SIMILEM esse dicimus, quemadmodum sacræ literæ dicunt & docent. *Vti legere est apud Athanasium, de Synodis Arminie, & Seleucia pag.*

*mibi 319. Verum, quia & hanc quoque formulam Baronius scribit existere consentientem Catholicæ professioni, & non ita adversam fuisse Catholicæ fideri, ut manifestam hæresim contineret, quæ tamen ut jam ostensum, & ipsa quoque Patri Filium non proficitur æqualem, sed tantum similem atque ipsum quoque nomen substantiæ expresse rejicit, parum equidem interest, primam illam an hanc tertiã Libertus approbarit, maxime autem cum utraque, ob rationem jam dictam non sit orthodoxa, sed vere hæretica.*

Id. ad annum 357.  
num marg.  
46. & ad annum 359  
num. marg.  
10.

*Itaque ex veteribus ita aperte B. Hieronymus in Catalogo, de Fortunatiano: Liberium sollicitavit ac fregit, & ad subscriptionem hæreseos compulit.*

*Athanasius*  
*pag. miki*  
*392.*

*Iyra Col. mi-*  
*bi 2185.*

*Lindanus.*

*Jdem in Chronico:* Liberius tædio victus exilii in hæreticam pravitatem subscribens, Romam quasi victor intra- vit. *Neque alta mens B. Athanasii in Epist. ad solitariam vitam agentes :* Liberius post exactum in exilio biennium inflexus est, minisque mortis ad subscriptionem inductus est. *Eademque sententia* verior videtur *Bellarmino lib. 4. de Rom. Pontif. cap. 9. sect. 5. Quin & aperte ex ipsis Papistis ita Lyranus in II. cap. Zacharie, super verbis illis:* Adhuc sume tibi vasa pastoris stulti &c. Potest etiam exponi de Liberio Papa, qui dicitur pastor stultus, eo quod fuit nâaliter Arianus. *Jtem Lindanus Panopl. lib. 6. cap. 6.* Liberius gravissime fractus ærumnis, in sententiam impii Constantii cessisse, adeoque subscripsisse fuit judicatus.

*Hæc sunt, vir doctissime, quæ super sententia ista Baroniana, adeoque de facto isto Papa Liberii ad amicam seriamque tuam petitionem, in presentiarum, tum per occupationes, tum etiam per infirmitatem corporis, quæ tamen per Dei gratiam jam utcum-*  
*que*



*que diminuta est, elaborare mihi licuit.  
confido ea & tibi probari, nec ingrata fore.  
Vale mi Theodore, meque inter amicos tuos  
reputa. Scripsi Amsterdami ad diem 1.  
Aprilis 1638.*

Tuus ex omni officio  
IACOBUS LAURENTIUS.

## A P P E N D I X

### *De vita Francisci.*

**R**uctus doctrinæ Antichristo propriæ est impietas. Hæc duplex est: *Nuda & Vestita.* *Nudam* prioris partis cap. 5. contemplati sumus. Restat ut *Vestitam* & *sanctitatis professione personatam* dispiciamus. Illa, sacri cleri superbia, luxuria, avaritia, ambitio, superstitio, ruditas, crudelitas in omnium oculos & voculas incurrit; hæc mantello simulatæ sanctimonix oblecta simplicioribus se mirifice approbat. Illi priores, ut *dedecore se vivunt, ita turpiter pereunt*; hi tanquam cœli Romani bajuli humeris totam Hierarchiæ molem sustinent. Et quia tanti est exercitus, quanti Imperator, age, Francisci vitam methodo in scholis recepta describemus. Non nemo te-

Aurelius Victor.

statut Pontifices Romanos iis in cœlum mediis conari ascendere, quibus Lucifer inde descendit. Intelligit opinor *superbiam*, cui viam istam arduam inviam esse constat. Hinc S. Franciscus alia rem via aggressus est. Nempe Humilitate. Hæc ut vera Deo apprimè placet, ita ficta summe displicet. Utrius affinis ipse fuerit, res ipsa docebit, Hujus vitam contemplationi nostræ selegimus. Ludovicus Granatenſis Dominicanus scribit Franciscanum ordinē habere fere *plura Monasteria, quam reliqui omnes*. Hic status habetur summæ perfectionis, ut *hierarchicus* dicatur. Franciscus sedem Luciferi occupavit, quod Diaboli testimonio patet. Cum in metu essent discipuli 12, ne minis asperam *Regulam* conderet, Christus aperte è nubibus ut *θεός εἶπὼ μὴ χαλῆς*: *Francisce, nihil est in regula de tuo, sed totum est meum quicquid ibi est. Et volo quod Regula sic servetur ad literam, ad literam, ad literam, sine glossa, sine glossa, sine glossa*. In iis hæc est: *Ne studia curent*. Hic ordo tam sacer est ut nemo in habitu ejus moriens damnetur. Additur, hoc *pie & sane* intelligendum, sc. si *Regulam servaverit*. Sed ex praxi perpetua moribundorum aliter patet. Hi enim qui nunquam hoc vitæ genus secuti fuerunt, habitu isto peccata sua regi desideraverunt. Ordo liberaliter etiam hac mortalibus persuasio-

Conc. 2. de S.  
Francis.

Conform. p.  
3. p. 77.

Risum tene-  
atis amici &  
pag. 91.

ibid.

ne

ne imbutis eundē impertit. Hinc cum Diabolus fratrem quendam sacra indutum veste in infernum abspottasset, eandē coactus est Francisco reddere. Denique per Franciscum recta ad Deum itur. Ita ait: *Fratres, Deus vocavit me per viam simplicitatis & humilitatis : hanc viam ostendit mihi pro me & pro illis qui volunt MIHI credere, & ME imitari. Capitulum quarta Regula.*

Hæ manus  
argenti olent.

p. 119.

*Præcipio firmiter fratribus universis, ne nullo modo pecuniam recipiant nec per se nec per alium subornatum.*

Hic Magister  
non tenetur.

Sed & prius pauca de autoritate & stylo libri, deque conformitate adspergam. Liber totius Ordinis consensu editus est.

*Bartholomæus de Pisis S. Theologie Magister indignus Reverendis in Christo patribus, fratribus, Henrico Generali Ministro, & aliis Ministris Assisii &c.*

*Cupiens aliquid componere ad Francisci laudem, gloriam & honorem, offero corrigendum vobis, deprecans instanter ipsum Patrem Franciscum, ut vos & totum Ordinem Minorum in agendis dirigat, & ad gaudia perducat aterna. Amen. Assisii 1. Augusti.*

*Responsio Capituli Generalis.*

*In Christo sibi carissimo fratri Bartholomæo de*

Citius quam  
asparagi co-  
quantur.

de Pisis Fr. Henricus & ceteri conegrati De-  
finitores Assisi anno Domini 1399.2. Aug.  
salutem & pacem.

Aliter judi-  
cassetis, nisi  
jecinur aut  
animam anse-  
ris habuissc-  
tis.

Opus quod divina favente clementia, & in-  
titulatur de conformitate vite B. Francisci ad  
vitā Domini nostri Iesu Christi, fecisti, inspici,  
discuti & examinari fecimus DILIGEN-  
TER cum arbore, quam nobis PERSONA-  
LITER presentasti, & nihil invenimus  
CORRECTIONE dignum, sed laude, de  
quo tua regratiando PRUDENTIÆ præ-  
sentibus damus licentiam &c. In cuius rei  
testimonium presentem literam in Registro Or-  
dinis positam fecimus sigillo generalatus officii  
impressione muniri. Data in dicto sacro lo-  
co. &c.

Quis tanta  
sando tempe-  
ret à risu?

Opus est impressum Mediolani in edibus  
Zanoti Castilionei anno D. 1513. ad laudem  
& gloriam B. Mariae, 18. Augusti, dominante  
Maximiliano Sfortia, quo anno ob bella ci-  
vitas per annum fere interdicto subjacuit Eccle-  
siastico, quoque Leo X. Papa factus est. De  
stylo Autoris ita Typographus philosopha-  
tur in calce libri. Vocabula mirus Gramma-  
ticalia non immutavi, quoniam à Spiritu san-  
cto ita exeunt in viros graves, ne hominum ju-  
dicio & Grammatica subjaceant. Absurdum  
enim tam sancti viri iudicium cuius ingenio  
plusquam 30. volumina edita ingentia libro-  
rum, Grammatices iudicio subjacere. Ergo hoc  
egregium

*egregium opus suscipite. Distribuímus rem in*  
 3. tempora. 1. id quod vitam antecessit.  
 2. id quo vixit. 3. id quo obiit.

*De ortu.*

Mi Francisce, *quæ te tam lata tulerunt se-*  
*cula? Qui tanti talem genuere parentes? Pa-*  
*tre non admodum propitio usus est. Hinc*  
*ejus maledictis succlamatus Mendicum pro*  
*patre sibi adscivit, ut dum alter ipsi male-*  
*diceret, hic benediceret. Patri Petrus Bern-*  
*hardo Mercatori: Matri nomen Pica fuit. p. 28.*  
*cujus dictum inprimis fertur. Quid, putatis, p. 134*  
*iste filius meus erit? Meritorum gratiâ Dei*  
*filium ipsum noveritis futurum.*

Antiqua legenda habet, nato Francisco *ibidem:*  
 turbatum fuisse in inferno, dæmonesque  
 credidisse judicii diem appetisse: tandem  
 cum nondum illuxisse perspicerent, dixisse,  
 natum esse quendam qui infernum commo-  
 turus sit, continuoque de natali Francisci  
 cognovisse.

Sibylla sub rege Priamo de Francisci or- *p. 10.*  
 tu vaticinata hisce verbis est. *In ultima etate* *Τὸ δὲ δὲ*  
*humiliabitur Deus, & humiliabitur proles di-* *ἡ ἀλή-*  
*vina. Jungetur humanitati divinitas. faciet* *ἡ ἀλή-*  
*in sæno agnus.* *ἡ ἀλή-*

Hinc merito auctor Conformitatum ita *ΣΕ).*  
 librum exorditur. *In nomine Domini nostri*  
*Jesu Christi & B. Virginis Mariæ & B. Pa-* *p. 1.*

*tris nostri incipit Opus, &c. Christus mihi & ipsis, MERITIS almiferi Confessoris Francisci, signiferi ejusdem Dei & Domini nostri Jesu Christi, in presenti GRATIAM & in futura aeterna FELICITATIS regnum tribuat.*

Sed in vita ejus 2. expendemus. 1. Mores. 2. Miracula. Mores considerantur vel in ficta perfectione, vel in vera fatuitate.

### *1. De Francisci ficta perfectione.*

pag. 1.

Autor ait Franciscum studio hoc unice habuisse ut Christum amaret super omnia, ei soli omni spe & fiducia adhæreret, nulloque alteri.

Extant sententiæ sane quam piæ in Conformitatibus, quas Francisci discipulus Ægidius usurpare solitus est. *Tantum quisque credit quantum operatur. Si bene crederes, bene operareris.* Hoc totum est à Reformatis. Hi enim fidem salutis largitricem haut aliam ac societam bonis operibus agnoscunt.

*Si vis bene audire, sis surdus.*

*Si vis bene vivere, crucifigete.*

*Gratia non vult laudari; vitium non vult vituperari.*

*Si quis perfecte haberet veram fidem, ple-*

*plenam de salute sua certitudinem nancisceretur.*

*Si te ipsum vincis, omnes inimicos vinces tuos.*

*Si proximum te offendentem non minus diligis quam ante, vere diligis; alias te ipsum dilexisti.*

Hoc aurum è stercore primum omnium colligendum censui.

Euangelium servavit *πρωτος*, nec apicem p. 2.  
ibid. unum vel iota transgressus. Tradit solus, regulam in Euangelio fundatam *speciali modo & forma*. Non est ei inventus similis qui legem excelsi conservaret, Eccles. 44. Omnes p. 41. omnium sanctorum virtutes tam V. quam N. Testamenti in eo fuerunt *unitive*, quia fuit factus Christo similis. Hoc probatur Conform. 1. & 25. Fr. Leo vidit Scidam p. 5. à Spiritu Sancto in caput Francisci dimitti cui inscriptum erat: *Hic est gratia Dei. Me-* p. 3. *rito per Patriarchas, Prophetas, Apostolos, Martyres, Confessores, Doctores, Virgines & alios justos Franciscus figuratus est.*

Enoch & Elias lætati sunt ortu Francisci, ut Legenda Fr. Benedicti de Aretio in Pa- p. 21. radisum translatis habet. S. Joannes in ordine Seraphico sublimatus: B. Franc. in ipso ordine Cede majori. Luciferi sedem occupat. Johannes verbum de   
 *peni-*

Nos sumus  
ergo pates.

*pœnitentia accepit à Domino: B. Franciscus  
à Deo & Domino Papa.*

Angelus ali-  
ter :  
No feceris.  
Deum ado-  
ra.

Orto bello inter Perusium & Assisium  
captus est. In carcere ita se gessit ut risui  
omnibus esset. ipse vero: *Quid putatis de  
me? Adhuc adorabor per totum mundum.*  
Tandem purgatorium evacuavit Fr. Leo  
vidit Franc. in aëra sublatum. Hinc in hasce  
preces erupit. *Deus propitius esto mihi pecca-  
tori & per merita hujus sanctissimi viri fac me  
tuam invenire misericordiam.* Tandem Dia-  
bolus possidens fœminam adjuratus hoc de  
Francisco testatus est: *ille stomachosus ita  
amicabiliter fuit conjunctus cum crucifixo &  
transformatus in ipsum, quod Deus voluit PER  
EUM salvos facere Christianos.*

p. 221.  
Dignum pa-  
tella opercu-  
lum!

p. 2.

Christus, B. Virgo, Ioh. Baptista, Evan-  
gelista, Petrus, Paulus, Abraham, Angelus  
Michaël crebro ad Franciscum inviserunt.  
Christum infantem in ulnis gestavit. Vir-  
ginis pulcherrimæ osculis & complexu à  
principio noctis ad stellam usque matuti-  
nam recreatus est.

p. 1.

Tandem illud in Franciscum verè verbum,  
ut docent, accidit: *Faciamus hominem ad  
imaginem & similitudinem nostram.* Consilio &  
divina providentia Franciscum missum patet.  
Gen. 1. quia Deus ait: *Faciamus.* Fuit homo  
perfectissimus, quia ad imaginem Dei. exem-  
plarissimus, quia ad Dei similitudinem. neque de  
ligno



*ligno mali comedit. Filius Dei sibi Franciscum per omnia similavit. B. Maria ut Franciscus in mundum mitteretur, Patri & filio supplicavit.*

*Est signifer & cancellarius Christi, imo the-  
saurarius. quod sane nescio, an Papæ Ro-  
mano satis placeat. Denique Iesus Typicus  
est, quod quidam verificador ita haut gra-  
vatus est exprimere:*

<i>Francisce Iesu Typice, Dux, Forma que</i>	Φασι μὲν
<i>Minorum,</i>	μαυνομέ-
<i>Per te Christi mirifice sunt gesta &amp; do-</i>	των ἁγίων
<i>notum.</i>	ναί μαίνε-
<i>Mala Pater egregie propelle animorum,</i>	καὶ ἅπαν-
<i>Sedes Nobis perpetuas da regni superno-</i>	τας.
<i>rum. Amen.</i>	

## 2. De vera fatuitate Francisci.

Sed sunt serioris ætatis homines, septentrionem incolentes, quibus hæc bilem & risum in nasum concipiunt. Neque id ab re sibi videntur dixisse. Nam *fatuum se ipsum esse*

*dixit. Cur tam sancto viro fidem non habeant? Mentiri non est sancti. Deinde sanctum eum fuisse negant, quia ipse negavit. Nam cum nudus ad populum verba fecisset, laqueo collo injecto, eo quod æger carnes brodio conditas comedisset, hoc sibi thema tractandum sumsit, quod ipse sanctus non esset. Alio tempore fratrem able-*

P. 33.

P. ead:

Quale hoc edulium?  
Nec te collaudes, nec te cul-  
paveris ipsum.  
Hoc faciente  
stulti, quos gloria vexat ma-

M m

garat

garat Assisium ad prædicandum, solis subligaculis tectum, cætera nudum. sed cum animi ad cogitandum instituisset, reperit hoc esse nimis durum. ideo ipse fecit. Ita uterque nudus se populo conspiciendum præbuit. qui tandem de iis hoc iudicium fecit. *Isti faciunt tantam penitentiam, quod efficiunt amenes.*

p. 48.

p. 164.

Tonsori cuidam vitam æternam, certior de ejus electione factus, promisit. Hinc barbam ei bene abrasit.

p. 135.

En efficaciam  
erroris?

Excogitavit modum, quo omnes possent salvari. hunc Maria procurante à Christo edocetur. *Nempe salus obtinget cunctis qui 2. Augusti Ecclesiam S. Marie de Portiuncula intrabunt, (in hac Ordo Minorum institutus est,) ibique à vespere primæ diæ ad vespere sequentis nempe 24. horas confessi & contriti durabunt.* Sed operæ est historiam recensere. Christus stipatus satellitio Angelorum una cum matre in eo templo erat. Angelus Francisco, nuntiat, Christum adesse & expectare ipsum. Adit eum. Christus: *valde felicitus es de salute hominum. postula quod vis, quia datus es in lucem gentium.* Igitur Franciscus suum consilium Christo exponit. Maria pro eo intercedit. Christus: *Saris grande est quod petisti; sed majoribus dignus es. Eas ad meum Vicarium, & ab eo PETAS EX PARTE MEA dictam indulgentiam.* Franc.

Christus à  
Papa indulgentiam petiit.

it Ro.

it Romam, & indulgentiam petit sine oblationibus. Respondent, hoc non decere, nam indulgentiam promerendam esse MANV ADIVTRICE. Dat is te seggen, met Penninghen. Ad Papam admittitur. Petit Christi nomine, ut à culpa & à pœna in cælo & in terra absolvantur homines à die baptismi ad horam qua templum ingressi fuerint. Cui Papa: *Multum est quod petis. Peto*, ait illè, *Christi nomine. En, fiat*, ait Papa. Sed Cardinales legi intercedebant, dicentes: *Ultramarinam Indulgentiam destruis & Beati Petri & Pauli.* sed Papa: *Dedimus & concessimus eam sibi. non possumus destruere. sed modifcemus eam*, quod tantum ad diem natalem se extendat. Franciscus his cum dictis abit. cui Papa: *O Simplicione quo vadis? quid portas de indulgentia?* Franc. *Tantum sufficit mihi verbum vestrum. charta sit B. Maria: notarius Christus: angeli testes.* Ita dictum factum reddit. Hinc sub Bonifacio 8. quasi 120. è Slavonia Assisium proficiscuntur ad indulgentiam istam percipiendam. Anconæ in Prædicatores incidunt, quorum unus: *O simplices, cur tot laboribus vos exponitis & caloribus, ubi non ex tanta indulgentia sicut dicitur, non possunt privilegium Minores ostendere. sed hic in nostro loco est indulgentia magna.*

Roma manus  
redit.

Cave tibi  
Prisciane.  
haut indul-  
genter tracta-  
ris.

Franciscus  
iudicio sedis  
Apostolicæ  
fatuus est.

Hic notarius  
testibus indi-  
get.

p. 136.

Væ mihi rum  
nigræ dicebat  
cacabus ollæ.

Alio tempore carnes æger comederat. p. 163.

M m 2

Pœni-

Pœnitentia ductus iussit se trahi nudum ad locum supplicii, ibique iterum concionatus est in hæc verba : *se non ut Spiritualem honorandum, sed ut carnalem & gulosum ab omnibus contemnendum esse.* Hinc nonnulli concludunt, qui facit id quod pro concione iussit, recte facere. Summa: Aut iussit impia, vel recta, si hoc, bene est, fiat. sin illud, non est sanctus. Quidam ex ejus discipulis clare vidit in libro vitæ æternæ omnes salvandos usque ad diem judicii.

P. 61.  
Spontalis  
stulticia ni-  
mia est mise-  
ria.

Apostoli  
Christi, non  
Ventris causa  
ignominia af-  
fici voluerunt.  
Gen schuerft  
schaap is  
haest ghe-  
raecte.

Perfectam lætitiā ita Franciscus descripsit. Si venerimus ait ad ostium mendicaturi victum, & portinarius *duos ribaldos, pultrones vilissimos, nos appellet, exiens cum fuste nodoso, capiens nos per capucium, & ad terrā super lutum & nives projiciat, atque verberet cum fuste prædicto: si tum cogitaverimus humiliter & caritative, quod portinarius veraciter nos cognoscat, hæc est perfecta lætitia, præsertim si dicat: Pauperum eleemosynas rapuit ribaldi, euntes circumqua; per mundum.* Sed Concilium olim etiam œcumenicum horum Trutanniorum puduit, ut vidimus.

P. 34.

Cur angelus  
ita Iohannem  
non instruxit?

Franciscus patiebatur non tantum manus sed & pedes osculo sibi affici: Fr. quidam hinc offenditur. cui ille, *isti homines nihil faciunt de reverentia respectu ejus quod debent facere. Nam reverentiam ad Deum remitto. Homines Deum honorant in sua creatura.*

Natura

Natura prodigus fuit ut plus erogaret quam fratres ejus ferre possent, idque auræ popularis captandæ causa. Hinc illi res ad restim rediit: hinc patris gratia excidit: cui tandem coram Episcopo abrentuntiavit, femoralibus & vestibus abjectis in publico loco. *fam*, ait, *veraciter possum dicere: Omnia reliqui.* ô homo fatui capitis, quæ te intemperix agitant? Parentes odio habuit, quia studuit Euangelium *ad lucram* implere, in quo habetur: *Nisi quis patrem & matrem oderit, non est me dignus.*

Stulti dum vitant vicia, in contraria currunt.

Proposuit omni petenti dare, maxime si divini allegaret amorem. Hinc sæpe *camisia* exuebat. quasi mendici nonnulli nomine divino non abutantur. Cum *beatificaretur* ab hominibus, aiebat: *nolite hoc dicere: possem enim filios & filias adhuc habere.* Sed miror quomodo: tot eleemosynas erogare potuerit qui nihil prorsus possidebat, & nihil juris in ullam rem habebat. Antequam in hosce mores novos se transderet, collegio lurconum præfectus est ludibrii causa. hinc noctu, interdum plenus Baccho, per vicos urbis cum baculo grassabatur cantando.

Caritas incipit à seipsa.

p. 36.

Abbi: de ligno non gustavit.  
So nicht de Daber noch viel gram bezogen.

Domum ab Assassinatibus extructam demoliri, deque viminibus, luto & paleis, Ordini collegia ædificare voluit. Sed cives hominem cohibuerunt. Hic ingenium leuitarum non agnosco. Cum F. diceret: *ve-*

nio de cella tua , statim ex ea alio demi-  
gravit.

p. 28.

Apostolus a-  
liter.

Nemo iuventu-  
tem tuam con-  
temnat.

Persecutiones appetebat. Christiani pa-  
tienter tolerant. Vituperari à cunctis perop-  
tat & mandat.

Sed audiamus quid autor de eo dicat  
p. 33.

Satis ne hic  
homo ani-  
mum mente  
sincera gerit?

*Per vicos & plateas tanquam ebrius Spiritus  
cepit Dominum collaudare : omni verecundia  
postposita. qua laudatione completa ad acqui-  
rendos lapides capit intendere. 'Dicens, qui mi-  
hi dederit unum lapidem , habebit unam mer-  
cedem , qui duos , duas , qui tres , tres &c. &  
sic dicebat de aliis. Quidam eum audientes in-  
sanum putabant , alii lacrymabantur , quod ad  
tantam despectionem sui venisset de tanta lasciv-  
ia, & seculi vanitate. Pater eum primo ver-  
beribus deinde vinculis coercet , ob sannos  
& equum venditum. Intellexerat enim Fran-  
ciscus ab imagine Crucifixi pecuniam in u-  
sum ædiculæ erogandam esse. Fur erat, quia  
sub patria potestate nihil juris in patri-  
monium habebat.*

p. 28.

Proptium sibi patrem eligit Medicum.  
Sed antea dixerat se *solum patrem in calia*  
agnoscere.

p. 27.

Opraliga-  
tum pectus!

Totum diem in fovea stetit conspe-  
ctum patris fugitans, exinde repente exiit  
seque in urbem corripuit. Hunc sentum,  
squalidum, cives intuentes mentis desipero  
judi-

judicarunt, lapidibusque in eum & luto con-  
jectis, convitiisque plurimis diem extra-  
xerunt. Inducebat populum ad sibi maledi-  
cendum, occulta peccata ei revelando. ibid.

Bernhardum eo, quod ipsum à contem-  
platione avocasset, jussit collo & faciei  
pedibus insultare plurimisque conviciis in-  
cessere. P. 42.

Elegit 12. discipulos. è quibus unus se P. 39.  
suspendit, nempe Fr. Iohannes de Capella,  
qui primus *Biretum* sive *Almucium* gestavit.  
Nam egressus ex ordine lepra correptus ex  
impatientia doloris literam de se longam  
fecit. Sed mirum ni etiam medius crepuerit.

Sed quam sancti discipuli eorumque suc-  
cessores fuerint, ex hac historia videamus. P. 43.  
Fr. Leo vidit duas scalas rubram & candi-  
dam à terra ad cœlum pertingentes. Ru-  
bræ Christus & paulo inferius Franciscus;  
candidæ S. Maria insistebat. Fratres corre-  
pere in cœlum & eniti per rubram scalam  
conati in terram præcipites rejiciuntur. &  
Franciscus rogare quid causæ sit. Christus  
latus & manus ei ostendens ait. *Nonne vi-  
des vulnera de integro inflicta cruorem destilla-  
re? Hujus rei auctores sunt Fratres tui.* Hinc  
Franciscus ad Fratres: *Confidite, ne desperetis*  
*fili, currite ad scalam albam, & ascendite. Per-*  
*eam in cælum intrabitis. Ecce B. Virgo apparuit,*  
& sic sine labore in cælum ingrediebantur.

Soli Chr sto  
sc. adhaesit.

Credat Iu-  
dæus A. ella.

O Spiritus  
vertiginis!  
P. 45.

Massæus à Francisco in gyrum se iubetur circumagitare, quoad vertigine correptus cadetet. Tum iubet eum dicere, versus quâ urbem faciem convertisset. qui ait versus Senas. *Eamus Senas*, ait.

Diabolus fratrem quendam de prædestinatione tentavit. Franciscus iubet fratrem dicere: *Aperi os tuum Diabole, & ego stercorizabo in illud*; & ipse statim à te effugiet. Statim Christus apparuit & hominem dulcedine replevit.

P. 195.

Cum Fr. quidam pecuniam oblatam dono, manu tetigisset, iubet eum, hanc ore apprehendere & collocare super stercus asini extra sepem.

Sine glossa.  
P. 187.

Scientiam ipse habere noluit, nec fratres suos, sed orare, prout dicit Regula.

P. 22.

Tandem officio Præfecti se abdicavit, quia fratres nolebant amplius ejus admonitioni parere, e. i. ineptias perferre. Quomodo lupum converterit, & ad frugem correxerit, imo ad pudendum induxerit, & tantum non ad lacrymas coëgerit castigando: item quomodo avium turbam allocutus sit: ranis silentium imposuerit: ovem apud S. Mariam docuerit genua inter candum flectere, sacramentum venerari, & ante altare Virginis balare: item lepuseculum & cuniculum gremio insilientes exceperit: hirundinum sororum sanctum garrum

P. 131.



tum compescuerit quid: attinet commemorare. His exemplis liber redundat. In castro Trevii ait: *Frater asine sta in quiete & mitte me predicare.*

In castro Alviani. *Sorores mea hirundines, jam tempus est, ut & ego loquar, quia vos usque modo satis dixistis. Audite verbum tenentes silentium.* Lupo dixit: *precipio tibi in nomine Christi, ut venias mecum, nihil DUBITANS, ad faciendam pacem in NOMINE DOMINI. Da mihi fidē te promissis mansurū.* Lupus biennium in civitate vixit ostiatim victum quærens, nec ledens quemquam, nec læsus à quoquam. Canes eum haur allatrabant. Tandem Fr. lupus senio mortuus est.

### *De Miraculis.*

Christus B. Francisco dedit stigmata sua, & suorum stigmatum dolorem, quem ipse <sup>p. 202.</sup> <sup>p. 209.</sup> in cruce sensit. Christus dixit: *Ego dedi tibi stigmata mea. Ut ego meritis & virtute animas è lumbo eduxi: sic volo ut & tu, ut sis mihi conformis in morte, ut in vita fuisti: die tuo natali quotannis ad purgatorium eas, & omnes animas 3. Ordinum, quas ibidem invenies, IN VIRTUTE & EFFICACIA TUORUM STIGMATUM, eruis & ad gloriam paradisi perducas.* Hæc liberatio quemvis debet inducere, ait Autor, quæ meritis & vo-

Scilicet.

Magno mereantur Attrid.

M m 5 lunate

*luntate* S. Francisci fit, ut in aliquo 3. Ordinum militare velit.

Hinc Minores *omni devotione totaliter* erga Franciscum afficiuntur, quia ipsorum est post mortem *Liberator*.

p. 210.

Gregorius 9. jubet hoc credendum esse, sub nota hæresis, si quis contrarium docuerit, inductus visione nocturna. Nam Franc. sanguinem ei visus est in phialam exprimere. Quidā Everhardus Dominicanus Bullæ contradicit, item Ep. Colonienſis. hinc nova Bulla oritur. Alexander 4. *universis Christi fidelibus* hoc totum credendum mandat. Benedictus 12. Ordini concessit, ut festum stigmatum horum celebraret. Summa; 8. Bullæ in Ecclesia Romana hanc rem dubiam esse non amplius sinunt. Quidam Dominicanus voluit in imagine Francisci stigmata abradere. Continuo sanguine totum conclave oppletur, ut sisti non posset, donec miser Dominicanus acerbe se *disciplinavisset* & genu flexo Francisci imaginem adorasset. Tribus panibus ultra 30. fratres, & divina providentia 5000. in quodam capitulo generali pavit. 30. mortuos *suis meritis* ad vitam revocavit.

p. 9.

p. 224.

Liberavit sibi devotum militem *ex inferno*.

### 3. De Morte.

Omnia ibi egit quæ Christus.

Venetis mos erat, ut ter in festo Franciscisci prædicaretur ad IPSIUS SANCTI GLORIAM. P.222.

*Locus Franciscisci est in Christi vulnere. Vidit Fr. de Marchia Franciscum stare in Christi vulnere. Totus chorus coelestium præterit, nec Franciscus apparet. Rogat Michaellem Angelum ubi sit? Michael subridens dixit ad Christum præcedentem: Domine iste frater desiderat videre S. Franciscum, si placeat vestræ benignitati, ostendatis eum sibi. cui Dominus: Placet mihi quod videat eum. Franciscus exivit de vulnere lateris, ad quem cum Fr. accurreret, ipse ait: O Carive, quid tu facis. Habes Dominum Deum tuum.*

---

## EPILOGUS

*ad Papistas.*

**D**UO peccata maxima, Viri prudentissimi, peccavi. Priore libri parte Coronam Papæ: posteriore Ventrem sacri cleri tetigi. Papa ad id fastigii subiectus temporum superstitione est, unde non nisi cado descendit. Armatus potestate infinita Chri-

Christianorum Animas constrictas tenet, leges legibus cumulando (totidem conscientiarum laqueos;) quas non ad ordinem duntaxat externum; sed ad interius & spirituale animę regimen refert, eatumq; observationem tam severe urget, quasi tota vis pietatis ab illis penderet. Atque ut hanc non tolerandę dominationis possessionem retineat, sanguinariis edictis vos à sacrorum lectione arcet, adeoque nihil de religione inquirere permittit. Hinc superstitionibus impiis religio polluta est: hinc horrendis sacrilegiis corrupta est ratio Deum vere & sincere colendi. Universalis est regula, quę purum Dei cultum à vitioso discernit, ne comminiscamur ipsi quod nobis visum fuerit, sed quid præscribat is qui solus mandandi potestatem habet, spectemus. Ad vocis suę obsequium unice Deus nos revocat. Nam hoc ad ejus auctoritatem stabiliendam summo-pere pertinet, ne serviamus illi arbitrio nostro, sed toti ab ejus voluntate pendeamus. Satis patet quid Christus faciendum in cœna jusserit. Nempe accipere, edere, bibere. Hoc mandato spreto Papa actionem quandam histrionicam componit, & tanquam successor Aaronis sacrificium ad expianda populi peccata offert. Quis Papę permisit *Receptionem in oblationem* commutare? Deinde quis illum jussit mortis Christi efficaciam

ciam ad inanem & theatricam actionem transferre, millies in una urbe, uno die Christum immolando? Quis permisit illi, Christo æterni sacerdotii dignitatem ereptam sibi tribuere? Obtendit colorem, quod perpetua serie à S. Petro descendat. Quasi Christus hanc legem tulisset, ut qualescunque futuri essent præstitēs Ecclesiæ, pro Apostolis agnoscerentur: aut quasi Apostolatus tanquam hereditaria possessio ad successores quosvis, quæ nihilo verecundius sacrorum mercimonium quam calceorum exercent, derivaretur. Quid? Nonne Papa pueris Simoniacis, perfidis, scortatoribus, episcopatus mandat? quales hi successores Apostolorum sunt? An, cum colaphis Christus caderetur, graviore contumelia affectus fuit? Res huc spectat, Domini carissimi, pios inanem Ecclesiæ titulum cum ad superstitionis & impietatis regnum obtenditur minime morari. Non satis est Ecclesiam jactare; sed necesse est, quæ sit vera Ecclesia, & qualis sit eius unitas, è scriptura intelligatis. Ut rem in pauca conferam, loco veræ religionis Papa *ἡεροθρησκείαν* in Ecclesiam induxit. Erga Rempuplicam Romanam quomodo se gessit? Infinita sunt quæ dici possent. Occupavit sedem Imperii, imperatoresque Romanos indignis modis Roma exclusit. Gregorius

anno 997.

gorius V. Ottonem 3. nepotem Ottonis I. qui imperiũ ad Germanos transtulit, pactio-  
ne damnosa & posteris ignominiosa indu-  
xit, ut qui Rex Romanus creatur, non ante  
Imperator haberetur, quam eum Papa inau-  
gurasset. Hinc Innocentius 6. non alia lege  
coronam Imperatori imponit, nisi ut juret,  
sefe Romæ aut in Italia injussu Pontificis  
non moraturum. En perfido capiti detra-  
hendam coronam! Cujus esse omnia de-  
bent, non est sui ipsius. Num credibile est,  
talem ambitionem, quæ eousque in præ-  
ceps progressa est, divinæ institutioni de-  
beri? In levissima exerratione gravissimum  
sæpe momentum est. quid hoc statu despe-  
ratus, qui nihil pensi vel moderati habet?  
qui lege Christi transita sua Ecclesiæ man-  
data obtrudit? qui terminos sibi fixos li-  
centiosa evagatione egressus, orbis ambi-  
tum cupiditate & ambitione occupat? qui  
effecit, ut sanctissima Christi religio in su-  
perstitionem deplorabilem mutaverit, &  
aurea libertas sanguine æterni sacerdotis par-  
ta in fœdam servitutem verterit? Quis non  
piorum meritissimò hujus cathedræ adeo  
pestiferæ auctoritati intercedat? quis non hoc  
Ecclesiæ dehonestamentum è domo Dei  
obnixè furcillandum esse judicet? Homines  
diritate & immanitate omni teterrimi Deos  
se faciunt, ne in hominum quidem censu  
repo -

reponendi, si ipsorum parasitis credimus. Faciat Papa opera Petri, & Petri eum successorem agnoscam, id est, *Coronam suam abjiciat, & crucem subeat*. Venter Clericorum auribus caret. Itaque frustra hanc operam sumpturus mihi videor, ut de eo verba faciam. Nihilominus dicam.

Propria Papatus dogmata, illicitis blandiuntur, hisce maximè, quod aucupia pecuniæ ingeniosissima sint. Res ipsa indicium facit. omnia exequi nimis longum foret. Ecclesia olim continentiae, paupertatis, patientiae gloria celebris; nunc postquam in tantas opes crevit, in aliam partem palmam possidet. Fuit olim tempus, cum in sacerdotibus gloriosa paupertas prædicaretur. Acta Synodi Aquileiensis habent: *Olim sanctum fuit, ut Episcopus non procul ab Ecclesia hospitium, vilem mensam & suppellectilem haberet*. Quid jam? quinque vel plura Sacerdotia in unum hominem congeruntur. Unus puer interdum tres Episcopatus, tanta intercapedine disjunctos obtinet, ut eos anno vertente vix circumeat. Quid porro? Nonne in Romana Curia palàm Sacerdotia licitationibus exposita sunt? Nonne lenociniorum, veneficiorum & pæderastiæ mercedes sunt? Negate si potestis. Expectatis opinor *τὴν λυχνανσίαν ἐν μεσημβρίᾳ*. Intuemini corū statum, qui omnia præ ventre,

tre, præ religione inquam postputant. Hi, nihil se habere velle jactitantes, nonne è religione summas divitias fecerunt, mundumque aperte dolis suis fefellerunt? qui apertius pietatem ad quæstum, quam eleemosynam appellant, nundinant? Sequuntur nempe filii Matris institutum. Roma mater de nullo negotio habenti nummos abnuir; sed operâ nullâ gratuitâ est. Sic filioli personati histriones paupertatis professione, personam suam, quam acceperunt, etiam atque etiam ludunt, thesauros mundi interim & vitam deliciis affluentissimam inhiantes. Non est credibile, Augustinum, Basilium, viros comprobatissimæ sanctitatis, ejusmodi monstra ad inertiam pessundata toleraturos in Ecclesia fuisse. Monachos illi formabant *Χερσισιώτης*, lectioni Scripturæ, meditationibus, operibus poenitentiae vacantes, qui nulla opera *supererogatoria* vendebant: qui nullis fabulis populum pascebant: qui nullas in corde Sycophantias, Regum ac Principum statui evertendo, concenturiabant; qui Pontificiâ dominatione summos Monarchas non conabantur devincire; qui malitiam, fraudes & homicidam crudelitatem ruditati non consociabant; qui nihil pictum vel fictum adorabant; qui nullis vanitatibus inhærebant: qui adversus vitia sua, ut nostri



χρησολογῶν καὶ γλωσσολόγους, non erant facundi : qui ieiunium & castitatem mul-  
tæ luxuriæ ebrii non commendabant ; qui  
in perfecta legis impletione non gloriaban-  
tur ; qui se examuffim sanctos haut esse  
profitebantur ; qui nolebant ad solas frau-  
des ingeniati

*Scire omnis secreta domus, aique inde  
timere;*

qui opipare & apparate comedentes fa-  
melicum vultum non fingeant ; qui silvas  
& segetes exuberantissimas non posside-  
bant ; qui vinculis nexus suos celantibus ad  
cœlibatū perpetuum se non obstringebant ;  
qui castum matrimonii fedus volubundi  
in libidinibus non despiciebant, apud quos  
non impudicitia felicior sed castitas tutior  
erat. Sed quo recidimus? Monachus appo-  
sitissimus jam pastor factus est ad oves la-  
nitio levandas. fidem enim apud Christia-  
nos invenerunt Religiosi, casti, pauperes  
viri,artificio simulandi. At saltem caste Mo-  
nachi vivent. Utinam ! sed de ea coram tri-  
bunali Dei litigent: experientia docet, gur-  
gites libidinum Monasteria inundasse. Mo-  
nachos passim liberos serere, & in eos in-  
errare, venetem promiscue spargendo, &  
thalami legibus illigatam despiciendo, orbi  
innotuit. Reliqua quæ ἀρρήτα ἀμείνω li-

N n

bens

bens prætereo. Generatim hanc legem S. Mater sanxit, *propter fornicationem hodie neminem esse deponendum, quia pauci sine illo vitio inveniuntur.*

*Ventrem hominum ad perfectionem tendentium paucis perstrinximus; abdomen perfectorum, id est Episcoporum, intueamur. Ecclesiam novisse Episcopos annis innocentibus, cum adhuc pueritiam agerent, qui in capite & fortunis hominum dominarentur, qui prædicationi Evangelii indormirent: qui leges Papæ, timori; Dei, derelictui haberent: qui bellorum & scelerum pactiones conflarent, qui pares se regibus ferrent, & luxu pompaque cum principibus certarent, qui aureis gradibus in cathedram adscenderent: qui sine suffragatione populi electi essent: si creditis, Viri optimi, longe de vicinia veritatis aberratis. Credite mihi, non erat tunc Episcopus elingue tintinnabulum, non satrapa, non venator, non heluo iners; non miles, non Christi subsannator. Nemo Episcopum veste & tonsura metiebatur; sed moribus & doctrina internoscebat. Non continuo cui mitra vel pallium Romanum deerat, cordonum numero & Plantinæ profapiæ adscribebatur. Vera pietas, eruditio, autoritas, hisce integumentis superstitutionis facile carent. Iudaismus expiravit.*

ravit. Verus Episcopus est, qui omnibus, quæ Christus mandavit, antevertitur, nec est Christi lucro, ut S. Ignatius appellat. Ad <sup>ad Traullianos.</sup> perpetuandam Ecclesiam non *Cathedra sublimitas*; sed *fidei sinceritas* servit. Episcopatus *opus* est, non *dignitas*, qui operam prædicandi Evangelii, quam dare iussus est, minime superledet, neque in eam stultitiam mortales adducit, ut nullam Ecclesiam nisi Pontificibus Romanis, quorum vox & vita Antichristum sonat, regnatam agnoscant. Ductore Ecclesia indiget, quem religionis controversias consulat, sed is est Spiritus sanctus per scripturam nobis loquens. Ecclesia, cum omnium seculorum perpetuitate procedit, & ultra solis & Oceani limites extenditur, licet aliquot defloccati Itali errent, quorum non tantum furori sed etiam irrisioni Ecclesia subiecta fuit. Sed quæ ipsorum doctrina est? Unum Papam esse immensæ pollentiæ, cuius verba Christiani vicem oraculi teneantur accipere, quique adeo successionis & hereditatis jure sapiat: nullam salutem reperiri posse præter eam quæ Romæ venalis est: Romam iter petendum, ut Deus homini propitius sit. Hæc fere summa est. Num hæc olim nota erant? Sed ad Ocellum Romanæ Ecclesiæ Iesuitam pergo.

Sunt Iesuitæ , genus inquires & factiosum, quo nihil versipellius , reliquis ordinibus infensi, sed docti irasci quantum expedit, circumspecti , sui obtegentes, gloriæ & fortunarum pleni, Romanæ Ecclesiæ bono præter ceteros invigilantes , cumulandis patrimoniis intenti, prudentiam omnem ad obsequium Curia Romanæ flectentes ; & interrim imperii nimii , omnium Ordinum maledictis succlamati ; regicidiis & elecebris argentariis defamatissimi , ad simulandam pietatem altitudine ingenii incredibili præditi, dextrerrimi homines effarciendis fatiscentis Naviculæ Pontificiæ rimis.

Sed admiramini tamen sanctimoniam religiosi habitus & integumenta ista nequitia. Quasi quis tectis sordibus Deo placeat, aut quasi serpentibus pulcherrimum veneni tegmen , squamæ fulgentes , desint.

Sunt nonnulli à iudicio & doctrina tam male parati , ut ædium sacrarum splendorem & magnificentiam sic admirentur , ut templa deauratis, gemmatis, baccatis, vestitis Imaginibus vacua despiciatui habeant. Respondeat S. Hilarius, *Male vos parietum amor cepit.* Sed & hac re Christiani antecellimur. Templum Ephesiæ Dianæ ex perpetuo marmore fabre & magnifice columnatum si quicquam ad religionem confert, Gentili-

Gentibus merito fuit gloriandum. Ordinum disciplina & rigor vos commovet? Exercitatio, quæ officiis pietatis externis occupatur, Paulo teste, parum ad salutem profectat. Baalitarum devotio ad verbera & sanguinem progressa est. Turcus jejunia vestra in delitiis habet, qui non genuflexus, sed in faciem humi procumbens precatio- nes init. Ægyptii quanta religione selem inter numina coluerunt? Semper mortales, in veræ religionis exercitiis remissiores sunt. Nam natura nostra à cœlestibus aversior desideria cordis sui avidissime sequitur. Idolatriæ autem semen ab ortu ipso in natura nostra delitescit, ideoque ubertim provenit, & augefcit facillime. Omnes pii experiuntur quanta difficultate conjuncta sit recta Deum colendi & orandi ratio, quam turba istæc minime sentit, *quæ filo inferis numerat sua murmura baccis.*

Delectat vos ceremoniarum pulcra varietas? Sed unde tam versicolor totque ritibus variegata religio? simplex, pura, vereque Christiana, cordibus piorum, non oculis se puerorum probat. Ceremoniæ autem paulatim ex tenuibus coalitæ principiis in quantum cumulum excreverunt? De his olim S. Augustinus questus est. Missam spectare summæ religioni adscribitis? Vera religio,

Missam istam missam faciamus, & sacrificiū mentis religiose & ἀνυποκρίτως. Deo offeramus, jubet. Taceo quo sacrificali epulo, qua hostia federemini, sacro sacrilegio tetriore. Quid enim? Christum muribus comedendum, impijs vero hominibus deridendum ptæberis. Litabilis hostia *bonus Animus, pura mens, sincera conscientia*. Christum *mente*, non *dente* comedimus. Verba quæ locutus est, Spiritus & vita sunt. καὶ θὰ εἶς τὸ θεῖον χεῖρας, & πλήρεις σκεπτεῖ. id est, *Puras Deo, non plenas aspiciunt manus*. Sed quam iniqui estis superstitionis vindictes! Hostiam in ventrem abeuntem, nisi quis adoret, fustibus ad saturitatem coronatis. qua facilitate utimini istic ubi rerum non potimini: alibi tanquā capitalis facinoris reū comburitis. Hæccine ex antiquæ Ecclesiæ disciplina hausta sunt? Illa quidē Idolorum, minime vero Spiritus sancti templa deussit. S. Martinus Priscillianistas periculo, quantum in se erat, eripuit: Hi prophanæ conjurationis plebem instituebant, mulierculis sexus sui facilitate labentibus illudebant, & nocturnis in congregationibus nudi orantes non sacro, sed piaculo federabantur. Mortem, imo crucem meriti videntur fuisse, & tamen S. Martinum defensor

rem

Sulpitius Severus in fine hist.

rem habent. *Novum*, ait, & *inaudium nefas est, ut causam Ecclesiæ seculi iudex judicet.* Latebrosam, lucifagam & sacrilegæ libidini emancipatam turbam vir sanctus, moris Ecclesiastici retinentissimus, non occidendam sed devitandam censuit. Vos vero eos, qui Deum verum in spiritu & veritate invocant, & omnē credunt, quod is per filium, per Apostolos, per prophetas revelavit, præceptisque Iesu Christi ex animo obtemperandum verbis & factis docent, exquisitissimis suppliciis è medio tollitis, horumque sacra miseri miseramini, metuentes, ne anili R. E. superstitione inducta tota religio destruat. Quid enim? nonne in auro & argento avaritiam consecratis? nonne coram statuis vos prosternitis? Ur stipitem deasciatum, & truncū dolamine effigiatum religiose & fervide veneramini: ita illud strenue negatis. Synodus Oecumenica secunda Nicæa infra Samaritanos omnes abjicit ἀναθεματίζου, qui imaginibus adorationē denegant. Iam imagines soli memorię serviūt, si Pape placet Sed dolis effrenati ductamini. Legite condemnationē vestram qui imagines non adorandas creditis in concilii istius actis, & liquido comperietis Antistites papatus vestri carnis prudentia hoc est malo astu Deum & Mundum ludi-

ficari. In scholis aliter docent quam in Ecclesiis. Scholæ disputant, imagines *per se, proprie, absque respectu ad exemplar*, religiosa veneratione colendas esse. Rogate Bellarminum an verum dicam. Ecclesiis Memoria mantellum servit. Ia se gerunt versipelles homines, qui hunc sibi scopum præstiterunt ut Euangelio tanquam lenocinio abutantur. Concionatores, qui mortis periculo vitam offerre debebant pro vero Dei cultu asserendo, & evertenda idololatria, Christum sibi coquum esse volunt, qui culinam ipsorum calefaciat. Hinc doctrinam suam affectibus hominum accommodant.

Crucem adorandam decernitis, sed auream & gemmatam, stramineam, quod sciam, nunquam. Veri Christiani crucem non colunt, non optant; non ductu superstitionis sibi accersunt; sed Dei vocatu patienter subeunt.

Rerum humanarum procurationem inter sanctos defunctos tribuitis. Hi periculis cautelam dant: hi morbis medentur: hi actionibus hominum lætos eventus largiuntur: hi afflictos in fidem erigunt & miseris opem afferunt. Crescente insania Hyperdulia excogitatis, qua Reginam cœli colitis & magnificatis, adeo potentem ut Christo ipsi imperet:

Hinc



Hinc Christus plerumque à Matre sua friget. Veri Christiani illum unice colunt, quem omnes sancti coluerunt. invidiæ loci nihil in cœlo est.

Antiquitas vobis placet adeo, ut religioni vestræ tantum sanctitatis videatur tribuere, quantum verustatis adstruxerit. Sed sic Euangelium vicit. Illud enim antiquissimum. Hoc veris Christianis sufficit. Vos autem centonem superstitionum infinitarum loco Euangelii amplectimini, eumque nomine Ecclesiasticarum traditionum venditis. Majoribus vestris dicitis eum placuisse, nec vobis displicere posse. Sed veri Christiani non religionem à parentibus, sed à parente omnium Deo sibi traditam colendam judicant. Errantium turba mutua sibi patrocinia præstat. In credendo respicitis ad alium; præstaret Deum & vos ipsos spectare. Majores vestri Domino suo & steterunt & ceciderunt, neque veritati auctoritate sua nocere debent. Confugitis semper ad illud calcatum: *Ecclesia dicit*. Quasi Ecclesiæ liceret sibi pro libitu fidem fingere: quasi quod exemplo fiat, statim jure fiat. Ex certaminum Ecclesiasticorum depugnationibus etiam atque etiam liquet pastores in luporum naturam haut raro immigrare. Ideo cavendi, Aseclæ olim Arrianismi omnes

omnes fere Ecclesias occuparunt. Adstipulatores hæresium Cathedras Apostolorum plerasq; in Oriente & Occidente occuparunt. Ne sitis itaque mente tam exsensa, ut à scripturæ sedula, piaque pensiculatione abduci vos patiamini. Major est autoritas Christi quam Papæ. Veritas Christus est, non consuetudo. quia gravissimum imperium consuetudinis est, hanc tanto enixius fugite. Romana Ecclesia Mater vestra, duorum sponсорum commercio minime abhorret, neque antiquum amissæ virginitatis damnum amplius sentit. Nolite committere, ut fides, & salus vestra hujus judicio stet & cadat. Cur turpi morigeratione scelerum cumulatissimis hominibus salutem vestram permittetis, qui cum negare non possint, Ecclesiam pravis opinionibus, superstitionibus, abusibus, flagitiis redundare, nihilominus tot jam seculis mirificis protelationibus procrastinata reformatione spem omnium piorum eluserunt. Nisi ad scripturæ obrussam fidem expendatis, à consuetudine religionem distinguere non poteritis; sed deprehendetis tarde quidē, utinam non sero, proxime à stultitia Ethnicorum Papismum vestrum abesse. Opinio est fides, quæ hominum autoritatem sibi præstruit. At hinc ἰλιὰς hæresium emerget. Mirum veteres

teres Doctores hoc non animadvertisse, qui scripturæ lectionem populo non permiserunt, sed injunxerunt. Adeone illa tempora *hæresibus & temeritate* vacua erant? Has enim causas prætexunt præstites vestri impietati suæ. Epistolæ Apostolicæ populo inscriptæ sunt, non Papæ, non Cardinalibus, non Monachis, non Abbatibus, non suffraganeis, non clero, sed populo fidei. Sed dicite mihi; Sunt ne hæreses in scriptura? Minime. Ergo non est periculum ut quis inde hæreses hauiat. Inferre quis hæreses in scripturam potest, non inde efferre. id quod sit abusu. Ergo utimini recte, id est, *pie & prudenter*. Caritas est vinculum & teissera Christianorum, quæ innoxios errores tolerat, neque iudicii imbecillitatem cuiquam in crimen hæreseos ponit. Hinc Augustinus: *Errare possum, sed hæreticus non ero*. Interim vos Papistæ attendite Regulam 4 Indicis librorum prohibitorum, facti per delectos à Synodo Tridentina: *Cum experimento manifestum sit, si sacra Biblia vulgari lingua passim sine discrimine permittantur, plus inde ob hominum temeritatem detrimenti quam utilitatis oriri; qui absque tali facultate ea legere seu HABERE præsumserit, nisi prius Bibliis Ordinario redditis, peccatorum absolutionem percipere non possit*. Loquitur

quitur Regula de Bibliis à Pontificiis Autoribus in vernaculum traductis. Patrum, qui longe aliter sentiunt, & docent, testimonia supra citavimus. Sed scire velim, cur clerus testimonia scripturæ in concionibus citer, si ea scrutari & pervolvere non est permis- sum. Fabularum inquisitio facerrima le- ctionem populo indulget, scortandi leges figit; Bibliorum possessionem vivicombu- rio sancit. Quod homines scriptura abu- tuntur (hoc repetendum est) non satis causæ est ut usus iis interdicator. Certe A- postoli imprudentiæ accusandi essent si hæc ratio quicquam valeret. nam suas populo temere epistolas inscripsissent. Quam multi prædicatione Euangelii quod Odor mortis impiis est, abutuntur! quando unquam po- pulus hereses procudit? Hæresiarchè pleriq; omnes Ecclesiasticis præfecti muneribus fuerunt. Itane Deo non licet sine permissu Papæ vel Ordinarii pastoris obedire? Ho- mines sunt nimium rudes, dicitis. Accedant itaque ad scripturas ut erudiantur. Non mi- rum est stupidos esse, quibus saxa, ligna, sti- pites concionantur. Sed an non suspecti sunt vobis, qui lucem scripturæ Ecclesiæ subtra- hunt? *Fur odit lucem. Intelligentibus pauca:* Quid ad hæc pompatici Homines? Ecclesia, Ecclesia, ajunt, judex est religionis & inter-  
pres

pres scripturæ infallibilis. Quæ Ecclesia? Romana. Sed quo jure in hac controversia, qua quæritur: *An Romana Ecclesia infallibilis judex sit religionis*, ipsa judex est? Ita facile lis tota ipsius erit. An non scriptura Ecclesiæ leges præscribit? Haud dubie. Itaque Ecclesia ut inferior scripturæ obdientiam debet, ejusque judicio ipsa tenetur stare.

Quantis animis in Calvinum, Lutherum ire cupitis! quam solide vestram vobis religionem defendisse videmini, cum tales viros in crimen & in infamiam populo ponitis! Sed ut videatis manticæ quod in tergo est, en testimonia ex infinitis paucorum, quorum autoritati refragari minime vobis licebit. Quæ ideo vobis ob oculos pono, ut tandem sanctissimis Dei servis maledicere desinatis. Domi est quod quæritis. Quales illi fuerint, & qua vitæ institutione præditi orbi innotuerint, nemini obscurum est.

Cleri sanctimoniam graphice depinxit Petrus Damiani in suo Gomorreō ad Leonem

9 misso; item Baronius confessus: *sordibus obrutam Ecclesiam, non aqua diluvii, sed igni, quo Pentapolis exusta est, eluendis, viam corrupisse suam.* Bernhardus: *Multi, non quidem omnes, sed tamen multi, certum est, nec latere queunt præ multitudine, nec præ im-*  
puden-

anno 1130.

Baronius.

anno 1049.  
num. 10.

*prudencia quarunt, multi utique, abstinentes  
remedio nuptiali, in omne deinceps flagitium  
effluunt. Effet autem sine dubio melius nubere  
quam uri. Alvarus Pelagius Hispanus Mi-  
norita: Crapula, ebrietas, in continentia cleri  
vitium commune, plerique vitio contra natu-  
ram offendunt continue, publice, prater nesan-  
dissima, que in oculis perpetrant.*

De planctu  
Ecclesiæ l. 2.  
art. 27. fol.  
133.

*Descende cælo turbine flammeo  
Armatas iras Angele, vindices  
Libidinum jam notus ultor  
Exitio Sodoma impudica.*

*Cornelius Muffus Ep. Bitontinus: Uti-  
nam non à religione ad superstitionem, à fide  
ad infidelitatem, à Christo ad Antichristum;  
quin à Deo ad Epicurum &c. declinassent, di-  
centes in corde impio, & ore impudico: Non est  
Deus. Iohannes XII. sacros ordines in sta-  
bulo contulit, multiplici adulterio & ince-  
stu se polluit, in alexæ ludo Iovis, Veneris,  
& dæmonum auxilium imploravit, vinum  
in Diaboli amorem bibit, & in ipso me-  
reticis amplexu à Diabolo percussus in-  
terit. Alexander VI;*

In ipso con-  
cilio Trident.

Luitprandus  
l. 6. c. 7. 11.

Sanazarius.

*Humana jura, nec minus cælestia,  
Ipsoque sustulit Deos.  
Ut scilicet liceret, heu scelus! patri  
Nata sinum permingere.*

*Nunc*

*Nunc & Neronis & Caligulas nomina,  
Turpeis vel Heliogabalos.*

Quam delicatus est Baronius, item Bel-  
larminus, qui sibi non possunt persuadere  
Liberium Arrianum fuisse! quomodo enim  
hæresis in tam sanctam cathedram cade-  
ret? Quis sibi à risu temperet? Opero-  
se hoc probandum est; quasi res incre-  
dibilis fidem excluderet. Credo parum  
memores fuisse Iohannis 23. Stephani 6.  
Leonis 10. Sixti 4. Innocentii 8. &c. Quid  
quæris? Roma Mater pia

*Ad Stygios olet usque Lares, incestat* Mantuanus  
*Olympum* l. 4.  
*Nidore, & facta est toto execrabilis orbe.*

Dominicus Soto : *Non inficias imus,* De iustitia &  
*crebros esse in clero concubenarios & adulteros.* jure 4. 6.  
Cur igitur viri religiosissimi stultam per- art. 1.  
suasionem non abjicitis, & discitis, Deum Salvianus de  
*peccata,* non *matrimonia* interdicere? Porro guberni. Dei  
pastoribus Ecclesiæ status controversiam l. 5.  
moveris. Negatis veros Episcopos, pasto-  
res, ministros Ecclesiæ esse; sed sola usur-  
patione in hoc munus involasse. Paucis  
hanc rem ab aliis operose copioseque tra-  
ctatam expediam. I. Princeps causa voca-  
tionis Christus est, qui intrinsecus vocat ad  
mini-

ministerium quos vult, eosque donis necessariis instruit. Ministerialis autem est Ecclesia. *Ecclesia est quæ doctrinam Christi profitetur.* Eligendi jus ne quidem Apostoli solis sibi vindicarunt. sed communibus Ecclesiæ suffragiis id permiserunt. in quo 3. requiruntur. 1. *Exploratio viæ & doctrinæ, qualem Apostolus requirit.* 2. *Electio quæ sit nomine Ecclesiæ à presbyterio, precibus publicis præmissis, quæ certa Persona nominata, muneris Ecclesiastico destinatur.* 3. *Confirmatio, quæ precibus manuumque impositione muneris suo inauguratur.* II. Presbyterum autem ab Episcopo divino jure non distingui, S. Hieronymus ex S. scriptura, & Medina fatente, plerique omnes patres senserunt. Ecclesiæ usu volventibus seculis differitas in immensum crevit. *Olim Ecclesia Apostolica & primitiva COMMUNI presbyterorum consilio regebantur, teste Hieronymo.* Hinc ad vocationem requiritur *impositio manuum presbyterii, non unius Episcopi.* Azorius: *Apostolorum temporibus passim presbyteri, qui in civitatibus constituiebantur, simul etiam erant Episcopi.* Contarenus: *Eo tempore, qui presbyteri erant, etiam erant Episcopi.* Lombardus: *Diaconos & Presbyteros solos Ecclesia primitiva legitur habuisse, & de his solis præceptum Apostoli habemus.* S. Paulus: *Omnibus sanctis,*

Act. 1. 23.

c. 6. 5.

c. 14. 23.

1. Tim. 3. 1.

2. 3.

Bell. de clericis l. 1. c. 15.

1. Tim. 4. 14.

1. 3. p. 2. c. 16.

in ep. ad Philip. 1. 4. dist.

24. c. de presbyter.

Philip. 1. 1.

Act. 20. 20.

18.



*etis, qui sunt Philippi, cum Episcopis & Diaconis. Alibi Presbyteros Ecclesie Ephesine Episcopos vocat. Vox eadem, & res voci subiecta est.*

III. Vocatio est legitima, quæ exemplo Apostolorum, & primitivæ Ecclesiæ conformis est. Talis hæc est quam descripsi, quæque in Ecclesia reformata viget.

IV. Calvinum, Lutherum, alios à Papatu ad Ecclesiastica ministeria vocatos esse non negabunt, & quidem ad Evangelii prædicationem. *sacerdotem oportet bene dicere, præesse, prædicare & baptizare. item: sit doctrinæ vestra spiritualis medicina populo Dei, sit odor vitæ vestre, delectamentum Ecclesie Christi, ut prædicatione atque exemplo adificetis domum Dei. Item: Vis ea quæ ex divinis scripturis intelligis, plebem, cui ordinandus es, & verbis docere & exemplis? Volo. Item: Accipe evangelia, & vade & prædica populo tibi commisso. Hinc omnino sequitur, si veram doctrinam Evangelii prædicarunt, eos officio suo minime egressos fuisse. Itaque necesse est ostendatis doctrinam Ecclesiæ Reformatæ verbo Dei repugnare. Hoc examen doctrinæ cur fugitis? At defecerunt; vocationeque sua exciderunt. Non ab Evangelio; sed ab Evangelii corruptione & ab humanis traditionibus. Sed vocati sunt ad*  
O o præ-

prædicandam doctrinam & fidem Ecclesiæ Romanæ. igitur istius vocationis jure vel prætextu aliam fidem non potuerunt prædicare. Sed Papistæ suos errores Euangelium vocabant, quos cum ab Euangelio alienos esse deprehenderent, merito abjicere & explodere jure Vocationis poterant & sincerum Euangelium prædicare. At si Ecclesia Romana est synagoga Antichristi, quomodo jus vocandi ministros Ecclesiæ habet? Distinguimus Ecclesiam à Papatu. Papatus erroribus infecta Ecclesia ordinarias cathedras, ut olim Iudaica fermento Phariseorum corrupta, possedit. Huic, non Papatui, sed Ecclesiæ, in qua Papatus fuit, tanquam ulcus vel struma in Corpore, jus vocandi Ministros Euangelii attribuimus. Aliud est vocari *nuda autoritate Papatus*; aliud *per Papatum corruptam Ecclesiam, tanquam instrumentalem & ministerialem causam*. Potest Ecclesia etiam corrupta ministros vocare jure utens primæ institutionis, cujus autoritas primario à Christo, primo, summo & unico vocante dependet. Quid quod omnis tenetur juramento & promisso stare, quod de re licita, sancta & honesta fecit? In malis autem promissis quibus Episcopi Papæ se obstringunt, cum sint impia, fides rescindenda est. Ecclesia quævis hæretica Mini-

stros

stros suos hac lege ut veritatem doceant ad Episcopos vocat. Hinc tenentur tales veritatem docere. Concilium Nicænum canone 8. ordinavit ut *Clerici Hæretici conversi ad veram fidem in statu & gradu dignitatis suæ persisterent. Manus benedictionis*, non *nova ordinationis* ergo iis imponebantur. Videantur etiam exempla in novo testamento. Hieronymus toto contra Luciferianos libro probat, Ecclesiæ, ut baptizatos ab Arrianis recipit, ita Episcopos Arranorum conversos suscipiendos esse, neque dignitate Episcopali privandos. Vocationem autem à solo Papa Romano non dependere, sexcentis exemplis antiquitatis evidens est. Videatur unicus Ambrosii Episcopi Mediolanensis vocatio. Act. 13. 3.  
Matt. 19. 15

V. Sed quid legitimis pastoribus Ecclesiæ Catholicæ molesti estis, qui ad Papatum horribili simonia & fraudibus Dæmonicis vos ingeritis? an non hisce artibus ab Ecclesia alienissimis successio & ab ea dependens autoritas ministerii Ecclesiastici interrupta perijt.

VI. Prædicandi munus Euangelii in functionem Christi corporis de integro immolandi Metamorphosi Ovidio digna transmutatis. Ostendite ex documentis divinis, ubi Christus iusserit Apostolos, eorumque

l 7. de Civit.  
Dei cap. 17.

Dist. 2: de  
Consecr.

rumque successores, Corpus suum *Vere & Realiter pro vivis & mortuis Sacrificare*, & viceritis. Scripturam & divinam institutionem superstitione pregressi *Sacrificium commemorationis in propitiatorium & reale mutastis*. Audite Augustinum: *Manducare panem, est in novo testamento Sacrificium Christianorum*. Antiqua glossa Ecclesie Romanę in Canonem Semel; *Christus immolatur, id est, immolatio ejus representatur, & fit memoria passionis*. Canon Missę Adeo sacrosanctus: *Per Christum Dominum nostrum, per quem HÆC OMNIA, Domine, semper bona creas, sanctificas, vivificas, benedixis & pręstas nobis*. Num Deus Christum per Christum quotidie creat? Num Christo benedicit per Christum. Hęc verba post Consecrationem dicuntur. Ne negate. Inspecite Canonem. Dicuntur eo momento quo Sacerdos elevaturus est hostiam ad adorandum. Est tum tempus Deo gratias agendi quod panem & vinum creari? Sed hęc sunt vestigia antiquę fidei Catholicę. An ex vero hęc eruperint animis adeo intactis, disquirite.

Nos qui Christi fidem profitemur, indolem ejus novimus; neque hac omnium rerum inclinatione obhærentes, animum despondemus; sed summo Pastori ovium,  
qui

qui Ecclesiæ invigilans, receptum eidem publicæ calamitatis per vim oppressæ providebit, & ejus salutem hypocritarum & hostium peste expediet, rem totam commendamus.

Tu, ô Roma,

*Hoc alium desine velle virum.*

Terriculas tuas patientia doloris illudimus. obfirma viam, quam decrevisti persequi, & mole tua invalentiam ex viribus nacta, rues. Ταλὴθὲς ἰσχυρὸν πρέφουμεν. Vocanos *profanos & impiarii seculi Reos*, olim hæc Ecclesiæ appellatio fuit. Ecclesia pereundo servatur. Laceres nos, patiamur. pœnas pro hæreticis luamus, qui Deo plus fidei, quam hominibus habentes, mandataque hominum derelictui habentes, à Deo injussi nihil in religione tentamus; sed sola, quæ Christo placent, parendum ducimus. Liceat nobis sine hæreseos, à qua abhorrentissimi sumus, objectione Deo magis quam hominibus obedire. Ecclesia, sanctorum congregatio *χρὲς καὶ πρῶτω* haut nata, non vincetur, non, licet amnes in alium cursum contorqueantur, montes in imum hauriantur, terræ tremescant & desident: non si orbis ipse ruinas agitet, & ad

Arnobius  
l. i.  
Apud Prud.  
hym 10.

O o ;

intē-

interitum redigatur. Veritas plerumque in pauciores probatur: quæ, penitissimis piorum animis insculpta, quam veritatis surdices Septimontii non sequimini, quia non obsequimini, quam non capitis, cathedræ Latinæ cæca servitute emancipati, quia carpitis, perennabit. Liceat vos verbis Magni Basilii ad Iulianum Apostatam postremo appellare: αἱ δόγματα ἡμῶν ἀνέγνωτε, σὺ δὲ ἔγνωτε. εἰς αὐτὸν ἔγνωτε, σὺ δὲ ἀνὰ κατὰ πύγνωτε. Mendacia plerumque vestra; non nostra dogmata refutatis. Deus vos luce suæ gratiæ dignetur. cui soli gloria sit.

F I N I S.

CA-

C A P I T U M  
E T  
C O N T E N T O R U M.

*In hoc de Statu Papatus libro*

T A B U L A.

**A**ndree Riveti iudicium super hoc li-  
bro. 2

Epistola autoris ad Cornelium Iansenium. 3

Ejusdem dedicatio. 10

Ejusdem epistola apologetica ad Libertum  
Fromundum. 15

De statu Papatus partis prioris

C A P. I.

Prætextus, ortus, progressus & occasio  
ruinæ Papatus strictim describitur. 27

C A P. II.

Papatus veteri Ecclesiæ vel ignotus vel  
ab eadem rejectus fuit. 46

C A P. III.

Papatus continua Episcoporum legitimorum  
successione caret. 77

O o 4

C A P.

C A P. IV.

*Papatus iudicio erroneo & humano religionem suam superstruit, frustra que sub Ecclesie nomine delitescit.* 104

C A P. V.

*Papatus corruptissimus paulatimque vires eundo acquirens Ecclesiam obscuravit, non extinxit.* 142

C A P. VI.

*Papatus est officina turpissima Simonis Magi.* 167

*Taxa Cancellarie & Pœnitentiarie apostolicæ.* 167: 168

C A P. VII.

*Papatus idololatricus est.* 173

*De titulis divinis & potestate divina Mariae.* 178

*De spe, fiducia, & religiosa adoratione B. Mariae.* 183.

*De altaribus, festis, & templis.* 201

De



<i>De Agno Dei.</i>	203
<i>De Cruce.</i>	205
<i>De imaginibus.</i>	209
<i>De artolatria.</i>	220
<i>Ratio dubitandi de conversione panis.</i>	221

C A P. VIII.

<i>Papatus Antichristianus est.</i>	226
<i>De sede antichristi.</i>	227
<i>De titulis divinis.</i>	229
<i>De comparationibus.</i>	234
<i>De dispensationibus.</i>	237
<i>De Ceremoniis.</i>	238
<i>De publica praxi.</i>	239
<i>De tempore Antichristiani imperii.</i>	246

C A P. IX.

<i>Papatus est incurabilis.</i>	248
---------------------------------	-----

Partis posterioris

C A P. I.

<i>Bulla professionis fidei. Circulus Papisticus.</i>	
<i>Hereseos purgatio.</i>	279
O o 5	Fides

<i>Fides Papatus propria.</i>	282
<i>Symbolum fidei, quo sancta ecclesia refo-</i> <i>mata utitur.</i>	304
<i>Natura voti Cœlibatus.</i>	316
<i>De eo iudicium ecclesiæ catholicæ.</i>	320
<i>Ejus praxis in papatu.</i>	325
<i>Fructus coactæ continentia.</i>	329

C A P. II.

<i>Apostolicæ &amp; Ecclesiasticæ traditiones, re-</i> <i>liquæque R. E. observationes &amp; consti-</i> <i>tutiones.</i>	334
---	-----

C A P. III.

<i>Sola sacra scriptura est fundamentum fidei,</i> <i>interpretanda ex se ipsa, non ex sensu</i> <i>Romane Ecclesiæ, quæ nec scripturam nec</i> <i>interpretationem sinceram habet.</i>	359
<i>Versionis vulgatæ solœcismi nonnulli.</i>	379
<i>Ejusdem aliquot errores in testamento ve-</i> <i>teri.</i>	380. 381.
<i>Et novo.</i>	385
	C A P.

# ET CONTENTORUM.

## C A P. IV.

*Septem vere ac proprie dicta Sacramenta novæ legis à Christo non sunt instituta. 398*

*De confirmatione. 400*

*De matrimonio. 401*

*De extrema unctiōe. 401*

*De Ordine. 402*

*De Pœnitentia. 402*

*De potestate remittendi peccata, quam Romana ecclesia sacerdotibus tribuit. 410*

## C A P. V.

*De justificatione & libero arbitrio. 424*

## C A P. VI.

*Sacrificium Missæ. Præsentia Christi sub accidentibus panis & vini. 439*

## C A P. VII.

*Sacramenti sub altera tantum specie panis sumptio. Missæ privata. 452*

## C A P. VIII.

*Purgatorium. Preces pro defunctis. 459*

**C A P.**

# INDEX CAPITUM

## C A P. IX.

*Sanctorum & Angelorum invocatio.* 462

## C A P. X.

*De Imaginibus.* 463

## C A P. XI.

*Indulgentiæ & earum efficacia.* 465

## C A P. XII.

*Romana Ecclesia omnium Ecclesiarum mater & magistra non est.* 474

## C A P. XIII.

*Concilia Oecumenica , & speciatim Tridentinum.* 501

*Liberii Papæ epistola ad presbyteros & coëpiscopos Orientales.* 506

*Ejusdem alia ad Ursacium, &c.* 507

*Alia ad Vincentium ejusdem.* 510

*Iacobi Laurentii epistola ad auctorem : quæ Ba-*

ET CONTENTORUM.

<i>Baronii, Liberium excusantis, rationes &amp; exceptiones refutantur.</i>	526
<i>Appendix de Vita Francisci.</i>	537
<i>Epilogus ad Papistas.</i>	555



Ex-

*Exerrationes Operarum quæ leſto-  
rem morari poſſunt, ita  
corrigan-  
tur.*

**P**. 3. l. 13. iudicio, indicio. p. 4. l. 20. in nos.  
tu non. ibid. l. ult. quæ. quia. p. 5. l. 9. eadē.  
eadem. p. 9. l. ult. *ἰπωκλήδῃ. ἰπωκλειδῃ.*  
p. 17. l. 7. ſi. deleatur. p. 19. l. 3. non. delea-  
tur. p. 22. legito. tegito. ibid. l. 33. à me.  
deleatur. p. 23. l. 31. cerei. cervi. p. 25. l. 12.  
cum. cujus. p. 26. l. 4. Oriorius. Ozorius. p. 31.  
l. 22. vitimur. nitimur. p. 37. l. 28. deest, paulo  
ante mortem. p. 39. in. de. p. 42. l. 27. accur-  
ritur. occurritur. p. 47. l. 12. poteſtati. pote-  
ſtate. p. 52. l. 5. rediturus. redditurus. p. 57. l.  
28. æquali. inæquali. p. 62. l. 6. fraude. fraude.  
p. 63. l. 12. deest, geſſit. p. 65. l. 16. Euftrati-  
us. Eustatius. p. 69. l. 8. Deest, Leo. ibid. l. 28. ne-  
ceſſarium. Neceſſariam. p. 71. l. 4. Alexan-  
driæ. Alexandrinus. p. 72. l. 25. clariffimi.  
cariffimi. p. 73. l. 7. Antiochæ. Antiochiæ. p.  
75. l. 27. extrare. extare. p. 76. l. 3. quæritnr.  
queritur. Sæpe. p. 77. l. 6. habitam. inſuper  
habitã. p. 78. l. 16. pernicioſo. pernicioſos. p.  
96. l. 25. & ut. p. 97. l. 8. externis. exterius.  
Arinianis. Arrianis. l. 11. extrema. externa.  
p. 99. l. 9. confirmavat. confirmavit. p. 103. l.  
27. totum. locum. p. 104. l. 29. Saleianus.  
Salvianus. p. 108. l. 9. ideo id. ideo quia id. l.  
24. Hinc. Huic. p. 120. l. 2. officio. ocio. p.  
128. l. 12. privata. pro privata. l. 17. libe-  
rum. liberum arbitrium. p. 129. 130. *δυνα-  
μέντων. διγαμέντων.* p. 136. l. 4. multum,  
mutuum. l. 6. Setus. Sotus. p. 146. l. 9. terris.  
tectis.

rectis. p. 154. l. 17. inundantem. inuncan-  
 tem. l. 25. elignia. elingua. p. 160. l. 3. ex-  
 crementa. excremento. p. 176. l. 12. colerent.  
 colere ut. p. 181. l. 19. Colejus. Colvius. p.  
 196. l. 27. Solo. Soli. p. 197. l. 17. aut. autem.  
 l. 29. sensus. sensu. p. 204. l. 30. plurimas vir-  
 tutes. plurimos vitulos. p. 209. l. 2. involent.  
 invocent. p. 213. l. 30. eam. eum. p. 223. l. 9.  
 speculum. spiritum. p. 229. l. 10. tribuerint.  
 tribuerunt. l. 15. eripuisse. erupisse. p. 236. l.  
 6. reperentes. repentes. p. 246. l. 30. circum-  
 stantia. circumstantia. p. 249. l. 22. fructu.  
 fructum. p. 251. l. 30. neminem. nemine. p.  
 255. l. 2. exprimendos. opprimendos. p. 262.  
 l. 16. infercerunt. inferserunt. p. 165. l. 19.  
 culpa. Papa. p. 267. l. 4. necessarium. necessa-  
 riam. l. 5. subsipere. subsistere. l. 24. ei. eis. p.  
 272. l. 14. iudicem. indicem. p. 276. l. 30. 5.  
 4. p. 281. l. 6. sufficiter. sufficienter. l. 9. &  
 columina esse. ut columna esset. p. 287. l. 24.  
 itaque agit. itaque non agit. p. 319. l. 21. Deo.  
 Dei. p. 320. l. 9. condedit. concedit. p. 323. l. 4.  
 totaliter. letaliter. l. 30. *γαίμενοι. δυνάμενοι.*  
 p. 336. l. 12. sunt. deleatur. p. 342. l. 1. ut. ut  
 si. p. 349. l. 4. modo. novo. p. 355. l. 2. agnum.  
 agrum. p. 391. l. 20. abditis. additis. p. 419. l.  
 11. nullæ. multæ. p. 426. l. 25. quam. delea-  
 tur. p. 433. l. 10. hæc. hinc. p. 434. l. 14. sacrile-  
 gium. sacrilegam. p. 438. l. 3. nolentium.  
 nocentium. p. 444. l. 30. quod quid. quid?  
 quod. p. 448. l. 2. illis quidem. illis paucis qui-  
 dem. p. 463. l. 5. papista. papistæ.



*Lugduni Batavorum,*

---

Typis WILHELMI CHRISTIANI.

c1o 10cxxxviii.







10-3-2

